

792/43.925) (092 Կօօցու)



ՍԱԲԻՐՈՒ ԻՇԱԵՎ



A 49926



ԵՐԵՎԱՆ 1972

САБИР АЛЕКПЕРОВИЧ РИЗАЕВ

ВАРДАН АДЖЕМЯН

(На армянском языке)

Армянское театральное общество
Ереван—1972

ՎԱՆԻՑ ՄՈՍԿՈՎ

Վերջերս էր: Վերադառնում էինք Հաղարծնից, որ արվում էին «Վարդան Աճեմյան» հեռուստատեսային ֆիլմի հերթական դրվագ-ների նկարահանումները: Ուշ երեկո էր, և վաթսունինգամլա Ա-ճեմյանը պատմում էր իր մանկությունից, իր ծննդավայր Վանից:

Սվտոմեքենայում խավար էր, Աճեմյանը նատած էր առջևում, մենք չենք տեսնում նրա դեմքը: Նա պատմում էր գրեթե երկու ժամ անընդմեջ: Եվ մենք ամենքս, որ Վանի մասին գիտեինք վանեցիների պատմածներից ու գրքերից, խավարում ասես տեսնում էինք հայկական այդ հինավորց քաղաքը լճի ափին, որին բոլոր վանեցիները ծով են ասում:

Աճեմյանը պատմում էր ինքնամոռաց, հավանաբար աշքերը փակ, քանի որ դա պատմություն չէր, այլ դարձ դեպի մանկությունը, երկու ժամվա կյանք հայրենի Վանում, որ նա ապրել էր ընդամենը ինը տարի:

...Մենք նրա հետ մեկտեղ քայլեցինք Վանի փողոցներով, տեսանք նրա բնակիչներին, եղանք նրանց տներում, դուրս եկանք ծովափ ու երես առ երես կանգնեցինք Աղյօմար կղզու դիմաց, որի վրա լուս ու հպարտ ննջում է տաճարը՝ հայ ժողովրդի գեղարվեստական հանճարի կնիքը պատերին:

Ծովափնյա այս քաղաքում ապրում էին քաջ ու քարի մարդիկ, ինչպես նրանց հիշում էր Աճեմյանը: Նրանք ներկայանում էին այնպես, ինչպես Գուրգեն Մահարին է մտաբերել Աճեմյանի հորը՝ երկաթե հյարդերով ու մանկան սրտով:

Վարդան Աճեմյանի հայրը, պարոն Մկրտիչը կամ, ինչպես մը-

տերիմներն էին կոչում՝ Պատիշը, տեսուչ էր իր իսկ հիմնված դրաբում, սիրում էր իր գործն այն աստիճան, որ շատ քիչ ժամանակ էր ունենում սեփական զավակներին հատկացնելու համար: Նա փոքր-ինչ տարօրինակ, բայց շենշող մարդ էր՝ կորովի, ամուր: Բոլոր հարցերում նրա բարձրագույն հեղինակություններն էին հայոց կաթողիկոս Խրիմյանը և ուս գրող Լև Տոլստովը:

Մկրտիչ Աճեմյանի կինը՝ Կալիպսեն, որ զվարթ, կենապինոյ, եռանդուն կին էր և քննչորեն սիրում էր Վարդանին, երբեմն կըշտամբում էր ամուսնուն, խնդրում, որ զբաղվի որդու դաստիարակությամբ: Մկրտիչը պատասխանում էր, թե ժամանակ չունի, թե ինքն ուսուցանում ու դաստիարակում է բազմաթիվ երեխաների: Այն, հենց որ Վարդանն էլ իմ դպրոցը գա, ասում էր կնոջը, նրանով էլ կզբաղվեմ: Եվ իրոք, երբ լրացավ Վարդանի յոթ տարին, հայրը բունեց նրա ձեռքից և դպրոց տարավ: Այդ օրվանից հոր ու որդու հարաբերությունները փոխվեցին, և հոր մշտական հսկողության տակ գտնվող Վարդանը ավելի շատ ուրախություն էր պատճառում նրան, քան վշտացնում, իսկ Կալիպսեն պարզապես երջանիկ էր: Որդու հաջողությունների մեջ նա իր բաժինն էլ էր տեսնում, քանի որ ինքն էր փոքրիկ Վարդանին այբուբեն սովորեցրել, ինքն էր ժամերով պարագում նրա հետ, հեքիաթներ պատմում, պտույտի տանում քաղաք, խաղալիքներ ու նկարչական պիտույքներ գնում նրա համար:

Փոքրիկ Վարդանը սիրում էր նկարել, իսկ ամենից ավելի՝ դիտել շուրջ բոլորը: Նայում էր ծովին, որ մերթ հայելու պես ողորկ էր ու խաղաղ, մերթ ըմբռաս ու փոթորկուն, նայում էր մարդկանց, որոնց նկարում էր արագ ու միշտ շարժման մեջ: Ու թեև մարդամոտ քնավորություն ուներ, այնուհետեր սիրում էր առանձնանալ, քաշվել մի անկյուն և լուս դիտել շրջապատը:

Վանի քնակիշների առօրյան Աճեմյանի հիշողության մեջ տպավորվել է նաև իր չքնաղ երեկոներով: Նրա հորեղբայրը՝ Կարապետ Աճեմ-Խաչալյանը քաղաքում դերասանի համբավ ուներ, ներկայացնումներ էր կազմակերպում տեղի սիրողների հետ, նույնիսկ Յագո խաղում: Վարդանին տանում էին այդ ներկայացումներին, որ միշտ մեծ աշխուժություն էին առաջ բերում քաղաքում: Գորգեն

Մահարին հիշում է, թե ինչպես Վարդանը, տուն դառնալով, սիրում էր կտորներ խաղալ տեսած ներկայացումից: Մի անգամ, ինչպես հիշում է նույն Մահարին, որ, ի դեպ, Վարդան Աճեմյանի հորեղբոր որդին է, հյուրախաղերի էր եկել հայ քեմի վարպետ Հովհաննես Զարիֆյանը: Նրա խաղացանկում էին Շեքսպիրի «Օթելլո», Շիլլերի «Ավազակները» և Վրթանես Փափազյանի «Ժայռը»: Եղբարներին բախտ է վիճակվում հանդիսատես լինել այդ ներկայացումներից մեկին, որից հետո Վարդանը հաջողությամբ ընդօրինակում է Զարիֆյանին: Սակայն, դատելով հենց իր՝ Աճեմյանի կարծիքներից, մասուկ հասակում ստացած թատերական տպավորությունները չեն ունեցել այնպիսի հշանակություն, որ սովորաբար վերագրվում է նման փաստերին թատերական գործիչների կենսագրություններում:

Աճեմյանի մասնական տպավորությունների անապառ ակունքը Վանն է ամբողջությամբ, իր հայրենի քաղաքը, որից որքան տարիները հեռացրել են Աճեմյանին, այնքան մոտեցել է նրա լուսավոր պատկերը իր բարի մարդկանցով, հայկական թանձը կողորիտով:

Պետք է ենթադրել, որ այսօր պատանեկան երևակացության փայլով բռնկված այդ տպավորությունները ստորշյա հոսանքով շարժվել, առաջ են մղվել տասնյակ տարիներ շարունակ, Աճեմյանի գորեթե կեսարյա ստեղծագործական կյանքի ընթացքում: Ինչ-որ ժամանակ թերևս արվեստագետը ստիպված է եղել խլացնել դրանք, և գիտակցությամբ սանձված տպավորություններն այնուհետև չերմացել են իր հոգեկան լարիինթոսում և այժմ, ազատվելով կապանքներից, ժայթքում են հզոր ու գեղեցիկ: Ինքնաստինքյան հետաքրքիր այդ տպավորությունները իմաստ են ստանում, երբ փորձում ես դիտել Աճեմյանի ստեղծագործության ֆոնի վրա, մի արվեստագետ, որ մնացել է խորապես ազգային, չի կտրվել մայր հողից և աշխարհին նայել է հայի աչքերով: Մասուկ օրերին էլ նա այդ աչքերով է նայել հայրենի Վանին, այդ աչքերով է զննել հարազատ ժողովրդի կյանքը, այդ աչքերով է տեսել հայրենակիցների անլուր տառապանքը:

Վանեցիները մի տարի շուտ ապրեցին 1915-ի աղետը, որ արյունոտ նիզակի պես միարժվեց հայ ժողովրդի պատմության մեջ:

Երբ հայրենի քաղաքը հերոսաբար պալքարում ու հոգևարք էր ապրում, երբ ծնողները կորցնում էին զավակներին, եղբայրը՝ քրոջը, կինը՝ ամուսնուն, երբ տնեքում էր Վանը, սովում էին գնդակները, և ամեն ինչ պարուրված էր հրդեհի ու պայթող արկերի ծխով, — այս երկրային դժոխքում իննամյա Վարդան Աճեմյանը տեսավ մի հաղթանդամ ոռու զինվորի, որ աշքը չէր կտրում հրանից: Զինվորը վերցրեց կորաված գանգրահեր մանջուկին, դրեց սայլը՝ արկերի հետ կողք-կողքի, ու ծայր առավ Վարդան Աճեմյանի ուղին Վաճից դեպի անհայտ ուղիներ:

Ծանապարհը տանում էր արևելք: Փոքրիկ գաղթականը ճաշակեց բոլոր այն զրկանքներն ու տառապանքները, որոնց չդիմացան հարյուր հազարավոր մեծահասակներ: Վարդան Աճեմյանի համար մանկության ավարտն էր դա...

Երբեք և ոչ մեկին Աճեմյանը չի պատմել, թե ինչ է պատահել իր հետ Վաճից դուրս գալուց հետո, մինչև հասել է Թիֆլիս, ուր ապրում էր նրա հորեղբայրը: Մանուկ աղան ուներ մարդ էր, սիրում էր Վարդանին, պահում-շահում էր եղբոր որդուն: Բայց շուտով հորեղբոր գործերը վաստացան, և նա ստիպված մեկնեց Մայկով:

Մինչ այդ Աճեմյանը Ալեքսանդրապոլում (այժմ՝ Լենինական) գտնում է հորը, գալիս է նրա մոտ: Պանտիչը դարձյալ ուսուցիչ էր դպրոցում և դարձյալ՝ խեղդված գործերի մեջ:

Ալեքսանդրապոլում այդ ժամանակ շատ գաղթականներ կային, իսկ որբեր՝ ավելի շատ: Որբանոցում, որ հայ գրականության պատմության մեջ է մտել որպես մի շարք նշանավոր գրողների «ալմա մատեր», թատերական ներկայացումներ էին կազմակերպում: Որբանոցում Վարդան Աճեմյանը հաճախ էր լինում:

Այս «թատրոնի» դերասաններից էին Գորգեն Մահարին, Նահիրի Զարյանը, իսկ Աճեմյանը, ինչպես հիշում է Մահարին, հուշարար էր, բայց բավական արտասովոր հուշարար: «Նա ոչ թե տեքստն էր մեզ հուշում, այլ զանազան ցուցումներ էր տալիս՝ ա՛շ գնա, ձա՛խ գնա, նստի՛ր, ձեռքերդ բարձրացր' և այլն: Ծատ հաճախ էլ այնպես էր ոգևորվում, որ դուրս էր թոշում հուշարարի խցիկից և, ամեն ինչ մոռացած, «մշակում» էր մեզ, ստիպում կատարել

իր ցուցումները: Դրանք «ներկայացման» ամենահետաքրքիր պահերն էին, սրաից պայթում էր ծիծաղից»¹:

Այս յորօրինակ թատրոնում Աճեմյանն իր առաջին դերն ստացավ 1920-ին, երբ 15 տարեկան էր:

Մահարու գրած «Պոետն ու արտիստը» մեկ գործողությամբ պիետում Աճեմյանը կատարում էր պոետի դերը: «Ներկայացումից առաջ, երբ կուլիսներ մտա, տեսա Աճեմյանին արդեն գրիմ արած, պոետի կեղծամով, —պատմում էր Մահարին: —Նա, մի անկյուն քաշված, դողում էր ամբողջ մարմնով: Ես մի բան հարցրի, բայց նա ոչինչ շնասկացավ ու աչքերը չուած ինձ էր նայում: Բայց հենց քեմ ելավ՝ դարձավ անձանաշելի, ուղղակի այրվում ու բոցկտում էր բուռն զգացմունքներից: Հանդիսատեսները ամբողջովին կլանված էին նրա խաղով, իսկ ես, որպես պիետի հեղինակ, շատ հպարտ ու գոհ էի և ամբողջ հաջողությունը վերագրում էի ինձ»²:

Այնուհետև Վարդան Աճեմյանը կանգնում է որբանոցի թատերական գործի գլուխը, կազմակերպում է ևս մեկ ներկայացում՝ «Պաղտասար աղբար» և ինքն էլ հանդես է գալիս գլխավոր դերում: «Պաղտասարն» այնպիսի աղմկալից հաջողություն է ունենում, որ ներկայացումը կրկնում են: Թևավորված հաջողություններից, Աճեմյանը տեղափոխվում է Երևան, որ այն ժամանակ գործում էր Վարդան Միրզոյանի դրամատիկական ասուդիան: Դարոցական պարապմունքների հետ մեկտեղ Աճեմյանը հաճախում է դրամատիկական ստուդիա, որի սաներն էին նաև Գուրգեն Զահիբեկյանը, Բարեկն Գաբրիելյանը, Թադևոս Սարյանը և արդեն որբանոցից ծանոթ Նաիրի Զարյանը:

Դժվար է ասել, թե ինչ մակարդակ ունեին ստուդիական պարապմունքները, սակայն հանրակրթական առարկաներ էին ուսուցանում այնպիսի ականավոր գրականագետներ ու գրողներ, ինչպես Մանուկ Աբեղյանը, Վրթանես Փափազյանը և Դերենիկ Դեմիրճյանը: Ով գիտի, թերևս այդ լուսավոր դեմքների գրուցները լը-

1 Գուրգեն Մահարու հետ ունեցած զրուցից, 1954 թ. սեպտեմբերի 15:

2 Գուրգեն Մահարու հետ ունեցած զրուցից, 1954 թ. սեպտեմբերի 15: Իր զրուցում Գուրգեն Մահարին ասաց, որ ներկայացման հաջորդ օրը ինքը «Հայաստանի ձայն» լրագրում հրապարակել է մի թատերախոսական, որի մեջ Աճեմյան ազգանունը Մկրտչյան է գարձրել: Մեղ Հաջողվեց գտնել լրագրի այդ համարը:

սելուց հետո միայն պատաճի Աճեմյանը սկսեց գիտակցել արվեստի մեծ առաքելությունը: Համենայն դեպք, Աճեմյանի հետագա վարքագիծը ցուց է տախի, որ նա արդեն գիտակցարար իր կյանքը կապել էր արվեստին:

Երկար չտևեց Վարդան Միրզոյանի ստուդիայի գործունեությունը, և Աճեմյանն այստեղ սովորեց հազիվ մեկ տարի: Ստուդիան փակվեց 1921-ին:

Աճեմյանը սովետական իշխանությունն ընդունեց խանդավառ, լի հոլյուսերով և ինչ որ նշանակալից բան անելու վճռականությամբ: Այդ ամենին տրամադրում էր նոր կյանքը, նրան շրջապատող ամբողջ մթնոլորտը: Երիտասարդ Աճեմյանի ականջին դեռ հնչում էր 1914-ին Վաճի վրա ծանրացած հառաջանքների ու աղաղակների ուժքինմը, սակայն Երևանի վրա արդեն զրնգում էր շինարար մուրճերի ժիւրը՝ հյուսելով ստեղծարար կյանքի օրատորիան:

Աճեմյանը, որ երեք չէր բաժանվել մատիտից ու թութից, ընդունվեց Երևանի նորաբաց նկարչական ուսումնարանը: Այստեղ Աճեմյանի ուսուցիչներն էին Սեդրակ Սուաքելյանը, Ստեփան Սովաչանյանը և Մարտիրոս Սարյանը: Երեք տարուց ավելի Աճեմյանը հաճախեց ուսումնարան, թափանցելով նկարչի արվեստի գաղտնաւրները: Այդ տարիների նկարներն Աճեմյանը չի պահպանել, սակայն նրա ուժիշտրական ստեղծագործության մեջ արտացոլվել են կյանքի ընկալման այն սկզբունքները, որոնք բնորոշ են նկարչության երեք ականավոր վարպետների արվեստին:

Բայց որքան էլ նա հրապորված էր նկարչությամբ՝ այս չէր կարող ապրել առանց թատրոնի: Նկարչական ուսումնարանում սովորելուն զուգընթաց նա դեկավարում էր Երևանի ուսուցչի տան դրամատիկական խմբակը: Այստեղ նա կազմակերպեց մի շարք ներկայացումներ, այդ թվում «Շողոքորթն» և «Պաղտասար աղբար», «Բարբուկիե» և «Հենրիկո»: Թատերական այս օջախի գործունեությունը անձևառ չմնաց, նրա մասին գրեցին թերթերը: Բայց այս ամենն առաջմ, այսպես ասած, ինքնագործունեության ոլորտից դուրս չէր գալիս: Եվ Աճեմյանը հասկանում էր, որ սահմանափակ է այդ ոլորտը: Սկսեց հաճախել Առաջին պետքատրոնի ներկայացումները, մի թատրոն, ուր արդեն աշխատում էին ուժիտորներ

Լ. Քալանջարն ու Ս. Բուրջավյանը և որի դերասաններն էին Վահրամ Փափազյանն ու Հասմիկը և բեմի փառաբանված ուրիշ վարպետներ:

Նոր էր ավարտել Ակադեմիական ուսումնարանը՝ հետաքրքիր հեռանկարի խոստումով, երբ 1924-ի ամառը Երևան հյուրախաղերի եկամ Ռուբեն Սիմոնովի ղեկավարությամբ գործող Մուսկվայի հայկական դրամատիկական ստուդիան: «Մեծապատիվ մուրացկաններ» ստուդիական ներկայացումը Երևանի թատերական շրջաններում սկզբունքային խոսք ու գրուց բացեց հայ թատերական արվեստի զարգացման ուղիների մասին: Արդեն քանամյա Աճեմյանը չէր կարող անտարբեր մնալ և ներկայացման, և հրա շուրջ ծավալված վեճերի նկատմամբ: Հակոբ Պարոնյանի կատակերգությունը, որ բաց ծանոթ էր Աճեմյանին, ստուդիական թատրոնի բեմից ներկայացվում էր ինչ-որ չափազանց արդիական բեկումով: Դա ամենից ավելի էր զարմացնում «Պատուասար աղբարի» նախկին «քեմադրող» Աճեմյանին, որն արդեն երեք անգամ անդրադարձել էր այդ պիեսին, բայց այդպես էլ չէր գտել հրա «բանալին»:

Մուսկովյան ստուդիայի մասին Աճեմյանը շատ էր լսել, կարդացել մամուլում: Նա ծանոթ էր Կարեն Միքայելյանի հոդվածին, որ, ի միջի ավոց, այսպիսի տողեր կային ստուդիայի մասին. «Գտնվելով թատերական համաշխարհային արժեք ներկայացնող մի այնպիսի կենտրոնում, ինչպիսին է Մուսկվան, նա կարողացել է սպոնսի պես ծծել թատրոնական արվեստի զանազան ուղղություններից այն ամենը, ինչ որ արժեքավոր է, խոտորելով կույր հետևողականությունից: Նա կրում է ազդեցությունը Գեղարվեստական թատրոնի լրջության ու պրիունների, Մեյքրուլդի հեղափոխականության, Թավիրովի պլաստիցիզմի: Չունենալով այդ բոլորից և ոչ մեկի ծայրահեղությունը՝ նա ունի ինքնարժեք մեծություն դառնալու գրավականը»¹:

Այսպիսին էր ստուդիայի հյուրախաղերի շուրջ տիրող մըթնողորտը, երբ հայտարարություն եղավ ստուդիայի նոր ընդունելության մասին: Այլևս ոչինչ չէր կարող ետ պահել Վարդան Աճեմ-


1 «Խոր քրդավյին Հայաստան», 1924, 9 օգոստոսի:

յանին: Նա ընդունելության դիմում տվեց և նույն 1924-ի աշնանը արդեն Մոսկվայում էր:

Վաճից Մոսկով ուղին նա անցավ ուղիղ տասը տարում: Այդ տասնամյակում մանկությանը շատ վաղ հրաժեշտ տված Աճեմյանը դուրս եկավ դժվարին ճանապարհ, ճաշակելով գաղթականի ճակատագրի ամբողջ դառնությունը: Քաղցի ու բերկրանքի, հուսալրման ու հուսառատության այս տարիներին Աճեմյանին համայնք ստեղծագործ ոգին, և նա՝ այդքան փոքրիկ, չարաճճի ու ուշին, սկսեց աշխարհին նայել հասուն մարդու աչքերով:

... Մեր ավտոմեքենան մոտենում էր Էլեկտրական լուսերի ծովին՝ Երևանին: Եվ, ասես, ամփոփելով իր վերհուշերը, Աճեմյանը կամացուկ ասաց.

— Վանն անկարելի է մոռանալ...



ՍԵՓԱԿԱՆ ՆԿԱՐԱԳՐԻ ՈՐՈՆՈՒՄՆԵՐԸ

Մինչև այժմ էլ՝ հայ թատրոնի առաջատար ուժիստրի փառքը նվաճելոց, Սովետական Միության ժողովրդական արտիստի կոչման արժանանալոց հետո էլ Վարդան Աճեմյանը այն կարծիքին է, ո՞չ, այն հաստատ համոզմանն է, որ ինքը պիտի դերասան դառնար:

—Ես երազում էի դերասան դառնալ և կդառնայի, եթե համապատասխան արտաքին ունենայի: Նպատակս ողբերգությունն էր, մինչդեռ ինձ շարունակ կոմիկական դերեր էին տալիս: Ես երևակայությամբ խաղում էի ամբողջ ողբերգական խաղացանկը... Իսկ բեմի վրա ներկայացնում էի կոմիկական պերսոնաժներ...

Աճեմյանն այս բանը ասում էր ոչ թե երիտասարդ հասակում, այլ բոլորովին վերջերս, ընդամենը երկու-երեք տարի առաջ: Եվ իրոք, երբ լսում ես Աճեմյանին, հետևում երա դեմքի ու աչքերի արտահայտությանը, շարժումներին, դիմախաղին, հասկանում ես, որ քո առջև ճշմարիտ արտիստ է: Այս տպավորությունն արդեն համոզմունք է դառնում, երբ դիտում ես նրա փորձերը, որոնց ժամանակ ուժիսորը հաճախ դերասաններին դերահատվածներ է «ցույց տաշխա»: Աճեմյանը ոչ թե պարզապես ցույց է տալիս, այլ ինքը դառնում է պատկերվող պերտնամքը: Այս, Աճեմյանը, ինչ խոսք, արտիստ է: Այստեղ երկու կարծիք լինել չի կարող:

Երբ նայում ես մատիտից անբաժան Աճեմյանի գծանկարներն ու նեպակարները, հասկանում ես, որ դրանք պրոֆեսիոնալ տաղանդավոր նկարչի աշխատանքներ են:

Եվ այս ամենը իմանալով հանդերձ, այսօր դժվար չէ ասել, որ Վարդան Աճեմյանը ոեժիսուրայի վարպետ է: Բայց այն ժամանակ, 1920-ական թվականների կեսերին լավ Ակարել իմացող, Մուսկայտմ դերասանի մասնագիտություն սովորող Վարդան Աճեմյանի համար այնքան էլ հեշտ չէր որոշել սեփական ստեղծագործական եսը: Հարցը բարդանում էր նաև այն բանով, որ դրամատիկական ստուդիայում սկզբում թերահավատ վերաբերմունք կար ցածրանակ, բոլորովին արտիստի չնմանվող պատանու դերասանական նեռանկարի Ակատմամբ: Սա իր հերթին: Առավել զորեղ գործոն եղավ թատերական Մուսկայան, որ շողարձակում էին Վախթանգովի ու Մելերիովի ներկայացումները, որ ապշեցնում էին Ստանիլավ-սկու և Նեմիրովիշ-Դանչենկոյի աշխատանքներն իրենց դասական խորքով: Այն ժամանակ Մուսկայում յուրաքանչյուր բացվող օրը մի հայտնագործություն էր բերում, և Մուսկայան իրոք էքսապերիմենտալ թատրոնի համաշխարհավիճան կենտրոնն էր: Թատերական այս օվկիանոսում այնքան էլ հեշտ չէր որոշել սեփական եսը: Անհրաժեշտ էր քննել ու իմաստավորել տեսած ամեն բան: Անհրաժեշտ էր ըմբռնել երևույթների էությունը:

Աճեմյանը գիտեր դիտել: Նա խորասուզվեց թատրոնի այդ գեղեցիկ ու երփիներանի աշխարհը: Պարադոքս կարող է թվալ, ակայն դերասան դառնալու հմկայական ցամկությունը և իրականում դրա անհեռանկար լինելու գիտակցությունը օգնեցին Աճեմյանին, որպեսզի նա լարված վերաբերմունք ունենար դերասանի արվեստին, իսկ նման վերաբերմունքը, ինչպես կհամոզվենք, կարուր դեր խաղաց ոեժիսուրական արվեստի առանձնահատկությունների բացահայտման մեջ:

Աճեմյանը Մուսկայում մնաց երկունկես տարի: Երիտասարդական այդ տարիները նա իր կյանքի երջանկագույն շրջանն է համարում, իսկ Մուսկայի թատրոններում դիտված ներկայացումները՝ «բեմարվեստի ակադեմիա»: Անհնար է «կշոել» կամ «համրել» այն ամենը, ինչ ապագա ոեժիսուրը մուսկովյան ուսումնառության շրջանում ստացել է իր ուսուցչներից, առավել ևս՝ թատրոններից: Ամենաճգնահատ չափն այն է, որ Աճեմյանը Մուսկա մեկնելիս սուկ թատ-

բոնի սիրող էր, իսկ վերադարձին՝ հաստատուն պրոֆեսիոնալ, մեկնելիս դեռ որոշակի չէր պատկերացնում իր ճպատակը, իսկ վերադարձին գրեթե պատրաստի ուժիւր էր:

Ուրեմն՝ Աճեմյանի մեջ ի՞նչ փոփոխություն կատարվեց Մոսկվայում:

Ուժիւրուն այս մասին գրառումներ չի արել, իսկ պատմածները շատ են հակիրճ և ընդհանուր դատողություններից այն կողմ չեն անցնում: Ուստի մնում է եզրակացության հանգել ժամանակի թատերական բուն իրադարձությունները և ուժիւրի տված տեղեկությունները համարելու միջոցով: Թատերական իրադարձությունները չափազանց հարուստ էին, իսկ Աճեմյանի տեղեկությունները՝ չափազանց ժատ:

Անհրաժեշտ է նաև ճշգրտել հայկական դրամատիկական ըստուդիայի դերը, որը ստվորում էր Աճեմյանը: Ստուդիայի հիմնադիր Սուրեն Խաչատրովը, Հայաստանի լուսավորության ժողկուն Աշոտ Հովհաննիսյանին տված գեկուցի մեջ, բացարելով ստուդիայի նպատակն ու խնդիրները, միաժամանակ գրել է. «Մեր տրամադրության տակ է Կ. Ս. Ստանիսլավսկին՝ խոշոր դերասան, մեծ ուժիւր և թատերական վարդատության տեսաբան... Հարկ եղավ, որ նա մի ամբողջ տարի պարապեր մեր սաների հետ (Հրեական ստուդիայի հետ մեկտեղ), և դերասանի կովտուրայի և բեմական ստեղծագործության վերաբերյալ նրա պատգամներն ու հիմնական դրույթները իրենց անջնջելի հետքերը թողեցին մեր սաների վրա: Ես հաստատ համոզված եմ, որ մենք նոր թատրոն կատեղծենք միայն Կ. Ս. Ստանիսլավսկու միջոցով... Միայն Ստանիսլավսկու միջոցով մեզ մոտ կծնվի խոշոր դերասան, խոշոր ուժիւր, խոշոր նկարիչ և, վերջապես, ինկական, ճշմարիտ, գեղարվեստորեն կովտուրական թատրոն»¹:

Ստանիսլավսկու ուսմունքի ոգին էր իշխում ստուդիայի ծրագրերում, երբ Աճեմյանը եկավ Մոսկվա: Ծիշու է, ստուդիայի նոր յեկավար Ռուրեն Սիմոնովը՝ Վախթանգովի առավել նվիրված ու հետևողական աշակերտը, Ստանիսլավսկու ուսմունքի հետ մեկ-

¹ С. И. Хачатуров. Сб. материалов, Завкафакаи ԱԽՀ Գրատարակություն, Երևան, 1969:

տեղ հաստուկ ուշադրություն էր դարձնում Վախթանգովի, ինչպես նաև Մելքոնյանի արվեստի ուսումնասիրությանը:

Հայտնի է, որ Վախթանգովը ստոդիական շարժման առաջնորդն էր հեղափոխության առաջին տարիներին, և Ծուրեն Սիմոնովը ձգտում էր իր հայ աշակերտներին ծանոթացնել նրա բացառիկ արժեքավոր ժառանգությանը: Փորձարարության վախթանգովյան ոգին թափանցել էր հայկական դրամատիկական ստոդիայի ուսումնական առօրյայի մեջ: Բայց ոչ միայն այստեղ: «Մեր հանրակացարանը Հայ կուլտուրայի տանն էր, որի աջ թևը տրամադրված էր հրեական «Գարիմա» թատրոնին, — պատմում է Աճեմյանը:— Այդ տարիներին (1924—1925 թթ.) նրա բեմում արտակարգ հաջողությամբ, գրեթե ամեն օր ներկայացվում էր վախթանգովյան «Հադիբուկը»: Բայց ավելի լավ է իմ տեսած վախթանգովյան ներկայացումների մասին պատմեմ սկզբից: Առաջինը «Սուրբ Անտոնիոսի հրաշագործությունը» ներկայացումն էր, որ նման չէր մինչ այդ իմ տեսած բեմադրություններին և դրանցից ոչ մեկին չէր հիշեցնում ոչ ձևավորումով, ոչ կատարման ռճով: Դա արտասովոր ներկայացում էր, որ բեմի վրա հանդես էին գալիս հիպերբոլան և թատերային գրուեսկը՝ բեմական վառ պայմանականության հետ մեկտեղ: Այդ ներկայացումը գրաֆիկական պարզ ու ճշգրիտ գծանկարի տպավորություն թողեց»¹:

Բացի «Հադիբուկից» և «Սուրբ Անտոնիոսի հրաշագործությունից», Աճեմյանը տեսել է նաև վախթանգովյան «Երիկ XIV-ը» և «Արքայադուստր Տուրանդոտը», այսինքն՝ հանճարեղ ուժիսորդի լավագույն աշխատանքները, ընդ որում ոչ թե պարզապես դիտել է այդ ներկայացումները, այլ տառացիորեն ներծծել, տոգորվել դրանցով՝ ցորաքանչյուր ներկայացման գնալով մի քանի անգամ:

Թերևս պայօք այնքան էլ ճիշտ չի լինի հետաքրքրվել Աճեմյանի գրեթե կեսդարյա վայելմություն ունեցող տպավորություններով, քանի որ նման դեպքերում միշտ էլ հնարավոր են սրբագրում ներև ու հարմարեցումը արդիականին այն ամենի, ինչ ժամանակին այլ կերպ է ընդունվել: Հավանաբար հենց այդ պատճառով էլ ին-

¹ «Литературная Армения», 1963, № 2, էջ 14—15:

բը՝ Աճեմյանը այնքան էլ չի սիրում խոսել երիտասարդական տպավորություններից, իսկ խոսելիս էլ կարճ է կտրում, ասեղով ամենազնիանուր բաները։ Բայց որ վախթանգովյան ներկայացումները նշանակալից դեր են խաղացել Աճեմյանի թատերական հայացքների ձևավորման մեջ՝ կաևածից դրս է։

Վերոհիշյալ ներկայացումներում ոչ միայն բացահայտվում էր Վախթանգովի ամբողջ հանձարը, այլև զարմանալի պարզորոշ երևում էր նրա ստեղծագործության աստիճանական զարգացման ընթացքը։ Վախթանգովի այդ չորս աշխատանքներում արտացոլված էին նոր ժամանակների թատերական գեղագիտության ամենաշական փոփոխությունները, ուստի դրանց ճանաչումը կարող էր հանգեցնել ժամանակի թատրոնում տեղի ունեցող ամենագըլխավոր երևույթների ըմբռնմանը։ Հանձարեղ ուժիսորեն այդ բոլոր ներկայացումները բեմադրել էր այն բանից հետո, երբ «հեղափոխությունը կարմիր գծով աշխարհը բաժանեց «հնի» և «նորի» (Վախթանգով)։ Նա այս գործում լուծում էր իր համար ամենագիշավոր խնդիրը՝ հումանիզմի պրոբլեմը, լուծում է նոր, չտեսնված համարձակ ու վառ ձևերով։ Վախթանգովի ուժիսորական գլխավոր թեման դառնում է մարդու ողբերգական բախումը չարի հետ, որ վիթխարի և ընդհանրացված տեսք ուներ։ Նման կոնֆլիկտը անհնար է արտահայտել կենցաղային թատրոնի ձևերով, «խարակտերային» դերասանների միջոցներով։ Ահա ինչու նա պնդում է, թե «կենցաղային թատրոնը պետք է մեռնի», թե «խարակտերայնության ունակությամբ օժտված ամեն մի դերասան (նոյնիսկ կրմիկ) պետք է զգա յուրաքանչյուր խարակտերային դերի ողբերգականությունը և պետք է սովորի արտահայտել իրեն գրտեսկային եղանակով»¹։ Իսկ աս նշանակում է՝ երևույթը բացահայտել վերին աստիճանի պատկերավոր ու արտահայտիչ։ Եթե, օրինակ, «Երիկ XIV-ում» բացահայտվում են հակասական ապրումների մեջ տանջվող մարդու դեգերումները, ապա թող ներկայացում թափանցեն այդ անողոք ու տանջապի ապրումներն արտահայտող նետերը.

¹ ЕВГ. Вахтангов, «Материалы и статьи», Մ., Համառուսական թատրական ընկերություն, 1959, էջ 187։

«Նետեր՝ թագի մեջ, նետեր՝ դաշյունի վրա, նետեր՝ հագուստների վրա, դեմքերի վրա, պատերի վրա»¹: Եթե «Հաղիբոկում» ողբերգականորեն բախվում են մարդկային և չարագույժ ու ազանդակաշխարհները, ապա թող ամրոխի շարժումները էքսպրեսիվ գծանկար ստանան, և թող հանդիսատեսը ցնցվի խեղանդամ ծերունեների ձեռքերի շղաձիգ շարժումներից, ձեռքեր, որ ձգտում են խեղդել մարդկությանը: Եթե «Արքայադուստր Տորանդոտում» սիրո ողբերգական կոնֆլիկտը երշանիկ լուծում ունի, ապա թող ամեն ինչ ցոլցլա ու շողարձակի գույների, լուսերի, հնչյունների մեջ, թող ամեն ինչ ներթափանցվի տոնական զվարք տրամադրությամբ:

Վախթանգովի ստեղծագործությունը սովորեցնում էր մտածել պատկերավոր ու մասշտաբային, ծայր աստիճան արտահայտիչ կատեգորիաներով և, որ ամենագլխավորն է, սովորեցնում էր ոչ թե պատճենահանել կյանքը արվեստում, այլ վերստին արարել այն, վերափոխել ինքնուրուցնաբար, դիմել երևակայության ու իմպրովիզացիային՝ ինքն իրեն ազատ ու լիակատար արտահայտելու համար:


Քիչ է ասել, թե Ամենյանն այն ժամանակ վախթանգովյան սկզբունքն ընդունեց պատրաստակամորեն. Առ ընդունեց դա որպես ստեղծագործության միակ հնարավոր մեկնակերպ:

Ամենյանը դեռ չգիտեր, թե ինչպես և որտեղ պետք է իրագործի այդ սկզբունքը: Եվ նա շարունակեց ուսումնասիրել թատերական Մովկվան: Մի տարվա մեջ նա դիտեց երկու հարյուրից ավելի ներկայացում, շատերը՝ մի քանի անգամ:

Երիտասարդ Ամենյանի վրա անշնչելի տպավորություն թողեցին Գեղարվեստական թատրոնի ներկայացումները, որոնք նրան ապշեցնում էին բնական ու ճշմարտացի խորքով: Իր գրուցներից մեկում Ամենյանը պատմեց, թե ինչպես է ինքը առաջին անգամ տեսել Կոնստանտին Սերգեևիշ Ստանիպավլովին: Հայկական եկեղեցում էր, հանգույցալ Գեղրդի Բուրջալովի հուղարկավորման ծեսի ժամանակ. Գեղարվեստական թատրոնի դերասան և ուժիսոր

¹ Евг. Вахтангов, «Материалы и статьи», т. 186.






1928 p.

Բուրջալովին՝ Արշակ Բուրջալյանի ավագ եղբորը, Ստանիսլավսկին սիրում էր և բարձր գնահատում: Ստանիսլավսկու վիթխարի կազմվածքը, արծաթին տվող մազերը, փոքր-ինչ կլոցված աչքերը ընդունած տպավորվեցին Աճեմյանի մեջ: Եվ ահա թե ինչն է տարօրինակ ու զարմանալին. այդ ամբողջ արարողությունը իր ոիթմով, ներկաների անկեղծ վարը ու պահվածքով մի տեսակ հիշեցնում էր միասույան ներկայացում:

Եթե իրավացի էր Կարեն Միքայելյանը՝ Մոսկվայի դրամատիկական ստուդիան համեմատելով թատերական տարրեր ուղղությունների ամբողջ արժեքավորը իր մեջ ներծծող սպունգի հետ, ապա Աճեմյանն անշուշտ այդ սպունգի մի մասնիկն էր: Նա քաց չէր թողնում Կամերային թատրոնի ոչ մի նոր ներկայացում, երան դուր էին գալիս Թահրովի բեմադրությունները նրբագել պլաստիկայով, իսկ Թահրովի թատրոնի գլխավոր նկարչին՝ Գեորգի Յակովլյովին համապատասխան առողջապահության մեջ էր հայկական ստուդիայից: Աճեմյանն առանձնապես հրապուրվում էր Մեյերհոլդի աշխատանքներով, երան ներկայացումները դիտում էր պարբերաբար, հաճախում էր վճարութիւն փորձերին: «Զախ» թատրոնով հրապուրվելը հասավ այնտեղ, որ 1925-ին, երբ ներքին հակասություններից բաժան-բաժան լինող հայկական ստուդիան ժամանակավորապես կազմալուծվեց, Աճեմյանը երկու տարում ավարտելով ստուդիան, առանց երկար-բարակ մտածելու ընդունվեց Ա. Լ. Գրիգորի ուժինության կորսերը, թեև արդեն կարող էր ստանալ ինքնուրուն աշխատանք:

Այս ամենին պեսք է ավելացնել Աճեմյանի հաճախումները թատերական այն բուռն բանավեճերին, որ հեշտ ու հանգիստ գահընկեց էին արվում հեղինակությունները և փառաբանվում նույարաբները, բանավեճեր, որոնց մթնոլորտում նոր արվեստի տեսական հիմքերն էին դրվում: Այսօր դժվար է պատկերացնել ու նկարագրել ստուդիայի սան Աճեմյանի հարուստ կյանքը, մանաւանդ որ նա, այս ամենից քացի, հաճախ լինում էր Մոսկվայի թանգարաններում ու պատկերաբաններում, նկարիչների ու քանդակագործների ցուցահանդեսներում և այլն:

Մոսկվան «թափվել» էր երիտասարդ Աճեմյանի վրա իր գեղարվեստական կյանքի վիթխարի բարձրացուածքը, որի «ճնշմանը»



քչերը էին դիմանում: Աճեմյանը, ինչպես պարզվեց հետագայում, դիմացավ, ամբողջ տեսածը կշռեց ու իմաստավորեց ինքնուրունաբար, ինքնորոշման բավիրակերում կարողացավ հիմնվել իր մուկովյան «բագաժի» վրա: Ու թեև ավարտվեցին ուսման տարիները՝ իսկական ուսումնառությունը թատերական գործնական կյանքում դեռ նոր պիտի սկսվեր:

1926-ին էր: Հարազատ թատրոնում ինչ-որ նոր բան անելու վճռականությամբ Աճեմյանը եկավ Թիֆլիս: Այստեղ արդեն լսել էին նրա մասին, սպասում էին նրան ու չէին պատկերացնում, թե այդքան «կարճիկ» է ու շահել: Աճեմյանից ստացած առաջին տպավորությունը, չգիտես ինչու, միշտ էլ եղել է ոչ նրա օգտին: Այդպես եղավ նաև Թիֆլիսում. Անդրկովկասի կենտգործկոմի նախագահ Ս. Խանոյանի ընդունարանում Աճեմյանին որոնողները այդպես էլ չտեսան աթոռին նստած գանգրահեր երիտասարդին:

Ստանձնելով Թիֆլիսի հայկական դրամատիկական ստուդիայի ղեկավարությունը, Աճեմյանը հավատացած էր, թե ինքը մեծ ու հետաքրքիր գործ է սկսում: Միաժամանակ Թիֆլիսի թատերական կյանքն այդ տարիներին շատ հագեցած էր ու հարուստ: Այստեղ հոյակապ բեմադրություններ էր ստեղծում Կոտե Մարշանիշվիլին, արդեն դրսևորվում էր Սամեր Ախմետելու ռեժիսորական ինքնատիպ տաղանդը, իսկ հայ թատրոնում փայլում էր Վահրամ Փափազյանը: Մթնոլորտը ճշմարիտ ստեղծագործական ու փորձարարական էր, այն աստիճան փորձարարական, որ շեքրսահրան դասական ողբերգու Փափազյանը դիմում էր Եղիշե Զարենցի «Կապկազ-թամաշա» քաղաքական աստիրա-բուֆին, իսկ Մարշանիշվիլու և Ախմետելու ստեղծագործական վեճի պատճառով Ռուսավովելու անվան թատրոնը երկատվել էր:

Նորարարությունը համակել էր Թիֆլիսի թատրոններին, և դա կարծեն բավական չէր՝ 1927-ի գարնանը այստեղ հյուրախաղերի եկավ Մելերհոլի անվան թատրոնը: Կարելի է պատկերացնել այդ օրերի թատերական Թիֆլիսը. աֆիշների վրա միաժամանակ փայլում են Կոտե Մարշանիշվիլու, Վահրամ Փափազյանի, Սամեր Ախմետելու, Վսեվոլոդ Մելերհոլիի անունները: Մոսկով-

յանից ոչ պակաս աղմկալի բանավեճերում խոտում են արդի թատրոնի ուղղությունների մասին: Մեյերհոլդը հանդես է գալիս հատուկ դասախոսությամբ՝ «Ծառ եղած թատրոնը»: Ահա նման մթնոլորտում Ամեմյանը ստուդիականների հետ աշխատում էր Դերենիկ Դեմիրճյանի «Հաղթական սիրո երգը» պիեսի բեմադրության վրա: Սա առաջին սովորական պիեսն էր, որ բեմադրվեց հայ թատրոնում և բոլորովին էլ պատահական չէ, որ ճրա ուժիսորը եղալ Վարդան Ամեմյանը: Թե ինչպիսին էր այդ ներկայացումը՝ այժմ դժվար է ասել, սակայն Թիֆլիսի «Մարտակոչ» թերթը վկացում է, թե այն ներթափանցված էր «Մեյերհոլդի ստեղծագործական մեթոդով»: Եվ դա հասկանալի է: «Զախ» թատրոնի նորարարական հոսանքներով տարված երիտասարդ ուժիսորը, Թիֆլիսում աշխատելով, կարելի է ասել, «մեյերխոլդյան մթնոլորտում», թե չէր կարող, ասենք՝ չէր էլ մտածում, հաղթահարել նորարարական ազդեցությունները: Հենց Դեմիրճյանի պիեսի բովանդակույթունն էլ ուժիսորին հուշում էր դիմել «ձախ» թատրոնի ձևերին: Պիեսի գործողությունը կատարվում է «Ալեքսեև» նավի վրա: Երկու հակառիր բանակների բաժանված անձնակազմն ու ուղևորները պայքարում են նավի համար: «Ալեքսեևի» բախտը կախված է այն բանից, թե բանակներից ո՞ր մեկը կհաղթի՝ հեղափոխականնե՞րը, թե հականեղափոխականները: Այդ պայքարի փոքր-ինչ ուղղագիծ ընթացքն էլ հենց բացահայտվում էր ներկայացման մեջ ընդգծված պլակատային ցայտուն ձևերով :

«Հաղթական սիրո երգը» ներկայացման նկարագրի մասին կարելի է դատել պահպանված լուսանկարներով: Միայն թե դրանք ոչ թե Թիֆլիսի, այլ երևանյան ներկայացման լուսանկարներն են. Երևանի բանվորական ակումբի բեմում Ամեմյանը, Դեմիրճյանի խնդրանքով, կրկնեց այդ բեմադրությունը առևտիր աշխատողների ակումբի (Խորածան) դրամիսբակի սիրողների ուժերով: Ինչ խոսք, այդ ներկայացման մեջ զգացվում է «մեյերխոլդյան ձեռագիրը»: Զգացվում է նաև բեմավիճակների գծանկարի մեջ, որոնք կառուցված են պլակատային արտահայտչականության սկզբունքով: Ուժիսորը հենց գործող անձի կեցվածքի շնորհիվ ուղակի, կարելի է ասել, ճակատային եղանակով ձգտում է բացահայտել

կոնկրետ իրադրության կամ պերտնածի արարքի միանգամայն մատչելի բովանդակությունը: Բնմավիճակների կոմպոզիցիան միտունավոր սխեմայի է վերածված, որպեսզի հանդիսատեսը իսկովնենեթ ընկաղի երկու հակամարտ բանակների դիրքավորումը, որպեսզի անսխալ կողմնորոշվի ստեղծված բնմական միջավայրում: Հեղափոխական կողմը, ինչպես երևում է լուսանկարներից, բնութագրվում է բնմավիճակների պարզորոշ ու կառուցիկ գծանկարվ, նրա պերտնածների կեցվածքները մարտական են, մինչդեռ մյուս բնմավիճակներում, որը հանդես են գալիս հակառակ կողմի ներկայացուցիչները, գծանկարը խառնիխուուն է, քառային, և սա մատնում է այդ պերտնածների անկայուն վիճակը: Հավանաբար, ներկայացման մեջ եղել են սրամիտ գյուտեր, ժանրային հետաքրքրքիր տեսարաններ: Այս ամենը, ինչպես դժվար չէ համոզվել, «Հաղթական սիրո երգը» ներկայացման մեջ են «փոխադրվել» «ձախ» թատրոնների բազմաթիվ ներկայացումներից, ազիտթատրոնի արտահայտչական միջոցների գինանոցից: Այդ ուղղագիծ հնարանքները ցայտուն ու ազդեցիկ են բացահայտում պիեսի բովանդակությունը, և թերևս ներկայացումը մի առանձին հետաքրքրություն չունենար, եթե չիններ այն պարագան, որի մասին մինչև օրս ոչ ոք չի խոսել:

Բոլոր նրանք, ովքեր գրում են Աճեմյանի մասին (թեև ուժի-սորի ստեղծագործական ուղու վերաբերյալ մինչև այժմ նույնիսկ փոքրիկ գրքովկ չկա, եթե չհաշվենք 1962-ին լույս տեսած «Կասմիկան և մեր օրերը»¹ հետազոտությունը՝ նվիրված Աճեմյանի այն բնմադրություններին, որ ստեղծվել են հայ դասական պիեսների հիման վրա) ընդհանուր գծերով նշում են վախթանգովյան ներկայացումների վիթխարի ազդեցությունը, բայց, ըստ Էռլիշան, կոնկրետ խոսում են Մելքրոնլիի թատրոնի հնարանքների օգտագործման մասին: Լուսանկարներում պատկերված առանձին բնմավիճակների բնույթը հանգեցրեց այն մտքին, որ «Հաղթական սիրո երգը» ներկայացման մեջ Աճեմյանը դիմել է բնմավիճակների կառուցման վախթանգովյան սկզբունքին: Մենք գիտենք, որ Աճեմյանը

1 Ա. Հախվերդյան, «Կասմիկան և մեր օրերը. Վարդան Աճեմյանի արվեստը», Գլ. Հրատարակչություն, Երևան, 1962, 192 էջ:

տառացիորեն ուսումնասիրել է «Հաղիքովկ» ներկայացումը և մեծապես կրել է վախթանգովյան այդ գլուխգործոցի ազդեցությունը: «Հաղթական սիրո երգում» նաև օգտվել է Վախթանգովի հնարանքներից, մասնավորապես, բնում դերասանի շարժումն անակընկալալ ընդհատելու հնարանքը՝ առավել արտահայտիչ կեցվածքի ֆիքսումը, որպեսզի հանդիսատեսը հնարավորություն ունենա ամենաարտահայտիչ պլատիկական պատկերում «կարդալ» տեսարանի բովանդակությունը: Վախթանգովի համար այդ հնարանքը, որ նա հետևողականորեն կիրառեց «Հաղիքովկում», թատերական դեկորների պայմանական լեզվի և դերասանի կենցաղային գործելակերպի անհամապատասխանությունը հաղթահարելու որոշակի փուլ էր: Ըստ Վախթանգովի, դերասանի պայմանական գոյությունը բեմի պայմանական միջավայրում նպաստում է երկի բովանդակությունը ընդհանրացված ձևերով բացահայտելուն: Թա ոչ թե պարզապես հնարանք է, այլ բեմական պատումի էմպիրիկ ոճը հաղթահարելու միջոց: Արդյոք երիտասարդ Ամերիկան այս ամենը նկատի ունեցե՞լ էր շարժման Էությունը ֆիքսելու վախթանգովյան սկզբունքին՝ դիմելիս՝ դժվար է ասել: Հենց ինքը, 1969-ին հաստատելով, որ «Հաղթական սիրո երգում» իրոք դիմել է «Հաղիքովկի» հնարանքներին, խուսափեց բացատրել այն պատճառները, որոնք դրդել են օգտվելու սիրված ներկայացման հնարքներից, այն աստիճան սիրված, որ, ինչպես ինքն է ասում «մինչև հիմա ել չեմ կարողանում անտարբեր հիշել «Հաղիքովկը»: Այդպես կարող էր բեմադրել Վախթանգովը և որիշ ոչ ոք»:

«Հաղթական սիրո երգի» սկզբունքային հշանակությունը ոչ միայն այն էր, որ սկսեցին Ամերիկան մասին խոսել որպես օժոված ուժիսորդի. «Ուժիսորդական գրչի» ստուդիական այդ փորձարկման մեջ արդեն նկատվում էր երիտասարդ բեմադրողի «ձեռագիրը», սուր, արտահայտիչ ձևի նրա ձգտումը:

Այսօր, չորս տասնամյակների հեռվից, միանգամայն ակներև է, որ 1927-ի ապրիլի 27-ին, Թիֆլիսում, «Հաղթական սիրո երգը» ստուդիական ներկայացման առաջին երեկոյին ծնվեց տաղանդավոր ուժիսորդը: Բայց այն ժամանակ ոչ ուժիսորդի և ոչ էլ նրա շրջապատի աչքում դա այնքան էլ անվիճելի չէր, քանի որ Վարդան

Աճեմյանը դեռևս ղեկավարվում էր դերասան դառնալու անգուստ տենչանքով:

Երբ Աճեմյանի ղեկավարած ստուդիան 1928-ի սկզբին հանձնեցին Թիֆլիսի հայկական թատրոնի տնօրինությանը, որի գլուխ կանգնած էր Արշակ Բուրջավյանը, երիտասարդ ուժիսորդին առաջարկեցին մնալ իր պաշտոնում: Աճեմյանը չհամաձայնեց: «Նա եկավ Երևան՝ փորձելու համար՝ թե արդյոք չի» հաշողվի որպես դերասան ընդունվել հայ առաջատար թատրոնը: Մի քանի ամիս հա մնաց Երևանում և կարողացավ այդ ժամանակամիջոցում կրկնել «Հայոթական սիրո երգի» բեմադրությունը և ապա բեմադրել ևս երկու-երեք նոր ներկայացում: Եվ դարձյալ մամուլն սկսեց խոսել նրա մասին որպես օժտված ուժիսորդի: Իսկ Աճեմյանը, որ հաճախում էր Սովաչին պետթատրոնի (հետագայում Գ. Սոնդուկյանի անվան թատրոն) ներկայացումները, հույս ուներ ընդունվել այնտեղ: Շուտով ժողովում Ա. Մովլյանի առաջարկով երիտասարդ ուժիսորը ուղարկվում է այդ թատրոնը:

Թե Սովաչին պետթատրոնում Աճեմյանն ինչու չմնաց, հնար չեղավ պարզելու: Հայունի է միայն, որ նեաց Աճեմյանին առաջարկեցին գնալ Լենինական՝ այնտեղ նորերս կազմակերպված Երկրորդ պետթատրոնն, հա իսկովն նեյթ համաձայնեց, նախօրոք առաջարելով դերասան լինելու իր իրավունքը: Պայմանն ընդունվեց, բայց դարձյալ վերապահությամբ՝ միժամանակ Աճեմյանը պետք է ուժիսոր լինի թատրոնի ղեկավար Թաղլուս Սարյանի հետ միասին, որը նույնապես Մոսկվայի հայկական դրամատիկական ստուդիայի շրջանավարտներից էր, դաշնաթաց էր անցել Մելերհոլդի փորձարարական արվեստանոցում և հինգ տարի ուժիսոր եղել Օրեխովո-Զուևոյի բանվորական թատրոնում՝ այդ տիպիկ «ձախ» թատրոնում, որի ստեղծագործական ծրագիրը սերտ շիման եզրեր ուներ Մելերհոլդի արվեստի հետ:

Լենինականում, մինչև աղմուկ հանած «Բեկում» ներկայացնան նեղինակ դառնալը, Աճեմյանը որպես դերակատար հանդես եկավ երիտասարդ թատրոնի բոլոր անդրանիկ աշխատանքներում: «Խոռովություն» ներկայացման մեջ, որով բացվեց թատրոնը, Աճեմյանը կատարում էր Կովկասի դերը (1928), թատրոնի երկրորդ՝

«Աստամնաբույժն արևելյան» Աերկայացման մեջ՝ Թովմասի դերը, որի մասին «Բանվոր» թերթը գրեց, թե Աճեմյանի խաղը չէր զիշում Թափառնիկոսի դերակատար Թաղևու Սարյանի խաղին։ Բայց նոյնին «Բեկումից» հետո, ուղիղ երեք ամիս անց (1929, մայիս), Աճեմյանը կատարեց Պավել Գովյաչկինի դժվարին ու հետաքրքիր դերը Էրդմանի «Մանդասում»։ Մասովն ու հանդիսաւուսը բարձր գնահատեցին այդ կատարումը, բայց հենց նրանք էլ ավելի բարձր դասեցին Աճեմյանի ուժիւորական աշխատանքը «Բեկում» Աերկայացման մեջ։


1929-ի վերջին Աճեմյանը «Մարոկկո» պիեսի բեմադրությամբ վերջնականապես հաստատվեց երիտասարդ թատրոնի առաջատար ուժիւորի դիրքում, սակայն մի տարի անց, 1931-ի գարնանը, Մոսկվայի դրամատիկական ստուդիայի հիմնադիր Սուրեն Խաչատրուովի բեմադրած «Նապոլեոնի արշավանքը» Աերկայացման մեջ, Աճեմյանը փայլեց Նապոլեոնի դերի կատարմամբ, ստեղծելով իրապես վառ սատիրական կերպար։ Անձանք Աճեմյանի համար դեռ վերջնականապես պարզ չէր, թե ինքը ինչին է նախապատվություն տալիս. «Բեկումի» անհախաղեաւ հաջողությունից առաջ նա աշքի էր ընկել Թովմասի դերով, «Մարոկկոյի» փառքից հետո նա հաջողությամբ կատարել էր Նապոլեոնի դերը։

— Ծիշոն ասած, ինքս էլ չգիտեմ, թե ինչու դադարեցի խաղալուց, — պատմեց Աճեմյանը իր զրոյցներից մեկում (1954, սեպտեմբերի 17):— Գոյցե պատճառն այն էր, որ Լենինականում միակ ուժիւորը մնացի, կամ այն, որ ուժիւորական աշխատանքը հրապուրում ու բավարարում էր ինձ, և կամ դերասաններից ուզում էի ստանալ խաղի այն որակը, որին ձգուում էի որպես դերասան։

Դժվար է ասել, թե ինչպիսի դերասան կդառնար Աճեմյանը, բայց եթե նոյնին ենթադրենք, որ նա լավ արտիստ կդառնար, ապա արդեն առանց որևէ ենթադրության կարող ենք ասել՝ հայ թատրոնը զրկվեց մի դերասանից, բայց փոխարենը ձեռք բերեց մի ականավոր ուժիւոր։

Ելթե սեփական ստեղծագործական եսը՝ «դերասան», թե ուժիւոր» խնդիրը պարզելն Աճեմյանի կանքում մի քանի տարի

տևեց և ըստ Էության ավարտվեց, ինչպես ինքն է խոստովանում,
իր համար գրեթե աննկատ, ապա իր զուտ ռեժիսորական գործու-
նեությունը ծավալվեց հայ սովետական թատրոնի զարգացման
առավել բարդ ու դժվարին ուղիներով:



ԴԱՐԱՇՐՋԱՆԻ ՆԿԱՐԱԳՐԻ ՈՐՈՇՈՒՄՆԵՐԸ

Երբ Լենինականի թատրոնում սկսվեց Վարդան Աճեմյանի ռեժիսուրական ինքնուրույն գործունեությունը, բուռն որոնումների յոթնամյա ուղի անցած հայ սովետական թատերական մշակույթը ինքնորոշման բարդ շրջան էր ապրում: 1920-ական թվականների սկզբի թատերական արվեստի զարգացման փոքր-ինչ խառնաշփոթ պատկերն արդեն պարզվել էր, ազատվել թատերական տարբեր ուղղությունների հնարանքների էլլետիկ կուտակումից: Հայ սովետական թատրոնի ռեժիսուրական «աշակերտության» շրջանն արդեն ավարտվել էր, և, ավագ սերնդի ռեժիսուրների ստեղծագործական վիթխարի գործունեության շնորհիվ, հենց այդ շրջանում ռեժիսուրան հայ թատրոնում կարողացավ հաստատվել որպես ինքնակա արվեստ, ներկայանալ որպես թատերական արվեստի կարևոր ու որոշիչ օղակ: Ծիստ է, ինքնահաստատման այդ շրջանում, որ բարդանում էր ամենատարբեր ազդեցությունների պատճառով, նկատվում էին և՝ ծայրահեղություններ, և՝ սխալներ, և՝ ստեղծագործական վրիպումներ, որոնք այլ կերպ չի կարելի անվանել, քան ձևավորման ընթացքի ծախքներ: Համենայն դեպք, ռեժիսուրայի ինքնահաստատման դժվարին ընթացքն ավարտվեց մաժորային ակորդով, սկզբ դնելով մեզ մոտ թատերական արվեստի զարգացման նոր փուլին, ի դեպ, ոչ պակաս կարևոր ու դժվար, բայց թերևս առավել բարդ՝ ինքնորոշման, այսինքն՝ հայ թատրոնի ազգային նկարագրի որոշման ու հաստատման փուլին:

Անորջ բան կլիներ ասել, թե հայ սովետական թատրոնի ազգային նկարագրի ինքնորոշումը նոր-նոր էր սկսվել. ինչ խոսք, այն սկզբնավորվել էր նոր թատրոնի երևան գաղու հետ մեկտեղ, բայց նախնական փոլում մեր թատրոնի ռեժիսորան ստիպված էր ավելի ու ավելի զբաղվել, այսպես կոչված դերասանական թատրոնի ավանդույթների վերջնական հաղթահարումով, այսինքն՝ մի գործով, որով սկսել էին զբաղվել հայ առաջին ռեժիսորները դեռ մինչհեղափոխական տարիներին, բայց չեն կարողացել հասցնել մինչև վերջ: Բացի այդ, սկզբնական փոլում ռեժիսորական արվեստի արդիքեսիոնալ կազմը, ռեժիսորայի կազմակերպչական ու գաղափարական խնդիրները ականա մեծ ուշադրություն էին գրավում, քանի որ հարկադրված էին սկզբունքորեն վերակառուցել թատրոնն ամբողջությամբ:

Մի ուրիշ տարբերիչ հատկանիշ էլ ուներ հայ թատրոնի ռեժիսորայի զարգացման ուղին առաջին շրջանում: Հայ դրամատորգները դեռ չեն կարողանում արդիական թեմայով հետաքրքիր պիեսներ ստեղծել, և այդ պատճառով ռեժիսորները դիմում էին ուսու սովետական դրամատորգիայի երկերին և հորարարական փորձերն իրականացնում էին դրանց հիմնա վրա, իսկ այդ պիեսներն արդեն ունեին իրենց բեմական տարբերակները, որ ստեղծել էին սովետական նշանավոր ռեժիսորները Մոսկվայի և Լենինգրադի թատրոններում: Բնականաբար, հայ ռեժիսորների համար դժվար էր դրանց բեմադրության մեջ ստեղծագործական լիակատար ինքնորոշումները պահպանել կամ ներկայացման ինքնատիպ լուծում գտնել: 1920-ական թվականների սկզբին հայ թատրոնի ռեժիսորայի զարգացման ընթացքը պատմականորեն պայմանավորող այս պատճառները ավելի շատ «գործում» էին ռեժիսորայի ինքնահաստատման, քան ինքնորոշման խնդիրը լուծելու ուղղությամբ: Սա, իհարկե, չի նշանակում, թե սկզբնական շրջանում ինքնորոշում չէր կատարվում և կամ հաջորդ փոլում դադարեց ռեժիսորայի ինքնահաստատման ընթացքը: Կարևոր են օրյեկտիվ շեշտադրումները ռեժիսորական արվեստի զարգացման մեջ:

Եվ այսպես, երբ սկսվեց Վարդան Աճեմյանի ուժիստրական ինքնուրույն գործունեությունը, հայ թատրոնի ուժիստրան զարգացման այն սկզբնական փուլի մեջ էր, որին բնորոշ էր ազգային ինքնուրույն նկարագիրը լիովին պարզելու և հաստատելու ձգտումը:

Խիստ անհրաժեշտ է նշել այս պարագան, քանի որ միայն այդ փոնի վրա կարելի է ճիշտ ըմբռնել Վարդան Աճեմյանի ուժիստրական ստեղծագործությունը, մի արվեստագետ, որն իր անդրանիկ բեմադրության մեջ թեև մի ոտքով կանգնած էր նախորդ շրջանի ուժիստրայի դիրքերում, բայց և այնպես մյուս ոտքն էլ արդեն դրել էր թատրոնի ստեղծագործական խնդիրների ինքնուրույն լուծումների ոլորտը: Բացի այս «ուժիստրական մեծ միջավայրից», Աճեմյան-ուժիստրի գործունեության սկիզբը զարմանալիորեն օրգանապես ներառնվում է Լենինականի թատրոնի «ուժիստրական փոքր միջավայրը». այստեղ էին Թ. Սարյանը, Վ. Աճեմյանը, Ս. Մրովյանը, որոնք գրեթե միաժամանակ ավարտել էին Մոսկվայի դրամատիկական ստուդիան:

Ուժիստրների այս սերունդը, ի տարբերություն հայ ուժիստրների ավագ սերոնդի՝ Ս. Արմենյան, Ս. Քափանակյան, Լ. Քալանթար, Ս. Բուրջալյան, Ա. Խարազյան, ավելի ուշադիր էր վերաբերվում թատրոնի ստեղծագործական ուրույն դեմք ստեղծելու խընդուին: Տարբեր թատրոններից երիտասարդ ուժիստրներ եկան Լենինականի պետական ընդհանուր շանքերով թատերական նոր օջախ ստեղծելու: Եվ եթե նրանք ինչ-որ չափով կրկնեցին հայ սովորական թատրոնի ուժիստրայի զարգացման վաղ շրջանը, ապա երիտասարդ թատրոնի ստեղծագործական դեմքի հարցում կանգնած էին ինքնուրույն դիրքերում: Դրանով էլ ակտոր է բացատրել, որ Լենինականի թատրոնը շատ արագ գտավ իր դեմքը և ճանաչվեց որպես ազգային վառ նկարագիր ունեցող թատրոն:

Բ. Լավրենյովի «Բեկում» պիեսի ներկայացման մեջ, որ Վ. Աճեմյանը բեմադրեց այդ թատրոնում 1929-ի սկզբին (արեամիերան փետրվարի 16-ին էր), առավել ցայտուն ի հայտ եկան երիտասարդ յատրոնի և ուժիստրի այն ժամանակվա ձգտումները: «Բեկումը» բեկումնային ներկայացում է համարվում Լենինականի թատրոնի և իր

Անեմյանի ստեղծագործական կենսագրության մեջ, թեև ավելը ճիշտ կլիներ նախերգ համարել, քանի որ և՛ երիտասարդ թատրոնը, և՛ Անեմյանը դեռևս ոչինչ չունեին «վերափոխելու» և նոր միայն սկսում էին իրենց կենսագրությունները:

«Բեկումի» բեմադրության ամենաքննորոշ առանձնահատկությունը ներկայացման ուժինության ամբողջ կերպարի որոնումն էր, այնպիսի մի կերպար, որի մեջ արտացոլվեր ամբողջ դարաշրջանի նկարագիրը: «Բեկումի» իրավիճակը հեռավոր կերպով հիշեցնում է «Հաղթական սիրո երգը» պիեսի իրավիճակը՝ երկու դեպքում էլ գործողությունը կատարվում է նավի վրա, որ բաժանված է երկու հակամարտ բանակների, և երկու դեպքում էլ պայքարի ելքը վճռվում է հեղափոխության պատմական ընթացքով: Ծիշտ է, Դեմիրճյանն իր պիեսը գրել էր «Բեկումի» լույս աշխարհ գալուց շատ առաջ, բայց հետաքրքիր է, որ Անեմյանին, նրա ուժինության գործունեության առաջին շրջանում, «բաժին ընկան» հենց այդ պիեսները, որոնց մեջ թեև գործողությունը տեղայնացված է, ներփակ, այնուհանդերձ, նաևերի ճակատագրերում միանգամայն պարզորոշ ենթադրվում է հեղափոխության ճակատագիրը: Գաղափայի նման սլուժետային խուցումը, հավանաբար, մոտ էր Անեմյանի ուժինության հակումներին: Բայց եթե «Հաղթական սիրո երգում» դարաշրջանը խճանկարային ձևով արտացոլվում էր առանձին բեմավիճակներում, առանձին գործող անձանց կեցվածքներում, ընդհատուն տպագրիչ շարժումներում, այսինքն՝ դարաշրջանի դեմքն ասես արտացոլվում էր ներկայացման ընդհանուր պահնողում ի մի բերված բազմաթիվ մանր հայելաբեկորներում, ապա «Բեկում» ներկայացման մեջ ուժինությունը հեղափոխական դարաշրջանի պատկերը վերստեղծեց խոշոր վրձնահարվածներով, ասես դարաշրջանի առջև վիթխարի հայելի դրեց, որի մեջ այն արտացոլվում էր այնպես, ինչպես տեսնում էր ինքը, ուժինությունը, և ինչպես հուշում էր դրամատորգը:

Աշխարհացունց հեղափոխությունը ուժինությունը առջև հառնում էր խոշորացված չափերով՝ վիթխարի, պատկերավոր, շարժուն: Ուստի «Զարյա» ռազմանավը պետք է հանդիսատեսին ներկայանար իր անեղ տեսքով: Ահա թե ինչո՞ւ ուժինություն առաջարկեց Լե-

Ահճականի թատրոնի բեմում պտտվող հասուկ շրջան պատրաստել (մինչ այդ թատրոնը շրջան չուներ): Եվ այդ շրջանի վրա «Զարյան» դիտվում էր բոլոր կողմերից, տարբեր դիտանկյուններից, և այս թե ինչպես էր լուծված այս կամ այն տեսարանը: Նկարիչ Վ. Շերիֆը, որ հետագալում ձևավորեց Աճեմյանի բեմադրություններից շատերը, «Զարյայի» առանձին մասերը պատկերող կոնստրուկցիաներն արեց գորշավուն զուսպ տոներով, առանց ավելորդ մանրամասնությունների: Այդ զուսպ, գրեթե չեզոք ֆոնը ուժիւրին ու նկարչին անհրաժեշտ էր հատկապես ներկայացման ֆինալում, որ ահագին կարմիր կտավը շեղորեն կտրում էր բեմը, իսկ նրա բաց մասում, հրանոթների փողաքերանները ամել բարձրացրած, «Զարյան» հաղթանակն էր ազդարարում:

Մինչև «Բեկումի» լենինականյան պրեմիերան, այդ պիեսը բեմադրվել էր Գ. Սունդուկյանի անվան թատրոնում և, ականատես Միխայիլ Կոլցովի վկայությամբ, «ուղղակի խելահեղ հաջողություն ուներ»¹: Ինչ վերաբերում է Վախթանգովի թատրոնի ներկայացմանը, ապա նրա փառքը թնդում էր երկրով մեկ: Եվ Աճեմյանը ձեռնարկեց այդ երկի բեմադրությանը՝ շատ լավ հասկանալով, որ մայրաքաղաքային թատրոնների հետ ստեղծագործական մրցությունը հոյի է իր համար ամենանպաստ հետևանքներով: Վախթանգովի թատրոնում Բերսենն էր խաղում Եորիս Շշոկինը, Սունդուկյանի անվան թատրոնում՝ Հրաչյա Ներսիսյանը: Բեմի այս մեծերը հերոսի հոգեկան բեկումը բացահայտում էին գեղարվեստական այնպիսի ոժով, որ նրանց արվեստի մակարդակի կրկնության մասին խոսք անգամ չէր կարող լինել: «Բեկում» պիեսի բոլոր ներկայացումները գլխավորապես պատմում էին հերոսի հոգեկան աշխարհում կատարված բեկման մասին, ի դեպ, նաև այն ոժի մասին, որ հասցրել են աման հետևանքի: Վախթանգովի անվան թատրոնի, ինչպես նաև, ի միջի այլոց, Սունդուկյանի անվան թատրոնի, ներկայացման հասցեին կշտամբանքներ եղան, որ գործող ամձանց մեջ անթույլատրելի չափերի է հասնում պսիխոլոգիզմը: Թերևս հաշվի առնելով այս հանգամանքը, ինչպես նաև ելելով այն բանից, որ Լենինականի թատրոնը չուներ Բերսեննի

¹ «Правда», 1928, № 16 март 2:

աղբայիսի ականավոր դերակատար, կամ էլ ղեկավարվելով այլ նկատառումներով, Աճեմյանը «Բեկումի» բովանդակությունը բացահայտեց փոքր-ինչ այլ կերպ, որիշ շեշտադրումով: Աճեմյանի ներկայացման հերոսը դարձավ նավաստիների զանգվածը՝ Գոդունի գլխավորությամբ: Բոլոր հրանք, ովքեր գրել են այս ներկայացման մասին, միաձալն նշել են, որ նավաստիների համահավաք կերպարը, Գոդունի կերպարը բացահայտված են գեղարվեստական առանձին ուժով:

Ներկայացման սկիզբն իսկ, որ գրեթե բոլոր թատրոններում կամերային բնույթ ուներ, Աճեմյանը մեկնաբանել էր որիշ կերպ: Բենի խավարում լավում են կրակոցներ, հեռվից պայթյունների ձայներ են հասնում, ապա նորից՝ թնդանորային հրաձգություններ: Այս հիմնավոր «հրետանային նախապատրաստությունը» անհրաժշտ էր ուժիսորդին՝ հենց սկզբից բեմական պատումը ներկայացման ընթանուր ոճի մեջ ներառնելու համար, քանի որ ներկայացումն ամբողջությամբ լուծված էր որպես ոգեշտնչ պատմություն ժողովրդի հեղափոխական գործի մասին: Եվ այդ «որոտընդուս» սկիզբը որոշ իմաստով փոխում էր Բերսենի տան տեսարանի կամերային բնույթը: Սակայն, նավապետ Բերսենի բնակարանն իսկ վ. Շերիշևի ձևավորման մեջ այնքան էլ արիստոկրատական տեսք չուներ, ինչպես մյուս թատրոնների ներկայացումներում: Այստեղ իշխում էին խիստ ոճը, կոնստրուկցիաները, որոնց գծերն ինչ-որ ընդհանուր բան ունեին «Զարյա» ուազմանավի կոնստրուկցիաների գծերի հետ: Աճեմյանի համար այս տեսարանը զուտ էքսպոզիցիոն նշանակություն ուներ,և եթե այդտեղ շեշտվում էր որևէ կերպար, ապա դա Գոդունի կերպարն էր: Բեմը առանձին հուզական բենուվածք էր ստանում ոչ թե Բերսենի—Երամյանի ներկայությամբ, այլև Գոդուն—Բարեկեն Գաբրիելյանի առաջին իսկ մոտքից: փոխվում էր բեմական պատումի տրամադրությունը, դառնում լուսավոր ու աշխույժ: Եվ հենց այդ տրամադրությունն էլ կամերուն էր դառնում ամբողջ ներկայացման համար: Գոդունը, ըստ ուժիսորի մտահղացման և դերասան Բարեկեն Գաբրիելյանի անկրկնելի հմայքի ու տաղանդի շնորհիվ, ներկայացման բոլոր տեսարաններում հուշում էր հուզականության աստիճանը, հասուլ կոլորիտ և նույ-

Այսկ ոդի՞մ էր բերում: Ասենք, Բերտենսի կերպարը Լենինականի թատրոնում ավելի հետաքրքիր արտացոլվում էր Գոդունի կերպարում, քան արտահայտում էր ինքն իրեն: Սոնական և ուժեղ Գոդունի—Գարբիելյանը մեղմ էր ու արտառուց Բերտենսի հետ: Թատերագետ Լ. Խալաթյանը, որ շատ անգամ է հայել այս ներկայացումը, վկայում է՝ յորպաքանչյուր տեսարանում կարելի էր զգալ Գոդունի թաքրու սերն ու համակրանքը նավապետի նկատմամբ: Բայց հաս ավելացնում է հաև. երբ Բերտենսը փորձում էր անցնել հակառակորդ բանակը, Գարբիելյան—Գոդունը նրա հետ վարվում էր ամենասահմածան ձևով¹:

Ուժիսորական լուծման հիմնական միտումն արտահայտելով համեմերձ, Գոդունի կերպարը ներկայացման առավել կարևոր կերպարի՝ նավասարհների զանգվածի կենդանի խորհրդանշանն էր միայն: Ներկայացման պրեմիերայից առաջ Լենինականի «Բանվոր» թերթի աշխատակցի հետ իր հարցագրուցում Վ. Անելյանը ընդգծել է, որ հասուկ ուշադրություն է նվիրվել «նավասարհների մասսայի ձևավորման պրոբլեմին»²:

Մասսական տեսարանում ուժիսորը փորձել էր պատկերել ամբողջ հեղափոխության իրադարձությունները: Եթե մասսայական տեսարանների ուժիսորական պարտիտուրը դիտենք՝ առանձին վերցրած, ապա կտեսնենք, որ այդ ոչ միայն ավելի հարուստ ու հետաքրքիր է այինպէս ընձեռնած հնարավորություններից, այլև, որ շատ կարևոր է ներկայացման մեկնաբանության համար, սկզբունքորեն տարրեր է և դրամատորգիական ինքնուրույն դեր ունի: Ուժիսորը ձգտել էր հենց նավասարհների զանգվածի մեջ գտնել հեղափոխական դարաշրջանի նկարագրությունը: Բերտենսի և մյուս գործող անձանց կերպարների հոգեբանության թույլ մշակումը ոչ թե փոխհատուցվել, այլ ընդգծվել էր «մասսայի հոգեբանության» մանրակրկիտ մշակումով: Այս հոսանքը սովորական թատրոնի ուժիսորայում ծնունդ էր առել դեռ հեղափոխության առաջին տարիներին, երբ հրապարակային ներկայացումներում և մեծ հանդիսանքներում առանձին մարդու կերպարը փոխարինվում էր մարդկանց խմբի

1 Տե՛ս լ. Խալաթյան, «Բարեկեն Գարբիելյան», ՀԹԸ, 1959:

2 «Բանվոր», 1929, փետրվարի 10:

պատկերումով: Հետաքրքիր փորձեր էին անում ուկրահնական և վրացական ազգային թատրոնների ուժիտորները, մասնավորապես Կուրբան ու Ախմետելին: Այսպես, «Զիմմի Հիգինս» ներկայացման մեջ, որ բեմադրել էր Կուրբալը «Բերեգիլ» թատրոնում, առանձին կերպարի հոգեքանությունը մասսայական տեսարանների միջոցով բացահայտելու հետաքրքիր փորձ էր արվել:¹ Նույնի իրագործեց Ախմետելին աղմուկ հանած «Անզորում»: Աճեմյանը փորձեց այդ նույն անել պրոֆեսիոնալ թատրոնում իր անդրանիկ բեմադրության՝ «Բեկումի» մեջ:

Ուժիտորը ներկայացում էր նեմուծել բազմաթիվ մասսայական տեսարաններ, որոնց մասին նույնիսկ ակնարկ չկա Բ. Լավրենցովի պիեսում: Մասսայական տեսարանների պարտիտուրը կառուցված էր պարուաճն-վերընթաց՝ նավաստիների տարերային լնթացքից մինչև խիստ կազմակերպվածությունը ֆինալում: Եթե ներկայացման սկզբում գրեթե անհնար էր «ընթերցել» բեմավիճակների որպագծերը, քանի որ նավաստիները ցրված էին նավով մեկ, ապա ֆինալում նրանց բեմավիճակների պատկերը պարզ էր ու որոշակի: Այդ որպագծերը խիստ երկրաշափական ձևեր ունեին, երբեք չեն բեկրեկվում, չեն քայլայվում, փոխվում էին երկրաշափական միանից մյուսին, քայլ միշտ՝ հստակ, պարզորոշ, գեղեցիկ: Եթե ներկայացման սկզբում բեմական շարժման ոիլթմը անզուսա էր, բուն շարժումները՝ ‘անկազմակերպ, տարերային, ապա վերջում շարժումների ոիլթմը չափական որոշակիություն ու կազմակերպվածություն էր ստանում:

Եթե փորձենք արտահայտել «Բեկում» ներկայացման մասսայական տեսարանների ուժիտորական մշակման խնասող, ապա պետք է ասենք՝ գիտակցության արարում քառոսից, կազմակերպված ուժի ձևավորում ժողովրդի տարերային խմորումից, այլ խոսքով ասած՝ ցիրուցան աշխարհի հեղափոխական կարգավորում: Ուժիտորն այս միտքը բեմականորեն վառ ու պատկերավոր ամփոփել էր ներկայացման ֆինալում: «Ամբողջ իշխանությունը խոր-

¹ Այդ մասին մանրամասն տե՛ս Ս. Ռիզակ, «1920-ական թվականների հայութիւնուրական արվեստը», «Արարեք», Հայկական ՍՍՀ ԳԱ (Հասարակական գիտությունների բաժանմունք), 1961, № 10:



Առեն Քոշարյանի հետ. 1932



Արու Ասրյանի հետ. 1932

հուրդներին» մակագրով վիթխարի կարմիր կտավը, լուսերի մեջ թրյուալով ու փայտիկով՝ շեղորեն հասում էր ամբողջ բեմը և ծածկում երա մի կեսը: Բեմի ազատ մասում երևում էր «Զարյայի» տախտակամածը՝ դեպի հանդիսաբանի հեռավոր անկյունը պարզված հրանոթների փողերով: Իսկ նավախելի վրա երևում էր ըգգասու կանգնած նավաստիների առաջին շարքը: Հանդիսատեսը կարմիր կտավով «ծածկված» այդ շարքի մեջ գգում էր զինվոր նավաստիների վիթխարի զանգվածը, որ պարզապես «չէր երևում», որովհետև բեմում միայն նավախելն էր ցուցադրվում: Փողային նըլվագիտումը քայլերգ էր թնդացնում, և բեմը հետզհետև սուզվում էր կիսախավարում, ասես «Զարյան» բաց ծով էր դուրս գալիս, որպեսզի այդպես՝ հզոր մի բոունցք դարձած, հրանոթների պարզված փողերով վերջնական հարված հասցնի հեղափոխության թշնամիներին: Կարելի է ափսոսալ, որ լենինականյան «Բեկումը» ժամանակին չի տեսել Միխայիլ Կոլցովը, որ, անկասկած, կարձանագրեր նաև այս ներկայացման «ուղղակի ինկարեղ հաջողությունը» և, հավանաբար, կավելացներ՝ սուսանապես նրանով հրապուրված էին լենինականի աշխատավորները, որոնք տառացիորեն պաշարել էին թատրոնի շեմքը «Բեկումի» ներկայացման օրերին, որոնք քննարկում էին ներկայացումը բանավեճերի ժամանակ, թատրոնի այգում, փողոցներում, տեսերում: «Բեկումը» տասնինգ տարի չիշավ լենինականի թատրոնի բեմից:

Պրոֆեսիոնալ թատրոնում Անեմյանի առաջին իսկ բեմադրությունը նրան փառք բերեց, որն անհրաժեշտ էր ամրապնդել նոր աշխատամքով: Եվ հաջողությունը՝ ավելի շոնդալից ու մեծ, կրկրնելուց հաջորդ տարվա վերջին (դեկտեմբերի 24-ին), երբ տեղի ունեցավ «Մարոկկո» ներկայացման պրեմիերան: Այս անգամ էլ Անեմյանը դիմել էր մի այնպիսի պիեսի, որ արդեն ներկայացվում էր Երևանի, Թիֆլիսի և Բաքվի հայկական թատրոններում, մեր ոեժիւուրայի վետերաններ Լ. Քալանթարի և Ս. Բուրջալյանի բեմադրությամբ: Բայց Ս. Բաղդասարյանի պիեսը լենինականի թատրոնում «Արյունոտ անապատ» անունը փոխեց: Ի դեպ, ժամանակին այդ պիեսով հետաքրքրվել էին Մելեքիոլիի անվան թատրոնի մարդիկ՝ իրենց մոտ բեմադրելու մտադրությամբ:

Պիեսի վրա ուժիսորի աշխատանքը լուրջ էր ու տքնածան. ոչ միայն դիալոգն էր վերափոխվում, այլև ավելացվում էին առանձին տեսարաններ ու դրվագներ: Այդ աշխատանքն այնքան հաջող ավարտ ունեցավ, որ Ս. Բաղդասարյանը հետագալում ընդունեց հենց այդ տարբերակը:

Ինչպես «Բեկուսի» մեջ, այնպես էլ «Մարոկկոյում» Աճեմյանը շարունակեց պատկերել դարաշրջանի դեմքը, որ ներկայանում էր նրան համախմբված ժողովրդի կերպարանքով: Այստեղ էլ ուժիսորի ուշադրության կենտրոնում էր ժողովրդական զանգվածի վարքն ու բարքը, նրա գեղարվեստական կերպարի ձևավորումը բեռում, այստեղ էլ մասսայական տեսարանների ուժիսորական պարտիտորը մշակված էր առանձին խնամքով և դրամատորգիական ինքնուրույն դեր ուներ:

Շարունակելով դարաշրջանի գեղարվեստական նկարագրի որոշումները, ուժիսորը ձգտում էր դա ներկայացնել առավել բազմակողմանի, փորձում էր բեմական նույն պայմանական հնարքներով պատկերել հակադիր բանակի ընդհանրացրած կերպարը: Ընդ որում ճիշտ է, Աճեմյանը երբեմն ուղղակի դիմում էր սատիրական պլակատի արտահայտչական միջոցներին, մի հանգամանք, որը, ինչպես կհամոզվենք հետո, բեմական պատումը դարձնում էր մակերեսային ու չափազանց ուղղագիծ:

«Մարոկկո» պիեսը պատում է ֆրանսիական զավթիչների դեմ արար ժողովրդի պայքարի մասին, իմպերիալիստների լծի տակ տնօքացող Աֆրիկայի հեղափոխական զարթոնքի մասին: Ուժիսորը պիեսի ընդհանուր գաղափարն արտահայտել էր խորհրդանշով. բեմի կիսավավարում վառ լուսավորված էր Աֆրիկայի խոշոր քարտեզը, որը, տեղադրված լինելով բեմի ուղիղ մեջտեղում, իսկուն գրավում էր հանդիսականի ուշադրությունը: Նրա վրա տարբեր գույներով պարզորդ գրված էր՝ «Ալժիր», «Թունիս», «Մարոկկո»: Աֆրիկայի մայր ցամաքին հյուսիսից սկսվում էր մոտենալ բուտաֆորական ուլորոտ մի ձեռք, «սողում»: Էր առաջ՝ գիշատիչ ճանկերը չուած: Զեռքը հետզհետև ծածկում էր ամբողջ մայր ցամաքը, մատներն սկսում էին ջղաձիգ պրկվել, ասես ցանկանալով խեղիկ վիթխարի աշխարհամասը: Ուժիսորն այս պլակատ-տեսարանը ձբգ-

տում էր կապել բեմական կոնկրետ գործողության հետ. նույն քարտեզի վրա հյատնվում էր դաշույնը ձեռքին մարդու ուրվանկար, իսկ երբ բեմը լուսավորվում էր՝ հանդիսականը տեսնում էր ֆրանսիական զորքերի հրամանատար Ժեներալին իր նատավայրում՝ նա հըրահանգմեր էր տալիս ապաներին:

Գաղութարարների բանակը բեմադրության մեջ բնութագրվում էր զուսպ ու խստորշ հնարանքներով: Զիգ կեցվածքով ու փայտոն համազգեստով սպաները Ժեներալին էին ներկայանում համաշափ քայլքով: Նրանց շարժումները նրբագեղ էին, խոսքը՝ ընտիր, տեսքը՝ պատկառելի: Սպաների կերպարների արտաքին հավաքված ու զուսպ երևույթը ուժիսորը խախտում էր՝ հետևողականորեն բացահայտելով նրանց ներքին տատամնութ վիճակը:

Գաղութարարները, իջակն նաև ապստամբները, ներկայացման ուժիսորպական մշակման մեջ ընդհանրացված կերպարանք էին՝ ստանում, թեև նրանց առանձին ներկայացուցիչները, արաբների առանձին ներկայացուցիչների նման, անհատականացվում էին:

Ուժիսորի նպատակն էր պատկերել և՛ պայքարի ելած արարակերի, և՛ գաղութարարների ընդհանրացված կերպարը:

Եթե ներկայացման սկզբում ֆրանսիացի սպաները, որպես կանոն, բեմում հայտնվում էին խմբով, ուղիղ շարք էին կազմում, եթե նրանց բեմավիճակները արտահայտում էին ուժ ու միասնություն, ապա ներկայացման ավարտին քայլքայվում էր սպաների շարքը, նրանք խմբվում էին «անկազմակերպ» բեմավիճակներում, որոնք պարզորդ ցուց էին տալիս, որ մարդկանց այդ խումբը շփոթահար է, իշխանությունը կորցրած և՛ իր, և՛ առաջներում ներակա արաբների նկատմամբ: Զավթիչների այս անկայուն վիճակը առանձնապես համոզիչ էր ֆինանսում, որ ծայր առած ապստամբությունից ահարեկ սպաները ցրիվ էին գալիս՝ կորցնելով նախկին միասնությունը, սահուն շարժումները, բարեհնչուն խոսքը և, նույնիսկ, արտաքին պատկառելի տեսքը:

Գաղութարարների կերպարների այս «վարընթաց» դրամատորգիային ուժիսորը պարզորդ հակադրում էր ապստամբների կերպարների «վերընթաց» դրամատորգիան: Եթե ներկայացման

Ակզբում Մարոկկոյի բնակիչները բեմում շարժվում էին ցիրուցան, Էլթե նրանց շարժումների ոիթմը բնորոշ «արևելյան» էր, այսինքն՝ քննած-դանդաղ, ապա ներկայացման վերջում աֆրիկացիները բեմում հայտնվում էին կազմակերպված խմբերով, նրանց շարժումները դառնում էին ոիթմիկ, գործողությունները՝ նպատականեն:

Գաղութարարների և ապատամբ արաբների ընդհանրացված կերպարների դրամատորգիայի նման հակադիր գծերով էր ուժի-սորը կառուցում ամբողջ ներկայացումը, միաժամանակ ընդգծելով հանգուցային տեսարանները, որ, և սա հատուկ պետք է նշել, բուրովին որիշ ոճով էին բացահայտվում գաղութարարների դեկավար ժեներալի և ապատամբների դեկավար Բաբայի անհատականացված կերպարները:

Նախքան «Մարոկկո» ներկայացման առանձին կերպարներին դիմելը, անհրաժեշտ է թեկուզ ընդհանուր գծերով բնութագրել նրա ժամանական տեսարանների կերպարային կազմը, տեսարաններ, որ ուժիսորը լուծել էր ոիթմի, կոմպոզիցիայի, բեմականության հիմնալի գգացումով:

Ամենատպավորիչ տեսարաններից էր ֆրանսիացի սպաների խնդույքը ինքնատիպ Էկզուտիկ պանդոկում, որ կիսամերկ կանաչը պարտավոր էին զվարճացնել նվաճողներին: Եվ աֆրիկացի կանաչը իրոք զվարճացնում էին սպաներին: Նախնական պարերում, որ ավելի շատ նման էին մնջախաղային մենախոտությունների, գգացում էր գերութինների մոլեզին ընդվզումը, օտար տղամարդկանց քզկտելու տեսչը: Իսկ եթե կանաչը մոտենում էին սպաներին և ըսկըսվում էր խմբական պարը, բեմը նմանվում էր ներիաթային անձավի, որ իրենց անզուսպ խրախնաճն էին անում գալար-գալար իժերը: Կարմրադեղին լույսով ողողված՝ ինքնամոռաց պարում էին մարոկկութինները, գալարվելով արևելյան քաղցրակոր երաժշտության տակ: Դա իսկական ատելության վակիսանալիա էր, որի հանգուցայլուծումը՝ աշխարակը կործանող խլացուցիչ պայթյունը, խորհրդանշորեն ավարտում էր այդ գունեղ տեսարանը:

«Մարոկկոյի» մասսայական տեսարանների ոճը առավել կատարյալ արտահայտվում էր ներկայացման ֆինալում: Սակայն ամբողջ բեմադրության ոճը գտնելու ուժինութական մերոդն ավելի ճիշտ ըմբոննելու համար անհրաժեշտ է հիշել ներկայացման նաև ըսկիզբը:

...Մոլլայի ծորուն ու թախծուն ձայնը աղոյքի էր կանչում հավատացյալներին: Ապատամբ Մուսան աշտարակի վրայից շորջն էր դիտում, որ ասես ամեն ինչ թաղված էր հավերժական քնի մեջ: Նա դիմում էր մոլլային.

—Թշվատական, այդ ո՞ւմ ես աղոյքի կանչում: Ել մարդ չմնաց Սահարայում:

Եվ կրկին մոլլայի ծորուն ձայնը տարածվում էր մարոկկացիների մեղյալ աշխարհում: Քնի ու ամայության թագավորություն—ահա թե ինչ էր շեշտում ուժիսորը ներկայացման մուտքով: Իսկ այժմ հիշենք բեմական պատումի ավարտը:

...Բեմում նորից տարածվում է մոլլայի ծորուն ու թախծուն ձայնը: Թափուր հրապարակի վրա ինջնում է գիշերը: Աֆրիկյան մուգ կապույտ երկնքի ֆոնի վրա հազիվ նշանվում է միհարեի ուրվանկարը: Շորջը անդորր է: Սակայն սա որիշ անդորր է՝ ներկայացման ակզբի լույսունից տարբեր: Այսպես լինում է փորորկից առաջ: Տագնապայի տրամադրությունը հախապատրաստված է նախորդ դեպքերի ընթացքով, ուստի և ուժիսորը համարձակորեն ընդգծում է անդորրը բոլոր մանրամասերում: Եթե լույսունը լիովին իշխում է բեմում, հանդիսապահում, հեռվից, ինչ-որ տեսից հրաբխի ստորերկրյա դիրդ հիշեցնող ձայն է լսվում: Որուր մոտենում է ավելի ու ավելի, այնքան ժամանակ, մինչև հանդիսատեսն ինչը ընդգրկվում է իրադարձությունների շրջապատճի մեջ: Ապատամբության ազդանշան է տրված ,և հանդիսապահի բոլոր կողմերից բեմ են վազում ներմակ փաթթողներով մարոկկացիները՝ ձեռքերին վառվող ջահեր: Նրանք վազում են, խոլ մոնշալով՝ «բա՛րա», «բա՛-բա՛»...

Գիշերային խավարը, ապատամբների ճերմակ զգեստները, անընդհատ շարժվող վառ ջահերը, վազողների փոքր-ինչ խոլ, համերաշխ աղաղակները վիթխարի ամբոխի տպավորություն էին

ատեղծում, ամբոխ, որ պատրաստ էր իր ճամփին խորտակել ամեն
մի խոչընդոտ:

Իսկ աշտարակի գլխին, ուղիղ բեմի մեջտեղում, կանգնած էր
արդեն մահացու վիրավոր Բարձա՛ ապատամբների առաջնորդը, և
հապատ ծածանում էր ալ թիկնոց՝ համընդհանուր ապատամբու-
թյան նշան տալով: Նա ներկայացումն ավարտում էր այս խոսքե-
րով.

—Արթնացի՛ր, Մարոկկո, այսօր խախտվում է քո խորհրդավոր
լուրջունը:

Ոեժիտրական այսպիսի «աքցանների» մեջ սեղմված ամբողջ
ներկայացումը կառուցված էր իրար հաջորդող տեսարանների ստա-
տիկայի և դիմամիկայի, ծավալուն մասսայական և ընդգծված կա-
մերային-հոգեբանական տեսարանների հակադրության սկզբուն-
քով:

Ի տարբերություն «Բեկումի», այս ներկայացման մեջ Աճեմյա-
նը դարձրանի նկարագիրը տվել էր ավելի ցայտուն, խորհրդա-
նշական հնչողություն էր հաղորդել ոչ միայն մասսայական, այլև
կամներային տեսարաններին: Այսպես, ապատամբության առաջնորդ
Բարձա՛ կերպարը ոեժիտորն ու դերասան Բարկեն Գաբրիելյանը
«քանդակել» էին մոնումենտալ եղանակով: Պատահական չէ այն
կարծիքը, թե Բարկեն Գաբրիելյանին ընդամենը մի քայլ էր մնում
արար Բարձա՛ կերպարից մինչև լիր արքա:¹ Ամբողջ ներկայացու-
մը ոեժիտրական առումով կառուցված էր այնպես, որ թվում էր՝
Բարձա՛ շարունակ բեմի վրա է, ամեն ինչ տեսնում է, լուս և տա-
ռապում ամենքի հետ: Նույնիսկ երբ նա բեմում չէր, զգացվում էր
նրա ներկայությունը, քանի որ ոեժիտորն այդ կերպարը բոլոր
իրադարձությունների կենտրոնում էր պահում: Բարձա՛ կերպարը
ամբողջ ներկայացման կերպարի մարմնացումն էր:²

Ինքը՝ Աճեմյանն այն կարծիքին է, թե ներկայացման ամենա-
տպավորիչ կերպարը Ժեներալն էր Մկրտիշ Զանանի կատարմամբ:
Իրոք, Զանանի Ժեներալը նման չէր այն բացասական կերպարների
տրաֆարետային տիպերին, որոնցով նոյն շրջանում հեղեղված

1 «Առվետական արվեստ», 1957, № 1:

2 Տե՛ս Լ. Խալաթյան, «Բարձեն Գաբրիելյան» ՀԹԲ:

Էին պատմա-հեղափոխական թեմա արծարծող ներկայացումները: Ոչ ոեժիստրը և ոչ էլ դերասանը շգնացին թշնամու պլակատային խորհրդանշան ստեղծելու ուղիներով, թեև բուն ներկայացման մեջ, ինչպես ասվեց, կային պլակատային բնույթի տեսարաններ:

«Մարոկկոյում» ցույց տրված դարաշրջանի նկարագրի մեջ Անեմյանը սկսում էր արդեն ավելի պարզորոշ ու ուռալ տեսնել առանձին մարդկանց նկարագրերը: Ոեժիստրն առաջմ առանձին մարդու կերպարը տեսնում էր դարաշրջանի նկարագրի պրիզմայի միջոցով: Հետո եկավ ժամանակ, երբ Անեմյանը դարաշրջանին նայեց մարդու պրիզմայի միջով, բայց առաջմ, իր առաջին աշխատանքներում, նա որոնում էր դարաշրջանի ընդհանրացված նկարագիրը: Այդ նկարագիրը նա պատկերացնում էր ընդվզած ամենի ուժի, քառուի կերպարով, որոնցից հեղափոխությունը կազմում էր միաձույլ բոռնեցք՝ ընդունակ խորտակելու ազատության ճանապարհին եղած ամեն մի խոչընդու:

Ոեժիստրը նման ընդհանրացված ձևերով ու մասշտաբներով էր պատկերում հեղափոխական դարաշրջանի նկարագիրը, դեպի հեղափոխությունը գնացող ժողովրդական զանգվածների նկարագիրը: Անեմյանը շդավաճանեց այդ սկզբունքներին՝ ստեղծելով արդեն հաղթանակած և նոր կյանք կառուցող ժողովրդի կերպարը:

Զ. Չալայայի «Լեռը» պիեսը՝ նվիրված հայտնի «Շախտիի գործին», ոեժիստրի ուշադրությունը գրավեց այն բանով, որ պիեսը աշխատավոր ուժերի ընդհանրացված կերպարը պատկերելու հնարավորություն էր ընձեռում: Դրանով էլ պետք է բացատրել, որ Անեմյանը հիմնական ուշադրությունը դարձեց հանքափորների հավաքական կերպարին, բեմադրության մեջ գլխավոր ու առաջատար՝ աշխատանքի պետզիայի խեմայի մշակմանը: Նկարիչ Վ. Շերիչևի հետ մեկտեղ ոեժիստրն ստեղծեց հանքահորի չափազանց յուրօրինակ թատերային կերպար. Վերևոց, դեկորակալների բարձրից բեմի ամբողջ հայելու վրայով նոպաններ էին իշնում ինչ-որ տեղ, ուղիղ նվագախմբի փոսը: Եեմը թաղված էր խավարում, լուսավորված էին միայն «հանքահոր իշնող» այդ նոպանները: Եվ ահա «հանքափորները» հանդիսատեսի աչքի առաջ իրար ետևից ճոպաններով սահում էին ցած, նվագախմբի փոսը: Այն տպավորու-

թյունն էր ստացվում, թե մարդիկ իրոք խոր ու նեղլիկ հանքահոր էին իշնում: Այնուհետև փոխվում էր բեմը, դառնում ստորգետնեայ հանքահոր. քառակուսի խավանցքերով կտրտված ետնավարագույրը իշնում ու ծածկում էր ամբողջ բեմը: Այդ խավանցքերի մեջ հայտնվում էին հանքափորները, որոնք քիչ առաջ հանքահոր էին իշել: Եվ այն կատարյալ պատրանքն էր ստեղծվում, թե նրանք իրոք հանքահորում են և սկսել են աշխատել:

Անեմյանը հանքահորի տեսարանում հորինել էր աշխատանքը փառարանող, աշխատանքի պոեզիան պատկերավոր արտահայտող բացառիկ հետաքրքիր մի պատկեր: Հանքափորների առնական մաժորային խմբերգը ոիլթմիկ ներդաշնակում էր հանքաշերտերի մեջ միտճակող մուրճերի գրնացցին: Տեսարանի գեղարվեստական ներգործությունն ավելի ուժեղացնելու համար ոեժիսորը հերթականորեն լուսավորում էր առանձին խավանցք-քառակուսիները, որոնց մեջ աշխատում էին հանքափորները: Խավանցքերը լուսավորվում էին ոիլթմիկ, մուրճերի հարվածների տակտով, իսկ երգի ոիլթմն ասես առանձին խավանցքերի լուսավորության հերթականությունը ղեկավարող «դիրիժորական չափն» էր: Այս տեսարանը երկար չէր տևում, բայց տպավորությունը շատ էր ուժեղ: Պլաստիկայի, լուսի ու հնչյունների նման պոլիֆոնիկ գուգորդման շնորհիվ ոեժիսորը բեմական լեզվով բանաստեղծական խոսք էր ասում ի փառ աշխատանքի, և այդ խոսքը բնավ չէր զիջում իրոք բանաստեղծական չափածոյին: Հասնելով ոեժիսորական հնարանքների միահյուսման այդքան ազդեցիկ գեղարվեստական ուժի, Անեմյանը շարունակում էր օարգացնել նոյն սկզբունքը: Վճասարարները դիմամիտ են դրել հանքահորում, և տագնաավը հաղորդելու համար ոեժիսորը խելահել ոիլթմով մի այսպիսի տեսարան է ստեղծում: Իրաք ետևից մութ հանքահորն են իշնում բանվորները ձեռքի լապտերներով, այստեղ-այնտեղ առկայծում են լապտերները՝ լուսավորելով հանքափորների դեմքերը, նրանց որոնող ձեռքերը: Լապտերների բռնկումների ոիլթմը հաճախանում է՝ լուսի օրիասական պար դառնալով: Գործողությունը կատարվում է նոյն խավանցք-քառակուսիներում, որ քիչ առաջ համերաշխ աշխատում էին հանքափորները: Բեմավիճակի կոմպոզիցիան

նույնը թողնելով, ոեմիտրը փոխում է նրա ոիթմը՝ մի այլ բովանդակություն տպով տեսարանին:

«Լեռը» Աերկայացման մեջ Աճեմյանը կրկին դիմում էր դերասանի շարժումն անսկնկալ ընդհատելու վախթանգովյան հնարանքին: «Հաղիբուկի» տպավորությունը դեռ չէր անցել, թեև այստեղ, ինչպես և «Հաղթական սիրո երգում», Աճեմյանն առաջմ մեխանիկորեն փոխառնում էր վախթանգովյան հնարանքը՝ դեռևս չկարողանալով գտնել սկզբունքի գեղագիտական հիմքերը: Որոշ ժամանակ անց, երբ Աճեմյանը հաղթահարեց ոեմիտրական երիտասարդությունը, իր ուշ շրջանի հասուն աշխատանքներից մեկում՝ «Դեպի ապագան» Աերկայացման մեջ, նա նորից դիմեց վախթանգովյան «Հաղիբուկին», բայց արդեն՝ արդյունքներին, արդեն ոչ թե հնարանքների արտաքին պատկերին, այլ հանձարեղ ոեմիտրի ստեղծագործական ակունքներին: Այսպես, թե այնպես, «Լեռը» Աերկայացման մեջ դերասանի շարժումների անսկնկալ ընդհատման հնարանքը շատ հեշտությամբ «Աերգրավվում» էր պայտուցիկ հզույթը որոնելու տեսարանի մեջ: Լապտերների բոնկումների արագացված ոիթմում դիմամիտ որոնող հանքափորների շարժումները հանձարձ ընդհատվում էին, և բարացած մնում էր առավել տպավորիչ կեցվածքը, շարժումը, դիրքը: Հստ էության, բեմում դիմամիկ պատկեր էր՝ կազմված ստատիկ ֆրագմենտներից: Որքան արտահայտիչ էին գործող անձանց ընդհատված կեցվածքները, այնքան ուժեղ էր բացահայտվում տագնապի տրամադրությունը տեսարանի ոեմիտրական ընդհանուր պանույում:

«Լեռը» Աերկայացման մեջ դարաշրջանի պատկերը Աերկայացված էր նոր լուսաբանումով, սակայն նոյն ընդհանրացված ձևերով, նոյն ստեղծագործական պրիզմայով, որ ժողովրդական զանգվածների կերպարը պատկերագծում էր որպես միասնական ու ամբողջական կերպար: Աճեմյանի առաջին աշխատանքներում աշխարհը չէր բաժանվում առանձին անհատների, այլ բացահայտվում էր ժողովրդական զանգվածի կերպարով, վերջինիս և իրականության փոխչփման նոր գծերի միջոցով: Ոչ այդ աշխարհը և ոչ էլ այդ գծերը երիտասարդ Աճեմյանի պատկերացման մեջ հարթ ու սահուն չէին և նրա աշխատանքներում արծարծվում էին շարժման,

հակադրության մեջ, անհանգիստ ոիթմով: Լիներ «Բեկումը», «Մարոկոն», «Լեռը» կամ Կիրշոնի «Հացը», Ի. Միկիտենկոյի «Դիկտատորան», Վ. Վաղարշյանի «Նավթը» և կամ Երիտասարդ ուժիսորի որևէ այլ բեմադրություն,— ամենուր դարաշրջանի թատերական դեմքը պատկերվում էր վառ, ընդհանրացված, ընկալված մի արվեստագետի աչքով, որ աշխատում է լայն վրձնահարվածներով և չի ցանկանում, կամ դեռ չի կարողանում դետալներն անել մանրավրդին տեխնիկայով:

Ուժիսորի այդ շրջանի որոնումների առավել էական արդյունքը բեմական գործողության բնույթի ճանաչումն էր, այնպիսի գործողության, որ նույնական չէ ներկայացման գրական հիմքի հետ կամ նրա իլյուստրացիան չէ, այլ ինքնական նշանակություն է ձեռք բերում, ունի իր պոետիկան, արտահայտման իր օրենքները, իր բովանդակությունը, որ ոչ թե պիեսի բովանդակության կրկնողությունն է, այլ լրացնում է նրան կամ կոնֆիլկտի մեջ է նրա հետ: Այս «Վերգրական», «Վերսումենտային» գործողությունը զուտ ուժիսորական ստեղծագործության ոլորտ է դառնում, հենց այն ոլորտը, որ ուժիսորն իր արվեստն է ստեղծում և ոչ թե բացատրում կամ իլյուստրացիայի ենթարկում պիեսը: Այս ոլորտում բեմական գործողությունը դառնում է և՛ բովանդակություն, և՛ ձև: Բեմական գործողության այդպիսի ընկալման, ավելի ճիշտ՝ այդպիսի կիրառման Աճեմյանին նախապատրաստել էր թատերական Մուկվան, Վախթանգովի և Մելեքի հոլդի ստեղծագործությունը, որ բեմարվեստի լեզուն որոնում էր թատերաբնորեն դրսւորված գործողության ոլորտներում: Աճեմյանն այս գործողության «գաղտնիքի» մեջ առայժմ թափանցում էր մասամբական տեսարաններ «ծեփանկարելիս», բազմության շարժումը բեմում ձևավորելիս:

Եթե «Բեկում» ներկայացման մեջ նավաստիների բազմությունը խառնիճաղանց, անձն բեմավիճակներից աստիճանաբար հասնում էր կանոնավոր ու ներդաշնակ ձևի, ապա դա պարզապես պիեսի գաղափարի իլյուստրացիան չէր: Հենց այդ գործողության բուն ընթացքը, հենց ինքը՝ գործողությունը իրեն հատուկ բովանդակություն էր արտահայտում: Եթե «Մարոկույում» արաբների շարժումների դանդաղեցված տեսմարը հետզհետե չափականորեն

ճշտորոշ էր դառնում՝ ծրագրային նպատակամիտում արտահայտելով, ապա դա իր իմաստն ուներ, իր կարևոր միտքը, որ ոչ միայն լրացնում էր պիեսի բովանդակությունը, այլև նորովի էր բացահայտում այն: Երբ «Լեռը» ներկայացման հանքահորի տեսարանում ոեժիսորը հանքափորների ոիթմիկ շարժումներով ստեղծում էր աշխատանքի հատուկ մթնոլորտ, ապա բեմական այդ իրադրությունը ի հայտ էր բերում սեփական բովանդակություն՝ արտահայկած գործողության լեզվով, մի բովանդակություն, որ ենթարկված չէր սյուժեի գրական ըմբռնման օրենքներին, այլ ավելի շուտ մոտենում էր բանաստեղծական հիմնի:

Չափ կարևոր է նկատել, որ Անեմյանի ոեժիսորական աշխատանքներում գործողությունը չի դառնում պիեսի այուժեն իլյուստրացիայի ենթարկող պարագա, այլ ինքնուրույն դեր ու նշանակություն է ձեռք բերում, դառնում ոեժիսորական ստեղծագործության որակ: Կրկնում ենք, առայժմ՝ մասսայական տեսարաններում: Թերևս դա բացատրվում է այն բանով, որ դարաշրջանի նկարագիրը որոնելիս ոեժիսորը ելնում էր «պատմությունը կերտում է ժողովուրդը» ըմբռնումից: Ժողովրդական զանգվածների ուժը նրանց զանգվածայնության մեջ է:

Հետագայում, երբ Անեմյանը հաղթահարեց այդ մոտեցման որոշ սահմանափակությունը և սկսեց գեղարվեստորեն գնահատել «ժողովրդական զանգված» կազմող մարդկանց անհատականությունը, հատուկ բովանդակություն արտահայտող գործողության որոնումները փոխադրվեցին առանձին կերպարի բեմական կյանքի ոլորտը:

Հաջորդ գլուխներում մենք հնարավորություն կունենանք հետևելու այն ընթացքին, որ Անեմյանին հանգեցրեց նոր դիրքորոշման, իսկ այժմ հարկ է դիմել «Դեսպի ապագան» ներկայացմանը, որ բեմադրվեց 1960-ին Գ. Սունդուկյանի անվան թատրոնում: Այս աշխատանքում դարաշրջանի թատերական նկարագիրն ստեղծելիս, Անեմյանը ի մի բերեց քանական թվականների թատրոնի նվաճումները, որոնք գրեթե մոռացության էին տրվել հետագա արհեստական կասեցումների պատճառով, ինչպես նաև ուշ շրջանի թատրոնի ձեռքբերումները, բեմարվեստ, որ զարգանում էր

հոգեբանական թատրոնի նշանաբանով: «Դեպի ապագան» ներկայացման մեջ յորակերպ միահյուսվեցին Ամենամեծ ուժիուրական արվեստի առավել հետաքրքիր ու բնորոշ կողմերը: Ուժիուրը, որ մի ժամանակ հեղափոխական դարաշրջանը պատկերում էր որպես ժողովրդի կենագրությանը նվիրված ծավալուն պանոն, այստեղ արդեն տեսավ ու ներկայացրեց այդ դարաշրջանը նրա ամբողջ բազմակողմանի նկարագրով, ստեղծեց մի պանոն, որ ընդգրկում էր և ժողովրդական զանգվածների, և՝ առանձին մարդկանց ճակատագրերը, և՝ պատմության ոլբերգական դեմքը, և՝ նրա ֆարսային ծաղը, և՝ ժամանակի ահավոր շղաձգումները, և՝ հայողողների շատրվանող ցնծությունը...

«Դեպի ապագան» բեմավորումը, որ կազմված է Եղիշե Չարենցի չափածո երկերից, ինչպես և «Կապկազ-թամաշա» սատիրա-բուֆից, չունի օրինաչափ ծավալվող պյութետային գիծ: Նրա բանաստեղծական տեքստը, բացի «Կապկազի» եզրափակիչ մասից, չի կանխորշում բեմական գործողությունը, ինչպես սովորական դրամատիկական երկի տեքստը, այլ ավելի շուտ «մեկնաբանում» է բեմում կատարվող դեպքերը: Հատ հության, այդ ներկայացման մեջ Ամենամեծ տեքստը ենթարկել էր բեմական գործողությանը, այսինքն գրականությունը՝ թատրոնին, և դրանու իսկ առանձին եռանդով հաստատում էր թատրոնի՝ ոչ միայն սեփական լեզվով խոսելու, այլև բեմական գործողությամբ արտահայտված սեփական բովանդակությունն ունենալու իրավունքը: Ի տարբերություն գրական երկի բովանդակությունն իլյուստրացիայի ենթարկող շատ բեմադրությունների, «Դեպի ապագան» աշխատամքում Ամենամեծ հասել էր հակառակ բանին՝ գրականությունը իլյուստրացիայի էր ենթարկում թատերական գործողությունը, հպատակվում էր թատրոնին: Իսկ սա թատերական շատ բարենորոգիչների երազանքն էր...

Այսպիսով, «Դեպի ապագան» ներկայացման հիմքը բեմական գործողությունն էր՝ ուժիուրական ստեղծագործության ոլորտը: Ոչ միայն ստեղծագործության, այլև վարպետության, աշխարհներակալման: Եվ գրականության շղթաներից ազատված երե-

վակայության ոլորտը բատրոնի բանաստեղծի, որին այսօր ընդունված է ռեժիսոր անվանել:

Ներկայացումը կազմված էր Աերքուստ ավարտուն, սակայն պյուծեով հաջորդի նետ չկապված առանձին դրվագներից: Դրանք ինքնակապ պատկերներ էին, որոնց ընդհանուր շղթան բացահայտում էր հեղափոխական դարաշրջանի նկարագիրը՝ բազմազեն, նատակ, բանաստեղծականորեն վեհ ու վավերագրականորեն հավատի, գեղարվեստական համոզականության աստիճանով համապատասխան Եղիշե Զարենցի պոեզիայում պատկերված հեղափոխության համամապատկերին:

Ներկայացման յուրաքանչյուր առանձին դրվագում կատարվում էր աղևափիսի գործողություն, որի միջոցով ռեժիսորը բնույթագրում էր մի ամբողջ պատմական երևույթ: Եվ նենց գործողությամբ էր բացահայտվում երևույթը, իսկ Զարենցի բանաստեղծական տեքստը, որ կարդում էին դերասանները հեղինակի անունից, ասես նրերանգում էր գործողությունը, դարձնում կոնկրետ կամ մեծացնում ընդհանրացման աստիճանը:

Գործողության միջոցով բացահայտվող միտքը Աերկայացման մեջ ոչ պակաս խոր ու բանաստեղծական էր, քան տեքստում: Իսկ բուն բեմական գործողությունը ռեժիսորը մշակել էր ոչ միայն դրամատուրգիական նյութե ստեղծելու օրենքներով, այլև բանաստեղծական այլաբանության կամ կերպարվեստին հատուկ կոմպոզիցիայի սկզբունքով, ընդ որում, այդ կոմպոզիցիաներում շատ բան կար Աճեմյանի նախկին ուսուցիչների՝ նկարիչներ Սեդրակ Առաքելյանի, Ստեփան Աղաջանյանի և Մարտիրոս Սարյանի արվեստից:

Եվս մի բնորոշ կողմով էր աչքի ընկնում գործողության կառուցման ռեժիսորական սկզբունքը. յուրաքանչյուր ինքնակա դրվագ ուներ իր էքսպոզիցիան, կուլմինացիան և լուծումը: Սակայն դրանից դրվագները չէին դառնում առանձին փոքրիկ Աերկայացումներ, այլ իրենց «սիմֆոնիկ մշակվածության» շնորհիվ մտնում էին և՛ էքսպոզիցիա, և՛ կուլմինացիա, և՛ լուծում ունեցող ամբողջ Աերկայացման ընդհանուր դրամատուրգիայի մեջ:

Ներկայացման ամենահետաքրքիր դրվագներից էր «Ժողո-

վըրդի վիշտը» (պայմանական անվանում): Ամբողջ տեսարանի ողբերգական բովանդակությունը ուժիուրը բացահայտել էր բեմում ծավալվող բեմավիճակների և քարացած կոմպոզիցիոն պատկերների, այսինքն՝ դերասանների ընդհատված շարժումների սինթետիկ գուգորդման միջոցով: Բայց ոչ թե մեկ կամ երկու դերակատարի ընդհատված շարժումների, այլ, եթե կարելի է ասել, ամբողջ բեմավիճակի ընդհատված ընթացքի միջոցով: Հիմնը-վելով «Հադիբուկում» կիրառված վախտանգովյան սկզբունքի վրա, Անեմյանը վերջինս զարգացրել էր յուրովի և հասել ատեղ-ձագործական հետաքրքիր արդյունքների: «Ժողովրդի վիշտը» դրվագի բեմավիճակի զարգացումն սկսվում էր աղետից, կոտորածից խելակորուս փախչող մարդկանց քառային շարժումներից: Այս գործողության մեջ, թվում է, տրամաբանություն չկար, ամեն ինչ խառնաշվոթ էր, տարերային, ինչպես կարող է լինել աղետի պահին: Եվ այս տեսարանը թեև ուժեղ տպավորություն էր թողնում, թեև այնուեղ բացահայտվում էր հիմնական միտքը՝ «Ժողովրդի վիշտը», այնուհանդերձ, այդ թեման իրոք գեղարվեստական անկանությունը ուժը էր ձեռք բերում, երբ հանկարծ ընդհատվում էր քառը և գործողության ահավոր դիմամիկան դառնում էր ավելի ահավոր ստատիկա: Ամեն ինչ քարանում էր՝ մանուկն ընկնում էր մոր ոտքերի մոտ, աղեմորուս կույր ծերունեն, գլուխը ետ գցած, երկինք էր նայում, ճանապարհով ծանրաքայլ շարժվող փախստականների ամբոխը կանգ էր առնում, ճամփի եզրին նստած կանայք մնում էին ճիշը բերաններին, վշտից խելագարված պառավ մի կին անշարժանում էր՝ վեր պարզած ուկրու ձեռքերով... Այս արտասովոր համայնապատկերում քարացել էր ժողովրդական վիշտը: Եվ հանդիսատեսը, որ մինչ այդ հոգականորեն ապրում էր 1915-ի պատմական աղետը կրած հայերի ճակատագիրը, ուժիուրի կամքով, նայելով այդ քարացած բեմական խորաքանդակին, սկսում էր ըմբռնել ժողովրդական վիշտը: Ուժիուրն օգնում էր նրան: Քարացած պանորաման սկսում էր հանդիսավոր շարժվել: Բեմի շրջանը դանդաղ պտտվում էր, և տեսնում էինք ժողովրդական վշտի ընդմիջված կուլմինացիայի բոլոր մանրամասնությունները, մեր աշքի առջևով անցնում էին

ժողովրդի անլուր տառապանքի պատկերները: Վշտի մեջ քարացած մարդկանց այդ սարտեցուցիչ շարժումից քիչ առաջ հրանց տեսել էինք զգացմունքների խրտման, խելակորուս վազքի ու հատաշանքների, բնազդական ընթացքի մեջ, իսկ այժմ շարժումների քառսն ընդմիջվել է, կանգ է առել բեմում, մինչդեռ անորսալի ուղիներով նույն քառսը անցել է հանդիսատեսի հոգին, տեղ գտել հրա սրտում ու մտքում: Կանգ է առել բեմական շարժումը, բայց սկսել է աշխատել բեմական գործողության բարդ մեխանիզմը, այնպիսի գործողության, որն ինքը բովանդակություն է, միտք, ընթացք:

Անեմյանը այսպիսի բանաստեղծական հայացքով է դիտում «Դեպի ապագան» ներկայացման մյուս դրվագները ևս: Շարժումը, բեմավիճակները ուժիսորի համար կորցնում են իրենց նեղ գործնական հշանակությունը, գեղարվեստական ընդհանրացման մեծ ուժ են ձեռք բերում: Այսպես, «Խմբապետ Շավարշը» կոչվող տեսարանում ուժիսորն ստեղծել էր առաջին հայացքից ավանդական մի բեմավիճակ, որ պատկերում էր խմբապետի «տղաների» խնջույքը: Այս տեսարանը թերևս մնար տեղայնացված, կենցաղային, եթե ուժիսորը չդիմեր կերպարվեստի կոմպոզիցիոն լեզվին, սերտորեն կապելով այն երաժշտության արտահայտիչ ուժի հետ:

Խմբապետի «տղաների» դեպքերի անողոք ջրապտույտում ողբերգական տարրությունը այդ մարդկանց խնջույքի բեմավիճակը մինչև որոշ ժամանակ թվում էր կոնկրետ գործողություն, կոնկրետ մարդկանց կոնկրետ արարքներ ցույց տվող կենցաղայն հավասարի պատկեր: Սակայն ուժիսորը անմեղատ վերացնում էր գործողության կոնկրետությունը, ամբողջ խմբին ստիպում էր երկար ժամանակ հատել գրեթե նույն դիրքով, և աստիճանաբար բեմավիճակը դառնում էր բեմական այնպիսի կոմպոզիցիա, որ հանդիսատեսն այլև չէր տեսնում առանձին դեմքեր կամ արարքներ, այլ ընկալում էր ամբողջ կոմպոզիցիայով արտահայտված ընդհանրացված գաղափարը, ավելի ճիշտ՝ գաղափար-կերպարը: Խնջույքի սեղանի շորջը նատած մարդիկ, որոնցից յորաքանչյուրը քիչ առաջ առանձին էր զբաղեցնում հանդիսատեսին, այժմ


ասես ձուլվել էին բեմական կերպարի միասնական համակարգի մեջ և կազմել ընդհանրացված մի կերպար: Այս սինթետիկ բեմական կերպարի ստեղծմանը մասնակցում էին և՛ երաժշտությունը, և՛ գույները, և՛ լուսային ձևավորումը, և՛ դեկորատիվ ֆոնը: Արանց անորսալի միավորման և բարդ միահյուսման մեջ ապրում էր ռեժիսորի ստեղծած կերպարը, որը չի կարելի համարել սուկ դերասանական, կամ երաժշտական, կամ դեկորատիվ, կամ նույնիսկ ոչ սուկ ռեժիսորական: Դա ռեժիսորի ստեղծած հասուն կերպարն էր՝ թատերային մի կերպար, որ ունակ էր ինքնըստիճաբան արտահայտելու բովանդակությունը, ընդհանրացված ու պատկերավոր բացահայտելու գաղափարը: Եվ բեմավիճակն ինքնին բեմում հնչող խոսքին հասուն արտահայտչականություն և բանաստեղծական վեհություն էր հաղորդում:

Մի այլ դեպքում «Ամրոխները խելագարված» դրվագում, ռեժիսորը վարպետորեն օգտագործում էր բեմական տարածություն՝ գործողությունն անսահմանափակ ու ծավալուն դարձնելով: Գրեթե թափուր բեմում առաջ էին շարժվում ազատության համար պայքարի ելած ամրոխները: Շարժվող շարքերի խճճված գծերով բաժան-բաժան եղած հոկա բեմը վիթխարի գորության տպավորություն էր թողնում, տարածությունն ինքը դառնում էր կերպար, ամրոխների շարժմանը ընդհանրացված իմաստ էր հաղորդում, և նրա ֆոնի վրա Զարենցի խոսքն առանձնապես ոգեշունչ էր հնչում:

Ռեժիսորական հարուստ ու բազմազան հնարքներով էր աչքի ընկնում ներկայացման երկրորդ մասը՝ կառուցված «Կապկազ» սատիրա-բուֆի հիման վրա: Եղիշե Զարենցն իր կատակերգությունն անվանել է «թամաշա», այսինքն՝ «հանդիսանք»: Սա իրոք գրված է ժողովրդական հրապարակային հանդիսանքի սկզբունքով, որ գործող անձ-դիմակները ընդհանրացված ներկայացնում են սոցիալական տարրեր ուժեր և գաղափարների յուրօրինակ պիտակներ են: Ռեժիսորը լիովին պահպանել էր կատակերգություն-սատիրայի ոճը, ավելին, բուֆի սկզբունքը դարձրել էր ծայր-աստիճան արտահայտիչ, հասել բեմական պատումի այնպիսի սրության, որ համահնչուն էր գրոտեսկի վախ-



Յոլակ Ամերիկյան—Մանուկ աղայի հետ. 1934





Առն Զոհրաբյան — Արխուղոմ աղայի նետ. 1934

թանգովյան ըմբռնումին: Բեմական գործողությունն այստեղ դարձել էր չափազանց արտահայտիչ ու բովանդակալից ոչ միայն որոշակի պահերին, այլև գործողության ամբողջ ընթացքում: Իշխում էր պլաստիկան՝ դառնալով մորթի արտահայտման գլխավոր միջոցը և դերասանական կատարման հիմնական գենքը: Պլաստիկան՝ ոչ որպես կատարման տեխնիկա, այլ՝ ոճ, արտահայտման ինքնատիպ լեզու: Ժեստն ընդհանրացված բնույթ էր ստանում, շարժումը՝ կերպար ստեղծում, գաղափար արտահայտում: Բեմական գործողությունը կառուցելու հենց այդ սկզբունքով էր պայմանավորված ներկայացման եզրափակիչ մասի ճշմարիտ կոմիկական գրոտեսկի ոճը: Այստեղ ձեռքի շարժումը ոչ թե պարզապես քայլվածք էր, այլ կերպարային բնույթագիր: Հիշենք թեկուզ Սնդրկովկասի ավանտյուրիստական քաղաքական կուսակցությունների՝ մենշևիկների, մուսաֆատականների, դաշնակների ներկայացուցիչների կերպարները: Այս գործող անձանց պլաստիկական բնույթագրումներում շատ ավելի ընդհանրացված միտք, պատկերավոր բացահայտված գաղափար կար, քան կարելի էր նույն արդյունքներին հասնել արտահայտչական ուրիշ միջոցներով:

«Դեպի ապագան» ներկայացման մեջ Սնեմյանն ասես հանրագումարի բերեց թատերական արտահայտչական միջոցների իր որոնումները, միշոցներ, որ կարողանային ընդհանրացված ու պատկերավոր բացահայտելու հեղափոխական դարաշրջանի նկարգիրը:

Տարիներ էին անցել հեղափոխական մաքառումների շրջանից: Համընդհանուր հերոսականության հուժկու քառուց հետզհետեւ անշատվում և ժամանակակիցների գիտակցության մեջ տպավորվում էին առանձին հերոսների դիմանեկարները, ժողովրդական զանգվածների կերպարը վերլուծող հայցքի տակ մասնատվում էր առանձին կերպարների: Եվ ուշադիր զննելիս պարզվում էր, որ այդ առանձին մարդու ներաշխարհը զարմանալիորեն հարազատ է ամբողջ դարաշրջանի նկարագրին: Նախկինում ժողովրդական զանգվածի մեջ կորած առանձին մարդու աշխարհի այս խոշորացման շնորհիվ փոխվեց թատերական արվեստի գեղարվեստական ոճը, Էապես համալրվեց նրա գեղագիտությունը: Դա-

բաշրջանն ըմբոնելու ձգտումն այժմ արդեն մեծապես պայմանավորված էր մարդուն հասկանալու ձգտումով: Եթե Աճեմյանն իր վաղ շրջանի ուժիստրական աշխատմնքներում փորձում էր դարաշրջանի նկարագիրը բացահայտել հենց դարաշրջանի միջոցով՝ ամբողջությամբ առած, ապա հետագայում նա հանգեց մի ըմբոնման, ըստ որի՝ դարաշրջանի նկարագիրը պարզորոշվում է մարդու կերպարի միջոցով: Դարաշրջանը մարդու մեջ՝ այսպես կարելի է բնորոշել Աճեմյանի հետագա մի շարք բեմադրությունների գլխավոր միտումը:

Խոսենք այդ բեմադրությունների մասին:



ԴԱՐԱՇՐՋԱՆԸ ՄԱՐԴՈՒ ՄԵԶ

Անեմյանի ուժիսորական առաջին աշխատանքներում դարաշրջանի նկարագիրը բացահայտվում էր հեղափոխության պաթուի մեջ, այսպես ասած, այդ պաթուի գեղարվեստորեն դրսերդած գեղեցկության մեջ, արտահայտիչ ձևերում, ժողովրդական զանգվածի ընդհանրացված, խորհրդանշի հասցված կերպարում: Ընդհանրացման գեղագիտական սկզբունքը կառուցվում էր դարաշրջանի էության ընդհանուր ընկալման սկզբունքով: Երևույթների նման ընդհանուր ընկալումը հաղթահարելու ժամանակը եկավ աստիճանաբար, սակայն անխուսափելի և հաստատորեն: Փոխվեց իրականությանն ուղղված դիտանկյունը: Սակայն այս փոփոխությունը մետաֆիզիկական չէր, այլ ուժիսորակի արվեստի զարգացման ընդհանուր բարդ ընթացքի օրինաչափ փուլն էր: Գեղագիտական նոր հնարանքների որոնման ընթացքում առաջին փուլի նվաճումները չեն ժխտվում, այլ զարգանում էին խորությամբ, չեն վերանում, այլ օրգանապես հաղթահարվում էին և նոր բնույթատանում:

Եթե նոր փուլում գեղարվեստական վերլուծության հիմնական օբյեկտը դարձավ մարդու կերպարը, ապա դա հնարավոր եղավ: Այն բանի շնորհիվ, որ արդեն գեղարվեստորեն ընկալված ու իմաստավորված էր ամբողջ դարաշրջանը: Արդեն ըմբռնված ու գեղարվեստորեն արտահայտված ամբողջի պատկերը թույլ տվեց: Անցելելու այդ պատկերի էական բաղադրիչների վերլուծությանը: Դարաշրջանի կրքերն ու ցավերը հասկանալով՝ կարելի էր ավելի լավ հասկանալ դարաշրջանի մարդկանց կրքերն ու ցավերը: Ու-

Ժիսուրայի արվեստի նոր փովի զարգացման ուղին առավել դժվարին էր ու բարդ, քանի որ իր մեջ արդեն ընդհանրացման լիցք ունեցող ծավալուն իրադարձությունը գեղարվեստորեն ընդհանրացված ներկայացնելու ավելի դյուրին էր, քան առանձին կերպարում գեղարվեստական ընդհանրացման հասնելը: Այժմ անհրաժեշտ էր դարաշրջանի միավորի «միկրոաշխարհում» բացահայտել նրա «մակրոաշխարհը»: Ստեղծագործական դիրքավորման այսպիսի սկզբունքային վերակառուցումը նոր խնդիրներ էր առաջադրում, որոնց հետ ուժինորը նախկինում բախվելու առիթ չէր ունեցել դեռևս, իսկ այս պարագան, բնականարար, պահանջում էր, եթե կարելի է ասել, նահանջ դեպի ելման նոր բնագծերը, անհրաժեշտ էր նոր բարձունքի հայթահարումն սկսել հրա ստորոտից: Ահա թե ինչու սկզբում փորձերը ալմքան էլ նշանակալից չէին, գեղարվեստական ընդհանուր մակարդակով նույնիսկ զիջում էին Աճեմյանի անդրանիկ ներկայացումներին: Բայց սա տուրք էր վերակառուցման բարդ ընթացքին, որը սկզբունքային նշանակություն ունի Աճեմյանի ստեղծագործական կենսագրության մեջ: Աճեմյանի ուժինորական արվեստի կազմավորման երկրորդ փուլը կարևոր է նրանով, որ հենց այստեղ հայտնաբերվեցին գեղարվեստական այն կոնցեպցիայի հիմքերը, որոնց վրա հենվեց ուժինորը և իր նոր ըմբռնումները իրականացնելիս առավել լիակատար արտահայտեցինքն իրեն:

Այս գլխում քննարկվելիք ներկայացումներն ընտրված են ոչ թե ուժինորի ստեղծագործության ընդհանուր ժամանակագրության սկզբունքով, այլ որպես թեմատիկ շարունակությունը նախորդ գլխում զենքած աշխատանքների: Աճեմյանի ներկայացումների այսպիսի խմբավորումը օրինաչափ ու տեղին է թվում սոսկ այն պատճառով, որ իրար կողքի դրված գլուխները կարող են լրացնել միմյանց, ակներև ցույց տալ Աճեմյանի ուժինորական ձեռագրի փոփոխությունները, ավելի համոզիչ ապացուցել այդ փոփոխությունները մեկ ընդհանուր թեմայի՝ հեղափոխական թեմայի մարմնավորման ընթացքում: Հատ Էության, Աճեմյանի ուժինորական աշխատանքներից շատերը, որ կզննենք հաջորդ գլուխներում, նույնպես արտահայտում են, երբեմն՝ ավելի վառ ու սուր,

ուժիսորի արվեստում կատարված սկզբունքային փոփոխությունները: Աճեմյանի արվեստը, նույնիսկ արամիտ հորինված պիտմայով, անհնար է «դասավորել դարակ առ դարակ», ինչպես անկարելի է որոշել հրա ստեղծագործության միասնական թեման կամ գործի դրած հնարևերի կողեքար:

Եվ այսպես, հեղափոխության, արդիականության թեման, որ միշտ էլ գրավել է Աճեմյանի ստեղծագործական ուշադրությունը՝ սկսած հրա առաջին աշխատանքներից մինչև ամենավերջինները, ի տարբերություն ազգբնական շրջանի բնամարդությունների, այժմ մշակվում էր ուրիշ եղանակով: Արդեն Ն. Զարյանի «Խնդրության փողոց» ներկայացման մեջ, որ բնամարդուց 1932-ին Լենինականի թատրոնում, ուժիսորին ավելի շատ հետաքրքրում էր իրադարձությունների արտացոլումը լոնդոնյան փողոցի բնակիչների ճակատագրերում, քան բուն իրադարձությունները: Ներկայացման բնամարդակենակները հանգիստ ոիլում ունեին, այնուեղ դինամիկ գործողությունը քաշվել էր երկրորդ պլան, բնամական կոմպոզիցիաների ընդհանուր գծանկարը կորցրել էր իր նախկին նշանակությունը, իսկ առանձին գործող անձանց կերպարները՝ ընդհակառակը, ուժիսորի ուշադրության կենտրոնում էին:

Հետաքրքրությունից զորկ չէ այն, որ ուժիսորական մոտեցման մեջ կատարված փոփոխությունները լուրովի անդրադարձան նաև թատերախոսականների ոճի վրա: Եթե «Բեկում» կամ «Լեոռ» ներկայացումների թատերախոսականներում չէր առանձնացվում այս կամ այն դերասանի խաղը, ապա «Խնդրության փողոց» ներկայացման թատերախոսականում հատուկ խոսպում էր բոլոր դերակատարների մասին¹:

«Խնդրության փողոցում» մթնոլորտի ընդհանուր բնութագիրը տրվել էր ոչ թե մասսայական տեսարանների, այլ գործող անձանց կերպարների մանրամասն մշակման միջոցով: Այս տեսակետից շատ արժեքավոր է «Բանվոր» թերթի թատերախոսի մի դիտողությունը. «Ուժիսորը և ձևավորողը լավ են ըմբռնել մասնավորի մեջ ընդհանուրը պատկերացնելու գաղափարը, գաղափար,

¹ «Բանվոր», 1932, 1 հունիսի:

որ արվեստի առանձնահատուկ երևոյթն է և որը դրսուրելու համար անհրաժեշտ է նախ և առաջ տիրապետել արվեստի նյուաններին»¹:

Հոդվածի հեղինակը ճիշտ է նկատել ուժիսորական աշխատանքի բնորոշ հատկանիշը, իսկ ինչ վերաբերում է Վ. Շերիշևի դեկորացիային, ապա վերջինս նույնպես ազատվել էր, ասենք, «Բեկում» և «Լեոր» ներկայացումների ձևավորման պայմանականությունից, դարձել ավելի ճշմարտանման, և նրա մեջ կոնսորուկտիվ լուծումը տեղը գիշել էր գեղանկարչական լուծմանը: Ծիշտ է, նկարիչն ու ուժիսորը ձևավորման մեջ լիովին չհրաժարվեցին թատերական նկարչության պատկերավոր պայմանական լեզվից. Նրանք «քեմում փողոց կառուցեցին», որ տեսքը թեքվել էին այնպես, կարծես, նույն թատերախոսի բառերով ասած, արտահայտում էին «աճող մասսաների ցասումը շրջապատին ընկած բորժուական առանձնարանների վրա»:

Իսկ գլխավոր ուշադրությունը, ինչպես վերև ասվեց, նվիրված էր գործող անձանց: Սա արդեն ուժիսոր Անեմյանի նոր մոտեցումն էր: Նա կարողացել էր հաղթահարել «համահավաք» կերպարի հրապուրամբը և դիմել առանձին կերպարների: Այս սկզբունքը ավելի մեծ զարգացում ունեցավ նրա հաջորդ աշխատանքում՝ Կիրշոնի «Դատ» պիեսի բնադրության մեջ: Բնորոշ է, որ թատերախոսն ուղղակի նշում է ուժիսորական մոտեցման առանձնահատկությունը՝ արդիականության կարևոր պրոբլեմներից մեկն արտահայտել անդրադարձած ներփակ միջավայրում և արտահայտել այնպես, որ այդ միջավայրի կոնկրետ ու «մեկուսի» բնույթի պատճառով չփոքրանա բուն պրոբլեմը:² Ինչպես երևում է, Վ. Անեմյանն իրոք էական սրբագրումներ էր արել իր ուժիսորական մեթոդում՝ լայն պրոբլեմն արտահայտել էր տեղայնացված միջավայրով, այսինքն՝ կոնկրետի մեջ որոնում էր ընդհանուրի արտահայտությունը, առանձին կերպարներում՝ դարաշրջանի կերպարը: «Դատ» ներկայացման թատերախոսը հիմք ուներ ասելու, թե նման սկզբունքը նոյն էր վտանգավոր հետևանքներով, քանի որ

1 «Բանվոր», 1932, 1 հունիսի:

2 Տե՛ս «Խորհրդային Հայաստան», 1933, 20 հունիսի:

«թոփշք դեպի» մեծ կտավ՝ կնշանակեր կատարել շեղում դեպի Է-ժան սոցիոլոգիզմ, սխեմատիզմով շաղախալած, «թոփշք» դեպի հերոսների Է՛լ ավելի «կոնկրետացում» և հոգեբանական «խորացում», կնշանակեր կատարել շեղում դեպի Էժան կենցաղագրություն, պիտի սոցիզմով շաղախալած: Հարկավոր էր պահպանել մասնավորի և ընդհանուրի այնպիսի հարաբերություն, որ ճիշտ արտահայտեր պիեսի ոգին:

Եվ, մեր համոզմութքով, Վ. Աճեմյանին հաջողվել է այդ»¹:

Սա ականատեսի՞ գրող Մկրտիչ Արմենի շատ կարևոր վկայությունն է: Թատերախոսը, հավանաբար, այս ամենը աչքի առնելով, ապացուցում էր, որ հատկապես այս ներկայացման մեջ, ինչպես կիզակետում, կենտրոնացվել են Լենինականի թատրոնի հիմնական նվաճումները, թատրոն, որ արդեն դավաում էր ոչ միայն Սովետական Հայաստանի, այլև ամբողջ Անդրկովկասի առաջատար ստեղծագործական խմբերի շարքը:

Եվ բանն այն չէ, որ կոնկրետ այդ ներկայացման մեջ ուժի-սորը կարողացել կամ չէր կարողացել ստեղծել բեմական անկրոկ-նելի կերպարներ: Ավելի շուտ՝ չէր կարողացել: Բայց դա չէր խնդիրը, այլ այն, որ արդեն նկատել էին արմատական փոփոխությունները ուժիսորի մոտեցման, մերոդի մեջ, և այդ մասին գրում էին անգամ լրագրային հոդվածներում: Ամենակարևորն այն էր, որ Վ. Աճեմյանը հաղորդակցվել էր գործողությունն անդրադարձումով վերարտադրելու արվեստին: Ոչ թե շղթայագերծ բեմական դիմամիկան ինչնամիկան էր բացահայտում իրադարձության բովանդակությունը, ինչպես «Բեկում», «Լեոր» կամ «Մարոկկո» ներկայացումներում, այլ իրադարձությունների լայնքն ու խորքը բացահայտվում էին արտահայտչական որիշ միջոցներով՝ անդրադարձված: Բերենք մի օրինակ: Վ. Կիրշոնի պիեսում կա մի տեսարան, որ Մաուերի տան պատուհանից երևում է գերմանացի բանվորների ցուցը: Կարելի է պատկերացնել, թե Վ. Աճեմյանը ինչպես կրեմադրեր այդ տեսարանը, եթե շարունակեր հավատարիմ մնալ իր «Բեկում» կամ «Մարոկկո» ներկայացումների ոճին: Ուժիս-

1 Տե՛ս «Խորհրդային Հայաստան», 1933, 20 հունիսի:

որ կծավալեր պայքարի ելած բանվորների մասսական երթի դիմամիկ մի պատկեր, անպայման «կլազմակերպեր» նրա դրամատուրգիան՝ դարձնելով ներկայացման ինքնուրուց բովանդակալից դրամատիկական պատկեր: Վ. Աճեմյանը ոչ մի աղդպիսի բան չէր արել «Դատ» ներկայացման մեջ: Նրա հիմնական մտահոգությունը եղել էր այն, թե ինչպես էր այդ երթը անդրադառնում գործող անձանց վրա, իսկ բուն երթը լուծված էր զուսպ ու ժլատ միշոցներով, բայց այնքան արտահայտիչ, որ հանդիսաւուը նրա մեջ զգում էր «համաշխարհային պրոլետարիատի երթը»:

Դարաշրջանի նկարագիրը դարաշրջանի մարդկանց նկարագիր միշոցով ներկայացնելիս ուժիւրը պետք է ամենից առաջ դիմեր սովետական իրականությանը, այն նույն մարդկանց կերպարներին, որոնց համահավաք դիմանկարը նաև այնպես փայլուն պատկերել էր «Բեկում» ներկայացման մեջ: Նիկոլայ Պոգոնինի «Դմ բարեկամը» պիեսը հնարավորություն ընձեռնեց Աճեմյանին ստեղծելու բազմակողմանիորեն հետաքրքիր ներկայացում:

Պատահական չէ, որ Աճեմյանի ընտրությունը կանգ առավ Պոգոնինի հենց այդ պիեսի վրա: Բանն այն է, որ Պոգոնինի նշանավոր «Տեմպ» և «Կացնի պոեմը» պիեսներում դարաշրջանի հերոսի կերպարը դեռ այնպես վառ ու ցայտուն չէր բացահայտվել, ինչպես «Դմ բարեկամը» պիեսում: Իրավացի է Ն. Պոգոնինին նըւիրված մենագրության հեղինակ Ն. Զայցևը, երբ գրում է՝ «Եթե «Տեմպում» որպես հերոս հանդես էր գալիս ժողովրդական զանգվածն ամբողջությամբ, իսկ «Կացնի պոեմը» պիեսում միայն նըշմարվում էին նրա առավել վառ ներկայացուցիչների գեղարվեսութեն անհատականացված ֆիգուրները, ապա «Դմ բարեկամը» պիեսում դրամատուրգի գլխավոր խնդիրը դատնում է դարաշրջանի հերոսի լիարյուն կերպարի ստեղծումը²: Ինչպես գիտենք, նման խնդիր էր ծառացել նաև ուժիւրի առջև, որը Պոգոնինի այդ պիեսի ընտրությամբ իսկ կանգնում էր պրոբենի լուծման ճանապարհին: Վարդան Աճեմյանը ձգտում էր այնպիսի գործող անձանց,

¹Տե՛ս «Խորհրդային Հայաստան», 1933, 20 հունիս:

²Н. В. Зайцев, Н. Ф. Погодин, «Иск-во» հրատ., Լ.—Մ., 1958, էջ 61:

որոնք կարողանային ցուց տալ նոր դարաշրջանի դեմքը, նաև որոնում էր այնպիսի հերոսի տիպ, որն ի վիճակի լիներ բացահայտելու դարաշրջանը: Հիշենք, թե ինչ է ասել Նիկոլայ Պոգոդինը Գայի կերպարի մասին. նա «մեր դարաշրջանի, մեր երկրի մարդն է, որի գոյությունն անհնար է մի որիշ դարաշրջանում, մի որիշ երկրում»¹:

Ավելին, Վարդան Աճեմյանը, որպես նրբազգաց և նրբամիտ արվեստագետ, Գայի կերպարում տեսավ նոր դարաշրջանի հերոսի բնորոշ գծերը, ասես հաստատելով Բ. Ռոմաշովի այն միտքը, թե «այդ կերպարի երևան գաղն խկ շատ մեծ նշանակություն ունի սովետական դրամատորգիայի համար, որովհետև նա կովկասի իր իր հետ քաշում-բերում է դարաշրջանի մի ամբողջ շարք մարդկանց, մի ամբողջ շարք նոր կերպարներ, որոնք զգալիորեն լավն են լինելու Գայից, զգալիորեն բարձր են լինելու հրանից բառոյագիտական առումով...»²: Հետագայում Վարդան Աճեմյանն իր ուժիստրական գործով հաստատեց այս կանխատեսումը, նրա ներկայացումների հերոսներից շատերը շարունակեցին «Իմ բարեկամը» պիեսի բեմադրության մեջ հիմնավորված ավանդները: Գայի բեմական կերպարը, ինչպես այն ըմբռնում էր Վարդան Աճեմյանը 1933-ին Լենինականի թատրոնում, այնուհետև յուրօրինակ կամերտոն եղավ հետագայում Աճեմյանի ուժիստրական մեկնությանը ենթարկված շատ կերպարների համար:

Պոգոդինի «Իմ բարեկամը» պիեսի մեկնության մեջ կար մի կարևոր պարագա, որի վրա հասուկ ուշադրություն պետք է դարձնել: Երկրի շատ թատրոններ, որոնք դիմել են այդ պիեսին, բնականաբար, օգտվել են ներդափոխության թատրոնի փորձից. այս թատրոնում Պոգոդինի պիեսը ներկայացվում էր Ս. Պոպովի փայլուն բեմադրությամբ: Ինչ խոսք, շատ ուժիստրներ Պոպովի ինքնատիկ աշխատանքի գեղարվեստական հմայքի ու ազբեցության տակ էին: Եվ հայտնի էր նրա խոսքը՝ «Ինձ համար պիեսի ստեղծագործական կենտրոնը, «լիցքը» եղել են Գայն ու Ղեկավար ան-

¹ Մեջբերվում է Ն. Վ. Զայցենի գրքից, էջ 65:

² «Советский театр», 1933, № 2—3, էջ 14:

ձը, այս մարդկանց բախումը, որի հարուցած կայծառիյու աղեղը լուսավորում է ամբողջ երկը»¹:

Վարդան Աճեմյանը Ա. Պոպովի ոեժիստրական մեկնաբանումը կրկնեց ոչ միայն այն պատճառով, որ մինչև իր բեմադրության իրականացումը չէր տեսել Հեղափոխության թատրոնի ներկայացումը, այլև ամենից առաջ այն պատճառով, որ նա իր տեսակետն ուներ Ն. Պոգոնինի երկի վերաբերյալ: Դեռ «Խմ բարեկամը» պիեսի վրա աշխատելիս հայ ոեժիստրը հայտարարեց, թե դա բեմադրում է կատակերգական թերումով²: Աճեմյանի ներկայացումն իրոք կատակերգական լուծում ուներ: Բայց այս դեպքում ինչպես ս համադրենք Ն. Պոգոնինի պիեսի առաջնային «լիցքի» ըմբռնումը Վ. Աճեմյանի բեմադրության կատակերգական հիմքի հետ:

Այս հարցը բացարություն է պահանջում և այնքան էլ պարզ հարց չէ, որքան թվում է: Ժամանակին «Խմ բարեկամը» պիեսը վիճաբանությունների առիթ է տվել: Չնայած պիեսը բարձր է գնահատվել ընդհանրապես, այնուհանդերձ քննադատվել է ակնարկային, էսքիզային բնույթի համար, այսինքն՝ այն բաներում, որոնք Պոգոնինի վաղ շրջանի դրամատորգիայի թույլ կողմներն էին: Այսպես, Ի. Ալայոնովը գրել է, թե «մի շարք ֆելիետոնների մոնտաժի ձևով կառուցված «Խմ բարեկամը» պիեսը կազմված է գլխավորապես էքսպոզիցիաներից և ինֆորմացիոն ուղղվիկներից: Իրադարձությունները, ինչպես ֆրանսիական ողբերգության մեջ, հանված են բեմից դուրս: Ուստի ինֆորմացիան հակված է արտահայտիչ ընթերցանությամբ տարվող բեմական պատումի ձև ընդունելու: Այստեղից էլ՝ հոգական արագ անցումները նրա շարադրանքի մեջ և գործողությունը նրանցով փոխարինելու ձգտումը, գործողությունը, որը ոչ մի կերպ չի կարողանում սկսվել և սկսվելուն պես էլ ընդհատվում է: «Խմ բարեկամը» պիեսը առավել տիպական է ակնարկային դրամատորգիայի համար...»³:

Արդեն հարկ չկար առանձին տեսարանները շղթայակցել

¹ Մեջբերվում է Ն. Զորկայայի «Ա. Պոպովի ստեղծագործական ուղին» գրքից, Մ., 1954, էջ 110:

² «Բանվոր», 1933, № 148:

³ «Teatr и драматургия», 1934, № 6, էջ 25—26:

Անեմյանի առաջին ներկայացումների ոճով: Անհրաժեշտ էր շղթայակցել առանձին կերպարների գիծը, ամրապնդել առանձին կերպարի դրամատորգիական դերը, այսինքն՝ ստեղծել բնական ամբողջական բնավորություն, ներկայացման լուրաքանչյուր կերպարի համար գտնել բնավորության անընդմեջ զարգացող գիծ: Մինչդեռ «ակնարկային դրամատորգիայի համար տիպական» այս պիեսում մարդկային բնավորությունները նշված են, այսպես ասած, կետագծերով: Անհրաժեշտ էր լրացնել դրամք, այդ գծերին որոշակի կոլորիտ հաղորդել, ավելին, ստեղծել անհատական բնավորությունները: Եվ ահա ներկայացման ընդհանուր ինտոնացիան, կարելի է ասել, խարակութերները գտնելու համար Վարդան Անեմյանը նախընտրեց կատակերգական գործ ստեղծելու ճանապարհը, որը նույնպես իր պատճառներն ուներ:

Ժամանակին մեր թատերական քննադատության մեջ հաստատվեց մի մեկնակերպ, ըստ որի Նիկոլայ Պոգորինի պիեսների հերոսները բացասական գծերից ազատվում են այն միակողմանի իմաստով, ինչպես այն ժամանակ ըմբռնվում էր բացասական գործող անձը: Օրինակ, Ս. Գորվիչի և Յու. Յուզովսկու կարծիքով, Պոգորինը ներռողամիտ է իր հերոսների արատների նկատմամբ, ավելի շուտ նրանց բնավորություններում տեսնում է մարդկայն թուլությունները, քան արատները, և որ Պոգորինի հումորը մեղմ է, ոչ թե դատապարտող, այլ սուկ կարելեցող¹:

Որքան էլ այսօր ժիսովի այդ մեկնակերպը², վերջինս քննադատների հորինածը չէր, այլ իր հիմքերն ուներ բուն պոգորինյան դրամատորգիայի մեջ, մասնավորապես նրա վաղ շրջանի գործուում, այդ թվում՝ «Ի՞ն բարեկամը» պիեսում: Նույնիսկ այեւսի գոլիավոր հերոս Գրիգորի Գայը այնպիսի բաներ է անում, որոնց մասին մամուլը խիստ բացասաբար արտահայտվեց, Գային համարելով «տիպիկ ներկայացուցիչը գրոհանության, որի դեմ կուսակցությունը վճռական պայքար է մղում»³: Բայց այս

¹ «Театральныи альманах», գիրք, 7, Մ., 1948, էջ 30:

² Н. В. Зайцев, «Н. Ф. Погодин», «Иск.-во», Լ.—Մ., 1958, էջ 75—76:

³ В. Киршон, Счет критике, «Театр и драматургия», 1935, № 4, էջ 9:

Առվան Գային դրամատուրգը պատկերել է աղնքան ցայտուն, նրա սիսալներն ու թերությունները մասուցված են ալմայիսի մեջմ, իրոք ոչ թե դատապարտող, այլ կարեկցող հումորով, որ կերպարի բացասական գծերն ընկալվում են որպես թուլություններ:

Նկատի առնելով ն. Պոգոսինի դրամատուրգիական «Ճեռագրի» հենց այս առանձնահատկությունը, Վարդան Աճեմյանը ներկայացումը լուծեց կատակերգական եղանակով— ամենից ավելի համապատասխան այն տեսանկյունին, որով դիտվում էին «Իմ բարեկամը» պիեսի դեպքերը: Եվ եթե Ս. Պոպովի ներկայացման մեջ կատակերգական լուծում ունեին սուկ առանձին տեսարաններ, օրինակ, «Ծողովրդական տնտեսության համամիութենական խորհրդի միջանցքի» տեսարանը, ապա Լենինականի թատրոնում գրեթե բոլոր տեսարանները ներթափակացված էին մեղմ հումորով, մաժորային լուսավոր տրամադրությամբ, որ ստեղծվում էր գործող անձանց մարդկային բնավորությունների ներկայացում բերած հումորի և զվարճանքի շնորհիվ: Սա կարևոր է նաև այն պատճառով, որ ոեժիսորը սովորել էր ներկայացման ընդհանուր տրամադրություն ստեղծել առանձին գործող անձանց տրամադրությունների բարդ միահյուսված ամբողջությունից: Առաջ Աճեմյանը հիանալի կարողանում էր ներկայացման ընդհանուր տրամադրություն ստեղծել մասսայական տեսարաններով: Ընդհանրապես ոեժիսորի համար մասայական տեսարանները գլխավորն էին, և դրանք էին լուծում ներկայացման թե՛ ոճը, թե՛ գաղափարը և թե՛ կոմպոզիցիան: Դեռ 1933-ին Գեղամ Սարյանը իրավացիորեն գրել է. «Աճեմյանի բեմադրությունները դիտող յուրաքանչյուր հանդիսատես կմկատի, որ նրա ոեժիսորական աշխատանքը կենտրոնացած է ընդհանուրի, գլխավորապես մասայական տեսարանների կազմակերպման վրա»:¹ Բայց շատ հետաքրքիր է, որ նոյն թատերախոսը նկատում է էական տարբերությունը Աճեմյանի բեմադրությունների միջև. «... Եթե իր ոեժիսորական գործունեության առաջին տարիներին Աճեմյանի բեմադրություններն ունեցել են թերություններ, պարունակում են ֆորմալիզմի և նատուրալիզմի տար-

¹ «Խորհրդային արվեստ», 1933, № 12, էջ 12:

յեր իրենց մեջ, ապա պետք է ասել, որ ինչպես «Հացի», նույնպես և «Խնդրության փողոցի» և «Դատի» մեջ վերացել են նման տիպի թերությունները և այդ բեմադրություններով նա ներկայում կանգնած է իր բեմադրությունների մեջ կյանքը դիալեկտիկորեն վերարտադրելու ճանապարհի վրա» (ընդգծումն իմն է, Ս. Ռ.)¹:

Ընդհանուրի և կոնկրետի սինթեզի որոնումները ուժիսորդին մը-ղեցին դեպի այնպիսի պիեսներ, որոնց առանձին կերպարները նը-ման պոտենցիալ հնարավորություններ ունեին: Այս առումով պա-տահական չէր նաև Վիկոր Գուսկի «Փառք» պիեսի ընտրությու-նը: Պիեսի հերոսը՝ Վասիլին ժամանակակից սովորական մարդու ներաշխարհի նոր խորքերն էր բացում: Վասիլին շինարարության նշանավոր դեկավար չէր, ինչպես Գրիգորի Գայը, աչքի ընկնող անձնավորություն էլ չէր, և նրա փառքը, ինչպես ասում է «Փառք» բանաստեղծության նախատիպը, «թաքնված էր գործարանի բա-ժանմունքներում», «չէր շառաչում»: Համեստ ու սուսիկ-փուսիկ սակրավոր Վասիլին, անհրաժեշտության բերումով, կյանքը զո-հում էր հանուն մարդկանց փրկության: Գուսկի «Փառքը» շատ ան-հրաժեշտ օղակ է Աճեմյանի ուժիսորական որոնումների շղթա-յում, քանի որ գլխավոր հերոսի կերպարի վրա աշխատելիս ուժի-սորը որոնում էր արտահայտչական այնպիսի միջոցներ, որոնք ու-նակ լինեին ամենասովորականի մեջ արտահայտելու դարաշրջանի: հերոսական ոգին, որ ներքին ուգիսորով ու պաթոսով համարվն-չուն լիներ Աճեմյանի հերոսական ներկայացումների ոգուն, սակայն ոճով, գեղարվեստական հյուսվածքով՝ տարբեր:

Աճեմյանի հաջորդ ուժիսորական աշխատանքներում շարու-նակվեցին ներկայացման մեջ ընդհանուրի և կոնկրետի միահյու-ման ուղիների որոնումները: Այդ որոնումները ստեղծագործական նշանակալից արդյունքների հասցրին Ս. Կապերի և Տ. Զլատոգո-րովայի «Լենինը 18 թվականին» («Լենին») պիեսի բեմադրության մեջ: Այս ներկայացումն ըստ արժանվույն գնահատեցին մամուն ու մեր թատերական քննադատությունը: Թատրոնի կողեւկտիվը և ու-ժիսորը պատասխանատվության մեծ զգացումով էին մոտեցել այդ ներկայացմանը, որի մեջ առաջին անգամ Լենինականի թատրոնի

1 «Խորհրդային արվեստ», 1953, № 12, էջ 12:

թեմում պատկերվեց Լենինի կերպարը: Ներկայացումը տարբեր տեսանկյուններից լուսաբանվեց այդ տարիների հայ պարբերական մամուլում, և հետաքրքրվողները կարող են ծանոթանալ այդ նյութերին: ¹

Այս գլուխ թեմայի համար «Լենին» ներկայացումը հասուն հետաքրքրություն ունի ոչ միայն թեմատիկ առումով, —չէ՞ որ եթե ուժիսորը կանգնել էր դարաշրջանի նկարագիրը առանձին մարդու նկարագրի միջոցով բացահայտելու ճանապարհին, ապա Լենինի կերպարը ամենահարուստ հնարավորություններ պետք է ընձեռներ ճրան: Առանձնապես հետաքրքրի է ուժիսորի մոտեցումը պիեսին և, ամենից առաջ, Լենինի կերպարին: Պատահական չէր հան այն, որ Ամերիանի ընտրությունը կանգ առավ հատկապես «Լենին» պիեսի վրա, որը առաջնորդի կերպարը մարդկանացված է, մի տեսակ հողին կանգնեցված: Պիեսի ընձեռուած հնարավորությունները ուժիսորը սկզբունքորեն ու հետևողականորեն խորացրեցի նպաստ իր կոնցեսցիայի զարգացման: Գրեթե Լենինականի թատրոնին համաժամանակ «Լենին» պիեսը բեմադրվեց Գ. Սունդուկյանի անվան թատրոնում: Թատերախոսը գրեց. «Համառոտ բնութագրելով այս երկու բեմադրությունների առանձնահատկությունները, կարելի է ասել, որ Սունդուկյանի անվան թատրոնում ներկայացման հիմնական գիծը կառուցվում է պրոլետարական հեղափոխության հանճարեղ ստրատեգ Վ. Ի. Լենինի կերպարի, ճրա նպատակամեան գործունեության, հեղափոխական կրքոտության ցուցադրման վրա, իսկ Լենինականի թատրոնում ավելի շեշտվում է առաջնորդի կերպարի ցուցադրումը սովորական պայմաններում, ընդգծվում են սոցիալիստական մեծ մարդասերի հատկանիշները»²:

«Առաջնորդի կերպարի ցուցադրումը սովորական պայմաններում», —սա թատերախոսի պատհական դիտումը չէ: Ամերիանի համար ամենակարևորը դարաշրջանի նկարագրի բացահայտումն

¹ «Коммунист», 1940, 16 մայիսի: «Խորհրդային Հայաստան», 1940, 23 մայիսի, «Բանվոր», 1940, 20 ապրիլի, «Խորհրդային արվեստ», 1940, 2—3: Տե՛ս Ռ. Մադոյան, «Թատրոնի ուղին», էջ 154—159:

² С. Барсегян, «О двух постановках пьесы «Ленин», «Коммунист», 1940, 16 մայիսի:

Էր նրա առօրյայի ամենասովորական դրսւորումների միջոցով։ Ինչ խոսք, կարելի էր հեղափոխական դարաշրջանը բացահայտել Լեռնին-տրիբունի, Լեռնին-հեղափոխության ստրատեգի Կերպարի, այսինքն՝ համաճիշ հասկացության միջոցով, սակայն Աճեմյանի ռեժիսորական արվեստի համար դա արդեն անցած փոլ էր։ Դա անցած փոլ էր նաև սովետական թատրոնական դպրոցի, այդ թվում և դրամատուրգիայի համար, ուր Ս. Կապլերի և Տ. Զլատոգրորովայի «Լեռնին» պիեսի նման երկի երևան գալը օրինաչափ ու բնորոշ երևույթ էր։ Լեռնիյան նախորդ պիեսների փորձով հարատացած «Լեռնին» պիեսում իրադարձությունները պատկերված են փոքր-ինչ ուրիշ տեսանկյունով՝ ավելի առօրյա, սովորական։ Հետաքրքիր է, որ այդ ժամանակվա հայ պարբերական մամուլում կշտամբանքներ եղան «Լեռնին» պիեսի հենց այդ հատկանիշների առթիվ։ «Այս պիեսի մեջ լիովին չի զգացվում Լեռնին Կերպարի մոնումենտալությունը։ ...Հաճախ դրամատուրգները դժվար ուղիղվ գնալու փոխարեն, այսինքն Լեռնինի կերպարը ավելի լայն չափով ցուցադրելու համար դրամատուրգիական եղանակները գտնելու և նրա տարրեր կողմերը, օրինակ՝ Լեռնին-առաջնորդ, Լեռնին-Հոկտեմբերյան հեղափոխության ղեկավար, Լեռնին-Խորհրդային իշխանության ստեղծող և այլն ընդգծելու փոխարեն, այս կողմը փոխարինում են կենցաղային տարրեր տեսարաններով»¹։

Մինչդեռ Աճեմյանն իր բեմադրության մեջ հասուկ ուշադրություն էր նվիրել հենց այդ, այսպես կոչված «կենցաղային» տեսարաններին ու մանրամասերին, որոնց միջոցով ռեժիսորը փորձել էր արտահայտել նրանց ընդհանրացված իմաստը, սովորականի մեջ բացահայտել դրակազմիկը, փոքրի մեջ տեսնել մեծը։ Իսկ սա պահանջում էր բեմական մանրամասերի հանգամանալից մշակում, առանձին գործող անձանց միանգամայն հավաստի փոխհարաբերությունների ստեղծում։ Այժմ արդեն բեմակինակները պետք է ծառայեին ոչ թե ընդհանրացված գաղափարը խորհրդանշորեն արտահայտելու խնդրին, այլ կենցաղային ռեալ իրադրության կոնկրետ ցուցադրմանը, այսինքն փոխվել էր ռեժիսորական բեմակինակի

¹ «Խորհրդային արվեստ», 1940, № 2—3, էջ 29.

բնական բուն էությունը, բեմավիճակ-կերպարներից, բեմավիճակ-խորհրդանշաններից հասել էր ուել իրականության իմաստավորված պատկերի: Եվ քանի որ այդ պատկերների սովորական և առօրեական բնույթը հիմնորոշող նշանակություն ուներ, դրանք պետք է լինեին պարզ ու մատչելի: Ամա թե ինչո՞ւ «ուժիսորը միզանացեն-ները մշակել է պարզ ու հստակ, որ անպայման օգնել է ավելի ցայտուն կերպով երևան հանելու Լենինի հետ կապված էպիզոդների առանձին մումենտները»¹:

Սակայն չպետք է կարծել, թե Ամերիկանը, հրաժարվելով բեմավիճակ-պատկերից, հրաժարվում էր նաև պատկերավոր բեմավիճակներից: Նույնիսկ ամենակենցաղային տեսարաններում ուժիսորը բեմավիճակի պատկերավոր լուծում էր գտնուն, ամուր տպավորում էր այն հանդիսատեսի հիշողության մեջ՝ տեսարանի թատերայնորեն արտահայտված բովանդակության շնորհիվ: Կարելի է հիշել թեկուզ այնպիսի մի կենցաղային տեսարան, ինչպես՝ Կրուպըսկայան վիրավոր Լենինի անկողնու մոտ: Բժիշկները Լենինին արգելել են խոսել, ճրա առողջական վիճակը տագնաապ է հարուցում: Կրուպսկայան նատած է անկողնու մոտ: Լիակատար լուրջուն: Բեմավիճակն սկսում է զարգանալ: Կրուպսկայան ելնում է տեղից և լուր քայլում մահճակալի կողքով: Նա, հայացքը չկտրելով Լենինից, շրջանցում է մահճակալը՝ դանդաղ, զգուշ, շրջանցում է մի անգամ, հետո՝ կրկին ու կրկին... Եվ արդեն այս բեմավիճակը մոռանալ անկարելի է: Բեմավիճակն սկսվեց որպես սովորական կենցաղային տեսարան, բայց աստիճանաբար, պարզ ու հասարակ մանրամասի օգնությամբ ուժիսորը կարողացավ թատրոնի լեզվով բացահայտել նշանակալից մի միտք՝ տագնաապը Լենինի կրյանքի համար, մարդկային մեծ տագնաապ, որ արտահայտված է ոչ թե ինչ-որ ծավալուն տեսարաններով, այլ մի պարզ մանրամասով:


Զգուելով պարզի մեջ՝ բարդը, սովորականի մեջ՝ նշանակալից հաղորդել, Վարդան Ամերիկանը, սակայն, հետամուտ չէր բեմական պարզ մանրամասը բազմանշանակ դարձնելուն, որ ապացուցեց նաև «Լենին» երկայացման մեջ: Ուժիսորը հարստացնում էր

1 «Խորհրդային արվեստ», 1940, № 2—3, էջ 29:



Վահրամ Փափազյանը՝ 1946





Արա Սարգսյանի պատկերմամբ

բեմական անպաճույն մանրամասը՝ չդարձնելով պարզունակ այլաբանություն։ Այս միտքն ավելի որոշակի դարձնելու համար բերենք մի օրինակ։ «Լենին» պիեսում կա մի հայտնի տեսարան, որ Լենինը գրուցում է տամբովյան գեղջուկների հետ։ Սրանցից մեկը չըքալոր է, մյուսը միջակ, երրորդը՝ ունոր։ Լենինի գրուցն իսկ միանգամայն պարզորոշ բացահայտում է նրա վերաբերմունքը գյուղացիների նկատմամբ, և Անեմյանն աշխատել էր այդ հետաքրքիր գրուցի ներքին շիկացումն արտահայտել հավաստի մեկնությամբ։ Գ. Սունդուկյանի անվան թատրոնի բեմադրության մեջ Լենինը ընդգծված տարբեր կերպ էր հրաժեշտ տալիս չքալորին, միջակին ու կուլակին։ Այս տարբերության մեջ ունժիսորը ցանկացել էր ցուց տալ սովետական իշխանության վերաբերմունքի տարբերությունը գյուղացիության այդ խավերի նկատմամբ։ Ունժիսորը փաստորեն գոեհիկացրել էր բեմում պատկերված կենցաղը։ Անեմյանը չգնաց այդ ճանապարհով, թեկուզ և քննադատվեց այդ պատճառով։ «Ունժիսորի կողմից ճիշտ չի տրված Տամբովի նահանգի գյուղացիների բաժանումը Լենինից։ Այդ տեսարանը դեռ մշակման կարիք ունի։ Կուլակի-թշնամու օբրազը դեռ բացված չէ։ Լենինի մնաս-բարովի միջոցով դրանորված է խորհրդային իշխանության վերաբերմունքը դեպի չքալոր, միջակ ու կուլակ գյուղացիությունը՝ մի բան, որ այնքան հաջողությամբ տվել է Երևանի թատրոնը»¹։

Խուսափելով գոեհիկ սոցիոլոգիզմից, ընդհանրացված բեմավիճակ-խորհրդանշաններից, Անեմյանը, սակայն, ընկալ հակառակ ծայրահեղության մեջ՝ մեր արվեստի կողմից դեռևս չհաղթահարված մարդկային կոնկրետ հույզերի «ցանցը», հույզեր, որոնք հաճախ սենտիմենտալ-մելոդրամատիկական լուծում էին ստանում։ Այդ հանգամանքը, ըստ երևույթին, անխոսափելի էր ընդհանրացված գաղափարներ արտահայտող ընդհանրացված ձևերից մարդկային որոշակի և ուսալ հույզեր արտահայտող հավաստի ձևերի անցնելիս։ Բայց ինչ-որ տեղ յերևս Վարդան Անեմյանը չափից ավելի տուրք տվեց այդ կոնկրետ հույզերին, և մելոդրամատիզմի ինտոնացիաներն ու կրքերի սենտիմենտալ դրասերումները սկսեցին

¹ «Խորհրդային Հայաստան», 1940, 23 մայիսի։

ներթափանցել նրա ուժիստրական հետագա աշխատանքների մեջ: Այլ խոսքով ասած, ուժիստրը միշտ չէ, որ հաղթահարում էր գործող անձանց հոգական կոնկրետ աշխարհի էմպիրիզմը, ակամա տարվում էր այդ իրոք գունագեղ աշխարհով և փոքր-ինչ հեռանում կըրքերը սանձառ արվեստագետի դիրքերից: Ի դեպ, այս հարցը չափազանց խճճված է և նրա մասին կիսումի առանձին, մասնավորապես գորքի վերջին գլխում: Խակ այժմ նկատենք՝ նույնիսկ «Լենին» ներկայացման մեջ տեղ-տեղ մելոդրամատիկական ինտոնացիաները շեշտվում են այն աստիճան, որ քննադատությունն ստիպված էր խոսել այն մասին: Հայտնի է, որ փոքրիկ նատաշայի ճակատագիրը պիեսում առանց այն էլ մելոդրամատիկական գունավորում ունի: Ուժիստրը որոշեց ավելի ընդգծել այդ: «Լավ չէ, որ Անեմյանը մի էպիզոդում ավելորդ ընդգծում է արել փոքրիկ նատաշայի վիճակը տալու համար: Առանց դրան էլ Լենինի ու նատաշայի տեսարարը հեղինակեները տվել են ցայտուն կերպով և կարիք չկա նատաշայի երգը մտցնելով՝ մելոդրամատիկ դարձնել այդ ողջ տեսարանը»¹:

Թատերախոսը միանգամացն ճիշտ է նկատել՝ հենց որ ընդգրծվում է տեսարանի մելոդրամատիկական կողմը, թուլանում է նրա ընդհանրացնող ուժը:

Բնորոշ է, որ Անեմյանը, ի դեպ, ինչպես նաև որիշ ուժիստր-ներ, ներկայացման մելոդրամատիկական «լարին» դիպչելուն պես սկսում էր չափից ավելի առատորեն օգտվել երաժշտությունից: Այս առումով «Լենին» ներկայացումը բացառություն չէր, այստեղ երաժշտությունը, ընդ որում՝ զուտ իլլուստրատիվ երաժշտությունը, չափազանց մեծ տեղ էր բռնում:

Խոսելով «Լենին» պիեսի բեմադրության որոշ թերությունների մասին, ուզում ենք ցուց տալ, որ նույնիսկ այնպիսի բարդ ու հետաքրքիր ուժիստրական աշխատանքում, որ ներկայացում կառուցելու ինդուկտիվ մեթոդը հաստատվում էր սկզբունքորեն, նըկատվում էին բոլորովին էլ ոչ պատահական շեղումներ: Իր նախորդ ներկայացումներում դարաշրջանի դեմքը պատկերելով լայն վրձնահարվածներով, մասսայական տեսարանների միջոցով, Ա-

1 Լ. Գրիգորյան, Նպատակասլաց ներկայացում, «Հորհրդագին արվեստ», 1940, № 2—3, էջ 30:

Անմյանը դեռևս խոր չէր թափանցել առանձին մարդկանց հոգեկան աշխարհի գաղտնաբանները, ուստի և հեռու էր մարդու մեղողամատիկական ապրումների ոլորտն ընկանելու վտանգից: Հույզերի այս բարդ ոլորտը ուժիքուրի առջև բացվեց այն ներկայացումներում, որ նա փորձում էր առանձին մարդու կերպարում բացահայտել դարաշրջանի նկարագիրը: Եվ հենց որ ուժիքուրը գործ էր ունենում մարդու ներաշխարհի հետ, չէր կարողանում անտարքեր մնալ նրա ապրումների նկատմամբ, նույնիսկ երբ դրանք մեղողամատիկական էին լինում: Ուժիքուր Անմյանի այս «թուլությունը» այդպես էլ մնաց, թեև իր լավագույն բեմադրություններում նա միշտ էլ կարողանում էր մարդկային զգացմունքը բարձրացնել մեղողամայի և նույնիսկ դրամայի մակարդակից, ճգուլով ողբերգականության:

Թվում է, թե մեղողամատիկական լուծումների նկատմամբ Անմյանի ունեցած այս «թուլությունը» պետք է բարեբեր հող գտներ պատերազմական տարիներին: Բայց հենց այդ տարիներին անմյանական ներկայացումների ուժիքուրացում առանձին ուժով հնչեց նրա ստեղծած բեմական կտավների խառաջուն առնականությունը: Հնդիանաբան պատերազմական ժամանակը չափազն ինքնատիպ կնիք դրեց նայ թատրոնի ուժիքուրական արվեստի, այդ թվում նաև Վարդան Անմյանի ներկայացումների ուժիքուրայի վրա: Այս անգամ էլ, ինչպես 1920-ական թվականների սկզբին, փոքր ձևերի ներկայացումների անհրաժեշտություն զգացվեց, ներկայացումներ, որ լինեին վառ ու ցայտուն, մատչելի ու հանկանալի հանդիսատեսների ամենալայն շրջաններին: Բուն պատերազմական կյանքը և թատերական հանդիսանքների վերածնված ձևերը կարող էին մեր թատրոնը վերադարձնել հեղափոխության առաջին տարիներին անցած ուղին: ԶԷ՞ որ նորից պատմությունն ստեղծում էին ժողովրդական զանգվածները, կրկին դրամատորգիայի թեմատիկան թելադրում էր ստեղծել ժողովրդի հերոսական գործերին նվիրված ներկայացումներ, այսինքն՝ բոլոր նախադրյալները կային, որպեսզի թատերաբեմում վերատին իշխեր ժողովրդական զանգվածների կերպարը, որի նկարագրում կարելի էր տեսնել բուն դարաշրջանի նկարագիրը:

Վարդաճ Աճեմյանի ուժիսորական ստեղծագործության օրինակով կարելի է վստահորեն ասել, որ արդեն անցած ուղղու կրկնություն չեղավ և չեղավ ամենազլիսավոր բանում՝ ներկայացում կառուցելու մեթոդի մեջ։ Նոր դարաշրջանի նկարագիրն այժմ Աճեմյանի բեմադրություններում արտացոլվում էր ոչ թե դրույթների ձևով, ոչ թե մասսայական տեսարանների և ընդհանրացված-խորհրդանշական բեմավիճակների միջոցով, այլ մարդու ներաշխարհը խորապես թափանցելու շնորհիվ։ Ի տարբերություն Աճեմյանի նախկին բեմադրությունների, ուր մարտնչող ժողովրդական ուժերի հերոսականացումը ձեռք էր բերվում պարզորոշ կառուցված մասսայական տեսարանների, բեմական գործողության արտաքին ազդու դիմամիկայի միջոցով, պատերազմական տարիների ներկայացումներում ուժիսորը չափազանց ուշադիր էր գործող անձանց հոգեբանական նկարագրի հանդեպ, հերոսներ, որոնց հոգեկան կերտվածքում նաև ձգտում էր ի հայտ բերել ներկայացման ներքին դիմամիկան։ Ուժիսորի այս աշխատանքներում, Ա. Պոպովի խոսքերով ասած, հաստատվում էր «կեցվածքից ու անքնականությունից զերծ մեր հերոսականությունը»։

Ինչ խոսք, Աճեմյանը պատերազմական շրջանի իր ներկայացումներում միանգամից չէ, որ հասավ առնական պարզության, նոր թեմատիկան պետք է ըմբռնվեր ու իմաստավորվեր գեղարվեստորեն։ Բայց պատերազմական պիեսի դիմելու նրա առաջին իսկ փորձը ցուց տվեց, թե որքան ճիշտ էր ուժիսորի գեղագիտական դիրքորոշումը։

Նաիրի Զարյանի «Վրեժը» Հայրենական մեծ պատերազմի իրադարձությունները պատկերող առաջին պիեսն էր հայ սովետական դրամատուրգիայում։ Սա նաև Նաիրի Զարյանի անդրամատիկական երկն էր, որ բեմ բարձրացավ։ Բանաստեղծ Զարյանի և ուժիսոր Աճեմյանի հանդիպումը նշանակալից էր նաև այն բանով, որ հետագայում բանաստեղծը հայ թատրոնին տվեց ևս մի շարք հետաքրքիր գործեր, այդ թվում՝ նշանավոր «Արա Գեղեցիկը», որի բեմադրությունը սահմանագծային նշանակություն ունեցավ հայ սովետական թատերական մշակույթի պատմության մեջ։

«Վրեժը», որ բեմադրվեց Գ. Սունդուկյանի անվան թատրոնում, 1941-ի հոկտեմբերին, դրամատիկական պոեմ է, որը չափածոյի բանաստեղծական ոժը գերակշիռ է դրամատիկական գործողության համեմատ: Երկի նման կառուցվածքը ուժիսորին թելադրեց ներկայացման համապատասխան ձև, որը գեղարվեստական ասմունքին զգալի տեղ էր հատկացված: Ցուրաքանչյուր արարից առաջ նախարեմ էին գալիս դերասանութիւններ Արուս Ռոկանյանը, Ա. Մկրտչովյանը, Թ. Դեմորյանը և հատվածներ կարդում պոեմից: Այս ասմունք-նախարաբանները ոչ միայն պատմում էին տեղի ունեցող իրադարձությունների մասին, այլև ուղղակի արտահայտում հեղինակի վերաբերմունքը նրանց նկատմամբ: Դրանք պիեսի հեղինակային բանաստեղծական իմաստավորումներն էին, իսկ բուն պիեսում գործողությունը ծավալվում էր հոգեբանական ընթացքով:

«Վրեժի» դրամատիկական կոլիզիան կառուցված է երկու աշխարհի ներկայացուցիչների բախման վրա: Ու թեն Անեմյանի ներկայացման մեջ բացահայտվում էր դարաշրջանի դրամատիկական պատկերը, այնուհանդերձ, վերջինս արտահայտված էր մի կողմից սովորական մարդկանց՝ Վասիլի Գերասիմովի, Մուշեղ Արամյանի և Լարիսայի, մյուս կողմից՝ Փաշխատ սպաների ու զինվորներ Վիլհելմ Շրեդերի, Վիլլի Բոչի, Շուլցի չափազանց կոնկրետ ու անհատականացված կերպարների միջոցով: Ու թեն ներկայացման գործող անձինք աշքի չեն ընկնում բնավորության խորությամբ, սակայն բեմադրության ուժիսորական լուծման բուն մեջողը ճիշտ էր և արդյունավետ:

«Վրեժ» ներկայացման մեջ ուժիսորի արտահայտչական միջոցների լեզուն փոքր-ինչ պարզունակ էր, ուստի ներկայացման գործող անձինք գեղարվեստորեն միագիծ էին, մակերեսային հոգեբանությամբ: Արա պատճառը բոլորովին էլ այն չէր, որ ուժիսորը անզոր էր եղել կերպարները կամ ներկայացման իրավիճակները դարձնել բարդ ու բազմակողմանի: Նոր թեման, որի մեջ արտացոլվել էր դարաշրջանի կոլիզիան, շատ պատճառներով պահանջում էր մեկ որիշ գեղարվեստական լուծում: Հատկանշական է, որ նման պրոցես տեղի է ունեցել նաև պատերազմական

ժամանակների հայ պոեզիայում, որ նկատել է Մարիետա Շահինյանը. «Բառ ու բանի այդ շարժումը, բառապաշարի այդ ընդլայնումը և միաժամանակ լեզվի վերադարձը իր պարզագույն ակոնքներին, նախահիմքի խորունկ զգայություններին ու պահանջներին, որոնցով մարդը այնքան վառ ապրում է պատերազմի ժամանակ,— այս ամենն իրենց ազդեցությունից դուրս չթողեցին նաև Հայաստանի բանաստեղծներին»¹:

Թատրոնի լեզվի վերադարձը իր պարզագույն ակոնքներին, նախահիմքի խորունկ զգայություններին, հնարավորություն ընձեռեց ոչ միայն դարակազմիկ նշանակություն ունեցող իրադարձություններն արտահայտել պարզ ու մատչելի ձևերով, այլև թույլ տվեց այդ պարզ ձևերի միջոցով հասնել պատերվող իրադարձությունների ընդհանրացված ցուցադրմանը: Ծիշու է, այդ պարզ ձևերը փոքր-ինչ աղքատացնում էին թատրոնի արտահայտչական լեզուն, բայց ոչ այն պատճառով, որ բուն ուժիս արդիական մեթոդը ճիշտ չէր: Անեմյանն արդեն իր հաջորդ բեմադրության մեջ՝ «Ֆրոնտում», ապացուցեց իր ընտրած ուժիսության արշմարտացիությունը:

Սկսելով աշխատանքը Ա. Կորնելյոսի «Ֆրոնտ» պիեսի վրա, Վարդան Անեմյանը փորձեց ինքնուրույն լուծել այդ երկի բարդ պրոբլեմատիկան, քանի որ նրանից առաջ երկրում դեռ ոչ-ոք չէր բեմադրել այդ պիեսը: Գ. Սունդուկյանի անվան թատրոնի պրեմիերայից հետո կամ գրեթե հրա հետ համաժամանակ «Ֆրոնտը» երևան եկավ մի շարք թատրոնների բեմերում, այդ թվում՝ ՄԽՍԴ-ում, Փոքր թատրոնում, Վախթանգովի անվան, Մոսավետի թատրոններում և այլուր: Հայտնի է, որ քիչ չէին «Ֆրոնտի» գեղարվեստական հետաքրքիր լուծումները: Գեղարվեստական թատրոնում, օրինակ, գգտում էին պիեսի հրապարակախոսական բնույթը և աստիրական սուր լեզուն հայտահարել հակադիր ուժերի հոգեբանական կրնֆլիկտը խորացնելու, «գոռլովշինալին» հակադրվող բանակի բնութագիրը ուժեղացնելու միջոցով: Բայց որպան էլ լուրջ էր «Ֆրոնտի» միաստյան մեկնաբանությունը, այնու-

¹ M. Шагинян, «Армянская поэзия в Отечественной войне», *ժողովածուի առաջաբանը*, Մ., 1947, լ. 4:

հանդերձ ներկայացման մեջ կրքոտ, անողոք ու համոզիչ չէր Գողովի դատը: Վախթանգովի անվան թատրոնում, ընդհակառակը, գլասավոր ուշադրությունը դարձված էր Գողովի կերպարի վրա, ամենաանողոք դատաստան տեսնելով նրա հետ: Գողովի հետագա ճակատագրի նկատմամբ վերաբերմունքը մի փոքր անորոշ էր թվում Մոսավետի անվան թատրոնի ներկայացման մեջ. այստեղ չկար «Գողովը կողմվի», թե ոչ» հարցի վճռական պատասխանը: Իրենց՝ հանդիսատեսներին էր թողնված կողմնորոշվել այդ հարցում»¹:

Աճեմյանի ներկայացման հրապարակախոսական սրությունը, հոգեբանական հավաստիությունը և, որ շատ կարևոր է, վառ թատերայնությունը օրգանապես միահյուպել էին, ատեղծել ընդհանրացման մեծ հնարավորություններ ունեցող բեմական կրոպ: «Վրեժ» բեմադրության պարզունակությունը այստեղ հաղթահարված էր ոչ միայն ներկայացման կերպարների վրա ուժիուրական մասնակիության աշխատանքով, այլև այն բանի շնորհիվ, որ Աճեմյանը «Ֆրոնտում» գտել էր կոնցեպցիոն կարևոր մոտիվ: Աճեմյանի բեմադրության մեջ առաջին պլանում էր ոչ թե ուզմանակատը դեկավարելու մեթոդների ներ ուզմական հարցը, այլ ամենից առաջ կյանքի, մարդկանց, ստորադրյալների ու դեկավարության նկատմամբ սովորական մարդու վերաբերմունքի արմատական լայն պրոբլեմը:

Հրաժարվելով Գողովի կերպարի սատիրական բնութագրումից, ուժիուրը և նվաճ Գողովի դերակատար Գուրգեն Զանիքելյանը աշխատել էին խորանալ կերպարի սոցիալական էության մեջ, Գողովին տեսնել պատճառների այն ամբողջ շղթայում, որ դրդել է դատավ նրան այնպիսին, ինչպիսին Ս. Կորնելյոսի պիեսում է: Ի դեպ, դրամատորգն ինքը ոչ այնքան հանգամանորեն ու թերևս ոչ այնքան օրյեկտիվորեն է խոսում այն պատճառների մասին, որոնք նվաճ Գողովին ոչ միայն հանգեցրել են բնավորության այդպիսի որակի, այլև, չգիտես ինչպես և ինչու, հասցրել են իշխանության: Բնական է, որ թատրոնը շատ բան չէր կարող

1 «Очерки истории русского советского драматического театра», 4. 2, էջ 631:

բացատրել, սակայն մեթոդոգիական առումով ստուգ մոտեցումը՝ մարդու նկարագրի մեջ դարձրչանի նկարագրի բացահայտումը, օգնել էր գոնե ուրվագծելու բևմադրողի կոնցեպցիոն կարեւորագույն մոտիվները:

Հայկական «Ֆրոնտ» ներկայացման մեջ Գոռլով-Զանիբեկյանը բոլորովին իրական, բնական մարդ էր, իրեն «սպիտակ ագռավ» չէր զգում մյուսների շրջապատում։ Ահա այս ամուր և մի տեսակ ճյուղավորված կապը կյանքի հետ վերացնում էր Գոռլովի կերպարի սատիրական մերկացման անհրաժեշտությունը և առաջ էր քաշում ավելի լուրջ խնդիր՝ օբյեկտիվորեն ճանաչել պիեսի իրավիճակն ու մարդկանց։ Զանիբեկյանի Գոռլովը բեմում գործում էր ոչ այնքան ինքնավստահ, ինչպես ուրիշ շատ գոռլովներ էին անում, որքան պարզապես վստահ, այսինքն՝ այնպես, ինչպես հավանաբար ամբողջ կյանքում գործել էր այդ Գոռլովը և ամբողջ կյանքում «ալիքի կատարին» էր եղել, առաջինն էր եղել՝ պյառես գործելով։ Դա անողոք և, կարելի է ասել, ուղղագիծ մարդ էր՝ մտավոր ու հոգեկան աղքատ պաշարով։ Դա իդեալական ստորադրյալ էր դեկավարության համար և անողոք դեկավար՝ ստորադրյաների համար։ Նա մոռացել ու չէր փորձում մտածել, երբ նրան ինչ-որ բան էին հանձնարարում վերսից և, իր հերթին, չէր կարողանում ընտելանալ այն բանին, որ ստորադրյալները մտածեին, երբ ինքն էր նրանց հրամայում։ Դա իդեալներից զորկ, եթե կուզեք՝ սրտին ու մտքին թանկ գաղափարներից զորկ մարդ էր, կարող էր բթամտորեն կատարել հանձնարարվածը և ինքն էլ հրամայել նոյնքան բթամտորեն, թեև հրամայելու սովորությունը նրա գործողություններին համոզության ուժ էին հաղորդում։ Զանիբեկյանի Գոռլովի բնավորության ամենակարևոր գիծը նրա վստահությունն էր, որ գալիս էր ոչ այնքան նրա մարդկային անհատական հատկանիշներից, որքան կենսափորձից, նրա անցած կյանքի դպրոցից, որ, ինչպես խորապես համոզված էր Գոռլովը, հաղթում է դեկավարության հրամաններն անառարկելիորեն կատարելու և սեփական հրամանները նոյնքան անառարկելիորեն կատարել տալու ունակությունը։ Հենց դրանում է վստահ Գոռլովը, և հենց այդ վստահությունն է նրան դարձնում ուժեղ ու անդրդիւելի։

Բայց եթե ճիշտ էր առաջին մարդու նկարագրում դարաշրջապահ նկարագրի բացահայտման մեթոդը, ապա ինչպես հասկանալ Գովովի կերպարը: Այս հարցին Ս. Կորնելյովի պիեսը պատասխան չի տալիս: Աճեմյանի ներկայացման մեջ Գովովը հեռանում էր, համոզված, որ դեռ կվերադառնա: Եվ աս գեղարվեստական համարձակ լուծում էր, քանի որ դրանով թատրոնը հանդիսատեսի վերաբերմունքը ծայր-աստիճան սրում էր ընդդեմ «գովովշշինացի», ընդդեմ այն ամենավտանգավոր ուժի, որ ի հայտ էր եկեղեց մեր հասարակության մեջ՝ սկսած 1930-ական թվականներից, և որի մասին հետագայում պետք է խոսվեր կուսակցական մի շարք փաստաթղթերում: Սակայն «Ֆրոնտի» ոեժիորական կոնցեպցիան պակասավոր կլիներ, եթե օրյեկտիվորեն չներկայացվեր Գովովին հակադրված ուժը: Վերջինիս գլխավոր գաղափարական և հոգեբանական կենտրոնը ներկայացնան մեջ Միրոն Գովովի կերպարն էր՝ Վաղարշ Վաղարշյանի կատարմամբ: Առանձին գործող անձի նկարագրում դարաշրջանի նկարագրի ընդհանրացման նույն սկզբունքով էր արված նաև Միրոն Գովովի բնամական կերպարը, որը երևանյան ներկայացման մեջ խոր ու հարուստ ներաշխարհի տեր, խելացի ու բարի, հասկացող, ուստի և տառապանքի ընդունակ մարդ էր: Միրոն—Վաղարշյանի համար դժվար էր պայքարել Գովով-Զանիքեկյանի դեմ: Նա չէր վախենում այդ ուժեղ ու տիրամական մարդուց և մի որոշ ժամանակ նույնիսկ փորձում էր դարձի բերել նրան: Իսկ դա շատ դժվար խննդիր էր: Միրոնը հասկանում էր, որ ցավը ոչ այնքան նվաճ Գովովի բնավորությունն էր, որքան նրա կենսափորձը, այն կենսափիլխտփայությունը, որ կազմավորվել էր անձնական, ինչպես նաև նվաճ Գովովի նման-ների կենսագրության երկար ու ձիգ տարիներին: Միրոն-Վաղարշյանը հասկանում էր վիճակի այդ ամբողջ բարդությունը, գործում էր փոքր-ինչ այլ կերպ, քան կարող էր գործել ուազմական խորհրդի անդամը. նա ավելի շուտ փիլխտփայում էր, քան ներշնչում, նա դիմում էր ավելի լայն ու հարատև կատեգորիաների, քան կոնկրետ իրադրությունն էր ուազմաճակատում, որի հրամանաւտար էր իր եղբայրը: Ասես ամենին էլ ժամանակը չէր նման ընդհանուր խոսք ու զրուցի, Միրոնն ուղղակի պետք է կշուտատեր

իրադրությունը և կոնկրետ վճիռ ընդուներ: Վաղարշյանի Միրոնն ասես ավելին էր հասկանում, ուստի և գործում էր այլ կերպ. վերջ ի վերջո, նա կարող էր առանց հասունի ջանքերի կատարել պիես-սյուժեով նախանշված առաջադրանքը, բայց գիտեր, որ Գողովին հեռացնելը և որիշ հրամանատար նշանակելը դեռ հարցի լուծում չեր: Հարկավոր էր հասկանալ Գողովի անցյալը և տեսնել նրան ապագայում: Պրոբլեմի ինտելեկտուալ ըմբռնման ահա այս պրոցեսն էր ձգուում արտահայտել Վաղարշյանի Միրոնը, և արտահայտելով՝ տառապում էր մարդկայնութեան: Այդ Միրոնը զգում էր, որ պատասխանատու պաշտոնից հեռացված Խվան Գողովը անհետ կորչողը չի: Եվ հենց այդ կանխազգացման շնորհիվ էլ Միրոնի կերպարը դառնում էր բնական ու հավաստի:

Աճեմյանի «Ֆրոնտ» ներկայացումը նման էր յուրօրինակ բանավեճի, բայց ոչ հոեսորական-հրապարակախոսական, այլ բախվող սկզբունքները խորապես արտահայտող բանավեճի, քանի որ ուժիուրը փորձում էր դարակազմիկ երևույթների խորքը թափանցել այդ դարաշրջանի առանձին մարդկանց աշխարհի միջով:

Հայրենական Մեծ պատերազմի ժամանակաշրջանը Վարդան Աճեմյանի ուժիուրական ստեղծագործության մեջ թատերային տոպավել լիակատար արտահայտություն ստացավ Ա. Ֆադեևի «Երիտասարդ գվարդիա» վեպի հիման վրա արված բեմադրության մեջ: Այս աշխատանքում ուժիուրն ասես սինթեզել էր ներկայացում կառուցելու ինդուկտիվ ու դեդուկտիվ մեթոդները, փորձել էր դարաշրջանի նկարագիրը բացահայտել ինչպես առանձին մարդկանց կերպարներում, այնպես էլ ուժիուրական հանգուցային բեմավիճակներում, որոնք իրենց արտահայտչական ուժով հասել էին խորհրդանշանների աստիճանի: Այս առումով Աճեմյանի «Երիտասարդ գվարդիան» ուժիուրի ստեղծագործության մեջ հատուկ, թերևս անկյունադարձային տեղ է գրավում:

Վարդան Աճեմյանը «Երիտասարդ գվարդիան» բեմադրեց Գ. Սունդուկյանի անվան թատրոնում, 1947-ին, երբ ուժիուրն արդեն իրականացրել էր «Տամերկուերորդ գիշերը», «Ժայռ», «Երկիր հայրենի», «Արա Գեղեցիկ» և որիշ պիեսների իր հիմանալի բեմադրությունները: Միաժամանակ չպետք է մոռանալ՝ «Երի-

տասարդ գվարդիան» Աճեմյան ստեղծեց թատերական ստեղծագործության դժվարին մի շրջանում, երբ պարտադրաբար ասպարեզ եկան բազմաթիվ գորչ ու միջակ ներկայացումներ: Նկատենք և այն, որ հատկապես այդ շրջանում Էական փոփոխություններ եղան հայ թատերական արվեստի գեղարվեստական ոճի մեջ, փոփոխություններ, որ պայմանավորված էին մեր երկրի կյանքում տեղի ունեցած տեղաշարժերով:

Նույն տարիներին մեծ բանավեճ սկսվեց Ստանիվալսկու և Նեմիրովիչ-Դանչենկոյի ուժիսորական ժառանգության պրոբլեմների շորջ: Մասնակցում էին նաև հայ թատերական արվեստի գործիչները: Բանավեճը որոշակի գործնական նշանակություն ուներ հայ թատրոնի ուժիսորական արվեստի հետագա զարգացման համար, թատրոն, որ, չգիտես՝ թյուրիմացաբա՞ր, անհեռատեսությա՞ն, թե որիշ պատճառով, որոշ քննադատներ ու արվեստի վարչարարներ հայ ուժիսորական բաժանել էին երկու խմբի՝ Ստանիվալսկու ուսմունքի կողմնակիցների և «հերձվածողների», որոնք, իբր, հրաժարվել էին մեծ վերանորոգչի ուսմունքի սկզբունքներից: Ամենաարտառողը, սակայն, այն էր, որ այսպես կոչված, Ստանիվալսկու հավատարիմ աշակերտների ներկայացումները գեղարվեստական միջին, գորչ մակարդակից չէին բարձրանում, մինչդեռ «հերձվածողների» աշխատանքները աչքի էին ընկնում վառ թատերայնությամբ, պատկերավոր բնմալիճակներով:

Մեր թատրոնի զարգացման ահա այդպիսի շրջանում ստեղծեց Աճեմյան իր «Երիտասարդ գվարդիան»: Հենց այդ շրջանում մեր բեմի վրա սկսեց հաստատվել այսպես կոչված «անկոնֆլիկտ դրամատորգիան», որ ուժիսորային ստիպում էր հորինել շինծուներկայացումներ, որ հերոսները գրեթե ներաշխարհ չտնենին, որ տիրապետողը բովանդակությամբ չամրապնդված ձևերի արտաքին ճշմարտանմանությունն էր: Մինչդեռ հաղթականորեն ավարտված պատերազմը, մեծ փորձությունների տարիներին դրսերված հերոսական ոգին ու գործը արվեստից պահանջում էին սովետական ժողովրդի սիրագործության խորապես հոգական իմաստափորում: «Երիտասարդ գվարդիայում» Վարդան Աճեմյանը փորձել էր պատասխանել այս հարցերին, յորովի լուծել և

սովետական մարդու սիրանքը, և՝ պատերազմական ժամանակաշրջանի պատկերը, և՝ այդ ժամանակների մարդկանց նկարագիրը արտացոլող ներկայացում ստեղծելու պրոբլեմը: «Երիտասարդ գվարդիայի» բեմադրության վրա Աճեմյանի կատարած աշխատանքը ճիշտ գնահատելու համար անհրաժեշտ է, թեկուզ հարեվանցիորեն, անդրադառնազ սովետական թատրոնի առաջատար ուժիսորների ստեղծած այն ներկայացումներին, որոնք հայտնի են որպես սովետական ուժիսորական դպրոցի երևելի գործեր:

Այն, որ Բ. Զախարվան Վախարձենգովի անվան և Ն. Օխոպկովը Մայակովսկու անվան թատրոններում դիմեցին Ֆադեևի վեպի տարբեր բեմավորումներին, իր պատճառն ուներ, քանի որ նրանցից ամեն մեկը յուրովի էր ընկալում ու մեկնարանում երիտգվարդիականների իրական լեգենդը: Վախտանգովցիներին, օրինակ, առանձնապես հրապուրում էին Կրասնոդրնի հերոսների բնավորության կազմավորումը, հերոսական սիրանքի նախապատրաստման հոգեկան բուն ընթացքը: Օխոպկովի ներկայացման մեջ առաջին պլանում էին սիրանքի էքսպրեսիան, դրամատիկական անսպասելի դարձերը հերոսների ճակատագրերում, հերոսականության փառաբանումը, ընդ որում՝ այս ամենը արտահայտման կերպարային-խորհրդանշական ձև ստացած: Եթե Զախարվայի ներկայացման ավելորդ կոնկրետությունն ու ընդգծված հավաստիությունը տեղ-տեղ թույլ չէին տալիս հասնել գեղարվեստական լայն ընդհանուրացման, ապա Օխոպկովի բեմադրության կերպարային ընդհանուրացված ձևերը միշտ չեն, որ հաստատվում էին գործող անձանց վարվելակերպի ունակ ու կոնկրետ վերլուծությամբ: Այս երկու հիմնային բեմադրություններում «Երիտասարդ գվարդիա» վեպի հարուստ բովանդակությունը բացահայտվում էր տարբեր դիտանկյուններից, երկու հակառակ դիրքավորումներից:

Վարդան Աճեմյանը փորձեց իր «Երիտասարդ գվարդիա» ներկայացումը լուծել ուրիշ տեսանկյունից, ի մի բերելով Օխոպկովի ու Զախարվայի ստեղծագործական ընկալումները: Դիմելով Գ. Գրակովի բեմավորման տեքստին, հայ ուժիսորը դա հարստացրեց Ֆադեևի վեպի նյութերով, այդ տեքստը հետևողականորեն «սրբագրեց» բուն վեպով, «որպեսզի բոլոր իրավիճակները, փոխ-

հարաբերությունները համապատասխանեին կյանքի ճշմարտությանը», որպեսզի «արտահայտելով իրադարձությունների վեհ բնույթը, գործող անձանց հերոսականությունը», միաժամանակ հնարավոր լիներ «հաղորդել նրանց քնարական ապրումները»¹:

Հայկական «Երիտասարդ գվարդիա» ներկայացման հեղինակին հավասարապես հետաքրքրում էին և ներոսի կազմավորման հոգեկան բարդ ընթացքը, որ Վախտանգովի անվան թատրոնի ներկայացման բնորոշ կողմն էր, և սովետական մարդու բուն հերոսական սիրանքը, որ այնպէս փայլուն բացահայտված էր Օխլոպկովի ներկայացման մեջ: Աճեմյանի բեմադրությանը «մասնակցում» էր ոչ միայն կերպարային սիմվոլիկան, այլև նրա ունալ հարաբերակցումը երիտգվարդիականների կոնկրետ վարվելակերպի հետ: Ցուրաքանչյուր բեմական կերպարի ռեժիսորական մասնամասն մշակումը շնանգարեց Վարդան Աճեմյանին, որպեսզի նա ստեղծի պաթետիկ սիմվոլիկայով ներթափանցված տեսարաններ, պատկերավոր կոմպոզիցիաներ, որ ներկայացման հիմնական թեման ընդգծված-թատերային արտահայտություն ուներ: Մասսայական տեսարանների պոլիֆոնիկ մշակումն օգնեց, որպեսզի ցուրաքանչյուր առանձին կերպար արտահայտվեր ռելիեֆքանդակային ձևով, իսկ այդ կերպարներից ամեն մեկը, իր հերթին, դառնար տեսարանի գաղափարն ընդհանրացնող բեմավիճակ—խորհրդանշանների գործուն մասնակիցը: Աճեմյանին այս բեմադրության մեջ հավասարապես հետաքրքրում էին և մասսայական տեսարանները, և առանձին կերպարները, և ցուրաքանչյուր բեմավիճակը, և ամեն մի բեմական մանրամասը: Ամրող-շական ներկայացման կոմպոզիցիայի արվեստն այստեղ հաստատվեց պոլիֆոնիկ ընկալման մեջ, որ հատկանշական էր դարձել Աճեմյանի ռեժիսորական մեթոդի համար: Այժմ արդեն ժողովրդական զանգվածի ընդհանրացված կերպարը Աճեմյանին հետաքրքրում էր որպես այդ զանգվածուն եղած մարդկանց կերպարների սերտ օրգանական միավորում: «Երիտասարդ գվարդիա» ներկայացման ցուրաքանչյուր կերպար հիշվում էր ինքնու-

¹ ՏԵ՛ս Վ. Աճեմյանի «Նրանց գործն անմահ է» Հոդվածը, «Կոմմունիստ», 1947, 19 հունիսի:

րուց ու անկախ և, միաժամանակ, հանդիսատեսի հիշողության մեջ մնում էր մարդկային զանգվածի գեղարվեստորեն վառ ու ընդհանրացված կերպարը:

Չարունակելով թատերական լեզվի իր որոնումները, ուժիսուր գերի չմնաց իր իսկ ստեղծած հնարևներին, յուրաքանչյուր ներկայացման համար գտավ հրա բովանդակությանը համապատասխան արտահայտչական միջոցներ: Ներկայացման մեջ շատ կարևոր էր հասնել պաշարված Կրասնոդոնի լարված մթնոլորտը ծարաստիճան ճշմարտացի հաղորդելուն, քանի որ միայն այդ ֆոնի վրա էր հնարավոր համոզիչ ու ցայտուն պատկերել երիտգվարդիականների դիմանկարները: Եվ ահա պաշարման խոր դրամատիզմն ընդգծելու համար ուժիսուրը հանդիսատեսին ստիպում էր «սեփական մաշկի վրա» զգալ ներխուժման սարսափը: Բեմի խավարում երևում էին գերմանական մոտոցիկլետների լուսերը, լրսվում էր տանկերի թրթուրների կրճաց, գնդացրերի ճարճատյուն: Մոտոցիկլետների լապտերների լուսերը տագնապով հածում էին հանդիսարարում, ավելի ու ավելի բազմանում, շարժվում ուղիղ հանդիսատեսների վրա: Բայց սա դեռ չէր բավարարում ուժիսուրին, առ «զավթիչներին» բերում էր դահլիճ, ավտոմատավորները լկուի ու սպառնալի անցնում էին պարտերի միջանցքներով, կանգառնում ելքի մոտ: Վերևից, օթյակներից հանդիսարան էին ուղղվում գնդացրերի փողերը: Հնչում էր գերմաններեն խոսքը, կարճ ու կտրուկ հրամանները և, ընդամենը մի ակնթարթ, ամեն ինչ քարանում էր համատարած լուսված մեջ: Ապա ակավում էր հանդիսարանի «գնդակոծումը»: Պաշարման պատրամքն այնքան ազդեցիկ էր, որ կրասնոդոնցիների հետ մեկտեղ սարսափը պատում էր հանդիսատեսներին, որոնք ուժիսուրի կամքով դառնում էին պատկերվող անցքերի անմիջական մասնակիցները: Իր վրա զգալով «պաշարման» ամբողջ ծանրությունը, հանդիսատեսը ճիշտ ու ըստ արժանվուն էր գնահատում երիտգվարդիականների նիւրանքի ամբողջ մեծությունը: Թվում էր՝ բարբարսական երիտգվարդիականների նիւրանքի անհավաք, մթնոլորտում անհնար է որևէ դիմադրություն կազմակերպել: Ի դեպ, մեր պարբերական մամուլում այն ժամանակ հոդվածներ եղան, որոնց մեջ «Երիտասարդ գվարդիայի» ուժիսուրին կը-

տամբում Եին «սարսափելի պաշարման» հենց այդ պատկերի համար: Սակայն Վարդան Աճեմյանն իրավացի էր, պեղելով, որ երիտգվարդիականների ճշմարիտ հերոսությունը կարելի է լիովին բացահայտել միայն պաշարման ամենաահին բեմական մթնոլորտում: Եվ իրոք, երբ բեմում, գերմանական պարետատան գլխին ծփում էր երիտգվարդիականների բարձրացրած դրոշը, հանդիսատեսը ինչպես հարկել է հավանում էր նման սիրամքի գինը, որն արդեն բեմական էֆեկտիվ մանրամաս կամ ուժիւրական հնարանք չէր թվում, այլ դառնում էր մարդկային սիրագործության ուժի արտահայտություն՝ ապրլած ամրող հանդիսապահի կողմից:

Կատարվող գործողությանը, թատերական հանդիսանքին դահլիճի մասնակցության սկզբունքը Վարդան Աճեմյանը չափանց լորակերպ էր կիրառել «Երիտասարդ գվարդիայում»: Բավական է հիշել Մաքս Ռեյնհարդտի մի փորձը, որ նա արեց 1912-ին, Ֆոլմելլերի «Հրաշագործություն» պիեսը բեմադրելիս: Իրականության առավելագույն պատրանք ստեղծելու համար ականավոր ուժիւրը հանդիսապահը նմանեցրել էր գոյքական տաճարի: Բեմը սոսկ դահլիճ-տաճարի շարունակությունն էր: «Հրաշագործություն» ներկայացմանը եկած հանդիսատեսները պետք է աղոթեին, իսկ նրանց կողքից դեպի բեմ և բեմից՝ դահլիճ էր շարժվում հոգևորական թափորը, օրգանապես կապ ստեղծելով հանդիսատեսների ու թատերական գործողության միջև: Դաշ խոսք, իմաստ չունի խոսել Աճեմյանի վրա Ռեյնհարդտի ազդեցության կամ ընդօրինակման մասին: Հայ ուժիւրը բոլորովին ուրիշ դրամատորգիական հյույժի հիման վրա, միանգամայն ինքնուրույն որոնում էր թատրոնի մի այնպիսի լեզու, որն ունակ լիներ հանդիսատեսին ծայր-աստիճան մոտեցնելու թատերական գործողությանը, և երբաշել նրան բեմում պատկերվող աշխարհը: Սա ներկայացման հոգական ներգործությունը մեծացնելու ուժիւրական բազմաթիվ ուղիներից ու միջոցներից մեկն էր: Որպես կանոն, Վարդան Աճեմյանը հազվադեպ է դիմում պատիպահի հնարներին, որոնք ենթադրում են անմիջականորեն շոշափելի, այսպես ասած, ֆիզիկական փոխադարձ կապ թատերական գործողության և հանդիսապահի միջև: Սովորաբար Աճեմյանը բեմի ու դահլիճի միջև նման

հոգեկան կապ է ստեղծում, որի ժամանակ թեև թատրալական գործողությունը ֆիզիկապես անմիջականորեն չի ներխուժում դահլիճ, այնուհանդեռ անորապի թելերով բեմական գործող անձանց և հանդիսատեսների հոգական աշխարհները ամուր հյուպում են իրար:

Հեղափոխության թեմային է նվիրված Գորգեն Բորյանի «Նոյն հարկի տակ» պիեսը, որ Վ. Ամենյանը բեմադրեց Գ. Սունդուկյանի անվան թատրոնում, 1957-ին: Դարաշրջանի մարդկանց կերպարներում դարաշրջանի նկարագրի արտացոլման կոնցեպցիան արտահայտվեց նաև այս ներկայացման մեջ, որ լուծված էր ուժինորական զուսպ ու խիստ հնարներով, զերծ արտաքին պարետիկայից, ցուցադրական պայմանականությունից: Բեմադրողին ամենից առաջ և ամենից ավելի զբաղեցրել էին մարդկանց կերպարները, ներկայացման գործող անձանց ներաշխարհը: Անս ինչու տպավորվում էին ոչ թե ներկայացման իրադրությունները, բեմավիճակները, այլ մարդկանց ավարտուն ու գունեղ դիմանեկարները և միանգամայն իրավացիորեն Ե. Գրոշևան ու Վ. Զալեսակին գոել են. «Նոյն հարկի տակը» անսամբլային ներկայացում է, և ոչ միայն այն պատճառով, որ այնտեղ փայլուն կերպով խաղում են թատրոնի առաջատար դերասաններ... Այստեղ յուրաքանչյուր կերպար հղկված է, ներկայացման արտահայտված յուրովի»¹:

«Նոյն հարկի տակ» ներկայացման մեջ ուժինորը կերպարների մի ամբողջ պատկերապահ է ստեղծել, կերպարներ, որոնց մեջ բացահայտվում է Հայաստանում սովետական իշխանության հաստատման իրողության բնորոշ կողմերից մեկը: Պատմական իրողությունն այստեղ միագիծ չի ներկայացված, չի խնդրվում պարետիկայի մեջ, նրա նկարագիրը բացահայտվում է իր ամբողջ հարդարացությամբ, տարբեր մարդկանց հակասական ձգտումների միահյուսման մեջ: Ներկայացում կառուցելու ուժինորական սկզբունքը թույլ է տալիս յուրաքանչյուր առանձին կերպարում տեսնել դարա-

¹ «Советская культура», 1958, 17 мајիսի:



1956 p.



1961 p.

շրջանի մասնիկը, այդ հերոսական ժամանակների հրացոլքը: Այս հրացոլքն ամեն մի գործող անձի մեջ արտացոլված է յուրովի, և ուժիսորը հենց այդ է ցանկացել ցուց տալ իր ժամանակակիցներին, ցանկացել է պատացությունը նրանց, որ հեղափոխական դարաշրջանը հետաքրքիր ու նշանակալից էր ոչ միայն և ոչ այնքան կարմիր դրոշն առած մարտի նետվող ժողովրդական զանգվածների տարերային շարժումով, որքան այն բանով, որ դարաշրջանի յուրաքանչյուր մասնակցի մեջ կատարվել էին հոգեկան բարդ պրցեսներ, որոնց վերիանումն էլ հենց ժամանակակից արվեստագետի խնդիրն է: Բնորոշ մի պարագա՝ Աճեմյանը, որ մի ժամանակ հանդիսատեսին ապշեցնում էր բեմում մանրամաս-խորհրդանշաներ ատելծելու իր ձիրքով (մասնավորապես հեղափոխական թեմայով ներկայացումներում, — հիշենք կարմիր կտավը «Բեկում» ներկայացման մեջ), այստեղ ևս փորձեց պատշաճ հատուցել նման մանրամասերին: Բայց ի՞նչ ստացվեց: Այդ առթիվ ճիշտ դիտողություն ունի Լ. Սամվելյանն իր թատերախոսականում. «Թեն բեմը բացվելուց առաջ հանդիսականը տեսնում է կարմիր մի վարագույր, որն իր գեղանկարչական ծալքերով հիշեցնում է ծածանվող ալ դրոշը, սակայն ոչ մի սիմվոլիկ, արտաքուստ մոնումենտալ դետալ չկա ներկայացման մեջ (չհաշված թերևս ֆինալը, որն ունի ճակատային լուծման որոշ տեսնենց, դրանով իսկ առնչվելով սկզբի հետ), և դրա համար էլ այդ սկիզբը մոռացվում է, ու դա իշխան տարվում է միայն հերոսների հոգեբանական ելաչներին հետևելով»¹:

Փոխվել է դարաշրջանի արտացոլման գեղարվեստական պրոբլեմի ուժիսորական ընկալումը, —փոխվել է նաև ուժիսորական արտահայտչական միջոցների համակարգը, սկզբունքորեն տեղաշարժվել են շեշտերը ուժիսորի ատեղծած ներկայացումներում: Եթե առաջ հեղափոխական թեմայով պիեսների բեմադրություններում ուժիսոր Աճեմյանին ամենից ավելի հետաքրքրում էին շարժման արտահայտչականությունը, բեմական պլաստիկայի դրամատուրգիան, ապա այժմ նրա համար գլխավորը դառնում է

¹ «Երևան», 1957, 12 դեկտեմբերի:

Աներկայացման հոգեբանական պարտիտուրը: Եթե առաջ Անեմյանը ներկայացումը հարստացնում էր գործողությամբ՝ հույնիսկ հակառակ պիեսի տեքստի, ապա այժմ, «Նովն հարկի տակ» պիեսի դեպքում, ուժիսորը, ինչպես իրավացիորեն նկատում է Օ. Օլիորը, «արիաբար դիմադրում է դրամատուրգի՝ հոգեբանական դրամայից անհամ ու ծամծնված դետեկտիվի անցնելու մտադրությանը»¹, այսինքն՝ այժմ ուժիսորն ինքն է հրաժարվում բեմում արտաքին գործողությունը սրելուց:

Ուժիսոր Անեմյանին առանձնապես հուզում են ժամանակակից մարդկանց կերպարները, մեր ժամանակակիցի բնավորության ներքին շարժումը, նրա հոգեբանության հակասականությունը, և այս բոլորը նաև աշխատում է արտահայտել ամենից առաջ դերասանական կերպարում, առանց ուժիսորական հնարանքների հատուկ ցուցադրման: Իրենց ծնունդով Անեմյանի ուժիսորական բարձր արվեստին են պարտական ժամանակակիցների բեմական հետաքրքիր շատ կերպարներ: Բնորոշ է, որ ժամանակակից մարդկանց կյանքը պատկերող պիեսների բեմադրություններում ուժիսորն առանձնապես դառնում է զուսպ, խուսափում է «անհավանական» բեմավիճակներից, հասնում է խոսքի հավաստի ինտոնացիայի:

Անեմյանը արդիականության թեմային նվիրված շատ պիեսներ է բեմադրել: Կարելի է ասել, ուժիսորի հիմնական ուշադրությունը, նրա ամբողջ ստեղծագործական գործունեության ընթացքում, ուղղված է եղել ժամանակակից, մասնավորապես հայ ժամանակակից դրամատուրգիային:

Ժամանակակից հայ դրամատուրգների երեք տասնյակից ավելի և ուսունակեալ հեղինակների մոտ երեք տասնյակ պիես է բեմադրել Անեմյանը Սովետական Հայաստանի թատրոններում: Այդ ներկայացումների մասին խոսվեց այս մենագրության նախորդ գլուխներում և դեռ կխոսվի հետագայում: Այս գլուխի թեմայի ա-

¹ «Teatr», 1957, № 12, էջ 104:

ոռումով հետաքրքիր կլինի դիմել Գուրգեն Բորյանի «Կամուրջի վրա» պիեսի բեմադրությանը, որը ուժիութեանը, իր աշխատու իրականացրեց «Նույն հարկի տակ» ներկայացումից հինգ տարի անց: Բորյանի այս երկու պիեսները թեմատիկ ընդհանրություն չունեն, բայց ունեն ոճական հարազատություն, որը բեմադրողին ներկայացման յուրօրինակ լուծում է հուշել: Երկու պիեսների ոճի հենց այդ հարազատությունն է ներկայացման թատերախոս Ար. Գրիգորյանին դրդել դրանց թեմատիկ համեմատություն մտքին. «...Բախումը տեղի է ունենում նորից նույն հարկի տակ, թեև այս անգամ այլ է հարկը՝ Գ. Բորյանի համար պիեսի հետ համեմատած: Եվ որովհետև այլ է հարկը, որիշ է նաև կոնֆլիկտը: Իրավիճակն ու կոնֆլիկտը ներփակելով «մի հարկի տակ», դրամատորգը հեշտ ուղի չի ընտրել. կամերային կոնֆլիկտը ավելի դժվարահաճ է բեմադրության համար, քան մասշտաբայինը... «Նույն հարկի տակ» պիեսում թշնամի եղբայրներին բաժանում է բարիկադը, իսկ «Կամրջի վրա» պիեսում ազգական-բարեկամները պարզապես տարբեր են վերաբերվում կյանքին, ու արդեն վաղուց է, ինչ բարիկադներ չկան: Եվ որովհետև երկրորդ կոնֆլիկտը չունի առաջինի ցայտունությունն ու մասշտաբայնությունը, որին պահանջում է դրամատորգիական ու բեմական ավելի նորբ կշռադատում... Ավելի հեշտ է կովել բարիկադներում, քան հետո կյանքում պահպանել հավատքը, որ նվաճել ես բարիկադի վրա»¹:


Ավելացնենք՝ ավելի հեշտ է թատրոնում բացահայտել բարիկադների վրա մարտնչող մարդկանց կերպարները, քան այդ նույն մարդկանց բարդ նոգեսլիճակը հետագա՞ խաղաղ կյանքում:

Սակայն մեր դարաշրջանը գոյացել է ոչ այնքան բարիկադայն կոհիվների ժամանակներից, որքան «ետքարիկադային» կյանքից, որը յատերայնորեն արտահայտել՝ ուժիսոր Աճեմյանի համար նշանակում էր որոնել այդ դարաշրջանի մարդկանց հավասարի դիմանկարները: Այդ որոնումները, ինչպես կարելի է համոզվել, ստեղծագործական առումով ավելի բարդ էին, քան դարաշրջանի նկարագիրը լնդհանրացված ու մասշտաբային պատկերելու, թեև

¹ «Առվետական արվեստ», 1962, № 2, էջ 35:

վառ ու դիմամիկ, սակայն դիմագորք կերպարներում արտահայտելու ուղին: Իր ներկայացումների ոճը մասսայական տեսարանների դիմամիկայից դարձնելով դեպի առանձին բեմական կերպարի դիմամիկան, Վարդան Աճեմյանն ըստ Էռլիյան հին թատրոնի ձեվերից եկավ դեպի ժամանակակից թատերական արվեստի ձևերը: Այս բանը տեղի ունեցավ և ժամանակակից դրամատորգիայի, և պատմա-հեղափոխական պիեսների, և դասական գործերի վրա աշխատելու ընթացքում: Դժվար է ասել, թե այս պրոցեսի ո՞ր օղակն է նախորդել մյուսին կամ ավելի արդյունավետ եղել: Ամենահավանականն այն է, որ յուրաքանչյուր օղակ փոխադարձաբար ու փոխկապակցված պայմանավորել է մյուսի գոյությունը: Աճեմյանի ուժիառրական ստեղծագործության մեջ կատարված փոփոխությունների Էռլիյոնը մարդու ներաշխարհը թափանցելու ահմանների ընդլայնումն է, առանձին մարդու նկարագրում ամբողջ դարաշրջանի նկարագիրը բացահայտելու ձգտումը:

Մարդը, նրա բարդ ու հարուստ ներաշխարհը դարձան գեղարվեստական վերլուծության կենտրոնական օբյեկտը, մի երևույթ, որ ուժիսոր Վարդան Աճեմյանի համար երբեք մտահայեցական կամ սոսկ ուացիոնալ չի եղել: Աճեմյանի ուժիսուրան աչքի է ընկնում գաղափարի հուզական հագեցումով, գեղարվեստական կրքու մտքով՝ արտահայտված թատերային վառ ու հրապորիչ ձևերով:



ՊԱՏՄՈՒԹՅՈՒՆԸ ՊԱՏՎԱՆԴԱՆԻ ՎՐԱ

Հայ պատմական դրամատուրգիայի ճակատագիրն իրոք հեղինեղով է եղել: Ազգային պրոֆեսիոնալ նոր թատրոնի կազմավորման շրջանում պատմական պիեսը խաղացանկի, մասնավորապես արևմտահայ թատրոնի խաղացանկի հիմքն էր: Անցյալ դարի վերջում պատմական դրամատորգիան հեղինեղով էր հայկական թատրոնների բեմերը, սակայն, հետզհետեւ կորցնելով իր նշանակությունը, հետիւղափոխական առաջին տասնամյակում խսպան անհետացավ խաղացանկից: Հայ պատմական դրամատորգիայի կորագիծը որոշող բազմաթիվ լուրջ պատճառներ կային¹, որոնց մասին հարկ չկա խոսելու ներկա գրքի սահմաններում: Այստեղ պետք է ասել միայն, որ ընդհուպ մինչև 1930-ական թվականների կեսերը հայ սովորական թատրոնները չէին դիմում պատմական պիեսներին: Սովորական առաջին տարիներին պատմական թեմատիկայի նկատմամբ ուսպանական սխալ հայացքի տիրապետությունը, սեփական պատմական անցյալի խնդիրներին անդրադառնալու երկյուղը հանգեցրին այն բանին, որ հայ սովորական թատրոնի խաղացանկում, այսպես ասած, «պատմական պիեսների վակուում» գոյացավ: Ազնիվ ու համարձակ, նոր ըմբռնումներով ու լայն կատենորիաներով մտածող արվեստագետ էր պետք, որ լցներ այդ պարապությունը: Այդպիսի արվեստագետ էր Վարդան Աճեմյանը:

¹ Տե՛ս Վ. Թերգիբաշյան, «Հայ դրամատուրգիայի պատմությունը», Հ. Հ. 1, 2, Գ. Ստեփանյան, Ուրվագիծ արևմտահայ թատրոնի պատմության, Հ. Հ. 1, 2:

Նախ նա դիմեց Մկրտիչ Զանանի «Շահնամե» պատմական դրամային, որը նվիրված է Իրանի պատմության ամենաբարդ շրջաններից մեկին և արժանացել էր լավագույն պիեսների համամիութենական մրցանակաբաշխության երրորդ մրցանակին: «Շահնամեի» պրեմիերան տեղի ունեցավ 1935-ի հունիսի 5-ին, Լենինականի թատրոնում: Այս ներկայացումով Վարդան Աճեմյանը պատմական թեմայի «գրչի փորձ» էր արել: Եվ այդ «փորձը» միանգամայն արդյունավետ եղավ, համենայն դեպք, ուժիսորդի այս աշխատանքում նկատվում էր պատմական պիեսների բեմադրության առաջատար միտումներից մեկը՝ արդիականացումը:

Հայ թատրոնում պատմական պիեսների բեմական պատմությունը, չնայած հեղինակների գեղարվեստական ըմբռնման բոլոր տարբերություններին, հարուստ էր հեռավոր անցյալի իրադարձություններին արդիական հրատապ հնչողություն հաղորդելու միտումներով: Ազգային թատրոնի այս միտումները Վարդան Աճեմյանը զարգացրեց կոնցեպցիոն նոր հիմքի վրա, ելեկով պատմության ու արդիականության խնդիրների նոր ըմբռնումից: «Շահնամեում» ուժիսորը փայլուն կերպով ապացուցեց պատմական պիեսի ժամանակակից ընթերցման իր հմտությունը:

«Շահնամե» պիեսի հեղինակային կոնցեպցիան հանգում էր սոցիոլոգիական ընդունված այն մեկնակերպին, ըստ որի ամեն մի հեղափոխական շարժում քաղաքական փակուղու է հանդիպում, եթե հենված չի ժողովրդական լայն զանգվածների վրա: Գաղափարական առումով Զանանի պիեսը համոզիչ իլլուստրացիայի է ենթարկում հենց այդ կոնցեպցիան: Սակայն պրոբլեմը գեղարվեստորեն լուծելիս դրամատորգը շեշտը փոքր-ինչ տեղաշարժել է պալատական ներքին կյանքը մահրամասն պատկերելու կողմը, մի կյանք, որ լի է բանարկություններով, հեղաշրջումներով, սպանություններով, խաբեությամբ ու արևելյան ավանդական դաժանությամբ: Ուժիսորը ներկայացման մեջ առավել հետևողականորեն էր ընդգծել պիեսի հենց այդ մոտիվը, ավելի սոուզ՝ նա սկզբունքորեն բեմական պատումը սահմանափակել էր Իրանի շահների պալատի ներքին մթնոլորտով, որի մասին ուղղակի վկայություն կա ներկայացման առաջին թատրաֆիտականներից մե-

կում. «Բեմադրողը գլխավոր շեշտը դրել է այն բանի վրա, որ ինչքան կարելի է ցայտուն դրսևորի պարակական ֆեռդալական պալատական այն ինտրիգան, որի հետևանքով շահերը փոխարինում են միմյանց: Դիեսը բավական հարուստ նյութ է տալիս պալատական այդ ներքին կյանքը դրսւորելու համար, որովհետև բոլոր գործող անձինք և շահը, և պալատական իշխանավորները, և ներքինները, և հարենի կանայք, զանազան միջոցներով՝ քծնելով, երեսպաշտությամբ, խարելով և այն, աշխատում են փոխել իրենց դիրքը, ավելի առաջարկությունը, իշխող ու հրամայող դառնալ: Բեմադրության առանցքը ահա այս ինտրիգաներն են»¹:

Ավելին, ուժիսորդին կշտամբում էին, որ նա հարկ եղած ուշադրությունը չէր դարձրել ժողովրդական ապատամբության մոտիվին: Նույն թատերախոսը գրում է. «Ժողովրդական մասսաների շմբուտությունը ներկայացնող Կովաքը հրապարակ է գալիս մի գործողության մեջ և այն խնդիրները, որ առաջադրել է հեղինակը պիեսում հանձին Կովաքի, նույնպես բեմադրության մեջ շատ թույլ են հրապարակ գալիս և սոցիալական այդ երկու խավերի՝ ֆեռդալների ու աշխատավոր ժողովրդի բախումը որևէ կերպ չի երևում: Չափի պալատում ինտրիգան և ժողովրդական մասսաների ընդվզումը բեմադրության մեջ մնում են մեկը մյուսից կտրված, իսկ հանդիսատեսի ուշադրությունը սկզբից մընչև վերջ գրադարձ է պալատական ինտրիգների հանգույցով, մի հաճամանք, որն անշուշտ, բխում է պիեսի հիմնական կառուցվածքից»²:

Ներկայացման թատերախոսներից այս մեջբերումներն անում ենք, որպեսզի այսօրվա ընթերցողը հնարավորություն ունենա տեսնելու, թե ժամանակին ինչ դիրքորոշում կար սոցիալական կոնֆլիկտների արտացոլման հարցում և այն, թե ուժիսորն ինչքան ավելի ճիշտ ու խորն էր ըմբռնել իր խնդիրը: Թվում է՝ բեմադրողը ճիշտ հակառակը պիտի աներ, այսինքն՝ պիտի ուժեղացներ սոցիալական երկու ուժերի բախումը, գործողությունը ծավակեր հենց այդ կոնֆլիկտի շուրջը և ընդգծեր ուտքի ելած ժողովրդական զանգվածների դերը: Դա հասկանալի էր ամեն մեկին, և դժվար

¹ «Խորհրդային արվեստ», 1935, № 12,էջ 2:

² Նույն անդում (ընդգծումն իմն է—Ս. Ռ.):

Է Աճեմյանի կատարած շեղումը բացատրել սոցիալական պրոբլեմատիկան շհասկանալով, այն նույն պրոբլեմատիկան, որը 1930-ական թվականների կեսերին տիրապետող էր և աքսիոնայի հասցըված:

Սակայն ոեժիսորին ի՞նչ նպատակով էր տեղաշարժել շեշտերը՝ «Շահնամեի» կողմիան սահմանելիս: Ներկայացման թատերախոսները, ինչպես նաև նրանք, ովքեր հետագալում անդրադարձել են Աճեմյանի այդ բեմադրությանը, ոչ մի նոր բացատրություն չեն տվել, եթե չհաշվենք այն, որ ոեժիսորին հանդիմանել են սոցիալական կոնֆլիկտը անբավարար մշակելու համար: Դրամատորգի և ոեժիսորի, ինչպես նաև «Շահնամեի» բուն բեմադրության, դիրքորոշումն ավելի ուշադիր զննելիս բոլորովին ուրիշ հիմնավորում է ծագում այն ամենի համար, որ արել է Վարդան Աճեմյանը պատմական թեմայով՝ այդ խորապես ժամանակակից ներկայացման մեջ: Գրեթե աննկատ է մնացել ու որևէ զարգացում չի առացել ներկայացման ականատեսների մի դիտողությունը: Թատերախոսներից մեկը նկատել է, որ «բեմադրողը սոցիալական երևոյթները չի կենտրոնացնում հենց միայն պարսկական մերկ էկզոտիկայի, պարսիկ ժողովրդի յորօրինակ պայմաններում, այլ վերին աստիճանի հաջողությամբ պատկերում է այն բնորոշը, որն ընդհանուր է բոլոր ժողովորդների համար, որպես դասակարգային անդուր պարզաբի պատմություն»¹: Թատերախոսը նկատել է նաև հետևյալը. նկարիչ Վ. Շերիչևը, «սկզբունք ունենալով ոեժիսորական այն դրվագը, որ բեմադրության մեջ միայն ակնարկվում է Պարսկաստանը, հեռու է մնացել էկզոտիկայի բնույթից»²:

Այսպիսով, ականատեսների վկայությամբ, ոեժիսորը ձգտել էր այնքան ել որոշակի շդարձնել գործողության վայրը և առևկ ակնարկել, որ թեև գործողությունը կատարվում է Պարսկաստանում, բայց այդպիսի իրավիճակ կարող էր ստեղծվել ամեն մի ուրիշ երկրում: Ավելին, թատերախոսներ Անդ. Հովսեփյանն ու Ալ. Արաքսամանը ուղղակի ասում էին թե «Շահնամեն» պատմական անցյալի նյութի միջոցով ժամանակակից քաղաքական խնդիրներ

1 «Խորհրդային Հայաստան», 1935, 16 հունիսի:

2 «Բանվոր», 1935, 8 հունիսի:

արտահայտող խորհրդային դրամա է: Արևելյան դեսպոտի պալատըն այն ֆոկուսն է, որի մեջ նա կենտրոնացրել է քաղաքական և տնտեսական մի ամբողջ էպոհա»¹:

Ինչ խոսք, ո՞չ Մկրտիչ Զանանը և ո՞չ էլ Վարդան Աճեմյանը, դիմելով 18-րդ դարի պարսից պատմության էջերին, նպատակ չին ունեցել բեմում սոսկ հարություն տալ անցած-գնացած ժամանակների անցքերին: «Շահնամե» պիեսի հեղինակին ինչպես և բեմադրողին հետաքրքրել էին արդիական պրոբեմները, որոնք նմանության եզրեր ունեին Իրանի պատմության իրադարձությունների հետ: Խոկ ի՞նչ պրոբլեմներ էին դրանք, որ հետաքրքրում էին ոեժիսորին «Շահնամե» պիեսում: Եթե Վարդան Աճեմյանը ներկայացման մեջ հասող ուշադրություն էր նվիրել պալատական խարդավանքներին, եթե ոեժիսորն ընդգծել էր նենգ ու դաժան պալքարը հանուն գահի, ապա, հավանաբար, պեսք է հենց այստեղ էլ որոնել բեմադրության արդիական գլխավոր մոտիվի բացատրությունը:

«Շահնամեում» ոեժիսորը մի տեսակ մոլեգնությամբ խտացրել էր իշխանության համար դաժան ու արյունալի պալքարի մղամավանջային մթնոլորտը: Այդ մոտիվը մշակելիս, ոեժիսորն ու նկարիչը արտահայտչական միջոցները հասցրել էին խորհրդանշանների աստիճանի, պալատի սպոնսորը ներկել էին արնագույն, բեմի կենտրոնում դրել էին խորհրդանշական էմբլեմ: Երկու կատաղի առյուծ ծառանում են իրար դեմ՝ ասես հենարան դատնալով մի վիթխարի գնդի համար, որի վրա պարսից մանրանկարների ոճով պատկերված էր առյուծներին նետահարող մի հեծյալ: Շահի գահը տեղադրված էր այդ գնդի ներքո, ծառացած առյուծների միջև: Եթե շահը գահ էր բարձրանում, բեմավիճակը դառնում էր իմաստավից կոմպոզիցիա՝ օրիասական պալքար գահի համար, որի վրա ներկայացման ընթացքում երեք տիրակալ փոխարինում են իրար, հաջորդաբար ոչնչացնելով ոչ միայն իրենց հակառակորդներին, այլև մերձավորներին:

Նոյն տոնայնությամբ էլ մեկնաբանվում էին բեմական կեր-

1 «Բանվոր», 1935, 8 հունիսի:

պարները: Ամենավառը շահ Զեիրի կերպարն էր՝ Ցոլակ Ամերիկյանի կատարմամբ: Թատերախոսներից մեկը նրան համեմատում է իվան Ամենի կերպարի նետ¹: Ներկայացման գործող անձինք բռնված էին իշխանության հասնելու կրքով, որի համար նրանք զոհում էին ամեն ինչ՝ և հարազատների կյանքը, և սեփական խիղճն ու պատիվը: Ուժիսորը ներկայացման գործող անձանց բնույթագրել էր որպես կատարյալ մտագարներ, որոնք ոչ մի քանի առաջ կանգ չեն առնում իշխանության հասնելու համար: Թաճարացնելով սպանության, խարդավանքի ու դաժանության մթնոլորտը, ուժիսորը հասել էր իր գլխավոր նպատակին՝ բացահայտել իշխելու տեսչով բռնված մտագարների պայքարի ամբողջ սպասիվը, ցուց տալ, որ նման մթնոլորտում անվատահույցուն ու կասկած է սերմաննելում ամենուր՝ որդին մատնում է հորը, հայրը՝ որդուն, եղբայրը՝ եղբորը, կինը՝ ամուսնուն, ընկերը՝ ընկերոջը... Բանտ ու անվատահույցուն, մատնույցուն ու արյուն, սարսափ ու հուսալում—ահա այն ինտոնացիաները, որ ուժիսորը հաստատեց «Շահնամեում»: Զպետք է մոռանալ, որ այդ ներկայացումը բեմադրվեց 1930-ական թվականների կեսերին: Այս տարիներին մարդկության պատմության հորիզոններում երևացին քաղաքական մտագարներ, որոնք սեփական անսահման իշխանության էին ձգուն, և նրանց այդ դիվային նպատակն իրագործվում էր նենգ բանսարկությունների, սպանույցունների, բանտի ու աքսորի գնով, համընդիանուր կասկածամտության ու անվատահույցան մթնոլորտ ստեղծելու գնով, այսինքն այն ամենով, ինչի համար այնքան թանկ վճարեց մարդկությունը: Վարդան Աճեմյանն իր բեմադրության մեջ հենց այս մոտիվն էր շեշտում, ուստի և հիմնական ուշադրությունը դարձրել էր պալատական խարդավանքների գծի մշակմանը: Հանուն իրոք նշանակալից արդիական պրոբլեմի, ուժիսորը «զոհ էր բերել» պիեսի սոցիալական կոնֆլիկտի ավանդական ընկալումը:

Այսպիսով, պատմական պիեսի դիմելու առաջին խկ քայլից, ինչպես արդեն ասվեց ներկա գլխի սկզբում, արտահայտվեց պատմական պիեսներ բեմադրելու ուժիսորի գլխավոր միտումը՝

¹Տե՛ս «Խորհրդային արվեստ», 1935, № 12, էջ 2:

արդիականությունը։ Սա, այսպես ասած, գաղափարական-մեկնաբանական տեսակետից։ Իսկ ինչ վերաբերում է ուժինորական արտահայտչական միջոցների համակարգին, ապա «Ծահնամեռում» դա ևս որոշակի է ու նպատակալաց։ Զանանի պիեսի բեմադրության ադիտով եղած հարցագրուցում Վարդան Աճեմյանն ասել է. «Մենք աշխատել ենք ուսալիստորեն մեկնաբանել «Ծահնամեռ» ումանատիկական և վերաբարձ շունչը, խուսափելով արտասովորությունից, ֆանտաստիկայից, որոնք հեշտությամբ մեզ գցեցին ձևամոլության գիրկը, վճասելով պիեսի գաղափարական կողմը»¹։

Պատմական անցյալը ուժինորի առջև հայտնվում էր ոչ թե թատերական ինչ-որ զատ-զատ, պերճաշուր, ընդգծված ու բացառիկ ձևերով, այլ մարդկային իրական կերպարների հավատի ցուցահանումով, որիշ խոսքով ասած, Վարդան Աճեմյանը, դիմելով պատմական պիեսի, չի ձգտել, ինչպես ինքն է վկայում հարցագրուցում, բացադիկ կամ ֆանտաստիկ ձևերի, այլ, ընդհականակը, ցանկացել է մարդկային բնավորությունների միջոցով բացահայտել պատկերվող դարաշրջանի էությունը։ Պատկերավոր ասած, Աճեմյանը ոչ թե պատմական դարաշրջանն է բարձրացնում կոթուուների վրա, այլ պատմական անցքերի մասնակիցներին՝ անցյալի մարդու աշխարհը ավելի խոր ու վառ բացահայտելու և նրա մեջ ժամանակակից մարդու խոների արտացոլումը տեսնելու համար։ Սա ամենին չի նշանակում, թե ուժինորը անտեսում էր պատմական իսկությունը կամ դարաշրջանի հատկանիշները։ Այսպես, նույն «Ծահնամեռում» ուժինորը դրել էր միանգամայն կոնկրետ, եթե կարելի է այսպես ասել, ձևական խնդիրներ։ Հարցագրուցում կարդում ենք. «Աճեմյանը, խուսելով բեմադրության ձևական կողմի մասին, շեշտում է այն հանգամանքը, որ կոմպոզիցիոն, ուժինորական խնդիրները՝ միզանացնեների, շարժումների, մասայական տեսարանների և նկարչական աշխատանքներում, վճռված են արևելյան մինհատյուրների սիմետրիկ ոճով և այն հետևողական կերպով պահպանված է»։

¹ «Բանվոր», 1935, 1 հունիսի:

Հետագալում կհամոզվենք, որ իր պատմական, մասնավորապէս Հայաստանի պատմական անցյալին նվիրված, ներկայացումներում Աճեմյանը հավատարիմ պահպանում է պատմականության պահնչները, հասնում է պատկերվող դարաշրջանի հատկանիշների հավատիությանը, բայց երբեք չի ենթարկվում միայն դրան. Արա համար հիմնականը մնում է արդիականության պրոբլեմը, ավելի ճիշտ՝ պատմական անցյալի արդիական բեկումը:

«Ծահնամեն» միայն մասսամբ և անուղղակի էր լցնում հայ սովորական թատրոնի պատմական խաղացանկի դատարկությունը: Դեռ բեմահարթակ չէին բարձրացել հայ ժողովրդի պատմական անցյալին նվիրված պիեսներ: Այստեղ ևս առաջին համարձակ հետախուզը Վարդան Աճեմյանը եղավ: «Ծահնամեից» հետո նա իրականացրեց Լ. Միքայելյանի «Գոշ» պիեսի երկու բեմադրությունը, երկու անգամ՝ Ա. Արաքսմանյանի «Էմմանուել», երկու անգամ՝ Դ. Դեմիրճյանի «Երկիր հայրենի» պիեսների և, վերջապես, Նաիրի Զարյանի «Արա Գեղեցիկ» պոեմի փայլուն բեմադրությունը: Բացի այդ, Աճեմյանը բեմադրեց նաև «Գևորգ Մարգարեանունին», «Միքայել Նալբանդյանը», «Արտավազ և Կլեոպատրան», իսկ օպերային թատրոնում՝ «Դավիթ բեկը»:

Գեղարվեստական տարբեր մակարդակ ունեին ոեժիսորի այս աշխատանքները, և դրանցից լավագույներում ի հայտ եկավ Վարդան Աճեմյանի ոեժիսորական խոշոր տաղանդի ևս մի կողմը, ոեժիսոր, որը մեծ ավանդ ունի պատմական պիեսների բեմադրության թերևս միութենական փորձի մեջ:

«Գոշ» ներկայացումը, որ Աճեմյանը բեմադրեց Լենինականի թատրոնում, 1936-ին, աղմկալի հաջողություն ունեցավ, աշխատվ վիճարանությունների առիթ տվեց: «Գոշի» շորջն ատեղծված այդ վեճներին ալճքան լուրջ նշանակություն տվեցին, որ կուսակցության Լենինականի քաղկումը բյուրոյի հասուկ նիստում որոշում ընդունեց, ըստ որի ներկայացումը «պետք է լավորեն մասայականացվի, որպես մեր անցյալի պատմությունը ճիշտ կերպով վերարտադրող և նացիոնալիստական պատմության դրույթները հերքող գործ...»¹:

¹ «Բանվոր», 1937, 9 հունվարի:

«Գոշի» սոցիոլոգիական կոնցեպցիան այն աստիճան «ուղղափառ» էր, որ պիեսի և ներկայացման հասցեին այսպիսի կշտամբանք եղավ՝ գյուղացիական ընդվզումը չափից ավելի է նման ժամանակակից հեղափոխական ելույթի, իսկ Գոշի կերպարում գգացվում է հեղափոխական կազմակերպիչը։ Այսպես, թատերախոսներից մեկը գրեց. «...Գործող պերտուածի գգալի մասը (Գոշը, Վազգանուշը, գյուղացիներից ունանք) իրենց շատ ավելի հասունությամբ պատմականորեն տիպական չլինելու վտանգի տակ են դրվում։ Գոշն իր առաջադրած խնդիրներով, քաղաքական մտահորիզոնով այնքան արագ է զարգանում, որ արդարացիորեն հրան կարելի է ավելի շուտ ժամանակակից հեղափոխական գյուղացի համարել, քան միշտին դարի հայ իշխանի ճորտ ձիապան, որը հեղափոխական է իր ժամանակի պատմական շրջանակներում»¹։

Հաշվի առնելով քննադատական դիտողությունները, բազմաթիվ հրապարակային բանավեճներում արտահայտված ցանկությունները, «Գոշի» հեղինակ Լ. Միքայելյանը և ուժիսորը լրջորեն վերանայեցին պիեսը և մեկ տարի անց քեմ հանեցին նոր ներկայացում։ Անձնյանի վկայությամբ, Լենինականի թատրոնի պրակտիկայում և իր ուժիսորական գործունեության մեջ դա առաջին դեպքն էր, երբ նոյն պիեսը բեմադրվում էր երկրորդ անգամ։ Նոր տարբերակում կային նոր տեսարաններ ու գործող անձինք։ Այսպես, ավելացվեց մի մեծ տեսարան՝ «Գյուի հրապարակում», որ ծավալվում էր գյուղացիների տարերապին հուզման պատկերը և սրվում էր գեղջկական ծանր կյանքի բնութագիրը։ Նոյն տեսարանում հայտնվում էր գյուղացի Միկևիչ՝ ներկայացնելով հայ միջնադարյան գյուղացիության հավաքական կերպարը։ Այսպիսով, կոնցեպցիոն առումով «Գոշի» առաջին տարբերակի վրապումները վերացվեցին պիեսի երկրորդ բեմադրության մեջ։ Բնամադրական առումով առանձին փոփոխություններ չեղան, եթե չհաշվենք նոր ձևավորումը, որի հեղինակն էր Սերգեյ Արուտչյանը (առաջին տարբերակի ձևավորումը Վ. Շերիշևին էր)։ Արուտչյանը նախորդ բեմադրության պատկերավոր-թատերապին կոնցեպցիաները

¹ «Խորհրդային Հայաստան», 1937, 18 հունվարի։

փոխարինել էր գեղանկարչորեն արված և տնավարագույրներով, որոնք թեև տպավորիչ էին, բայց պակաս թատերային, քան Վ. Շերիչևի ձևավորումը:

Պատմական պիեսը մեկնաբանելու ռեժիսորական սկզբունքը նույնն էր մնացել՝ անցյալի իրողություններում գտնել արդիականության մոտիվներ: Այն շրջանում, երբ բեմադրվում էր «Գոշ», արդիական ու հրատապ էր դասակարգային պայքարը սաստկացնելու սոցիոլոգիական ըմբռնումը, որը և իր ամենատղակի արտացոլումն էր գտնում պատմական պիեսների բեմադրություններում: Ու եթե «Գոշի» իրադարձությունները վերաբերում էին միջնադարին, այնուհանդերձ, ներկայացման մեջ առանձնապես ցայտոն և ռեժիսորական առումով ընդգծված էր դասակարգային պայքարի մոտիվը, որը չվրիպեց ներկայացման բոլոր թատերախոսների ուշադրությունից: «Գոշը» համեմատվեց Շանշաշվիլու «Արսենի» հետ, և ոչ միայն համեմատվեց, այլև նշվեց վերջինիս ազեցությունը հայկական ներկայացման վրա: Եթե միայն այդ լիներ «Գոշի» ժամանակակից հնչողության պատճառը, դժվար թե այսօր ռեժիսորի այդ աշխատանքը հետաքրքրություն ներկայացներ: «Գոշի», Վարդան Աճեմյանի բեմադրած առաջին հայ պատմական պիեսի, պրոբեմատիկայի հետ կապված է մի շատ ավելի կարևոր ու նշանակալից բան:

Գրեթե մի ամբողջ հարյուրամյակ հայ թատրոնը բեմադրում էր պատմական պիեսներ, որոնց մեջ փառաբանվում էր պատմական հերոսների սիրանքը, իսկ այդ հերոսների թվում կային թագավորներ, իշխաններ, հոգևոր առաջնորդներ: Ետքեղափոխական շրջանում այդ ամբողջ դրամատորգիան համարվեց գաղափարապես արատավոր, անհամապատասխան պատմական հեղափոխական ընբռնումներին: «Գոշը», ամբողջությամբ առած, հայ սովետական դրամատորգիայի առաջին պատասխանն էր: Նրա հերոսը դուրս էր եկել ժողովրդի միջից, պայքարում էր իշխանների, հոգևորականության դեմ, այսինքն՝ լնդրեմ հենց այն հերոսների, որոնք փառաբանվում էին մինչհեղափոխական պատմական դրամատորգիայում: «Գոշի» պիեսի բեմադրության հեղինակների նման սկզբունքային դիրքորոշումը ճիշտ էր: Բայց նույն այդ դիր-

քորոշումը նոյն էր կոնցեպցիոն սխալ հետևանքներով, որոնք կարող էին մղել դեպի գոեթիկ-ացիոլոգիզմի դրույթները, այսինքն՝ հանգեցնել հոգևորականության կամ իշխանավորների պատմական դերի լիակատար բացամանը: Այս տեսակետից «Գոշի» պրոբլեմատիկան շատ էր բարդանում: Եվ եթե դրամատորգն ու ռեժիսորը նահանջեին ճիշտ դիրքավորումից, կդառնապին հայ ժողովրդի պատմության միակողմանի մեկնարաւանդներ: Մյուս կողմից, նկատի առնելով «Գոշի» բեմադրության ժամանակաշրջանը, կարելի է պատկերացնել, թե հայ պատմական պիեսի բեմադրությունը ձեռնարկած արվեստագետի համար որքան բարդ ու դրվագ էր մնալ օբյեկտիվ դիրքերում: Եվ այսուհանդերձ, «Գոշ» ներկայացման հեղինակները կարողացան իրենց դիրքերը պաշտպանել: Ստորև կտեսնենք, թե որքան կարևոր է այդ:

Խոսքը Այրիվանցու կերպարի մասին է՝ պատմականորեն հավաստի մի անձնավորություն, որը «Գոշ» ներկայացման մեջ դրական բնութագիր ունի: «Բանվորի» թատերախոսը շտապել է տալ այդ երևույթի գնահատականը. «Հեղինակը Այրիվանցուն դրական տիպ է դուրս բերել, այսինքն լուրջ սխալ է կատարել»¹: Բերենք թատերախոսի դիտողություններից մեկը ևս. «Մեր կարծիքով սխալ է նույնպես իշխանությունը այն խրոխտ ու բարձրագոչ հոյսորդականը, որ ցուցադրվում է պիեսում նրա ապատամբների ձեռքն ընկնելու ժամանակ: Նա այդ դեպքում ավելի բնական կլիներ, որ իր կյանքը փրկելու համար կամ երկշոտորեն պաղատեր, խընդրեր, դիմեր ապատամբների գլխարտությանը և կամ խորամանկություն բանեցներ, խաբեր, զբաղեցներ նրանց որևէ կերպ, մինչև Առնակ իշխանի փախտատը: Հանդուն քաղաքական ճառը գերի ընկած իշխանություն բոլորովին չի սազում»²:

Այսպիսով, դրամատորգն ու թատրոնը ձգտել էին անպայման ճշմարտացի դիրքավորում ունենալ և, չնայած սպասվող բոլոր բարդություններին, դասակարգապին թշնամու բանակում տեսնում էին առանձին ներկայացուցիչների, որոնք օբյեկտիվորեն դրական դեր էին խաղում: Հայ պատմական դրամատորգիայի ճակատա-

¹ «Բանվոր», 1936, 17 դեկտեմբերի:

² Նույն տեղում:

գրի համար «Գոշ» Աերկայացման հեղինակների դիրքավորումն ընդունելն ու պաշտպանելը շատ կարևոր էր մանավանդ այդ շրջանում:


«Գոշում» պաշտպանվում էին ինչպես դրական, այնպես էլ բացասական հերոսների գեղարվեստական բնութագրման մի քանի կարևոր սկզբունքներ: Նրանք Աերկայացված էին ոչ որպես տցիալական դիմակներ, թեև դրա համար կային բոլոր պայմանները: Աճեմյանը ձգտել էր բեմական միջոցներով բացահայտել պատմական անցյալի մարդկանց գեղարվեստորեն օբյեկտիվ նկարագիրը: Եթե Գոշը Աերկայացման մեջ եռանդուն էր, ոռմանտիկայով համակված, եթե այն բեմավիճակները, որոնց մեջ հանդեռ էր գալիս ժողովրդական ապատամբության հերոսը, կառուցված էին Գոշի կերպարին ոռմանտիկ վեհություն տալու նպատակադրումով, ապա ոեժիսորը միաժամանակ չէր ցանկացել պարզունակ, ու միագիծ Աերկայացնել հակառակորդ բանակի մարդկանց, և նա, օրինակ, իշխանություն համար այնպիսի բեմավիճակ էր ատեղծել, որի պատճառով, ինչպես վերը տեսանք, կշտամբում էին նրան:

Տաթևացու կերպարը պիեսում ու Աերկայացման մեջ թերևս ամենաբացասականն էր: Այս գործող անձի բեմական բնութագիրը կարող էր նման լինել այն բազմաթիվ բացասական հերոսներին, որոնց անվանում են «դասակարգային թշնամի»: Աճեմյանը բնավ չէր խնայել Տաթևացուն, մինչև վերջ բացահայտել էր նրա մարդկային ու դասակարգային զարդելի էռությունը: Սակայն այս բանը Աերկայացման մեջ չէր արվել դասակարգային պիտակ փակցնելու մակերեսային եղանակով, այլ հոգեբանական հավաստի ինտոնացիաներով, որոնց մեջ զգացվում էր դարաշրջանի իսկությունը, գործող անձի համոզունքների իսկությունը:

Ի դեւ «Բանվորի» թատերախոս Ա. Հովսեփյանը «Գոշի» մի քանի գործող անձանց, օրինակ, Այրիվանցուն, Տաթևացուն կըշտամբել էր ասելով, որ նրանք ատեղծված են «Հին աստվածների» ուղղակի և ուժեղ ազդեցությամբ¹: Հավանաբար թատերախոսը



ԽՍա էրենբուրգի, նրա կնոջ և Մարտիրոս Սարյանի հետ





Գուրգեն Զանիբեկյանի և Ավետ Ավետիսյանի հետ

Ակատի էր ունեցել հոգևորականության ներկայացուցիչների կերպարների գեղարվեստական օբյեկտիվ բնութագրումը, որ, գոեհիկ-սոցիոլոգիական դպրոցի պատմաբանների հասկացողությամբ անհամատելի էր հեղափոխական դիրքորոշման հետ: Բոլոր, այդ թվում և բացասական, գործող անձանց գեղարվեստական օբյեկտիվ բնութագրումը «Գոշում» հաստատվել և պաշտպանվում էր հետևողականորեն: Հենց այդ միտումով էր պալմանավորված հեռանկարային հետաքրքրությունը Վարդան Աճեմյանի այս աշխատանքի նկատմամբ, որը ավելի շուտ պետք է համարել այն հիմնական դիրքերի պաշտպանությունը, որոնցից հետագայում ուժինություն անցավ պատմական պիեսների իր լավագույն բեմադրություններին:

Այս իմաստով Ա. Արաքսմանյանի «Էմմանուել» պիեսի երկու բեմադրությունները նոյնայս «Նախապատրիստական» էին:

Կոնցեպցիոն առումով «Էմմանուելը» ճիշտ էր մշակված, դրամատորգն ու ուժինությը հենվել էին գրականագիտական այնպիսի մեկնակերպի վրա, որը Միքայել Նալբանդյանի կյանքն ու գործը բացահայտում էր հեղափոխական դեմոկրատիայի դերի վերաբերյալ մարքս-լենինյան ուսմունքի դերքերից: Ծիշտ է, մասնություն պիեսի հեղինակին դիտողություն արվեց այն բանի համար, որ ժողովրդի դերը այնքան էլ ճշմարտացի ցուց չի տրված, և որ Նալբանդյանը «Էմմանուելում» միայնակ մարտիկի տպավորություն է թողնում: Այս սկզբունքային դիտողության հեղինակները իրավացիորեն նկատում էին. «Որությունը փրկելու համար պիեսով մտցվել է մի դարբին և մի գյուղացի, սակայն որոնց (մանավանդ դարբնի) խարակտերները սիեմատիկ են և թերի»:

Ուժինությը փորձել էր ինչ-որ ձևով ընդլայնել պատմական ֆոնը, սակայն թատրոնին չհաջողվեց լիովին հաղթահարել պիեսի այս թերությունը: Ներկայացման կենտրոնական դեմքը Էմմանուելն էր, որի շորջն էլ հրուսակում էր դրամատիկական կոլիզիան: Ինչպես պիեսը, այնպես էլ ներկայացումը կառուցված էին, այսպես կոչված, կենսագրական ժանրի սիեմայով, որն արդեն ավանդական էր դարձել սովետական թատրոնում: Ուժինությը շատ

լավ էր հասկանում պիեսի պրոբլեմի ու ժանրի հարուցած բարդությունները, աշխատում էր ընդլայնել կենսագրական պատումի շրջանակները և ներկայացմանը ավելի լայն հնչողություն հաղորդել: Բեմադրողի հենց այդ ձգտումով էլ պիտի բացատրել նրա այն հայտարարությունը, թե ներկայացման հիմքում ընկած է երեք գլխավոր խնդիր. 1) պատկերել դարաշրջանի խնդրումը, ցուց տալ պայքարը ցարական ինքնակալության դեմ, և, ինչպես գրում էր Վարդան Աճեմյանը, «զգացնել տալ Գերցենի, Զերսիշևակու, Դոբրոլյուքովի Ռուսաստանը», 2) բացահայտել փոքր ազգերի վիճակը ցարական ճնշման պայմաններում և միայն այդ ֆոնի վրա. 3) «որքան թույլ է տալիս պիեսը, վեր հանել Էմմանուելի կերպարը, դարձնել այն լիարյուն, հուզիչ, ներգործող և ճշմարիտ»¹:

Ինչպես երևում է ուժիսորի այս հայտարարությունից, նա կատարելապես ըմբռնում էր Էմմանուելի կերպարի կոնցեպցիոն և կոմպոզիցիոն ենթակայությունը մյուս գործուներին, մասնաւորապես դարաշրջանի հավաստի պատկերին: Դատելով թատերախոսականներից և ժամանակակիցներից տպավորություններից, այնպես էլ չի հաջողվել պատմական լայն ֆոն ստեղծել ներկայացման մեջ, որը մնացել է կամերային և որի մեջ ամբողջ պրոբլեմատիկան ձգտել է դեպի Էմմանուելի կերպարը, իսկ վերջինս ուժիսորն այնքան է բարձրացրել, որ նա կտրուկ առանձնացել է մյուս գործող անձերից: «Թատերայնորեն» ասած, ուժիսորը Էմմանուելի կերպարը դրել էր կոթունների վրա, նրա համար յուրատեսակ բեմական պատվանդան ստեղծել՝ ավելի վառ ու սուր ընդգծելու դարաշրջանի տիպական ներկայացուցչի նկարագիրը: Եթե «Գոշում» կոթունների վրա էր բարձրացված միայն Գոշի կերպարը, ապա «Էմմանուելում» սկզբունքորեն կրկնվել էր մեկնաբանության այդ սինեման: Առաջմ ուժիսորին հաջողվում էր այսպես վարվել պատմական պիեսների միայն գլխավոր հերոսների հետ: Հենց այդ պատճառով էլ այս երկու բեմադրությունները յուրատեսակ անցում էին Աճեմյանի այն աշխատանքներին, որոնց մեջ պատմական անցյալը պիտի հատներ բոլոր գործող անձանց կերպարներում: Այն սկզբունքը, որ ուժիսորը հաստատեց արդիա-

1 «Գրական թերթ», 1938, 8 հունիսի:

կան պիեսների վրա աշխատելիս, այսինքն՝ դարաշրջանի մարդկանց կերպարների միջոցով դարաշրջանը բնութագրելու սկզբունքը, այժմ տարածվում էր պատմական դրամատորգիայի վրա: Վարդան Աճեմյանը հետագա աշխատանքներում կարողացավ հաղթահարել պատմական պիեսի ժամանի կաշկանդիչ շրջանակները, կարողացավ դարաշրջանի նկարագիրը բացահայտել այդ դարաշրջանի մարդկանց ավարտուն կերպարներով, որի մասին կիսումի առանձին:

«Էմմանուելի» վրա աշխատելիս ոեժիսորը շփվեց այնպիսի կարևոր գեղարվեստական պրոբլեմի, ինչպիսին է սովետական ողբերգություն հասկացությունը: Ահա թե Աճեմյանն ինչպես էր ընկալում այդ խնդիրը. «Հաս իս, խորհրդավին ողբերգության առանձնահատկություններից հիմնականը դա պիեսում հանդես եկող հերոսի պայքարի իմաստն է, եթե հերոսը մարտնչում է ոչ սորյեկտի բախտի, այլ ժողովորի երջանկության համար, սրանից էլ բխում է նրա պայքարի հզորությունը, որովհետև հերոսը մենակ չէ, նրա հետ է ժողովորդը: Մյուս առանձնահատկությունը, դա հաղթական օպտիմիզմն է, շեշտակի պետք է լինի հերոսի հավատն ապագայի նկատմամբ: Խորհրդավին ողբերգության հերոսները քայլում են դժվարությունները արհամարհելու մտալացությամբ, նրանց չի դավաճանում հավատը: Այս սկզբունքով է, որ մենք աշխատում ենք բեմադրել «Էմմանուել» ողբերգությունը»¹:

Ոեժիսորն այս սկզբունքներից բոլորը չեն, որ իրականացրել էր «Էմմանուելում», ինչպես նաև ամեն ինչ չեն, որ հետագայում ճիշտ դուրս եկավ, եթե Վարդան Աճեմյանն իր ստեղծագործական պրակտիկայում ստուգեց այս դրույթները: Կարևորն այն է, որ ոեժիսորը սերտորեն շփվեց ողբերգության պրոբլեմատիկային՝ նրա ժամանակակից ընկալումով: Ծիշու է, այդ ընկալման մեջ դեռևս շատ բան կար մակերեսապիս և միագիծ: Ողբերգականի ընկալման այս միակողմանիությունը անդրադարձավ նաև Էմմանուելի կերպարի մեկնաբանության վրա, թեև ներկայացման որոշ տեսարաններում ոեժիսորը կարողացել էր պատումին ողբերգական ին-

1 «Գրական թերթ», 1938, 8 հունիսի:

սովորացիա հաղորդել: «Ներկայացման գրեթե բոլոր թատերախոսները միաձայն նշեցին վեցերորդ պատկերի հատուկ շիկացումը: Օրինակ, Ռ. Շիրոյանը գրեց, թե Աճեմյանը «Էմմանուելում» ստեղծել է «չափազանց տպավորիչ, սուր և հուզական դրություններ: Առանձնապես հուզիչ է «Յ-րդ պատկերը, որը ողբերգությունը հասնում էր գագաթնակետին»¹:

Վեցերորդ պատկերում տեղի է ունենում դրամատիկական ժանրը վիճակի մեջ ընկած Էմմանուելի ձերբակալությունը: Թե ինչու այս պատկերը ողբերգական ինտոնացիաներով առավել հագեցվածք եղավ՝ այսօր այնքան էլ դժվար չէ բացատրել, եթք գիտենք պատմական պիեսի նկատմամբ Աճեմյանի նախասիրությունը՝ անցլալի դեպքերի մեջ որսալ արդիականության հրատապ մոտիվները:

Աճեմյանն «Էմմանուելը» նույն մեկնաբանությամբ բեմադրեց նաև Կիրովականի թատրոնում: Տարիներ անց, արդեն Գ. Սունդուկյանի անվան թատրոնում, ոեժիսորը կրկին անդրադարձավ Նալբնադյանի կերպարին, 1952-ին բեմադրելով Զ. Վարդանյանի և Ա. Արաքամանյանի «Միքայել Նալբանդյան» պիեսը: Այս ներկայացումը բեմական կովտուրայով և պրոֆեսիոնալ ավարտվածությամբ շահեկանորեն տարբերվում էր «Էմմանուելից», այսուղ ոեժիսորն իրոք հասել էր պատմական ֆոնի, հատկապես անցյալ դարի 60-ական թվականների ոուս իրականության լայն ցուցադրումները: Չափ ավելի լայն, քան «Էմմանուելում», պատկերված էր նաև հայ իրականությունը՝ Նալբանդյանի բարեկամներով ու հակառակորդներով հանդերձ: Սակայն «Միքայել Նալբանդյան» ներկայացման մեջ, ինչպես և պիեսում, պատմական ընդարձակ ֆոնը չէր ենթարկվել գեղարվեստական պրոբլեմին, Նալբանդյանի կյանքի տարեգրությունը սույն պատմա-ճանաչողական նշանակություն էր ստացել և չէր դարձել գեղարվեստական կոնցեպցիա:

1940-ին Վարդան Աճեմյանը Գ. Սունդուկյանի անվան թատրոնում բեմադրեց հաջորդ պատմական պիեսը՝ Դերենիկ Դեմիքրայանի «Երկիր հայրենին»: Սա արդեն ոեժիսորի խոշոր հաղթանա-

² «Коммунист», 1938, № 215.

կըն էր. նա կարողացել էր ստեղծել ճշմարիտ պատմական ներկայացում, որ բեմադրողի գեղարվեստական կոնցեպցիան մարմնափորվել էր ժամանակակից ռեժիսորական արվեստի մակարդակով:

«Երկիր հայրենիում» լիովին համընկել էին ռեժիսորի և դրամատորգի ստեղծագործական սկզբունքները: Պատմական պիեսների անդրանիկ բեմադրություններում, ինչպես տեսանք «Գոշի» և «Հմնամուելի» օրինակով, Աճեմյանին չէր հաջողվում հասնել այն բանին, որ անցյալ դարաշրջանը վառ արտացոլեր գործող անձանց կերպարներում: Այդ բանը նրան հաջողվում էր անել միայն գլխավոր հերոսների կերպարներում, այն էլ՝ մասամբ: Դեմիրճյանի պիեսը կառուցված է գեղագիտական որիշ սկզբունքներով, ինչն այն սկզբունքներով, որոնց և ձգտում էր Աճեմյան-ռեժիսորը:

«Երկիր հայրենի» պիեսում դրամատիկական գործողությունը ծավալվում է ոչ թե մեկ հերոսի շուրջը, որի կերպարում պետք է արտացոլվի դարաշրջանը, այլ իր ուղեծրի մեջ է առնում բազմաթիվ գործող անձանց, որոնցից յուրաքանչյուրի մեջ դարաշրջանն արտացոլվում է պոլիֆոնիկ, բազմապլան եղանակով: Սա Դեմիրճյանի պիեսի շատ կարևոր հատկանիշն է, որը ռեժիսորին հնարավորություն ընձեռուեց բեմական պատումը նոր ոճով՝ ծավալելու: Ներկայացման կոնցեպցիան կազմված էր բոլոր գործող անձանց փոխհարաբերությունների բարդ միախուսումից, գործող անձինք, որոնք անխստիր դրված էին թատերական կողունների վրա՝ ստեղծելով ներկայացման ընդհանուր նկարագիրը, որ ծառացած պատմությունն էր պատվանդանի վրա:

Որքան էլ հետաքրքիր լինեն «Երկիր հայրենի» առանձին հերոսների ճակատագրերը, որքան էլ վարպետորեն կերտված լիներ այս կամ այն կերպարը, պիեսում ու ներկայացման մեջ դրամատիկական մեծագույն շիկացումն ու մեծագույն հետաքրքրությունը ժողովրդի ճակատագիրն էր, ժողովրդի հերոսության թեման: Վարդան Աճեմյանն այդպես էր մեկնաբանել «Երկիր հայրենին», պատմական պիեսի ռեժիսորական հենց այդպիսի ընկալումն էր հիմք տվել Մարիետա Շահինյանին հայտարարելու, թե

«Հայ բեմը հանձինս «Երկիր հայրենիի» ձեռք է բերել իր ժողովրդական հերոսական դրաման»¹:

Դեմիրճյանի պիեսի բեմադրության մեջ միանգամայն ակները է Աճեմյանի ուժիստրական արվեստի ինտելեկտուալ հաստինացումը: Նա սկսել էր ավելի խելացի ու լրջմիտ մոտենալ հարազարդ ժողովրդի պատմությանը: Ուժիստրը մի ժամանակ («Մեծապատիվ մոլորացիաններ» մերկայացման մեջ, 1934), կարող էր իրենն թույլ տալ հեգնական վերաբերմունք անցյալի ազգային հերոսի նկատմամբ: Այժմ Աճեմյանը չէր ցանկանում գերի լինել սոցիոլոգիական պատեհապաշտ մեկնությանը, նա աշխատում էր գտնել ու բացորոշ արտահայտել պատմության «ռացիոնալ հատիկը»— ժողովրդի ինքնահաստատման ձգտումը: Այս բանում նրան շատ օգնեց այն պիսի կոնցեպցիոն գորողի պիեսը, ինչպիսին «Երկիր հայրենիի» հեղինակն էր, ապագա լավագույն հայ պատմավեպի՝ «Վարդանանքի» ստեղծողը:

Ուժիստրական ընթերցման մեջ ավելի ցայտուն ի հայտ եկան «Երկիր հայրենի» պիեսի արժանիքները, իսկ առանձին տեսարաններում նույնիսկ գեղարվեստական նոր որակ ստացան: Եթե դրամատորգի համար պատմական ժամանակագրությունը սույն սեփական կոնցեպցիան հաստատելու միջոց էր, ապա ուժիստրը հեղինակի առաջատար միտքը հարստացրեց նոր ինտոնացիայով՝ հերոսական դրաման Աճեմյանի մեկնաբանությամբ վերաճեց ժողովրդա-հերոսական դրամայի: Նման փոխակերպումն իրականացնելու ուղիները հեշտ ու հասարակ չեն: Տքնածան աշխատանք էր պահանջվում առանձին գործող անձանց կերպարները ժողովրդի, ժողովրդական զանգվածների կերպարի հետ կապելու համար: Բայց այս ամենով հանդերձ, Աճեմյանը չհետևեց այն սկզբունքներին, որ արդեն հաստատել էր մասապական մեծ տեսարաններ ունեցող իր առաջին հերկայացումներում: «Երկիր հայրենի» հերկայացման ժողովրդական տեսարանները Աճեմյանի առաջին բեմադրությունների համանման տեսարաններից տարբերվում էին ոչ միայն վառ արտահայտչականությամբ, ցայտուն գծերով, այլև ժողովրդական

¹ «Комсомольская правда», 1941, 10 հունիսի:

զանգվածի փոքր-ինչ ուրիշ պատկերացումով, իսկ վերջինս այժմ ընկալվում էր ոչ որպես զանգված ընդհանուր առմամբ, այլ միաձուլ, բայց վաս անհատականություններից կազմված ամբողջություն: Սակայն սա պրոբլեմի մի կողմն է միայն: Ծատ ավելի բարդ ու դժվարին էր զանգվածի բեմական գործողության և ներկայացնան առանձին անհատականացված պերսոնաժների միահյուսումը:

Ստեղծագործական այս բարդ խնդիրը լուծելիս Աճեմյանը չկրկնեց 20-ական թվականների թարրոնի հնարանքները, այլ գոտավ նոր ու ավելի տարրողունակ բեմական միջոցները: Ռեժիսորը ամենից առաջ հրաժարվեց, եթե կարելի է ասել, մասապական տեսարանների մասապականության սկզբունքից: Աճեմյանը «Երկիր հայրենի» ներկայացման մեջ փոխեց մասապական տեսարանների պայմանական բնույթը, դարձնելով դրանք ավելի շուտ ժողովրդական զանգվածի կերպարային խորհրդանշան: Ռեժիսորի համար շատ ավելի կարևոր էր ներկայացնել զանգվածի կերպարը, քան բեմում ստեղծել մասապական տեսարան՝ մեծաթիվ մասնակիցներով, ինչպես շատ ուժիւորներ էին անում պատմական ժանրի պիեսներ բեմադրելիս:

Ժողովրդական զանգվածի կերպար կառուցելու ուժիսորական սկզբունքը ոչ իսկուս և ոչ բոլորը ճիշտ հասկացան: Այսպես, «Խորհրդային Հայաստան» թերթի թատերախոսը գրեց. «Աճեմյանը մեծ ուշադրություն է դարձրել և չափի զգացում է հանդես բերել մասապական տեսարանները կառուցելիս, առանձնապես հաջող են առաջին գործողության հանդիսավոր արարողությունները: Բայց պեսք է նկատել, որ տեղ-տեղ չափավորությունը ստանիւների քանակի նկատմամբ փոխվում է մի տեսակ ժառանգության: Այն, որ դրամատուրգը գործողության ժամանակ հայ հասարակության բոլոր խավերին ցանկացել է ներկայացնել՝ բեմի վրա այդ այնքան էլ ցայտուն պատկերացում չի ստանու: Անխոս դերակատարների քշությունը առանձնապես զգացվում է վերջին գործողության ժամանակ. պարիսպները պաշտպանող և հարձակման դիմող զինվորները շատ քիչ են և մոլորդ պայքարի լրջության տպավորություն չի ստացվում»¹:

1 «Խորհրդային Հայաստան», 1940, 14 մայիսի:

Ներկայացման մի որիշ թատերախոս այս նույն տեսարանն ընկալում էր այլ կերպ: Վիկտոր Վիճակիկովը, բարձր գնահատելով ռեժիսորի արվեստը, «Պրավդայում» գրեց. «Վ. Աճեմյանը նպատակ է ունեցել ժողովրդին հանդես բերել որպես ներկայացման գլխավոր հերոս: Եվ այդ հրան հաջողվել է լիովին: Բեմադրությունը հանգեցնող ժողովրդական մասայական տեսարանները արված են համարձակ, սուր, արտահայտիչ: Շատ դրվագներ տառացիորեն հասնում են քանդակային ցանության»: Եվ ապա՝ «աւկայն թերևս բեմադրողի ամենամեծ հաջողությունն այն տեսարանն է, որ գլուխացիների թափորը շարժվում է դեպի Անի պարիսպները: Արտակարգ ժատ միշոցներով, մանրագույն դետալների ու կերչական բանվածքով նա ստեղծել է ժողովրդական վշտի և ժողովրդական ցանասան բանաստեղծական անմոռաց պատկեր»¹:

Ռեժիսորի դիրքորոշումը պաշտպանում էր նաև մի որիշ թատերախոս, նշելով, որ «Վ. Աճեմյանը առավելագույն արտահայտչականության է հասնում մարտի նետվող ժողովրդի ցուցադրման մեջ...»: Բայց նույն թատերախոսը ռեժիսորին կշտամբում էր հենց այն բանի համար, որ դրվատել էր. «այսուհանդերձ, մասսայական տեսարաններ կառուցելիս ռեժիսորը փոքր-ինչ հրապուրվել է նըրանց արտաքին պատկերով՝ ի վեա բովանդակության»²:

Վարդան Աճեմյանը «Երկիր հայրենի» ներկայացման մեջ լուծեց ռեժիսորական բարդ խնդիր՝ ժողովրդի հավաքական կերպարի ստեղծում գեղարվեստական ընդհանրացման հնարանքներով: Ռեժիսորն այդ սկզբունքով էր դեկավարվել նաև ներկայացման առանձին կերպարների վրա աշխատելիս: Սկզբունքը նույնն էր, բայց ռեժիսորական հնարանքներն արդեն որիշ էին: Եթե ժողովրդական զանգվածի կերպարն ստեղծելիս ռեժիսորն ընդհանրացման էր ձգուում ավարտուն կոմպոզիցիայի, խորհրդանշական-բեմավիճակի միշոցով, ապա առանձին հերոսների կերպարները կերտելիս Աճեմյանը ավելի ու ավելի է դիմում բեմական մանրամասներին, և պետք է ընդգծել՝ իրական հավատի մանրամասնե-

1 «Правда», 1941, 13 հունիսի (ընդգծումն իմն է — Ս. Ռ.):

2 «Коммунист», 1940, 5 նոյեմբերի:

րին: Ոչ թե դետալ-խորհրդանշաներին, այլ կենցաղային, այսպես սասած, հողամերձ մանրամասներին:

Ներկայացման մեջ հասող ուշադրություն էր դարձված ոեժի-սորակամ երկու տիպի հնարանքների գուգորդմանը, ավելի ճիշտ՝ օրգանական շղթայակցմանը: Ըստ Էռլյան, բեմադրության ոճական բնույթը արդյունք էր բեմական արտահայտչական կառուցվածքի այդ երկու տեսակների համադրության: Սակայն ներկայացման ոեժիսորական մշակման մեջ ամենաուշագրավն այն էր, որ մասսայական տեսարանների կերպարայնությունը, այլ կերպ ասած, խորհրդանշական բնույթը իրական հավաստի գործողությունների, իսկ մանրամասների հավաստիությունը, այլ կերպ ասած, կենցաղանությունը՝ խորհրդանշական-կերպարի տպավորություն էր ստեղծում:

Այսպես, միանգամայն իրական ու ճշմարտացի էր կառուցված այն տեսարանը, որ գեղջկուիի Եղիսան հրաժեշտ էր տալիս իր տանը՝ թշնամու ներխուժումից առաջ: Սակայն այդ տեսարանը վերաճում էր հայրենի երկրի, հարազատ օշակի սիրո խորհրդանշական պատկերի: Ինչպես պատկերավոր ասել է թատերագետ Ի. Սկլոմանը, «Եղիսան այնպես է հրաժեշտ տալիս իր տանը, ինչպես հրաժեշտ կտար կենդանի էակին»¹:

Գագիկի կերպարը ոեժիսորին հետաքրքրել է ներկայացման ընդհանուր կոնցեպցիայի տեսակետից: Այդ կերպարը ոեժիսորը կարևորում է այնքանով, որ պատահի արքան արտահայտում է օտարերկրյա նվաճողների դեմ ելնելու ժողովրդի ձգտումը, ուստի բեմադրողն առանձնապես ջանադիր է բացահայտել Գագիկի մարդկային հատկանիշները: Խոսքն այն բեմական մանրամասների մասին է, որ ոեժիսորը ներմուծել է ինքնուրույն: Հիշենք Գագիկի գահադրության դրվագը: Նա գահ է բարձրանում ոչ թե «իսկական» թագավորներին պատշաճ հանդիսավորությամբ, այլ պատահեկան փութեռությամբ տառացիորեն մագլցում է գահի վրա: Գահը բարձր է, և Գագիկի ոտքերը չեն հասնում հատակին: Եվ պատահին խաղացնում է ոտքերը՝ պարզամտորեն զվարճանալով իր վի-

1 «Труд», 1941, 13 հունիսի:

ճակից: Սա շատ հավաստի, թերևս նույնիսկ կենցաղային մանրամասն է: Սակայն այստեղ պատկերավոր ու անսպասելի «բացվում» է Գագիկի կերպարը, նա երևում է իր պարզ անմիջականությամբ. նրա համար թագավորական գահը ոչ մի էական նշանակություն չունի: Եվ համադրելով այս մանրամասը ամբողջ ներկայացման ընթացքում Գագիկի վարվելակերպի հետ, հանդիսականը հետզիետե նրա մեջ տեսնում է ժողովրդի ճշմարիտ պաշտպանին, ազգային անկախության պայքարի մարտիկին:

Ժողովրդի հերոսականության, հայրենասիրական թեման «Երկիր հայրենի» ներկայացման առաջատար թեման էր: Բայց ոչ միակը: Ի տարբերություն հայ հեղինակների բազմաթիվ պատմական պիեսների, Դեմիրճյանի երկը բարդ հոգեբանական երկրորդ պլան ունի, որի ֆոնի վրա հայրենասիրության թեման ոչ միայն դրակոնիկում է քանդակային ցայտուն պատկերով, այլև գեղարվեստական մեծ արժեք է ձեռք բերում: Այս երկրորդ պլանը շատ էր կարևորում ուժիսորը, և նա կարողացել էր զարմանալի նուրբ ու խոր բացահայտել այն ներկայացման մեջ: Վերջինիս հենց այդ հոգեբանական պլանի շնորհիվ էր պատմական թեմա ունեցող ներկայացումը դառնում բացորդ արդիական: «Երկիր հայրենիում» ուժիսորն ու դերասանները պատմական գործող անձանց ներաշխարհի մշակել էին բարոյա-մարդկային հատկանիշների այնպիսի դրակոնիկումով, որ, չդադարելով անցյալի հերոսներ լինելուց, նրանք արտահայտում էին մեր ժամանակի մարդկանց տիպական գծերը: Մեծիսորը մարդկային այս հատկանիշները նույնապես ընդգծել էր՝ արտահայտելով արդիականության բարոյա-գեղարվեստական կատեգորիաների ամենավերին աստիճանը,— մի կողմից՝ ինքնազնիաբերում հանուն բարձր իդեալների, մյուս կողմից՝ եսասիրություն, իդեալների դրժում:

«Երկիր հայրենի» ներկայացման հերոսների կրքերը ամենաին էլ «պատմական» չէին, այլ արտահայտում էին Համաշխարհային երկրորդ պատերազմի նախօրեկի հոգեբանական բարդ կյանքով ապրող ժամանակակից մարդու կրքերի շիկացումը: Արդիականության հետ այս կատարյալ համահնչունության շնորհիվ էլ «Երկիր հայրենի» ներկայացումը բեմական այդքան երկար ու փայլուն

կյանք ունեցավ, մանավանդ Հայրենական պատերազմի տարիներին: Հենց այդ պատճառով էլ Վարդան Աճեմյանը 1945-ին նորից դիմեց այդ պիեսին, բեմադրելով այն Լենինականի թատրոնում, Մ. Սվախյանի նկարչական ձևավորմամբ:

Պահպանելով իր առաջին բեմադրության հիմնական կոնցեպցիան, Աճեմյանը Լենինականի թատրոնի ներկայացման մեջ ներմուծեց նոր ինսունացիա, կերպարները ներուսականացրեց ժողովրդական ասքի, Էպիկական պատումի ոճով: Էպիկական ոգին վերաբերում էր ամենից առաջ ժողովրդի մարդկանց կերպարներին: Ներկայացման մեջ շինարարների, արհեստավորների, գեղջուկների կերպարների մի ամբողջ պատկերապահ կար, որը ֆոն չէր, այլ գործողությունն առաջ մղելու որոշակի դեր ուներ:

Այս կերպարներից յուրաքանչյուրը, առանձին վերցրած, ճայրաստիճան անհատականացված էր, ուներ իր բեմական ճակատագիրը, բայց նրանք բոլորը, ուժիւրի կամքով, միավորված էին ժողովրդական զանգվածի ընդհանուր՝ Էպիկական վեհ կերպարում:

Լենինականի թատրոնի ներկայացման մեջ ուժիւրը հաշվի էր առել նաև Երևանի բեմադրության առանձին վրիպումները՝ մասնավորապես նկարչական ձևավորման արտահայտչականության և հերոսների գործողության հարաբերությունը: Գ. Սունդուկյանի անվան թատրոնում նկարիչ Սերգեյ Արուտչյանը կարողացել էր ծավալել գործողության վայրի՝ Հայոց մայրաքաղաք Անիի տնօւունուազ համայնապատկերը: Նկարչին հաջողվել էր ստեղծել պատմության մեջ ճարտարապետական իր հոյակապ անսամբլերով հայտնի քաղաքի կերպարը: Այդ ներկայացման մեծ հմտությամբ ու ճաշակով արված նկարչական ձևավորումը հաճախ ապրում էր իր առանձին կյանքով, ինքնին գեղեցիկ դեկորացիաները շեղում էին հանդիսատեսի ուշադրությունը և միշտ չէ, որ ենթարկվում ու նպաստում էին բեմական գործողությանը: Երևանյան «Երկիր հայրենի» ներկայացման նկարչական ձևավորման այս թերությունը նկատել էր Մարիենա Շահինյանը: «Դանդաղ բացվում է վարագույրը, կարմրագույն ցոլը գցելով դահլիճ: Բեմում Անիի ծանր ու մոնումենտալ ճարտարապետությունն է, որ մանրամասն ու ճշգրիտ վերարտադրված է ըստ Ն. Յա. Մատի պեղումների: Այս

ճարտարապետությունն իր գեղեցկությամբ, բայց և անշարժությամբ իշխում է ամբողջ ներկայացման վրա: Հանդիսատեսները բեմ են նայում անսաելի հաճուքքով, բայց պետք է ուղղակի ասել, որ դեկորացիաների պալատային և տաճարային շքեղությունը շատ էր դժվարացնում ըմբռնել դրամայի սոցիալական հակասություններն ու նրա մարդկային տիպածի ամբողջ բազմազանությունը»¹:

Թերևս Մարիենա Շահինյանը փոքր-ինչ չափազանցնում է «Երկիր հայրենի» ներկայացման ձևավորման այդպիսի ոճի բացասական նետառանքները, բայց միանգամայն ճիշտ է, որ այս ներկայացման մեջ դեկորացիան ձգում էր ինքնուրույնության այնպիսի աստիճանի, որն իրոք թույլ չի տալիս բեմական գործողությունը դրանու առավել որոշակի և ցայտուն: Լենինականի թատրոննի բեմադրության մեջ Վարդան Աճեմյանը նկարիչ Մելիքսեթ Սվախչյանի հետ մեկտեղ փորձել էր ազատվել շքեղ դեկորացիաներից, որոնցից, եթե խոսքը Անիի ճարտարապետական նկարագրի մասին է, այնքան էլ հեշտ չէ ազատվել: Ազնուամենանիվ, այս բեմադրության մեջ ավելի է հաջողվել ձևավորումը ենթարկել բեմական պատումի ոճին և, ինչպես ճիշտ նկատել է թատերագետ Ա. Սարգսյանը, «շնորհալի նկարիչը հեռու է մնացել ինքնանպատակ շուրջից և զերծ այն մի քանի նկարիչների սխալներից, որոնք ոչ թե ձևավորումն են ծառակեցնում երկին, այլ երկը ձևավորմանը... Ուժիսորի հմուտ աչքի և ձևավորողի շանքերի շնորհիվ ճաշակով ընտրություն է կատարվել թե՛ պալատի հարդարանքը և թե՛ գործող անձանց հանդերձավորումը ակնապարար դարձնելու գործում»²:

Լենինականի թատրոնի բեմադրության մեջ ուժիսորի ամենակարեւր նվաճումը պետք է համարել այն, որ բեմական պատումի Էպիկական ինստացիան հաստատվում էր որպես պատմական պիեսի բովանդակությունը բացահայտելու ոճական սկզբունք: Ընդունում, Էպիկականությունը հակված էր հերոսական ասքի, դիցարանական ավանդագրուցի ձևերին: Սա մի կամուրջ էր, որ ուժի-

¹ «Комсомольская правда», 1941, № 10 Հունիսի:

² «Խորհրդային արվեստ», 1943, № 12, էջ 85:

սորին ուղիղ տանում էր դեպի ճրա գլուխգործոցներից մեկը՝ «Արա Գեղեցիկը»:

«Երկիր հայրենիի» և «Արա Գեղեցիկի» բեմադրությունների միջև ընկած ժամանակամիջոցում Աճեմյանը իրականացրեց ևս մի պատմական պիեսի՝ «Գևորգ Մարզպետունու» բեմադրությունը Լենինականի թատրոնում (1942 թ.):

«Գևորգ Մարզպետունի» ներկայացումը (բեմավորում՝ Ա. Քաջվորյանի) ոչ մի նոր բան չավելացրեց Աճեմյանի ռեժիսորական հնարանքների գինանոցին: Սա, ինչպես ասում են թատրոնի մարդիկ, միշանցիկ ներկայացում էր, թեև այստեղ էլ ռեժիսորը ստեղծել էր հետաքրքիր բեմավիճակներ, ինքնատիպ մեկնաբանություն տվել մի շարք կերպարների: Բեմավորման բազմաթիվ դրվագների բաժանված և սուժետային ու իմաստային առումով սերտորեն չկապակցված կոմպոզիցիան բեմադրողին դրել էր ներկայացման դրամատորգիան կառուցելու յուրաքանչյուր դրվագում ավարտական ակորդներ հնչեցնելու միջոցով: Ռեժիսորը փորձել էր բեմականորեն տպավորիչ, ուժգին ակորդների օգնությամբ հասնել ներկայացման թեմայի վառ ու համոզի հնչողության: Հենց այդ պատճառով նա տեղափոխել էր կոմպոզիցիոն շեշտադրումները, յուրաքանչյուր դրվագի եզրափակիչ մասն էր տարել առավել տպավորիչ իրավիճակը: Այսպես, դրվագների եզրափակիչ կետեր էին դարձել Մարզպետունու և զորականների երդումը, հայտնություննը Սևանի ճակատամարտում, Բեշիրի ուժերի շահսախումը կամ Դվինի գրավումը: Ակորդային եզրափակիչ տեսարանների այս համակարգը դրամատիկական շունչ էր հաղորդում ներկայացմանը, հանդիսատեսին ստիպում շթուլացող հետաքրքրությամբ հետևելու գործողությանը, որն իր գրական բեմավորման հիմքում գործէ էր մեծ լարվածությունից:

Այս «միշանցիկ» ներկայացման մեջ կար մի կերպար, որն իր դրամատիկական լուծումով հող էր պատրաստում «Արա Գեղեցիկի» գլխավոր հերոսի կերպարն ստեղծելու համար: Խոսքը Աշոտ Երկարի կերպարի մասին է Գեղամ Հարությունյանի կատարմամբ:

Բեմավորման գրական բնագրում Աշոտ Երկարի կերպարը ամենաբարդն էր ու ամենահակասականը: Այդպիսին էր նաև ներ-

կայացման մեջ: Տարբերությունը սուկ այն էր, որ ուժիսորը, օգտվելով բեմականացման մեջ եղած հոգեբանական իրավիճակներից, ծայրաստիճան բարդացրել էր ժողովրդի ազատության համար հանցագործության և ինքնազոհաբերման եզրին կանգնած հերոսի կերպարը: Հետագայում, ինչպես կտեսնենք ստորև, «Արա Գեղեցիկի հերոսը նման իրավիճակ է ապրում, բայց արդեն պատմական որիշ հյուրթի հիման վրա և գեղարվեստական բոլորովին այլ մակարդակով :Աշուտ Երկաթի կերպարում ուժիսորն ու դերասան Գեղամ Հարությունյանը, առաջին անգամ հանդիպելով պատմական գործող անձի հման բնութագրման, անսովոր հաղթահարելու դժվարության գնով գտան հերոսի՝ հոգեբանորեն այդքան բարդացված կերպարի հիշտ մեկնաբանության ուղիները:

Աշուտ Երկաթի կերպարը առանձին կարևոր նշանակություն ստացավ նաև այն պատճառով, որ նրա մեջ խորտակվում էր պատմական պիեսի դրական անքասիր հերոսի ավանդույթը: Եթե Գոշի, Էմմանուելի, Գագիկի, Պահլավունու, Մարզպետունու կերպարները հայրենասիրական և հերոսական թեման վառ արտահայտում էին հոգեբանական ներքին երկատվածության ոլորտից դուրս, նույնիսկ կառուցվածքային առումով փոքր-ինչ ուղղագիծ, ապա Աշուտ Երկաթի կերպարում հերոսի հոգեբանական վիճակի մեջ յուրահատուկ ճեղքվածք է գոյանում, որը բարդացնում է նրա ապրումները և պրկում ամբողջ երկրի դրամատիզմը: Խոկ հման հերոսի կերպարի մշակումը հետագայում ուժիսորին ու դերասանին շատ պետք եկավ «Արա Գեղեցիկում»: Թե որքան էր հաջողվել Աշուտ Երկաթի կերպարը, կարելի է դատել Հ. Մկրտչյանի գնահատականից: «Հոգեբանական տեսակետից Աշուտ Երկաթը գուցել դրամայի ամենաբարդ կերպարն է: Նա մեղանչում է, ապաշխարում, տանջվում է այն զգացումից, որ երկրի ավելածության պատճառն ինքն է: Մերթ նա մի հզոր մեղադրող է, հպարտ է իր մենակության մեջ, մերթ մի իսկական զրավար է: Հոգեբանական այդ բարդ և բազմազան անցումները Գ. Հարությունյանը կատարում է կատարյալ նրբությամբ: Դերասանի հանդիսավոր քայլվածքի, միմիկայի, պաուզաների, խոսակցության տոնի մեջ գծագրվում է

Աշոտ Երկաթը, որը մեծ է և իր հանցանքի, և իր մեծագործության մեջ»¹:

Այսպիսով, Վարդան Աճեմյանը «Արա Գեղեցիկին» հանգեց ստեղծագործական մեծ փորձով, որ նա կուտակել էր պատմական պիեսների վրա աշխատելիս՝ «Շահնամեից» մինչև «Գևորգ Մարգարեանի»: Ուժինորական փորձի կուտակման այս ճանապարհին հետաքրքիր հայտնագործումներ էին եղել, որոնք հարստացրել էին հայ ուժինորական արվեստն ընդհանրապես, և այս ուղին անցնելով՝ Աճեմյանը հասել էր Վարդեսության մի այնպիսի աստիճանի, որը նրան հնարավորություն էր տվել արտահայտելու պատմական պիեսի ամենաբարդ պրոբլեմատիկան՝ նրա արդիականությունը: Միաժամանակ ուժինորը լուրացրել էր պատմական պիեսի բովանդակության էպիկական-դիցաբանական պատումի ոճը («Երկիր հայրենի»), թափանցել էր պատմական հերոսի կերպարի հոգեբանորեն հակասական էության մեջ («Գևորգ Մարգարեանի»): Ինքը ստիճանքան շատ կարևոր և նշանակալի այս կուտակումները ի մի եկան «Արա Գեղեցիկ» ներկայացման մեջ, որի գեղարվեստական նշանակությունը անհնար է գերազանցահատել:

Մեյերհոլդն ասել է, թե «Ողբերգականի արվեստում բոլոր տեսարանները վերընթաց են»²: «Արա Գեղեցիկում», այդ ճշմարիտ ողբերգական ներկայացման մեջ, բոլոր տեսարաններն իրոք վերընթաց էին: Ներկայացման կոնցեպցիայի ակունքները հենց Նախրի Զարյանի «Արա Գեղեցիկ» ողբերգության մեջ էին, որ բանաստեղծը «կարողացել է տեղականը, ազգայնը, հայկականը բարձրացնել ընդհանրականի, համամարդկային մակարդակի՝ շնորհիվ գեղարվեստական խոշոր ընդհանրացման, շնորհիվ պատմության խնդիրների գաղափարական ճիշտ լուծման»³:

«Արա Գեղեցիկ» ներկայացման մեջ շատ բան պայմանավորված էր գրական սկզբնաղբյուրով, որի գեղարվեստական մեծ արժանիքների մասին մասնագիտական բարձր մակարդակով գրել

¹ «Բանվոր, 1942, 14 փետրվարի».

² «Новый мир», 1961, № 8, էջ 214.


³ Գ. Սևակ, Նախրի Զարյանի «Արա Գեղեցիկ» ողբերգությունը, «Գրական թերթ», 1946, 20. Տունիսի:

են մեր գրականագետները: Սակայն ոեժիսոր Աճեմյանի ավանդը առանձնապես նշանակալից էր նաև գրական կոմպոզիցիա ստեղծելու, պիեսի բեմական փայլուն մշակման մեջ:

Ողբերգության գրական տեքստի վրա աշխատելիս Աճեմյանը ոչ միայն կարողացավ առավելագույն «բատերականացնել» այն, այլևս, որ ամենագիշապորն է, ստեղծեց ներկայացման գաղափարական լեյտմոտիվ, պարզեց շեշտադրումները, ճշտեց բեմական պատումի գեղարվեստական կոնցեպցիան: Այսպես, պիեսի ոեժիսորական տարբերակում միացված էին ողբերգության առաջին երկու արարները, իսկ այս բանն արված էր ոչ միայն գործողությունը «խոտացնելու» նկատառումներից ելնելով: Ինչպես ժամանակին ճիշտ եզրահանգել է Արամ Ինճիլյանը, «ոեժիսորն իրավացիորեն նկատել է, որ Ասորեստանն ու Շամիրամը պիեսում համեմատարար մեծ տեղ են գրավում, եթե նկատի ունենանք նաև այն, որ առաջին և երկրորդ գործողությունները (հատկապես երկրորդը) ավելի ուժեղ են դրամատիկական հոգեբանությամբ: Ելնելով պիեսի գաղափարական իմաստից, միանգամայն պարզ է, որ ոեժիսորը պետք է աշխատեր գերակշռող դարձնել Արայի և Ուրարտուի բաժինը»¹:

Նաիրի Զարյանի երկում Ասորեստան և Ուրարտու աշխարհների այս որոշ «անհավասարակշռությունը» առիթ տվեց Տիգրան Հայումյանին հայտարարելու, թե ճիշտ կլիներ ողբերգությունն անվանել «Շամիրամ»: Սակայն ներկայացումը հազիվ թե նման առիթ տար, քանի որ ոեժիսորը Արա Գեղեցիկի և Ուրարտուի գիծը բեմական արտահայտչական միջոցներով եռանդագին մղել է առաջին պլան: Ելնելով հենց այս կոնցեպցիոն նկատառումներից, Աճեմյանը ներկայացում էր մուծել առանձին տեսարաններ, որ չկային ողբերգության մեջ: Այսպես, ներկայացման ամենադրամատիկական տեսարանում, որ Արա Գեղեցիկն ընդունում էր Շամիրամի դեսպաններին, հայտնվում էր ժողովրդական ասացողը և պատմում Հայկի ու Բելի առապելը, որի մեջ արտացոլված է հայ ժողովրդի ներսական սկզբանավորումը: Ներկայացման

1 «Սովետական գրականություն և արվեստ», 1947, № 7, էջ 125:



Վիլամ Սարոյանի նետ



Եղուարդ Սմիգիսի հետ

Փինալում այդ մոտիվը ամրապնդվում էր ուժիսորդի ներմուծած մի ուրիշ տեսարանով. Արայի զոհվելուց հետո ճակատամարտի դաշտում հայտնվում էր գինեվարպետ Արքակը և հաղորդում, թե հայրածուն առավ Արան, այսինքն ավանդում էր Արայի հայտնի առասպելը: Ապա Արքակը, ծագող արևի շողերով ողողված, ոգում էր ամեն հայի ծանոթ տողերը «Վահանգնի ծնունդից», մի ստեղծագործություն, որի մեջ կյանքի հավերժության թեման, վերածնունդի թեման համահնչուն է ժողովրդի անմահության մոտիվին:

Ներկայացման գրական հյուսվածքի մեջ ներմուծված այս և ուրիշ ուժիսորդական հավելումները հրա կոնցեպցիան դարձել էին պարզորոշ ու նպատակամետ, ուժեղացրել էին գաղափարական հնչողությունը: Ժողովրդի հավերժության թեման, բացահայտված ողբերգական եղանակով, «Արա Գեղեցիկ» ներկայացման լեյտմոտիվն էր: Եվ ուժիսորդ իր խնդրի իրականացմանն էր հասել բեմադրության բոլոր հիմնական օլակների գեղարվեստական խոր լուծման միջոցով:

Ասորեստան և Ուրարտու աշխարհները ներկայացման մեջ պատմական չեզոք ֆոն չեին, սուկ այնպիսի ֆոն, որի վրա ծավալվում են դրամատիկական անցքերը: Նկարիչ Մելիքսեթ Սվահուցյանի հետ մեկտեղ, ուժիսորը հասել էր այդ աշխարհների կերպարների արտահայտմանը, կերպարներ, որոնք ընդունակ էին բացահայտելու պատմական երևոյթի էությունը: «Արա Գեղեցիկում» Աճեմյանն այսն չեր հետևում պատմական դարաշրջանը նկարագրելու ոճին, այլ ձգտում էր կերպարավնության, որը կարող էր սակավաբար ու տարողունակ արտահայտել դարաշրջանի խորհուրդը: Բեմական միջոցների առավելագույն խնայողություն և յորաքանչյուր մանրամասի իմաստային առավելագույն հագեցում,— ահա թե ինչի էր ձգտում Աճեմյանը «Արա Գեղեցիկ» ներկայացման մեջ: Եվ նա դրան հասավ Ասորեստան և Ուրարտու հակամարտ աշխարհների կերպարային լուծման շնորհիվ: Հիշենք Միխոնելի բնորոշումը՝ «կերպարային-պատկերավորը ամենից առաջ մտքի խնայողության արդյունք է»¹:

¹ С. М. Михоэлс, «Статьи. Беседы». Речи, Դ., 1960, է, 139:

Երկու աշխարհների բեմական կերպարները որոնելիս ոեժիս սորը վերստին ելնում էր Աերկայացման գլխավոր կոնցեպցիայից, աչքի առաջ ունենալով Ասորեստան աշխարհի՝ նվաճողական քաղաքականություն վարող այդ հզոր պետության և Ուրարտու աշխարհի՝ հայկական պետության նախահայրենիքի, ինքնահաստատման ձգողող այդ նորածագ պետության պատմական հավաստի բնութագրերը: Ներկայացումն սկսվելուն պես հանդիսատեսը «փոխադրվում» էր ասորական միջավայր, որ մոնումենտալ էր և ահազդու իր հզոր նկարագրով: Բեմի աջ և ձախ կողմերում բարձրանում էին ասորական աստվածներ Բահալի և Խտարի հսկայական ուղքերը: Տեսանելի էին միայն աստվածների ուղքերը, ֆիգուրների մնացած մասերն անհետանում էին վերը ինչ-որ տեղ: Նման կոմպոզիցիայի շնորհիվ չափազանց ծավալուն, մոնումենտալ տեսք էին ստանում հեթանոս աստվածների ֆիգուրները, որոնց ֆոնի վրա մարդիկ, նաև Նինոս թագավորն ու Շամիրամը, ոչ միայն մանր էին թվում, այլև պարզապես չնչին: Ասորեստանի աստվածների ամուր գետնին հենված զրբեղ ուղքերն ասես մարմնավորում էին իրավակարգը մի պետության, որ ամեն ինչ ենթարկված էր ուժին ու բոնությանը:

Աստվածների ուղքերի մոտ Ասորեստանի թագավոր Նինոսի գահն էր, որ աղյուծի երախ էր հիշեցնում: Որպեսզի նման մթնոլորտում չճնշվեին գործող անձինք, ոեժիսորն առաջադրել էր շարժումների հատուկ պլաստիկա, նրանց առանձին հանդիսավորություն և այնպիսի վեհություն հաղորդելով, որ բնորոշ է դիցաբանական ոճին: Բեմական պատումի այս ինսունացիան ավելի ու ավելի էր ուժեղանում և ընդգծվում, եթե Նինոսի պալատում հայտնվում էր Ուրարտուի արքա Արա Գեղեցիկն իր շքախմբով:

Սկզբունքորեն ու բացահայտ հրաժարվելով կենցաղագրությունից, ոեժիսորն ընթացավ թատերային պայմանականության ուղիով, որն այս դեպքում կարելի է բնորոշել որպես թատերային բարձր պայմանականություն: Տեսնենք, թե ինչպես այն ի հայտ եկավ Շամիրամի և Արայի սիրո մոտիվի բեմական մեկնաբանության մեջ, մոտիվ, որը Աերկայացման դրամատիկական կոլիզիայի որոշիչն էր:

Ժամանակին Նաիրի Զարյանի ողբերգությունն ու Լենինականի թատրոնի Աերկայացումը կշտամբեցին պատճառով, որ Արան պարզապես գեղեցիկ է, և Շամիրամը թագավորին սիրում է միայն նրա գեղեցկության համար: Նախ՝ դա իրոք այդպես էր: Եվ բնակ էլ արտառոց ու անհասկանալի չի թվում, որ Շամիրամն Արային սիրում է նրա գեղեցկության համար, Արան էլ Շամիրամին, ի դեպ, դարձյալ գեղեցկության համար: Եվ ապա՝ դա այնքան էլ ճիշտ չէր, քանի որ Աերկայացման մեջ ոեժիսորն ստեղծել էր սիրու մոտիվի սեփական դրամատորգիա: Ներկայացման ամբողջ առաջին արարը, որ կազմված էր պոլիֆոնիկ զարգացող բազմաթիվ դրամատիկական մոտիվներից, ոեժիսորը հոգական առումով ենթարկել էր Արայի և Շամիրամի սիրու հաստատմանը:

Նինուի պալատում հայտնվելուն պես Արան գրավում էր ասորական թագուհու ուշադրությունը: Բայց ոեժիսորը փորձ չէր անում հանդիսատեսին համոզելու, թե առաջին խկ հալացքից ծընվող այդ սերը ճակատագրական է: Ծիշու է, Արան էլ հրապորվում էր Շամիրամի գեղեցկությամբ, սակայն այդ փոխադարձ հայացքները, այդ հոգական բոնկումը չին մեկնաբանվում որպես գործողության հետագա ամբողջ ընթացքը կանխորոշող ուժ: Շամիրամի և Արայի փոխադարձ հրապորանքը հարստանում էր այնպիսի մոտիվներով, որոնք հանգեցնում էին Ասորեստանի թագուհու և Ուրարտուի թագավորի սիրու ամբողջ ուժն ու միաժամանակ ճակատագրական բնույթը բացահայտող ոեժիսորական նշանավոր բեմավիճակներին: Մեջիսորը գիտակցարք ձգձգում էր սիրու բոնկման կոլմինացիայի պահը, որպեսզի հանդիսատեսը հնարավորություն ունենար համոզվելու, որ Շամիրամի և Արայի սերը անցողիկ զգացմունք չէ և ոչ էլ սուս կրքի արտահայտություն, ուստի և կարող է իրոք ճակատագրական լինել:

Մի անգամ չէ, որ Շամիրամը համոզվում էր, թե հոգեկան ինչպիսի գեղեցկության տեր է Արան, և մի անգամ չէ, որ Արան հիանում էր Շամիրամի ոչ միայն գեղեցկությամբ, այլև խելքով, ամուր կամքով, մտքի թոփշքով: Եվ ոեժիսորը այս ամենից հետո էր միայն կառուցում պատկերի եզրափակիչ բեմավիճակը՝ Արան և Շամիրամը սկսեռուն նայում են իրար, ասես շուրջը ոչ ոք ու ոչինչ

Հկա: Այդպիսի ակնթարթը չէր կարելի չնատուցել «խոշոր պլանով»: Եվ ոեժիսորը, հերոսներին կտրելով շրջապատից, բերում էր նախարեմ, որ Արան ու Շամիրամը հափշտակված, կտրված ամեն ինչից նպաստ էին իրար: Այդ դադարը երկար է տևում, բայց բեմը լցնում էր իրենով ոչ պակաս, քան ամենահիագեցած դրամատիկական գործողությունը:

Եթե ոեժիսորը ցանկանար ընդգծել այն բանի կարևորությունը, որ Շամիրամն ու Արան սիրում էին իրար առաջին հայացքից, նա, ինչ խոսք, կարող էր այդ բեմավիճակը կառուցել նրանց առաջին իսկ հանդիպման ժամանակ: Սակայն Անեմյանն առավել կարևոր էր համարել շեշտել Արայի զգացմունքի ամբողջ խորությունը՝ այդ զգացմունքի բոլոր հետևանքները ավելի շեշտված ներկայացնելու համար: Ահա թե ինչու վերը նկարագրված բեմավիճակը սույն հերոսների զգացմունքների խորհրդանշան-պատկերը չէր, այլ առաջին արարում ծավալված՝ սիրո գոյացման մոտիվի «դրամատորգիայի» փաստական ավարտը: Այսպիսով, առաջին արարի այդ բեմավիճակում ավարտվում էր մի ամբողջ երևույթի զարգացման ընթացք, որ ընդգծել էր ոեժիսորը: Դեռ Մելեքերիուն է ասել, թե «բեմավիճակը բոլորովին էլ ստատիկ խմբավորում չէ, այլ պրոցես»: Այդ պրոցեսը, ինչպես տեսանք, Անեմյանը «Արա Գեղեցիկում» իրականացրել էր ոչ միայն դրամատիկական լարվածությունը աստիճանաբար ուժեղացնելու, այլև բովանդակությունը ավելի ու ավելի խորացնելու միջոցով:

Ուրարտու աշխարհը պատկերող երկրորդ արարի իրադարձությունները ոեժիսորը մեկնաբանել էր նոյն վեհաշուր պատումով, միայն մի տարբերությամբ, որ փոխվել էին գոյսներն ու ինտոնացիաները, դարձել առավել լուսավոր ու մաժորային, իսկ բեմում ծավալվող բուն կյանքը թվում էր ավելի իրական ու հավասար, եթե կարելի է ասել՝ ավելի հողամերձ, ուստի և հոգականորեն առավել հագեցած և հանդիսատեսին անմիջականորեն հոգող: Այս տարբերությունն ակավում էր նկարչական ձևավորումից, որն այստեղ լուսավոր տոներով էր արված: Ինչ վերաբերում է հայկական աստվաների՝ Անահիտի և Վահագնի արձաններին, ապա

արանք լուծված էին աստվածների արձանների լուծմանը հակառակ եղանակով: Այս «աստվածները» չեն իշխում շրջապատի վրա ու թեև դարձայլ վիթխարի էին իրենց ծավալներով, այնուհանդերձ, երկրորդ չեն ներշնչում և չեն ճնշում շրջապատը: Ծիշու է նկատել Ռազմիկ Մադոյանը Լենինականի թատրոնին նվիրված իր գրքում. «Անահիտը և Վահագնը չունեն վերացական նկարագիր, այլ իրենց նմանությամբ հիշեցնում են Նուարդին ու Սրային: Պիեսի այդ ակնարկը Սվախչյանի ձևավորման մեջ ավելի ցցուն պատկեր էր ստացել:

— Ոչ թե աստվածներն են ստեղծել մարդկանց, այլ մարդիկ՝ աստվածներին,— ահա այս միտքն էին հուշում նեղինակը և թարրոնը հանդիսատեսին»¹:

Երկրորդ արարից ուժիսորն սկսում է ձևավորել նոր կերպար՝ ժողովրդի կերպարը: Ժողովրդական օանգվածների կերպարներն անհատականացնելու նախկին սկզբունքը, ուժի մեջ մնալով հանդերձ, այժմ արդեն ուժիսորդական գլխավոր սկզբունքը չէր: Արքակի և Կադմոսի վառ ու կողորիտային ֆիգուրները ամրապնդում էին ուժիսորդական հիմնական մտահղացում՝ ստեղծել ժողովրդի այնպիսի կերպար, որը հանդիսավորապես բարձրանար պատվանդանի վրա : Եվ անհատականացված ցայտուն կերպարների կողքին, հերոսական ասքի ոճով լուծված մասսայական տեսարանների կողքին հանդես եկավ պայմանական մի խումբ՝ երգչախումբը (խորը): Այնուհետև դրամատիկական լարվածությունը առաջ էր մողվում բազմապլան ճանապարհով՝ գլխավոր գործող անձանց անհատական ապրումների, վարպետորնեն կառուցված ժողովրդական տեսարանների և, վերշապես, երգչախմբի պայմանական կերպարի միջոցով: Պատկերացնելու համար, թե երգչախումբը գործողությանը ինչպիսի դրամատիկական շունչ էր հաղորդում, դիմենք ներկայացնանք:

Ուրարտու աշխարհը պատկերող առաջին իսկ տեսարանին հատուկ մաժորային ինտոնացիան դառնում էր հանդիսավոր-տագ-

1 Թագուհի Մադոյան, «Թատրոնի ուղին», Երևան, 1967, էջ 177:

նապալի, երբ հասնում էր ամենազդը Շամիրամի նենգամիտ դիտավորության գույժը: Անահիտի արձանի մոտ ծունկի էր՝ գալիս Արքակն ու աղոթում, որ Արան «Ո բաց մերժե գայցակդությունը ցոփ Շամիրամա»: Այս տեսարանում լուս էր զվարթ երաժշտությունը, բեմը սուզվում էր տագնապալի գուլմերի մեջ, Արքակի հետ մեկտեղ բազմությունը ծնկաչոք փրկություն էր առերտում հուսալից հայացքը Անահիտ աստվածուհու մարդկային կերպարանքին, որի առջև հապարտ հուրիսում էր ջամը: Բոցը մի տեսակ շերտավորում էր բեմը, անհանգիստ ու չարագուշակ ստվերներ նետում: Հայտնվում էր երգչախումբը՝ թատերական պայմանական զգեստներվ կանանց ու տղամարդկանց մի խումբ: Եվ կրկնվում էր բազմաձայն՝ «Ո բաց մերժե գայցակդությունը ցոփ Շամիրամա...»:

Արքակը, իմանալով Շամիրամի հրավերի մասին, Արային ասում է. «Մի՛ գնա Ասորեստան»: Նորից հայտնվում էր երգչախումբը և «Մի՛ գնա Ասորեստան» խոսքը կրկնում բազմաձայն՝ որպես ժողովրդի կոչ ու խորհուրդ:

Իսկ երբ Արայի մայրը, վրդովված որդու «թուլությունից», ստիպում էր մերժել Շամիրամի հրավերը, երգչախումբը երկու անգամ կրկնում էր՝ «մերժի՛ր», և կրկնում էր արդեն որպես հրամայական պահանջ:

Սուանձին հերոսների խոսքերի այս յուրօրինակ բազմաձայն արձագանքը գործողությանը ոչ միայն հատուկ լարվածություն էր հաղորդում, այն, որ, ամենագիշավորն է, ուժեղացնում էր Էպիկանա-դիցարանական պատուի ինտոնացիան:

Երգչախմբի կերպարի արտաքին պլաստիկական գծանկարը միօրինակ չէր: Երգչախումբը շարժվում էր բեմում, շարվում արտահայտիչ բեմավիճակով, մերժ ողբում, մերժ ուազմաշունչ թափահարում նետերը, մերժ լուս հանդիսավոր-ողբերգական, երբ լուս էր Արայի մահվան գույժը. կամ ցնծում՝ իմանալով, որ հարություն է առել Արան: Երգչախումբը, ասես, հերոսի երկվորյակն էր՝ խրախուսում էր նրան, հուշում կամ հակադրվում, նայում Արայի արարքներին: Սա անտիկ թատրոնի արտահայտչական համակարգի լուրջինակ վերափոխավորումն էր, որին հասել է ուժինացը:

Ինչպես արդեն ասեց, «Արա Գեղեցիկ» պիեսում գլխավոր

հերոսի Աերաշխարհը երկվացած է, որը պատմական դրամա բեմադրող ուժիսորի առջև նոր խնդիրներ էր դնում: Անձմյանը կրկին յուրահատուկ ձևով լուծեց այդ պրոբլեմը: Արայի երկվությունը չմեկնաբանվեց որպես մելոդրամատիկական երկատվածություն: Սա «մարդկային թուլությունների» կամ որիշ կնոշ սիրող հերոսի սենտիմենտալ ապրումների տեղը չէր: Բեմահարթակում մեծ կրքեր էին եռում, մարդկային զանցանքները հասցված էին հանցագործության, իսկ սիրո զգացումը՝ ճակատագրական երևույթի աստիճանի: Նման մեկնաբանության համար անհրաժեշտ էին արտահայտչական հասուկ միջոցներ, բեմավիճակների նոր կառուցվածք:

Եթե Արայի և Շամիրամի սերն իր մեջ վիթխարի չափերի հասնող պայթուցիկ կոնֆլիկտ ունի, ապա ուժիսորը ձգտում է դա հրեշեցնել և՛ ներքին խոր կոնֆլիկտների միջոցով, և՛ տեսանելիորեն՝ բեմավիճակների կառուցվածքներում: Ահա Արևելքի հպարտ ու գեղեցիկ թագուհու առջև կանգնած է Արան: Նրանք սիրում են միմյանց բուռն ու կրբու: Հեթանոս կուրքի թևերը, որոնց ներքո Շամիրամը բազմում է ասրական գահին, կորուկ հեռանում են բեմի հակառակ կողմերը: Ուժիսորական բեմավիճակներն ասես կրկնում են այդ պաքան թևերի գծապատկերը: Իրարից հեռացող թևերի պաքներում, Արային և Շամիրամին իրարից բաժանող և հակադիր կողմերը տանող բեմավիճակներում պլաստիկական ստույգ ու մատչելի ձևերով, վառ ու տպավորիչ արտահայտվում է ներկայացման ողբերգական կողիզիան—անհնար է երկու անհաջող տարերքի՝ սիրո և հայրենադավության գոյակցումը:

Եթե Արայի ներաշխարհը խոռվում է երկվությամբ, ապա այս թեմայի ողբերգական լուծումը ուժիսորին հանգեցնում է այն բանին, որ երգչախումբը դառնում է Արայի երկվորյակը. բազմաձայն երգչախումբը խոշորացնում է հերոսի ներքին դիալոգը, նրա ապրումները մատուցում ծավալուն պլանով:

Եթե Արան որոշում է խզել կապերը Շամիրամի հետ, ապա ուժիսորը գտնում է լուծման, այսպես ասած, կասկադային եղանակ՝ վճիռը հուշում է Արքակը, ապա այդ նույնը պահանջում է Արայի մայրը, այսուհետև բազմաձայն երգչախումբը պաշտպանում

է վճիռը և, վերջապես, Արան արտասանում է՝ «Ես չե՞մ դավաճանի իմ նուարդին»:

Ոեժիսորն, իրոք, կարողացավ «Արա Գեղեցիկում» հասնել ստեղծագործական այնպիսի բարձունքների, որտեղից մի ամբողջ ժողովրդի թատերական մշակույթի գեղարվեստական կյանքի նոր հորիզոններ են բացում։

Անեմյանը ոեժիսորական արվեստի այս բարձր մակարդակին հիանավ ոչ միայն դրամատիկական, այլև օպերային թատրոնում։ Երաժշտական թատրոնում նույնպես ոեժիսորը ձգտում էր ժողովրդա-հերոսական ներկայացման, որի գլխավոր ներուր ժողովուրդն է։ Եթե դրամատիկական թատրոնում Վարդան Աճեմյանի անվան հետ կապված է ժողովրդա-հերոսական դրամայի բեմական չգերազանցված մարմնավորումը, ապա երաժշտական թատրոնում ևս նրա անվան հետ են կապվում մեր լավագույն ժողովրդա-հերոսական օպերաները։ Դեռ Հայունական պատերազմի տարիներին Ս. Սպենդիարյանի անվան օպերայի և բալետի թատրոնի բեմում Աճեմյանը բեմադրեց Ուգեիր Հաջիբեկովի «Քյոողլի» օպերան։ Այստեղ արդեն պարզորոշ արտահայտվում էր երաժշտական թատրոն եկած դրամատիկական թատրոնի ոեժիսորի ստեղծագործական դիրքորոշումը։

Լիովին ենթարկվելով երաժշտական դրամատորգիայի սկզբունքներին, Վարդան Աճեմյանը, սակայն, փորձեց օպերային ներկայացումն ազատել ստատիկայի ավանդույթից, ստատիկա, որ բովանդակությունից չէր բխում, այլ օպերային ներկայացում էր ներմուծվել արհեստականորեն և հատկապես ի հայտ էր գալիս մասայական տեսարաններում։ Եվ Աճեմյանը օպերային իր առա-

1 Ինչ գերաբերում է «Արա Գեղեցիկ» ողբերգության երկրորդ բեմադրությանը՝ արդեն Գ. Սովորովյանի անվան թատրոնում, 1965-ին, ապա այն իրականացվեց այնպիսի պայմաններում, երբ թատրոնը զրկվել էր սեփական շենքից և ներկայացումը բեմադրել էր «Համերգային» կատարման համար։ Այս աշխատանքը չհասավ լենինականյան բեմադրության մակարդակին, թեև այստեղ կային առանձին հետաքրքիր տեսարաններ ու գերակատարումներ։ Այս ներկայացման մասին միանգամայն դրվագական թատերախոսականներ եղան, որոնց մեջ, ցավոք, խոր գերլուծություն չկար, այլ գերակշռում էին հիացմունքի ինտոնացիաները։ Տե՛ս «Սովետական Հայաստան», 1965, 28 մայիսի և 10 հունիսի, «Սովետական արվեստ», 1965, № 7։

Չին իսկ աշխատանքում սկսեց խորտակել մասսայական տեսարանների ստատիկան, ձգտեց այն բանին, որ բազմությունը երածիշտական ներկայացման մեջ ոչ միայն իր խկական դերն ունենա, այլև անհատական բնույթը, սեփական դեմքը: Դա մեծապես հաջողվեց «Քյոողի» օպերայում: Ներկայացումը դիտելուց հետո օպերայի հեղինակ Ուգեիր Հաջիբեկովը հատկապես նկատեց. «Նախ և առաջ պետք է հշել ուժիսոր Վ. Աճեմյանի խնամքով կատարած նորք աշխատանքը. նա հետաքրքիր շատ հնարագիտություն է ցուց տվել և ճիշտ է մեկնաբանել «Քյոողի» օպերան, որպես ժողովրդա-ներոսական ոճի ստեղծագործություն: Ուժիսորի հմուտ ձեռքը զգացվում է, թե մեծ մասսաների շարժման մեջ և թե առանձին բեմական կերպարների ստեղծման մեջ»¹:

Աճեմյանի ուժիսորական սկզբունքները առավել լիակատար և գեղարվեստական բարձր մակարդակով մարմնավորվեցին Արմեն Տիգրանյանի «Դավիթ բեկ» օպերայի բեմադրության մեջ: Սա, իրոք ժողովրդա-ներոսական երաժշտական ներկայացում էր, որը մասսայական տեսարանները, ազատվելով շարլոն բեմավիճակ-ներից և չարդարացված ստատիկայից, առանձին արտահայտիչ ուժ էին ստացել: Ուժիսորն ուղղակի հայտարարեց, թե ինքը հիմնական ուշադրությունը դարձել է ժողովրդական տեսարանների վրա, կենտրոն է քերել ժողովրդին, որը պետք է ներկայացման մեջ գլխավոր դերը խաղա: Դրամատիկական թատրոնում պատմական պիեսների վրա աշխատելու ընթացքում հաստատված սկզբունքները Աճեմյանին շատ օգնեցին երաժշտական թատրոնում: Բանն այն չէ, որ ուժիսորը «Դավիթ բեկում» ստեղծեց արտահայտիչ մասսայական տեսարաններ, բազմությանը հարկադրեց ապրել բնական կյանքով: Ուժիսորի առջև ավելի բարդ ու կարևոր խնդիր կար, որ արձագանքում էր «Արա Գեղեցիկի» ուժիսորական պրոբեմատիկային:

Եթե դրամատիկական թատրոնում հարկ էր լինում ներկայացման մեջ երգչախոսմք ներմուծել, որի մասին պիեսում խոսք անգամ չկար, ապա օպերային ներկայացման մեջ անպայման պետք է լի-

1 «Սովետական Հայաստան», 1943, 20 օգոստոսի (ընդգծումն իմն է — Ս. Բ.):

Աեր այդ: Եվ Աճեմյանը ժողովրդական զանգվածի կերպարն ատեղ-ծելու խնդիրը լուծեց չափազանց յուրակերպ՝ գործողության մեջ Աերգրավեց ոչ միայն ստատիստներին, միմանսներին, այլև երգ-չափումբը: Եվ այս ամենն արվեց ոչ թե մասսայական շարժուն տեսարաններ ստեղծելու, այլ ինչպես ճիշտ արտահայտվել է ինքը՝ ուժիուրը, բեմում կատարվող բոլոր անցքերը ժողովրդի վերաբեր-մունքի պրիզմայի միջով բեկելու համար: Աճեմյանը գրում է. «Ռե-ժիսորի խնդիրն էր ստեղծել ժողովրդական հերոսական օվերային ներկայացում: Այդ էր թելադրում և՛ երաժշտությունը, և՛ դրամա-տորդիան: Ուստի ներկայացման մեջ պետք էր շեշտը դնել ժողո-վրդական տեսարանների վրա, որոնցով հարուստ էր օպերան: Անհրաժեշտ էր ներկայացման կենտրոնը դարձնել ժողովրդը, նրան հատկացնել գլխավոր դերը, նրա միջոցով արտահայտել դեպքերի, գործողությունների էռությունն ու ընթացքը, հերոսներին կապել ժողովրդի հետ և նրանց վարքը պայմանավորել նրա ձգգ-տումներով: Այստեղից բխեց այն պահանջը, որ երգչափումբը դատ-նա ներկայացման հիմնական գործոն ուժը»¹:

Վարդան Աճեմյանը ստեղծագործական այս բարդ խնդիրը լուծեց իրեն հատուկ վարպետությամբ ու երևակայությամբ:

Երաժշտագետ Մ. Սարինինան «Պրավդայում» գրեց, թե «ժողո-վրդա-հերոսական ժանրի օպերաներում, ինչպես և «Դավիթ բե-կում», գործողությունն ընթանում է անշտապ, թե օպերայի երա-ժշտական դրամատորդիան թելադրում էր ստատիկա, առավել ևս, որ «Դավիթ բեկի» դերերգերի մոտ կեսը միանման ավարտ ունի՝ զինված ապատամբները ուզումերթի են ելնում»: Թատերախո-սը շարունակում է. «Դյուրին չէր խուսափել կրկնողություններից, անհրաժեշտ շարժունություն հաղորդել այդ ֆինավներին: Եվ, այ-նուհանդերձ, բեմադրողներ Վ. Աճեմյանն ու Գ. Մելքոնյանը կա-րողացել են այդ բանն անել. նրանք գտել են մենակատարների ու երգչախմբի էֆեկտիվ, արտահայտիչ (և ամեն անգամ նորովի) բեմական տեղաբաշխում, գեղեցիկ, երաժշտությանը շատ լավ ներ-դաշնակող բեմավիճակներ»²: Մ. Սարինինան «Դավիթ բեկի» ու-

¹ «Առվետական Հայաստան», 1956, 1 ապրիլի (Ընդգծումն իմն է — Ս. Ռ.):


² «Պրավդա», 1957, 10 հունվարի:

ժիտրական աշխատանքը «գերազանց» է համարում: Մի որիշ թատերախոս՝ Մ. Ալուցկայան, նկատում է, որ «մասապական տեսարանների լիավյուն լուծումը արժանանում է հանդիսատեսի միահամուն հիացմունքին»¹: Օպերային թատրոնում սովորաբար ծափահարում են մենակատարներին, դիրիժորին, նույնիսկ նկարչին, բայց, խոստվանենք, շատ հազվադեպ է պատահում, որ ծափերի արժանանա ոեժիտրի կառուցած մասապական տեսարանը: ՍՍՀՄ Մեծ թատրոնի գլխավոր ոեժիտր Բ. Պոկրովսկին հատուկ ընդգծեց. «Ամենից ավելի ուշադրություն է գրավում մասապական տեսարաններ կառուցելու ոեժիտրական իմացությունը»²:

Վարդան Աճեմյանը դրամատիկական և երաժշտական թատրոններում պատմական պիեսների և օպերաների իր բեմադրություններով նշանակալից ավանդ է բերել թատերական մշակութին:

¹ «Ленинградская правда», 1956, 22 հունիսի:

² «Известия», 1957, 30 марта:



ՀՐՃՎԱՆՔԻ ԱՇԽԱՌՀՈՒՄ

Չատերը մինչև օրս էլ կատակերգությունը համարում են Ա-ճեմյանի ռեժիսորական ստեղծագործության տարերքը։ Նրան երկար տարիներ թերևս ամենից ավելի կշտամբել են այն բանի համար, որ բեմում տուրք է տվել ծիծառաշարժին՝ նույնիսկ, երբ դրա հարգը չի զգացվել ըստ պիեսի։ Կարելի է անխաղ պնդել, որ Աճեմյանի բոլոր ներկայացումներում, ինչ ժանրով էլ լուծված լինեն, միշտ առկա են կոմիկական իրավիճակներ, որոնք անկեղծ ծիծառ են հարուցում և, որպես կանոն, հենց իր՝ ռեժիսորի երևակացության արդյունքն են։

Աճեմյանը սիրում է խնդությունը բեմում, նա տառացիորեն արարում է այդ խնդությունը այնքան վառ, որ կարելի է բնութագրել «արևային» մակրիորով։ Զավեշուի և հումորի աշխարհը իրոք մոտ է Աճեմյանի ստեղծագործական խառնվածքին, արվեստագետ, որը կարողանում է զարմանալի նորք ու անխաղ նկատել մարդկանց ծիծառաշարժ կողմերը։ Եվ ոչ միայն նկատել։ Երբ լույս տեսալ Աճեմյանի ընկերական շարժերի ալբոնը, Մարտիրոս Սարյանը չկարողացավ անտարբեր մնալ և գրեց. «Բոլոր մարդիկ էլ նայել գիտեն, բայց կարևորը տեսնելն է, գտնելը։ Աճեմյանի սուր աչքը որոնում է մարդու այն գծերը, որոնք մի կողմից ընդգծում են տվյալ անձի համար տիպականը, մյուս կողմից «ժպիտի» նյութ են դառնում։

... Այս երկու՝ տեսնելու և տեսածը նկար դարձնելու հատկու-

թյունները Աճեմյանի մեջ ներդաշնակորեն հյուսվում են, և արդյունքը լինում է խիստ հետաքրքիր մի արվեստ, որ կրում է ցայտուն ինքնատիպության դրոշմ»¹:

Աճեմյանը, որ էլ լինի, չի բաժանվում մատիտից: Թղթի մի պատառի, ծխախոտի տուփի վրա, պիեսի տեքստի լուսանցքներում կամ որևէ այլ տեղ նա ճեպանկարում է գործով կամ պատահաբար հանդիպած մարդկանց դիմանեկարները: Մեր պարբերական մամուլում հոդվածներ եղան Աճեմյանի հրապարակած շարժերի ալբոմի մասին: Գրախոսականներից շատերի հեղինակները հակված էին ուժիսորդի ճեպանկարները համարելու հարաբերությունում: Մինչդեռ Աճեմյանի գծանեկարները ծանոթ մարդկանց կերպարների մեկնաբանություններն են, եթե կուզեք, կատակերգական ժանրով: Այս բանը ճիշտ է նկատել Գ. Լալայանցը. «Նրա գծանեկարներում պարզորոշ երևում է բնմական կատակերգական իրավիճակի փայլուն վարպետությունը: Եվ արդյո՞ք նկարչի սուր աչքը չի օգնել ուժիսորդին՝ տարիներ շարունակ ատելծելու խնդրությամբ ողողուն կատակերգական հոյակապ ճերկայացումներ»²:

Հայտնի ծաղրանկարիչ Ալ. Սարովիսանը, Աճեմյանին անվանելով շարժի անզուգական վարպետ, գրում է. «Երևան բնակության շրջանին հաճախ առիթ ունեցա իր բեմադրած թատերական գործերը տեսնելու, որոնց մեջ որոշապես աչքի զարնող երգիծական մելեկ ավելի նորը մանրամասնություններ և գլուխեր կմատնեին բեմադրիչի հումորիստական գիծը»³: Ա. Արաքամանյանը միանգամայն իրավացիորեն հումորը համարում է «Աճեմյանի ուժիսորական արվեստի հմայքներից մեկը»⁴:

Աճեմյանի հումորիստական ճեպանկարները բնավ էլ ուժիսորի «հորբին» չեն, ոչ էլ գծանեկարչի զուտ պրոֆեսիոնալ հրապուրանքի արտահայտությունը: Դրանք որոշակի պրիզմայի՝ ծիծաղաշարժի միջով մարդկանց կերպարների ուժիսորական ընկալման շարունակությունը, ավելի ճիշտ՝ գրաֆիկական արտահայտու-

1. «Սովետական արվեստ», 1969, № 1:

2. «Կոմունիստ», 1968, 13 հունիսի:

3. «Գրական թերթ», 1968, 10 հունիսի:

4. «Երևան», 1968, 22 մայիսի:

թյունն են: Դրանք Աճեմյանի ոեժիստրական խառնվածքի ժպտուն կողմի վկայությունն են, հենց այն կողմի, առանց որի, հավանաբար, Աճեմյանը Աճեմյան չէր լինի: Երբ խոսենք Աճեմյանի կոնկրետ աշխատանքների մասին, շատ առիթներ կունենանք համոզվելու, որ արևային խնդությունը մի տեսակ չափ ու կշիռ է դառնում նրա կատակերգական ներկայացումների համար:

Կոմիլկականին Աճեմյանն առաջին անգամ հաղորդակցվեց, ինչպես արդեն ասացինք, որպես դերասան: Ողբերգուի ամպլուա երազող Վարդան Աճեմյանը հիանալի էր խաղում կոմիլկական դերեր: Այս դերակատարումներում արդեն միանգամայն բացորոշ ի հայտ եկավ կոմիլկականի նկատմամբ նրա առանձին հրապուրանը:

Որպես ոեժիստր, դեռ 20-ական թվականներին Աճեմյանը Երևանի ինքնագործ թատրոններում բեմադրեց Պարոնյանի կատակերգությունները: Բայց սրանք, այսպես կոչված, գրչի փորձեր էին: Սկսելով պրոֆեսիոնալ ոեժիստրի իր գործունեությունը, Աճեմյանը Լենինականի թատրոնում 1934-ին բեմադրեց ուկրաինացի գրող Իվան Կոչերգայի «Ժամագործն ու հավը» կատակերգությունը, որն արժանացել էր համամիութենական մրցանակի և ժամանակին մեծ ընդունելություն ուներ: Սակայն «Ժամագործն ու հավը» կատակերգական ժանրի «գտարյուն» երկ չէր:

Պիեսի հեղինակը, որ մինչ այդ մի քանի պատմական դրամաներ էր գրել, «Ժամագործն ու հավը» կատակերգությամբ, ինչպես վկայում է Վլ. Սորոլկը դեռ 1934-ին, «կարծես երկնքից ընկավ», թատերական հասարակականությանն ապշեցնելով արդիական սրամիտ իր պիեսով»¹:

«Բարդ պյութեն իմ թուլությունն է, որով ես խրախուսվում եմ», — խոստվանել է «Ժամագործն ու հավը» պիեսի հեղինակը²: Եվ իրոք, կատակերգության պյութեն այնքան էլ կատակերգական կառուցվածք չունի, ավելի շուրջ հակված է պատմական դրամայի բարդ հյուսվածքի կողմը, թեև պիեսի լուծումը կատակերգական է: Պիեսի շորս գործողության ընթացքում նրա հերոսները չորս անգամ հանդիպում են նոյն տեղում՝ երկաթուղային կայարանում, պատ-

1 ՏԵ՛ս «Театр и драматургия», 1934, № 6, էջ 47—49.

2 Նույն տեղում:

մական տարբեր ժամանակաշրջաններում— 1912, 1919, 1920 և 1929 թվականներին: Պիեսում պատմական ժամանակագրության առկայությունը գաղափարական նշանակություն ունի, որի միջոցով բացահայտվում է կատակերգության հերոսների վերաբերմունքը պատմական անցքերի նկատմամբ: Ինչպես նկատել է համամիտութենական մրցանակաբաշխության ժյուրին, մի ամբողջ շարք բեմական բարդ կացությունների, այդ թվում՝ բազմաթիվ կատակերգական, քնարական ու պաթետիկ իրավիճակների միջոցով հեղինակը հաստատում է սոցիալիստական դարաշրջանի հաղթանակը, բոլշևիկյան տեմպերի հաղթանակը:

Կատակերգության սոցիալական մոտիվները շեշտված են շատ ուժեղ, եթե կարելի է ասել՝ կատակերգականին անհամապատասխան լրջությամբ, տեղ-տեղ նույնիսկ արտահայտվելով խորհրդանշանների ձևով, որ ավելի պատշաճի էր դրամայի, քան կատակերգության ժամրին: Սակայն պիեսի պյութեալին հիմնական հյուսվածքը, անշոշտ, վառ կատակերգական էր, սրամիտ ու ինքնատիպ: Վարդան Աճեմյանը կատակերգական էր, սրամիտ ու ինքնատիպ: Վարդան Աճեմյանը կատակերգական էր, պիեսի այս կողմից, քեմում ծավալեց ուրախ ու չափազանց ծիծաղաշարժ մի պատմություն, որի համար քննադատությունն անարդարացի էր, քանի որ ուժի սորը ներկայացման մեջ հաղթահարել էր պիեսի հենց ոչ կատակերգական կողմերը՝ նրա ուրախ ու զվարճայի բովանդակությունը մինչև վերջ բացահայտելու համար: Թատերախոսը խոստովանեց: «Բանն այն է, որ կատակերգության արտասավոր ու ինքնատիպ կառուցվածքը մի շարք բացառիկ դժվարությունների առջև է կանգնեցնում քեմադրողին: Կատակերգության պյութեն զարգանում է ընդհանրացված կերպարների և քնավորությունների (կատակերգության հերոսների) բախման շնորհիվ: Պիեսում համեմատաբար քիչ են անմիջական ծիծաղն ու կոմիկական վիճակները»:

Նախ՝ կոմիկական վիճակները՝ պիեսում այնքան էլ քիչ չեն, և հետո՝ եթե իրոք այդպես է, ապա դա արդեն կատակերգական ժամրով գրված պիեսի թերությունն է: Եվ, թվում է, պիեսի նման թերությունը եթե հաղթահարում է թատրոնը, ապա այդ պարագան

¹ «Коммунист», 1935, (ընդգծումն իմն է—Ս. Բ.):

միայն ուրախավի պետք է համարել: Սակայն, թատերախոսը փոքր ինչ այլ կերպ է դատում. «Մեր կարծիքով, նա չի կարողացել լուծել հենց այն խնդիրը, որ հեղինակն է առաջադրել պիեսում՝ հանդիսատեսին հասկանավի դարձնել դասակարգավին պայքարի ընթացքն ու նրա մասնակիցների էությունը»: Եվ, ըստ թատերախոսի, չի կարողացել, որովհետև «թատրոնը հիմնական շեշտը դրել է պիեսի կատակերգական զարգացման վրա, մինչդեռ պիեսի զարգացման ընթացքում գնալով ավելի ու ավելի են պակասում կատակերգական տարրերը»: Տարօրինակ պահանջ է ստացվում՝ եթե պիեսում գնալով պակասում է կատակերգականը, ապա ուժինորն էլ պարտավոր էր հետևել հեղինակի թույլ տված սխալին: Մինչդեռ Աճեմյանը ուրիշ սկզբունք էր պաշտպանում՝ կատակերգությունը պետք է լինի ծիծաղաշարժ, կատակերգական ներկայացման մեջ պետք է իշխի ծիծաղը: Նա այս սկզբունքով էր լուծել նաև «Ժամագործն ու հավը» ներկայացումը, որ իրոք հաղթանակում էր կենսախինդ տրամադրությունը: Ուժինորը համարձակ ու վճռական հաղթահարել էր պիեսի ոչ ծիծաղաշարժ դրությունները, ձգտել էր յուրաքանչյուր կոմիկական վիճակ դարձնել ծայր-ատահճան զվարճայի՝ ներկայացման հիմնորոշ ոճը ավելի վառ ընդգծելու համար: Ծիշու է, ուժինորը միաժամանակ ընկել էր այնպիսի ծայրահեղությունների մեջ, որ բեմում վերացել էր իրականի զգացողությունը, և կոմիկականը ճնշել էր ամեն ինչ: Այդպես էր, օրինակ, Հավի տեսարանում, մի գործող անձ, որ հայտնվում էր միայն չորրորդ արարում: Այսուեղ ուժինորը կանգ չեր առել ոչ մի բանի առաջ, դիմել էր շարժի, միտումնավոր աղավաղել կապելմեյստերի արտաքին դերապատկերը: Նման տեսարանները շատ չեն ներկայացման մեջ, բայց և այնպես կային: Հենց դրանք էլ առիթ տվեցին այնպիսի եզրահանգման, թե «Ժամագործն ու հավը» ներկայացման մեջ ուժինորը գաղափարական սխալներ է թույլ տվել, բանի որ «թատրոնին լիովին չի հաջողվել պիեսի կոմիկականությունն ու իդեական նպատակայնությունն ընդգծել, սերտորեն զուգակցել իրար»¹:

¹ «Ավանդարդ», 1935, 21 հունվարի:



Գ. Տեր-Գրիգորյանի, Գ. Բորյանի և Ա. Արաքսմանյանի հետ



Մուկվայի Մ. Եմոլովայի անվան բատրոնի դերասանների հետ՝
«Պաղտասար աղքարի» փորձերի ժամանակ



Սխալը ուժիտրինը չէր, այլ ժամանակակից կատակերգության այն ընկալմանը, որ տիրապետող էր այդ շրջանի մեր քննադատության մեջ: 1930-ական թվականների կեսերի հայ գրական և թատերական քննադատությունը, հանդուրժելով դրամայի ժամանակի թերությունները, իսկում զինվում էր կատակերգության դեմ, մասնավանդ, երբ նրա մեջ սատիրական սուր ինտոնացիաներ էին լինում: Հայտնի է, օրինակ, բուռն ու երկարատև բանավեճը «Նապոլեոն Կորլուտյան» պիեսի և Աերկայացման շորջ: Կատակերգության հեղինակ Դերենիկ Դեմիրճյանն ու բեմադրող Արմեն Գոլակյանը մեղադրվեցին այն բանում, որ «Նապոլեոն Կորլուտյանի» բացասական գործող անձիք հիպերբոլացված են, վառ են արտահայտված, իսկ դրական հերոսները չեն հաջողվել: Նույն մեղադրանքը գրեթե բառացիորեն կրկնվեց «Ժամագործն ու հավլը» Աերկայացման հասցեին: «Կոմունիստի» արդեն հիշատակված թատերախոսականում կարդում ենք. «Պիեսի գաղափարը չի հանում հանդիսատեսին: Պատճառն այն է, որ բեմադրող Վ. Աճեմյանը, ցայտուն ու գունեղ Աերկայացնելով «ժամագործ» վարպետին և կալվածատեր Լունդիշին (մեռնող դասակարգի Աերկայացուցիչներին), չի կարողացել նույնքան ցայտուն նրանց հակադրել բանվոր-հեղափոխականներին: Մրանք գորշ են ու էափողիկ, տեղ-տեղ նույնիսկ բոլորովին աննկատ: Այս սխալով էլ պետք է բացատրել «Ժամագործն ու հավլը» բեմադրության անհաջողությունը:

Ինչպես «Նապոլեոն Կորլուտյանի» դեպքում, այնպես էլ այժմ, քննադատության և հանդիսատեսի կարծիքները խիստ տարբեր էին: Քննադատությունը չէր ընդունում Աերկայացումը, մինչդեռ հանդիսատեսները, ինչպես ասում են, շարդում էին թատրոնի դրուները, հաճուքով դիտում ուրախ Աերկայացումը, կուշտ ծիծառում էին և, որ ամենագլխավորն է, միանգամայն ճիշտ էին ընկալում նրա գաղափարական բովանդակությունը: Այն նույն գաղափարական բովանդակությունը, որն արտահայտվում էր ոչ թե բաղաքական լոգունգների ու հայտարարությունների, այլ ծիծառի միջոցով: Ուժիսորը հանդիսատեսին ստիպում էր սրտանց ծիծառել այն կերպարների վրա, որոնք, թատերախոսի խոսքերով ասած, մեռնող դասակարգի Աերկայացուցիչներն էին:

«Ժամագործն ու հավլ» Աճեմյանի ռեժիսորական առաջին աշխատանք էր, որի մեջ նրա տաղանդի կատակերգական կողմը փայլեց մի տեսակ հանդուգն ու տարերային ցոլքով: Այս ներկայացման մեջ ռեժիսորը դեռևս լիովին չէր կարողացել կարգավորել իր տաղանդի կատակերգական շատրվանը, ինչպես և, ի դեպ, նա մինչև վերջ այդ բանը չկարողացավ անել հետագայում՝ կատակերգական ժանրին դիմելիս: Հաղորդակցվելով ծիծաղաշարժին ու զվարճակին, Վարդան Աճեմյանը ոչ միայն լիովին նվիրվեց արեվային խնդության աշխարհին, այս ինքը հրայրով ու սրամտորեն արարեց այդ աշխարհը, երեմն թույլ տալով, ժամանակակից արտահայտությամբ ասած, ավելորդությունները: Բայց այս ավելորդությունները հետևանք էին տաղանդի շոալության և ոչ թե աղքատիկ ճաշակի: Սրա փայլուն ապացուցը ռեժիսորի աշխատանքն էր «Հյուրանոցի տիրութին» կատակերգության վրա:

Աճեմյանը Գոլդոնիի կատակերգությունը բեմադրեց 1935-ի վերջին, երբ նա արդեն իրականացրել էր «Հատակում», «Մեծապատիկ մուրացկաններ», «Սեր և խարդավանք» այիսների բեմադրությունները, որոնց մասին խոսք կլինի հաջորդ գլխում: Համենայն դեպս, «Հյուրանոցի տիրութին» եվրոպական դասական առաջին կատակերգությունն էր, որին դիմեց Աճեմյանը՝ «Պարոնյանի թատրոնի» սեփական ըմբռնումը հաստատելուց հետո: «Հյուրանոցի տիրութին» ներկայացումով ռեժիսորը մոտք գործեց «Գոլդոնիի թատրոնը», ճշմարիտ ժողովրդական թատրոնի, վառ ու հրճվալից արվեստի աշխարհը, որի ակունքները իտալական դիմակների անմասի կատակերգության խորքերն էին:

«Հյուրանոցի տիրութին», որ Գոլդոնիի ամենատարածված կատակերգություններից է, բեմական հարուստ պատմություն ունի: Դրան, ինչպես և, ի դեպ, դասական ուրիշ պիեսների, Աճեմյանը մտտեցավ «առաջին հայտնագործողի» դիրքերից, պիեսը «մաքրելով» ավանդույթների նատվածքից, ընթերցելով այնպես, ասես այդ պիեսը նոր-նոր էր լույս աշխարհ եկել: Այդ թարմ հայացքի շնորհիվ ռեժիսորը կարողացավ մեծ կատակերգակի երկում հայտնաբերել մարդկային անկենդ զգացմունքների այնպիսի շերտեր, որոնք շատ մոտ էին ժամանակակից մարդու զգացմունքներին: Զը-

պետք է մոռանալ, որ Գոլդոնիի դրամատուրգիան, որպես կանոն, մինչ այդ մեկնաբանում էին թատերային-պայմանական ոճով, եղանակով այն համոզումից, թե դիմակների դել արտե թատրոնի սխեման իր տիրապետող ազդեցությունն ունի նաև Գոլդոնիի պիեսների վրա: Ուստի շատ ուժիորներ Գոլդոնիի պիեսները մեկնաբանում էին որպես կոմիկական ոճավորված պատկերներ՝ հեռու կենսական ունակությունը:

Անեմյանի բեմադրության ամենակարևոր արժանիքն այն էր, որ Գոլդոնիի կատակերգությունը բեմում երևաց ոչ թե պայմանական թատերայնության սառը փայլով, այլ մարդկային իրական փոխհարաբերությունների հավասար մոտիվներով, որոնք վառ կատակերգական լուծում ունեին:

«Հյուրանոցի տիրուհին» ներկայացման ընդհանուր տոնայնությունը մաժորային էր, աշխուզ ու կենսուրախ, եթե կողքե՞՝ չառանձի-հանդուգն, միաժամանակ բեմավիճակների կառուցվածքն ու դրակատարումները աչքի էին ընկենում վարպետությամբ, բարձր տեխնիկայով: Թատերական արհեստի և մաժորային կենսուրախույան անխարդախ գգացումի գուգորդումն էլ հենց ստեղծել էր զարմանալի ներկայացում, որը արևախինդ ծիծաղն ու ժողովրդական առողջ մտածողությունը հուրիրատում էին իրենց մաքուր գույներով և հմայում համեմիսատեսին:

Ներկայացումն արտակարգ հաջողություն ունեցավ: Հանդիսաները պարզապես վայելում էին ներկայացումը, նրա խինդն ու բերկանքը, մեծագույն բավականություն ստանում, ինչպես կարելի է բավականություն ստանալ լուսավորից ու գեղեցիկից: Բայց և այնպես, «Հյուրանոցի տիրուհին» ներկայացման վերաբերյալ քընհատատության կարծիքները բավական զուապ էին: Երբ փորձում եւ բացատրել քննադատության նման վերաբերմունքի պատճառը, պարզվում է հետևյալը:

Ներկայացումը երևան եկավ արվեստում ձևապաշտությանը նվիրված աղմկալի բանավեճերի երկու շրջանների միջև: Այդ ժամանակ, վիճաբանությունների թունդ պահին, թատերայնության ամեն մի վառ արտահայտություն ձևապաշտական էր որակվում, իսկ ուժիորներն իրենք, մասնավորապես՝ Անեմյանը, հարկադրված

Էին հրապարակայնորեն հրաժարվել իրենց լավագույն բեմադրություններից, «ընդունել իրենց ֆորմալիստական սխալները»: Այդպիսի անհանգիստ ֆոնի վրա էլ հայտնվեց «Հյուրանոցի տիրութին», որին նվիրված թատերախոսականում Հ. Գրիգորյանը գրեց. «Մեթիսոր Վ. Աճեմյանը իր մի շարք նախորդ աշխատանքներում տուրք է տվել «Ժամանակի մոդային»— ձևապաշտական ձեռնածությանը: Իր այս աշխատանքում նա հիմնականում խուսափել է ձևապաշտական պարագաներից և Գոլդոնիին ներկայացրել է ունալիստական եղանակով: Սակայն ձևապաշտության առանձին շորջովիներ զգացվում են նաև այստեղ»¹:

Համոզվելու համար, թե բննադատությունը որքան կանխակալ էր իր մեղադրանքներում, լսենք թատերախոսի դատողությունների շարունակությունը: Նա ձևապաշտության շորջովիներ է տեսնում ահա թե որտեղ. «Մասնավորապես չի կարելի համաձայնել բեմադրության մեջ եղած առատ երգ-երաժշտության հետ, որ հնադիսատեսին ստիպում է երբեմն մտածել՝ ինքը ևս երաժշտական կոմեդիա չի՝ դիտում: Այս պարագան որոշ չափով իշեցնում է բեմադրության արժեքը:

Մյուս պարագան՝ հինգերորդ պատկերը փոխադրված է հյուրանոցի ներքնահարկը (ըստ պիեսի պետք է լիներ կոմսի սենյակում), որը նույնապես ոչնչով չի պատճառաբանված: Պետք է ենթադրել՝ այդ բանն արված է, որպեսզի նկարիչը «փառահեղ» ձևավորման պվելի մեծ հնարավորություններ ունենա»: Ահա և ամբողջը: Եվ սա մատուցվում է որպես ձևապաշտության շորջովիներ Աճեմյանի բեմադրության մեջ...

Սակայն, ինչպես լինում է հաճախ, ներկայացման «ոեցենզեն-տական դիմանելարը» չէր բռնում իր ճշմարիտ նկարագրին: Հանդիսատեսը հիացած էր ներկայացումով, որն իր աղմկալի և ուրախ կյանքը շարունակեց ոչ միայն Լենինականի, այլև Երևանի և Թբիլիսիի բեմերում, որ թատրոնը հյուրախաղերի էր եկել: Ինչպես վըկայում է Ռ. Մադոյանը Լենինականի թատրոնին նվիրված իր գըրքում, «Վրաստանի մայրաքաղաքի թատրոններում ևս ներկայաց-

1 «Կոմմունիստ», 1936, 27 հունիսի:

վում էր Գոլդոնիի նույն այդ կատակերգությունը: Վրացական «Կոմմոնստի» թերթը, ամերադատնալով Լենինականի թատրոնի գաստրոլներին, գրել է. «Գոլդոնիի այս պիեսը վերջերս բեմադրվեց Թբիլիսիի գրեթե բոլոր թատրոններում... Բայց Հայաստանի թատրոնի բեմադրությունն աչքի է ընկնում... իր թարմությամբ»¹:

Այս ներկայացման մեջ Վարդան Աճեմյանը, որ արդեն կանգնած էր զուտ ռեժիսորական հնարանքների և դերասանական կատարման ստեղծագործական սինթեզի ուղու վրա, շարունակեց ու խորացրեց այդ արգասավոր սկզբունքը: Ավելին, եթե Աճեմյանին շարունակ կշտամբում էին, թե նրա բեմադրություններում չափից ավելի ցայտուն են արտահայտվում ռեժիսորական հնարանքները, ապա այժմ նրա «Հյուրանոցի տիրուին» պիտիսի բնութագիր ըստացավ Ա. Սրաքսմանյանի թատրախոսականում. «Այս ներկայացումը հանդիսացավ իրոք որ «դերասանի ներկայացում»²:

Աճեմյանը «դերասանի ներկայացում» ստեղծեց առանց ռեժիսորական ցայտուն վերաբերունքից հրաժարվելու: Նա կարողացավ ռեժիսորական հնարանքները ենթարկել դերասանական կերպարներին, ինչպես և դերասանի ստեղծագործությունը ենթարկել ռեժիսորական մեկնաբանությանը: «Հյուրանոցի տիրուին» ներկայացման էությունը մարդկային կենդանի կերպարներն էին և, ամենից առաջ, Միրանդոլինան՝ Արու Ասրյանի կատարմամբ: Ներկայացման հերոսուինն ռեժիսորի կամքով արևի մի շող էր դարձել, որ ամբողջ բեմադրությունը լուսավորում էր ինչ-որ չարաճճի տրուամադրությամբ, շիկացնում էր բեմական գործողությունը և դրա հետ մեկտեղ՝ պիեսի վառ ու ընդգծուն ժողովրդային, դեմոկրատական գաղափարը: Այն բանում, յե՛ Միրանդոլինան ինչպես էր վարվում իր բարձրաստիճանի երկրպագուների հետ, ոչ միայն չարաճճի խաչը ու կանացի քմահանուք, այլև, եթե կարելի է այսպես արտահայտվել, սոցիալական չարաճճի հություն, սոցիալական հանդրգնություն կար: Ընդ որում, սոցիալական մոտիվները ճակատային չեն հնչում կատարման մեջ, մերկապարանոց չեն ցու-

1 «Կոմոնստի» (վրացերեն), 1937, 30 հունիսի (մեջբերվում է Ռ. Մադոյանի «Թատրոնի ուղին» գրքից):

2 «Գրական թերթ», 1936, № 5.

ցադրվում, այլ դառնում էին կյանքի երևույթների նկատմամբ հուզական վերաբերմունքի հետևանքը: Ուժիորն ու դերասանուհին բացեիքաց մերժել էին գործող անձի սոցիալական պիտակի բանաձևը, և փոխարենը ընթունվել ու հաստատվել էր մի որիշ սկզբունք՝ մարդու անմիջական հուզական աշխարհում բացահայտել նրա սոցիալական վարքն ու ըմբռնումը: Խսկական արվեստի համար այս միակ ճիշտ մեթոդը «Հյուրանոցի տիրութին» ներկայացման մեջ հաղթանակում էր կատարելապես, թեև այն նաև առիթ տվեց, որ հետագայում Ա. Արաքսմանյանը կշտամբեր դերասանուհուն¹:

Գլխավոր ներուտունու կերպարի այս անմիջական մեկնաբանության շնորհիվ էր, որ ներկայացումն ի վերջո սոցիալական մեծ հիշողություն էր ստանում: Իրավացի է Արաքսմանյանը իր գլխավոր եզրահանգման մեջ. «Եվ ամենակարևորն ու արժեքավորը. Ասրյան-Միրանդոլինայի հաղթանակը չէր դիտվում որպես սուկ կնոշ հաղթանակ՝ շինծու ու բուտաֆորական զգացմունքների վրա, այև պարզի, հասարակի, սովորականի, ժողովրդականի հաղթանակ: Սա նաև այդ պայծառ, լավատեսական ներկայացման արժանիքն էր»²:

Հանդիսատեսի ծիծաղով ու հրճվանքով ուղեկցվող այս քեմադրությամբ Վարդան Աճեմյանը վերջնականապես հաստատեց իր ուժինորական տաղանդի ամենափայլուն կողմը՝ արևային վառվուն խնդրության ու զվարճանքի հակումը:

Հարկավոր էր ևս մի բանի տարի և Շեքսպիրին հաղորդակցվելու առիթ, որպեսզի ուժիորն ապացուեր իր տաղանդի այդ կողմի ամբողջ ծավալն ու խորքը, ապահովելով ճշմարիտ շեքսպիրյան «Տասներկուերորդ գիշերը» ներկայացումով, որը նա քեմադրեց անհավատալի սեղմ ժամանակամիջոցում:

«Տասներկուերորդ գիշերը» պատրատվեց 1944-ին Երևանում կայանալիք շեքսպիրյան համամիութենական ֆեստիվալի առիթով: Ներկայացումը դիտեցին շեքսպիրյան գիտական կոնֆերանսի պատվիրակները: Կոնֆերանսի մասնակիցներն էին սովետական նշանավոր շեքսպիրագետներն ու թատերական քննադատ-

¹ Տե՛ս Ա. Արաքսմանյան, «Արուս Ասրյան», ՀԹԸ, 1964, էջ 46—48:

² Նույն տեղում, էջ 50—51 (ընդգծումն իմն է—Ա. Բ.):

Անըզ: Այսպիսով, Աճեմյանի շեքսափիրյան առաջին խակ ներկայացումը տառացիորեն պրեմիերայի օրերին շեքսափիրյան թատրոնի ամենախիստ դատավորների անաշառ դատին հանձնվեց: Եվ ներկայացումն այդ փորձությունն անցավ՝ ամենափայլուն արդյունքով:

Ոչ «Տասներկուերրորդ գիշերը» ներկայացումից առաջ, ոչ ել նետո հայ սովորական դրամատիկական թատրոնը չստեղծեց նըման ուրախ ներկայացում՝ թատերային գունագեղությամբ ողղողուն, այդքան շեփորային-հանդիսավոր ու այդքան արևատա: Այս դեպքում ևս Աճեմյանը շեքսափիրյան երկն ընթերցել էր, այսպէս ասած, մաքուր բնագրով, ազատել էր բեմական բազմամյա ավանդույթ-ների հատվածքից, ինչպես երբեմնի փայլուն իրեն են մաքրում ժամանակի փոշուց: Շեքսափիրի կատակերգությունը Լենինականի թատրոնի բեմից ներկայացավ ուրբենայան հյութեղ ու մաժորային գուշների հմայիչ խաղող:

Հայտնի է, որ «Տասներկուերրորդ գիշերը» կատակերգությունը Շեքսափիրի այն գործերից է, որոնց մեջ մեծ դրամատորգն արտահայտել է ժամանակի անտրուս ոգին: Սա Շեքսափիրի ամենավայրագույն «ոռոմանտիկական» կատակերգություններից է, որ հանճարեղ դրամատորգը ստեղծել է այն ժամանակ, երբ աշխարհին նայում էր զվարթ հայացքով և ծիծողուն գույները զատում էր այն գույներից, որոնք մթագնում են խինոն ու փայլը: Այստեղից է՝ կատակերգության երկրորդ մոտիվը— պորիտանական կենսակերպի հանդուգն պատկազերծումը, մերկացումն այն ամենի, ինչ խանգարում է մարդկային սիրո, խնդության ու բերկրանիքի ազատ գեղումին:

Եթե փորձենք շատ հակիրճ բնորոշել Աճեմյանի բեմադրության առանձնահատկությունը, ապա հավանաբար պետք է ասենք, որ այդ ներկայացումը նման էր մարդկային անկաշկանդ կամքն ու արարչագործ սերը փառաբանող օրատորայի: Սա էր ներկայացման հիգնոր արժեքը:

Այս ներկայացման առաջին թատերախոսներից մեկը՝ Ա. Արաքսմանյանը, ճիշտ նկատեց. «Մեմիսոր Վարդան Աճեմյանի փայլուն տաղանդը ստեղծել է շեքսափիրյան մի այնպիսի ներկայացում, որ ոչ միայն չի հակադրվում, այլև շոլում է մեր գգացողություններն ու երևակայությունը Շեքսափիրի մասին: «Տասներկուերրորդ գիշերի»

բեմադրությունը ոեժիստրական ու արտիստական ատեղծագործության միանալիքան բարձր արտահայտություններից մեկն է, որին հիմա անընդհատ ձգտում է սովետական թատրոնը: Զգում ես և ոեժիստրի տիրական շունչն ու հղացումների ընթացքը, և՝ դեռասնների գեղեցիկ ստեղծագործությունը՝ հնագանդ այդ հղացումներին»¹:

Այս ներկայացման գեղարվեստական օրգանական ամբողջականությունը հիմնված էր նրա ոեժիստրական ամբողջական մուանդրացման վրա: Արտաքնապես ներկայացումը հղկված էր որպես շեքսափիրյան ժամանակների «Գլորուս» թատրոնի հանդիսանքի նմանակում: Լենինականի թատրոնի բեմում պատրաստված էր «Գլորուս» թատրոնի բեմահարթակը՝ երկու կողմից երևում էին թատերական երկշարք օթյակները, ուր նատած էին հանդիսատեսութիկներներ: Նրանց համար էլ ցուցադրվում էր ներկայացմունք: Կարող էր թվական և, ի դեպ, ոմանք այդպես էլ ընկալում էին, թե այս հնարանքը զուտ արտաքին է և օրգանապես չի բխում ոյեժիստրական հղացումից: Մինչդեռ դա ոչ այնքան շեքսափիրյան ժամանակների թատրոնի պատկերը վերականգնող թատերական հնարանք էր, որքան արտահայտչական մի միջոց, որը հուշում էր նկարչական ձևավորման ոճի պայմանականությունը և, ամենակարևորը, թույլ էր տպիս Շեքսափիրի կատակերգությունը ներկայացնել, այսպես ասած, բնական տեսքով: «Տասներկուերորդ գիշերը» պիեսի բեմադրիչներից շատերը չէին կարողանում որոշել, թե ինչպես կատակերգության բոլոր բանն պատկերները «խցկեն» մի ներկայացման մեջ: Եվ նրանք անում էին այն, ինչ սովորաբար արվում է նման դեպքերում՝ կրնատում էին տեքստը: Տաղանդավոր թատերական նկարիչ Մելիքսեթ Սվախչյանի հետ մեկտեղ ոյեժիստրը որոշեց դիմել պայմանական դեկորատիվ խորհրդանշանների սիստեմին: Սակայն այդ բանը լիովին արդարացնելու համար նա բեմ պատրաստեց բեմի վրա, ամբողջ պայմանականությունը վերագրելով՝ շեքսափիրյան թատրոնին և հնարավորություն ստանալով վահանակների վրա արված պարզ մակագրերով գործողությունը փոխադրել

¹ «Բանվոր», 1944, 12 մայիսի:

ուր կամենա և ինչպես կամենա: Հիշենք, որ Շեքսպիրի կատակերգությունը կոչվում է «Տաներկուերորդ գիշերը կամ ինչ որ կամենաք»: Այժմ այս ենթախորագիրը մի տեսակ կորցրել է իմաստը, բայց դա ուղղակի առնչություն ունի Շեքսպիրի պիեսի գեղարվեստական ոճի հետ: Ծննդյան տոների տաներկուերորդ գիշերը՝ Մկրտության գիշերը, դիմակահանդեսներ ու զգեստավորված թափորթեր էին լինում: Այդ գիշերը մարդիկ կարող էին մտնել ուզած տունը, կատակեր անել, զվարճախոսել, ապահնքն՝ ցանկացած վայրում կարող էին անել ինչ ցանկանային: Քրիստոնեական կրոնով արտոնված՝ ծննդյան գիշերին արարքների այս շղթայազերծ ազատությամբ էլ պայմանավորված է կատակերգության ենթախորագիրը: Ահա թե ինչո՞ւ այն, որ Անեմյանն արեց «Գլորոս» թատրոնի ձևերին հետևելով, սուկ արտահայտչական հնարքի փոխանում չէր, այլ միջոց, որ հնարավորություն էր ընձեռում ազատ բահայտելու գործի ոգին ու ոճը:

Որպեսզի արտաքրուստ էլ հնարանքը հնարանք չմնար, ուժի-սորը սրամտորեն ստեղծել է «բեմ բեմի վրա»: Հանդիսատես-տիկ-նիկները «ծափահարում» էին Լենինականի թատրոնի դերասաններին, և դա, իր հերթին, ներկայացումը դարձնում էր ավելի հանդիսանքային՝ պիեսի «Ինչ որ կամենաք» ենթախորագրին համապատասխան: Նույնիսկ բեմական բուտաֆորիան այս ներկայացման մեջ ինչ-որ հատուկ թատերային էր, ենթարկված կատակերգության ոճին: «Այսպես, պատկերներից մեկում դուքս Օրսինոն բեմ է մտնում մանկական խաղալիք հիշեցնող փայտե ձիուն հեծածած: Հանդիսատեսը նկատում էր նույնիսկ այդ «ձիու» անիվները: Նկարիչը բնավ ջանք չէր գործադրել ֆաներայից շինած բեմական այդ պրիմատիվ ակսենտարը կենդանի պատրանքով մատուցելու համար: Այս դեպքում ձին թատերային, կոմեդիական, բեմի պայմանականությունը ցցուն կերպով ընդգծող իր է»¹:

Ուժիստը ու նկարիչը պայմանական ձևավորման ամբողջ գինանոցը ի սպաս էին դրել ներկայացման զվարթ ու կենսախինդ աշխարհին: Ահա մի որիշ մանրամաս, որ ստուգ արտացոլում է

1 Հ. Խալաթյան, «Մելիքսեթ Սվախչյան», ՀԹԸ, 1956, էջ 16:

ձևավորման սկզբունքը և որը ճիշտ է նկատել «Տաներկուերորդ գիշերը» ներկայացման նկարչին նվիրված գրքի հեղինակ Լևոն Խալապյանը. «Օլիվիան առաջին անգամ ներկայանում է հանդիսականին սգվորի դերով: Նա ողբում է իր եղբոր մահը: Սակայն այդ ողբը սուկ անցողիկ մոտիվ է: Նույն գործողության վերջում իսկ սգվոր Օլիվիան դրժում է իր երդումը, խոնարհվում սիրո կախարդական ուժի առաջ: Սվախչյանը պիեսի այդ մոտիվը «խաղացրել» էր—վահանիկի մակագրությանը կցելով սգվոր հերոսուհու սիրությունը...»

Նշված սիրությունը հակադրվելու էր այդ հերոսների բուռն կենսափրությանը, նրանց կենսափառն թրթինին: Այստեղ էր ֆլամանդական հյութեղությունը—քիչ անձնատուր լինել վշտին, միշտ ձրգուել դեպի լիաժոռք կյանք, ոգեպարար որախություն: Մեր հանդեպ կյանքը—ահա ձևավորման ենթատեքստը¹:

Կարելի է ուղղել Լ. Խալապյանին, քանի որ այդ մոտիվը ոչ թե ձևավորման ենթատեքստն էր, այլ ամբողջ ներկայացման էությունը, ուժիսորական հղացման բաց տեքստը, այդ շատրվանող կենսափրության օրատորիայի լեյտմոտիվը: Կատակերգության գործող անձանց խնդպից, գրեթե բազագանային աշխարհը հաջողվել էր բացահայտել առանձնապես վառ ու հագեցած: Եվ ամենից առաջ Թորի Բելչի և Էգյուչիկի կերպարներում՝ հայ բեմում երբեւ ստեղծված շեքսպիրյան կատակերգական այդ անկրկնելի կերպարներում: Լևոն Զոհրաբյանը Թորի և Կ. Արծրունյանը Էգյուչիկի դերում «Տաներկուերորդ գիշերը» ներկայացման հոգին էին դարձել, թեև այդ երկու բեմայան գործող անձանց առկայության դեպքում ավելի ճիշտ կլիներ ներկայացումն անվանել «Ինչ որ կամենաք», քանի որ, իրոք, նրանցից կարելի էր սպասել ամեն ինչ: Այս դերակատարումների մասին շատ է գրվել, և մեր խնդրից դուրս է դերասանական խաղի վերլուծումը: Բայց պետք է ասել, որ ուժիսորական մեկնաբանության շնորհիվ միայն այս կերպարները դարձան այնպիսին, ինչպիսին ներկայացման մեջ էին:

Ներկայացումն իր շատրվանող խնդրությամբ պարտական էր

1. Լ. Խալապյան, «Մելիքսքեթ Սվախչյան», ՀՊԸ, 1956, էջ 16—17:

զիսավորապես այս երկու գործող անձերին: Հիշենք թեկուզ Թորի Բելչի կացարանի տեսարանը: Գրեթե բեմի մեջուեղում, բարձր մի տեղ, որը Թորիի համար և՛ ճաշասեղան է, և՛ մահիճ, և՛ պարզապես սեղան, դրված էր գինու մի մեծ տակառ, իսկ ետին պլանում, որ ֆոն էր կատարվող գործողությունների համար, կախված էր Ռուբենսի «Սիլենի երթ» նկարի գրեթե ճշգրիտ վերարտադրությունը: Ահա այսպիսի միջավայրում էր ծավալվում խինով, հըրճավանքով, խանդավառությամբ ողողված այդ տեսարանը: Ինքը՝ Թորին, բազմած էր տակառին, ձեռքին՝ գինու գավաթ: Նրա ոտքերի մոտ նստած էր հարբած Էգյուչիկը, իսկ խեղկատակ Ֆեստը, կեսգիշերին մտնելով այստեղ, մինչև գետին խոնարհվում էր Թորիի առաջ՝ հետույզը քանով Էգյուչիկի երեսին: Այս որպան խումբը լրացնելու էին գալիս Մարիան և Ֆարիանը: Թեև, ըստ պիեսի, այս տեսարանին այդքան շատ գործող անձեր չպետք է մասնակցեն՝ ոեժիսորը դիտմամբ իրար գլուխ էր հավաքում այդ որպան աարդկանց՝ ճշմարիտ կատակերգական «առակախտություն» ծավալելու համար: Այս տեսարանը լավ է նկարագրել Ռ. Մադոյանը. «—Դե, այժմ խմբով երգենք. «Բարո՛վ եկար, ավանակ»: Ու սկսվում է կրիլովյան «համերգը»: Երգում է Խեղկատակը, շարունակ ծաղրելով Էգյուչիկին: Ապա Թորին. նա իր հաստիկ մարմառվ «խիզախ» թոփչը է կատարում տակառի վրա և, ինչպես ձիու թամբին նստած, թափահարում է ոտքերը, երկու ձեռքում ամուր բռնած գինու գավաթներն ու երգում:

Բոլորովին գլուխը կորցրել է Էգյուչիկ— Արծրունյանը: Նա շատ որպան է: Էգյուչիկին հիացմունք են պատճառում Թորիի մանկական շարժումները, երգ հիշեցնող բացականչությունները և Խեղկատակի որպան երգերը, պար հիշեցնող թոփչքները: Ուրեմն ինչ-որ մի բան էլ ինքը պետք է անի, բացի «երգելուց»: Եվ նա էլ սկսում է սուսերի վրա խաղացնել սեփական գլխարկը և տմումբացնելով գլուխը՝ զավեշտության հասնող թոփչքներ կատարում, ցուցադրելով սոխի ցողունի պես բարակ սրունքները: Այդպիսի մի այծացատկ կատարելիս կորցնում է հավասարակշռությունը և երկու ձեռքով հենվում գահավորակին: Կատարյալ ավանակ: Կարո՞ղ է այդ

գեղեցիկ առիթը բաց թողնել Խեղկատակը, ևա ուղղակի թոշում է ասպետի մեջքին:

Խեղկատակը ասպետի մեջքին: Զավեշտական է, գրոտեսկայն, բայց ոդքան և ներդաշնակ է Խեղկատակի և Ենդրյոլի էությանը»¹:

Կասկադային ծիծաղի ոճով լուծված նման տեսարանները շատ էին ներկայացման մեջ և բեմադրության առաջատար մոտիվն էին: Սուաջատար, բայց ոչ միակ: Կատակերգական հրավառության հետ մեկտեղ ներկայացման մեջ հնչում էր նաև մի որիշ՝ ոչ պակաս վառ և ոչ պակաս կարևոր մոտիվ. քնարականը, որ պատմում էր կատակերգության գործող անձանց մյուս խմբի մարդկացին հորդուն ըգգացմունքների, սիրային նորբ փոխհարաբերությունների մասին:

Անեմյանը ներկայացման քնարական մոտիվը մեկնաբանել էր որիշ, կարելի է նույնականացնել՝ ոռմանտիկական եղանակով: Եվ կրկին ուժիուրը կանգնած էր իր ստեղծագործության, նկարչի ու դերասանների արվեստի սինթեզի ուղղությամբ: Եթե Թորիի խմբի արարքների համար ֆոն էր նկարչի սրամուրեն մեկնաբանված «Սիլենի երթը» կտավը, որ բաքոսային խրախանք էր պատկերում, աւագ ներկայացման սիրահար գործող անձինք հաճախակի հայտնվում էին Օլիվիայի պալատի ֆոնի վրա, ավագանի մոտ, որի հայելում արտացոլվում էին դալար ծառերի ձիգ շարքն ու պալատի ձյունաներմակ ճակատը: Այս գեղանկարչական ֆոնը հիմնալի ներդաշնակում էր Վիոլայի, Օլիվիայի, Օրսինոյի զգացմունքային աշխարհին: Շեքսպիրի սիրահար հերոսները մերվում էին այն քնանկարին, դառնում նրա անքածան մանրամասերը: Լ. Խալաթյանը գրում է. «Այդ հետնավարագույրը, ինչպես և բոլոր մյուսները, գեղանկարչական կոմպոզիցիայով այնքան վարպետորեն ձովված էին քեմի ընդհանուր գծանկարին, որ երբ ճերմակ թիկնոցով Օլիվիան մտնում էր քեմ, թվում էր, թե նա եղավ սիրո հեքիաթ-աշխարհից, եղավ որպես ջրահարս, ու հավերժ էր նրա սերը»²:

Տասներկուերրորդ գիշերվա, այսինքն՝ ծննդյան տոների օվարալիքների ու դիմակահանդեսների գիշերվա սիրային ամենասար-

1 Ո. Մագուան, «Թատրոնի ուղին», էջ 197—198.

2 Լ. Խալաթյան, «Մելիքսեթ Սվախչան», էջ 17:

տառոց արկածները ուժիսորը բացահայտել էր մաժորային ինտոնացիաներով, առանց խափառելու ներկայացման ընդհանուր ոճը: Եթե Թորիի խմբի գործող անձանց գրութեսկային գույները հորիզոնում էին վառ ու հյութեղ, ապա գործող անձանց մյուս խմբի քնարական ինտոնացիան այդ գամման լրացնում էր նոր, թեկուզ և ավելի նորը, սակայն լուսավոր ու բերկրաշող գույներով: Խինդն ու հրճվանքն էր իշխողը ներկայացման երկու մոտիվում էլ՝ առաջինում կասկադային ծիծաղի աղբյուրը ներկայացման գրեթե գրութեսկային անձնավորություններն էին, երկրորդում՝ հերոսների սիրո առաստ հուզվերը: Բայց ներկայացումն ուներ նաև մի երրորդ մոտիվ, որի կրողը Մալվոլիոն էր:

Մալվոլիոյի կերպարի և ներկայացման՝ նրա հետ կապված մոտիվի մեկնաբանությունը վեճերի տեղիք տվեց: Մենք չենք խսի դրանց մասին, հետաքրքրվողները կարող են դիմել արդեն մեշքերված՝ Ա. Արաքսաննանի հոդվածին ու Ռ. Մարդոյանի գրքին:

Այսուեղ պետք է նշել, որ Մալվոլիոյի կերպարը Շեքսպիրի կատակերգության մեջ կոնցեպցիոն հասուլ տեղ ունի: Պորխտանական տրամադրությունների կրող լինելով, Մալվոլիոն ձգտում է սանձել մարդկային զգացմունքները, ազատ կրքերի կատարյալ խրախնաճը: Այս կերպարին միշտ էլ առանձին կարևորություն են տվել: Հայտնի է, որ Կարլոս Սուաշին թագավորը Շեքսպիրի երկերի անդրանիկ հրատարակության իր օրինակում ջնշել է «Տաներկուերորդ գիշերը» խորագիրը և գրել՝ «Մալվոլիո»: Կատակերգության բեմական պատմության մեջ Մալվոլիոյի կերպարը հաճախ ստացնակարգ նշանակություն է ստացել: Օրինակ, Մուկվայի Երկրորդ գեղարվեստական թատրոնի բեմադրության մեջ՝ Միխայիլ Չեխովի նշարդային ու հուզավառ Մալվոլիոն գրեթե գլխավոր գործող անձ էր դարձել:

Ընդհանրապես Շեքսպիրի կատակերգությունների գվարյա աշխարհին Մալվոլիոն փոքր-ինչ դժվար է հարմարվում: Համենայն դեպք, Լենինականի թատրոնի ներկայացման մեջ հենց այդպես էր, թեպես և ուժիսորը, և հիանալի դերասան Ցոլակ Ամերիկյանը ամեն ինչ արել էին, որ չթուլանար Մալվոլիոյի դերը: Պարզապես ներկայացման մթնոլորտն այնքան աղմկալի և ուրախ էր, որ

ոչ մի Մալվոյիո չէր կարող մթագնել: Ուստի Մալվոյիոյի կերպարը և նրա արտահայտած պորիտանիզմի բարոյական մոտիվը գրեթե ոչ մի ուժ չունեին ներկայացման մեջ, որը և, հավանաբար, առիթ տվեց պատկառելի շեքսպիրագետ Մ. Մորոզովին՝ հայտարարելու, թե «քեմադրողը բացահայտորեն թերագնահատել է այնպիսի խոր, տիայիկ շեքսպիրյան կերպարների նշանակությունը, ինչպիսին Մալվոյիոն է...»¹:

Այս հարցը մնում է վիճելի, թեև Ռ. Մադոյանը «Թատրոնի ուղին» գրքում միանձնամայն համոզիչ ապացուցում է, որ ճիշտ է ոեծիսորի և դերասանի դիրքորոշումը:

1944-ի շեքսպիրյան ֆեատիվալի մասնակիցները, դիտելով հայ թատրոնի շեքսպիրյան բոլոր ներկայացումները, միահամուռ հանգեցին այն եզրակացության, որ Լենինականի թատրոնի «Տասներկուուրորդ գիշերը» ուժիսորական լավագույն ներկայացումն է: Մ. Մորոզովը գրեց. «Փայլուն, որախ, կենառատ ներկայացում է տաղանդավոր ոեծիսոր Վ. Անեմյանի բեմադրած «Տասներկուուրորդ գիշերը»²:

Մուկովյան անգլերեն թերթը, ֆեատիվալի արդյունքներն ամփոփելով, ուղղակի նկատեց. «Առավելագույն էֆելիտի հասավ Լենինականի դրամատիկական թատրոնը՝ հատկապես ֆեատիվալի համար բեմադրված էր «Տասներկուուրորդ գիշերը» ներկայացման պրեմիերայով: Այս կատակերգությունը բեմ հանելու հետ կապված բոլոր դժվարությունները հաղթահարված էին Վ.: Անեմյանի տաղանդի ու հնարամտության շնորհիվ: Կայծկալուն խնդությամբ լի փայլուն բեմադրությունը հաճելի անակնկալ էր պատվիրակներից շատերի համար, որոնք կարծում էին, թե Լենինականում կտևանեն միայն գավառական լավ ներկայացում»³:

Նաիրի Զարյանը բանաստեղծական խանդավառությամբ գրեց. «Ծողշողուն ներկայացում է: Ուժիսորն ու արտիստները մրցում են Շեքսպիրի հետ»⁴:

1 «Литература и искусство», 1944, № 24;

2 նույն տեղում:

3 „Moscow news“, 1944, № 39.

4 Լենինականի թատրոնի տպավորությունների տեսրակ:

Ծերսափիրյան թատրոնի խատագույն արժեվորողներից մեկը՝ Վահրամ Փափազյանը, որ դիտել էր ներկայացումը, խոստովանեց. «Այդ շրջանի բեմադրությունների շարքում չեմ կարող չհիշել Ծերսափիրի «Տասներկուերրորդ գիշեր» գործի բեմադրությունը և որի տպավորության տակ հրճվանքով ու շնորհակալությամբ տեղավորեցի ու պահեցի Վարդանին սրտիս մի անկյունում, այն որիշների հետ, որոնց ծանրությունն ու գիտակցությունը իմ հարատությունը եղավ և իմ հարատությունն էլ կմնա»¹:

«Տասներկուերրորդ գիշերը» ուժինորական ատեղծագործության այն գագաթներից է, որոնց վրա բարձրացել է ու կբարձրանահայ թատերական արվեստը:

Ինչպես ասվեց այս գլխի սկզբում, Աճեմյան-ուժինորական առանձնապես հետաքրքրում էր ժամանակակից կատակերգությունը, մանավանդ հայ կատակերգությունը, որը 1930 և 1940-ական թվականներին այդպես էլ հետաքրքիր գործեր չստեղծեց, եթե չհաշվենք Դեմիրճյանի «Նապոլեոն Կորլուտյանը»: Սակայն, 1950-ական թվականներից սկսած, հայ սովետական թատրոնի խաղացանկը զգալիորեն համալրվեց կատակերգություններով, որոնցից շատերը ստեղծվել են Վարդան Աճեմյանի գործուն մասնակցությամբ և առաջին անգամ թեմ են բարձրացել դարձյալ Աճեմյանի շնորհիվ:

Սուսիկել լայն ճանաչում գտան Նաիրի Զարյանի երկու՝ «Աղբյուրի մոտ» և «Փորձադաշտ» կատակերգությունների բեմադրությունները երածշտական կոմեդիայի և Գ. Սունդուկյանի անվան թատրոններում:

«Աղբյուրի մոտ» ներկայացումը աներևակացելի հաջողություն ունեցավ հանդիսատեսների շրջանում: Պարզապես անհնար էր տունս ճարել այդ ներկայացման համար, որը դիտելու էին գալիս հանրապետության բոլոր շրջաններից: Դեմիրճյանի «Նապոլեոն Կորլուտյանի» նման այս պիեսն ու ներկայացումն էլ սուր վեճերի առիթ դարձան: Երկու բանակի բաժանված քննադատների մեջ կային մարդիկ, որոնք հայտարարեցին, թե ներկայացումն ու պիեսը աղավաղում են մեր իրականությունը: Իսկ հանդիսատեսները

¹ «Սովետական արվեստ», 1962, № 4, էջ 26:

տարիներ շարունակ լցնում էին թատերասրահը և զվարթ ու անգուսպ ծիծաղում: Սա իրոք ուրախ ներկայացում էր, «ծիծաղի թագավորություն»:

Ներկայացման կենտրոնական կատակերգական դեմքը Բալաբեկն էր՝ Թադևոս Սարյանի անկրկնելի կատարմամբ: Ուժի-սորն այս կերպարի շուրջն էլ կառուցել էր բոլոր կատակերգական վիճակները, եթե կարելի է ասել, նրան էին ձգտում և նրանից էին ելնում ծիծաղի ալիքները: Ուժիսորն ուշադրությունը կենտրոնացրել էր ոչ թե կատակերգական վիճակների, այլ կատակերգական բնավորությունների վրա: Թեև «Աղբյուրի մոտ» պիեսը վիճակների կատակերգության հակում ունի՝ Անեմյանի ներկայացումը կառուցված էր որպես բնավորությունների, ավելի ճիշտ՝ Բալաբեկի բնավորության կատակերգություն:

Անեմյանը պատկերավոր ու ցայտուն բեմավիճակների վարպետ է: Բայց իր այս աշխատանքում նա փորձեց ամբողջ ծանրությունը փոխադրել դերասանական կերպարի վրա, որը մարմնավորելիս ուժիսորի դերը նույնքան վճռական է, որքան կոմիկական վիճակներ ստեղծելիս: Մենադրամայի, իսկ այս դեպքում կարելի է ասել՝ մենակատակերգության սկզբունքները առաջատար դարձան ուժիսորի աշխատանքում: Եվ քանի որ ուժիսորի ստեղծագործության ոլորտը կենտրոնացավ դերասանական կերպարում, բեմադրիչն էլ հիմնական ուշադրությունը նվիրեց նրան: Չնայած Բալաբեկի կերպարը նախապես լավ էր մշակված (նկատի ունենք դերի գրական տեքստն ու ուժիսորական մեկնաբանությունը), այնուհանդեռձ, ինքն իր տարերքով գործող պերսոնաժի տպավորություն էր թողնում: Ինչ խոսք, շատ բան գալիս էր Թ. Սարյանի ստեղծագործական անհատական հատկանիշներից, մի դերասան, որի կատակերգական խոշոր տաղանդը, անշուշտ, կանխորոշեց կատարման բարձր մակարդակ: Սակայն Բալաբեկի կերպարում նշանակալից էր նաև ուժիսորի մասնակցությունը:

Ով եղել է Վարդան Անեմյանի փորձերին՝ բոլոր հրապուրիչ կողմերից բացի լավ գիտի դրանց անմենաբնորոշ հատկանիշը, անեմյանական հատկանիշը՝ ստեղծագործական բերկրանք այն մըր-



Գեղարվեստա-քառերական ինստիտուտի սաների ներ



Վարդան Աճեմյանի անվան պիոներական ջոկատի հետ

նոլորտի, որ ամեն վայրկյանում ծնվում է ինչ-որ նոր, հետաքրքիր, ինքնատիպ բան: Խսկական դերասանը Աճեմյանի փորձերին վարակվում է ստեղծագործական բերկրանքի ահա այս թանկ զգացումով, որով համակված է լինում նաև ինքը՝ ուժիորը: Նման մթուլորտում դժվար չէ հանպատրաստից հորինելը: Դերասանն իրեն ստեղծագործական առումով կապանքներից ազատ է զգում, և դերի գրական հենքը դառնում է սուկ առանցք, որի շորջը հյուսվում է բեմական կերպարի ստեղծագործորեն անկաշկանդ կամքը: Մեյերհոլդը հասուկ ընդգծում էր, որ «դերասանը կարող է հանպատրաստից խաղալ միայն այն ժամանակ, եթե նա ներքուստ բերկրանք է ապրում: Ստեղծագործական բերկրանքի, արտիստական հրճվանքի մթուլորտից դուրս դերասանը երբեք չի կարող կատարելապես բացահայտել իրեն»¹: Դերասանի ահա այսպիսի ինքնագացողության էր հասում Աճեմյանը «Աղբյուրի մոտ» ներկայացման վրա աշխատելիս:

Այս ներկայացման ժամանակ ծիծառը ծնունդ է առնում ոչ միայն Բալաբեկի արամիտ արտահայտություններից, ոչ միայն իրավիճակներից, այլև ստեղծագործական բերկրանքի այս զգացումից: Ահա թե ինչու քննադատության մեջ սուր հարձակումներ եղան միայն ծիծառեկի Բալաբեկի դեմ: Ուժիորին ու դերակատարին մետաղրում էին, թե Բալաբեկի կերպարը բարեհոգի ծիծառ է հարուցում, անողոք չի մերկացվում, մինչդեռ Բալաբեկի նման պորտաբույծ, ծովը ու խաքերա մարդը ոչ թե ծիծառ, այլ արհամարտանք պիտի առաջացնի: Քննադատության դիտողությունը ճիշտ էր, սակայն եզրահանգումները, թերևս, միակողմանի: «Աղբյուրի մոտ» ներկայացմանն ուղեկցող ուրախ, հոմերական քրքիչը այս բոլոր հարցերի լավագույն պատասխանն էր: Աճեմյանը, ինչպես երևում է նրա ամբողջ ուժիորական ստեղծագործությունից, չարասիր ծիծառել չգիտի, նրա համար անզուգադրելի են խիսդն ու չարությունը, ծիծառն ու չարությունը: Սա չի նշանակում, իհարկե, թե ծիծառն Աճեմյանի ներկայացումներում ինքնանպատակ է: Պարզապես, Աճեմյանը այն համոզմանն է, որ ծիծառի բարոյական դերը

¹ «Новый мир», 1961, № 8, § 217:

փոքր-ինչ ուրիշ է, բարի ու հրճվալից: ԶԵ՞՞ որ բարեսիրտ ծիծաղով էլ կարելի է ծաղրել արատը: Այսպես նա վարվեց «Աղբյուրի մոտ» ներկայացման մեջ և նույն կերպ՝ ժամանակակից կատակերգությունների բոլոր բեմադրություններում: Հիշենք, որ ժամանակին բարեսիրտ կոմիզմի համար կշտամբել են նաև արդիական պիեսների հեղինակ Նիկոլայ Պոգոնինին:

Եվ, ասես, Ամենյանի տաղանդի այս «բարի կողմի» ապացուցը եղավ այն, որ Նաիրի Զարյանի հաջորդ կատակերգության՝ «Փորձադաշտի» բեմադրության մեջ նա չկարողացավ հասնել «Աղբյուրի մոտ» ներկայացման կոմիկական շիկացմանը: Ծիշու է, «Փորձադաշտ» պիեսը, որը ակզեռում դրական հերոս Մեսրոպ Կարսեցյանի անունով էր կոչվել, «Աղբյուրի մոտ» պիեսից տարբերվում էր այն բանով, որ արդեն ուրիշ հերոս ունեն՝ ոչ կատագերկական գործող անձ: Բալաբեկսի այստեղ բնավորության փոքր-ինչ այլ, ավելի չար գծերով էր օժտված: «Փորձադաշտում» այլևս չկար Բալաբեկի կատակերգական ոգին: Բացի այդ, բեմադրվելով Գ. Սունդուկյանի անվան թատրոնում, պիեսը բավական լուրջ և ոչ այնքան կատակերգական հնչողություն ստացավ: Բալաբեկի դերը խաղաց Ավետ Ավետիսյանը, որի հերոսը «հանդիսարարակում ոչ թե բարեհոգի ժպիտ ու ծիծաղ, այլ նողկանք է առաջացնում»¹:

«Փորձադաշտ» ներկայացման մեջ պահպանված էր կոնցեպցիոն հաշվեկշիռ, սակայն զավեշտականի հաշվեկշիռը կտրուկ նվազել էր, և կատակերգության մեջ արդեն իշխում էին ոչ թե ծիծաղն ու զավեշտը, այլ ժանրի կանոնները: Հենց այդ պատճառով էլ «Փորձադաշտ» ներկայացումը, որ ինքնըստիճայան բովանդակալից էր, վարպետությամբ արված, չէր բացահայտում ուժիս կատակերգական տաղանդի որևէ նոր կողմը: Քննադատությունը միաձայն այս ներկայացումը ճիշտ ու կանոնավոր համարեց, միայն թե հանդիսատեսն այլևս իրեն այնպես չէր գգում, ինչպես «Աղբյուրի մոտ» պիեսի ներկայացումների ժամանակ:

«Փորձադաշտ» ներկայացումը դրամայի և կատակերգության

1 Ժ. Հակոբյան, «Փորձադաշտ», «Կոմմոնիստ», 1957, 2 հոկտեմբերի:

միջև ընկած իր գեղարվեստական ոճով դուրս էր Վարդան Աճեմյանի նորարարական որոնումների ոլորտից, թեև աչքի էր ընկնում բեմական կոլտուրայով, ավարտուն բեմավիճակներով, իսկական վարպետին վայել մասնագիտական մակարդակով:

Կարող է թվալ, թե «Փորձադաշտի» ոճը պետք է որ հաստատվեր Աճեմյանի հետագա կատակերգական ներկայացումներում: Չէ՞ որ ոեժիստը քննադասովել էր «Աղբյուրի մոտ» ներկայացման առիթով և դրվասովել «Փորձադաշտի» համար: Բայց դա անհնար էր, ալլավես Աճեմյանը պիտի դադարեր Աճեմյան լինելուց: Անա ինչու ոեժիստը վերստին դիմեց հայ դրամատորգիայի այն գործերին, որոնք հնարավորություն էին տալիս բեմուն ծավալել իրոք ծիծառաշարժ պատմություններ և ստեղծել ճշմարիտ կատակերգական կերպարներ: Եվ նա կանգ չառալ ոչ մի բանի առաջ, շահագրգոռությամբ դիմեց նույնիսկ այնպիսի պիեսների, որոնց գրական մակարդակը հեռու էր բավարար լինելուց: ոեժիստը համար կարևոր էր այն, որ պիեսը կատակերգական լիցք ուներ: Մեկ տասնամյակում (1958—1968) Աճեմյանը բեմադրեց կատակերգական երեք ներկայացում, որոնց մեջ ծիծառն ու զավեշտը ոեժիստական կոնցեպցիայի առանցքն էին:

«Սրտի արաւո» պիեսի և ներկայացման շուրջ բուռն վիճաբանությունն ծավալվեց, ինչպես ժամանակին՝ «Աղբյուրի մոտ» ներկայացման առիթով: Ու թերևս ավելի սուր ու անողոք, քան առաջ: Որոշ ուղղափառ թատերական քննադասուններ թերևս ձեռքով երիտասարդ դրամատորգ Ժ. Հարությունյանի պիեսին արատավոր երկի պիտակ փակցրին՝ մեր իրականությունը աղավաղելու մեղադրանք ներկայացնելով: Մեղադրանքի ամենամեծ բաժինը հասավ կատակերգության գլխավոր հերոս Գվիդոնին, որի դերը անկրկնելի հավասարությամբ կատարում էր Մ. Մկրտչյանը: Նույնիսկ խոր եղավ մի ամբողջ հոսանքի՝ «գվիդոնիզմի» մասին, որի ակունքներն իբր Դերենիկ Դեմիրճյանի «Նապոլեոն Կորլուտյան» և Նաիրի Զարյանի «Աղբյուրի մոտ» կատակերգությունների կերպարների մեջ էին: Եվ պիտի խոստովանել՝ այդ մեղադրանքները մի տեսակ ավելի սրբեցին հանդիսանեսի հետաքրքրությունը ներկայացման նկատմամբ: Դարձյալ

տունս չեր ճարվում: Այսինքն՝ կրկնվում էր նույն պատմությունը, ինչ եղել էր Դեմիրճյանի և Զարյանի պիեսների բեմադրությունների ժամանակ՝ ներկայացումներն ընկան քննադատության կրակի տակ, սակայն բացադիկ հաջողություն ունեին:

«Սրտի արատն» աչքի չեր ընկնում ոչ ինքնատիպ այուժեավ և ոչ էլ կատակերգական սուր վիճակներով: Կատակերգության մեջ իշխողը սրամիտ դիպոգն էր՝ կենսականորեն հավատի, մի տեսակ անմշակ հյութեղ: Այսքանը բավական էր ուժիւրը Աճեմյանին, որը կարողանում է երևակայության ոժով ամենազարմանավի կոմիկական վիճակներ ստեղծել բեմում: Եվ, իրոք, ուժիւրը «Սրտի արատ» ներկայացման մեջ արևային խնդության մի ամբողջ աշխարհ հորինեց՝ անսպառ ծիծաղով ողողուն: Բնեմական այս ծիծաղահարույց հորձանուտի կենտրոնում Գվիդոնի և Փորսուղյանի, այսինքն՝ ծաղրի ենթակա երկու գործող անձանց կերպարներն էին: Պորտաբրուջի ու կարիերիատի կերպարների կոմիկական պսակագերծումը ուժիւրն իրականացրել էր ոչ այնքան ներկայացման դրական հերոսների միջոցով, որքան հենց իրենց՝ բացասական գործող անձանց օգնությամբ, որի համար կշտամբեցին բեմադրողին. «Նորի և հնի պայքարը, ցալոք, հեղինակի ու թատրոնի կողմից առավելապես ըմբռնվել է իբրև միայն բացասական ուժերի մերկացում ու խարազանում»¹:

Սակայն Աճեմյանը հենց այդպես էլ կառուցել էր կատակերգական ներկայացումը՝ ծիծաղաշարժը ծնվում էր ամենից առաջ բացասական գործող անձանց վարկելակերպից: «Սրտի արատուն» Գվիդոնի կերպարը կենտրոնական, բայց միակ ծիծաղացայտ կերպարը չեր: Գվիդոնի հյութեղ կերպարի կողքին հայտնվում էր Փորսուղյանի ոչ պակաս կողորդտային կատակերգական կերպարանքը, որը նույնպես «Արտի արատ» ունի: Ուժիւրն իր կարևորագույն խնդիրն էր համարել բացահայտել այս կերպարների էլությունը, սակայն բացահայտել ոչ թե մյուս գործող անձանց «մեղադրականների», այլ ինքնամերկացման, ինքնարտահայտման միջոցով: Նման մոտեցումը ավելի ճիշտ էր և,

1 «ԵՐԿԱՆ», 1958, 14 հունիսի:

որ շատ կարևոր է կատակերգության ժամար, կատակերգական բնավորություններ ստեղծելու հնարավորություն էր ընձեռում: Այս դեպքում ևս, ինչպես «Աղբյուրի մոտ» ներկայացման մեջ, Աճեմյանը ուժիստրական աշխատանքի ժանրության կենտրոնը փոխադրեց դերասանական կերպարի վրա, հասնելով առավելագույն արտահայտչության և կենսական հավաստիթյան: Ստեղծագործական իմպրովիզացիայի սկզբունքը, որ նա հետևողականորեն վավերացնում էր իր լավագույն կատակերգական ներկայացումներում, հաղթանակեց նաև այստեղ, որի շնորհիվ դերասանն իրեն ազատ էր գգում բեմում և խաղում էր «հանապատրաստից»: Միայն այսպես կարելի էր ստեղծել Գվիդոնի կերպարը, որի մասին թատերագետ Խ. Ավագյանը իրավացիորեն գրում է. «Մկրտչյանը այնպես է ներանձնավորել, ձուլվել Գվիդոնի կերպարին, այնքան հյութեղ ու համոզիչ ներկայացրել նրա արտաքինն ու վարքութարքը, որ մտքովդ էլ չի անցնում ուրիշ մի կերպարանքով պատկերացնել նրան: Գվիդոնի բեմական կերպարը ստեղծելիս շնորհալի դերասանը բնութագրում եղածով չի բավարարվում, նրա ինտոնացիաները ասես նույնությամբ կյանքից են առնված, շարժումները, խոսելակերպը, նույնիսկ աչքերի անհանգիստ խաղը՝ կենդանի մարդկանցից փոխառնված»¹:

Բայց չպետք է կարծել, թե զավեշտականի ամբողջ լիցքը կենտրոնացված էր ներկայացման երկու կերպարներում միայն: Ամբողջ ներկայացումը, բեմական գործողության յուրաքանչյոր պահը հագեցած էր խիճնով ու զավեշտով: Ու թեև պիեսի պյուժեն չէր օգնում դրան, այնուհանդերձ, ուժիստրը հաջողությամբ հաղթահարել էր գրական երկի թերությունը: Այդ պարագան ճիշտ է նկատել մի ուրիշ թատերախոս՝ Լ. Սամվելյանը. «Հարությունյանի պիեսի ֆրագմենտային, ներքուստ ստատիկ բնույթը կարող էր ավելի ցցուն երևալ բեմադրության մեջ, եթե չիմանին Աճեմյանի վարպետությունն ու դերասանների հնքնամոռաց խաղը: Կատակերգությունների փայլուն բեմադրիչ Աճեմյանի վառ երևակայության, փորձի շնորհիվ, ասես առասուլթյան եղջյուրից

հորդում են կենսական զվարձալի մանրամասները, անակնկալ անցումները: Եվ այս ամենն արված է այնպիսի վարակիչ խիճող ու զավեշտով, այնպես հմտորեն, որ հանդիսատեսն ամբողջ ներկալացման ընթացքում պարզապես երբեք ու ոչ մի կերպ չի կարողանում դուրս պրօնել ուժինություններից: Առեմյանը ուժինությունների բնույթում զավարձենում է հանդիսատեսին, ոչ մի բոլոր թույլ չտալով կենտրոնանալ պուտեսային կտրատվող գծի վրա»¹:

Իր ոճով փոքր-ինչ տարբեր է ուժինությունը՝ Գ. Տեր-Գրիգորյանի «Մեռնող ֆլորա» պիեսի բեմադրությունը: Ներկայացման գեղարվեստական անսովոր նկարագիրը թեկադրված էր բուն պիեսով, որ տարբեր մոլախոտերի անունները կրող գործող անձինք և իրական կոնկրետ մարդիկ են, և միաժամանակ մարմնավորում են մոլախոտերի հատկանիշները: Դա այլաբանություն չէ, քանի որ դրամատորգն ամեն ինչ արտահայտել է միանգամայն պարզ ու թափանցիկ՝ փորձելով զննել մեր հասարակության մարդկացին փոխհարաբերությունների կարևոր մի շերտը: Վ. Մելիքբեյջյանի խոսքերով ասած, պիեսն այն մասին է, «որ մարդու ով և ինչպիսին լինելը չպետք է որոշել նրա գործածած բառ ու բանից: Որ հաճախ հենց նրանք են շուազախոտում, լոզունքներ կարողում ու կոչեր անում, ովքեր չունեն հավատ ու նվիրում, ովքեր փախչում են հոգից ու գործից, որ մեր կյանքի ճանապարհներին մոլախոտ շատ կա»²:

Պայմանական էին ոչ միայն գործող անձանց անունները, այլև նրանց վարքն ու բարքը, պիեսի սյուժեն: Պայմանականությունների նման կոտակման պատճառով շատ էր բարդանում ուժինությունը իրադարձությունները կարող էին իրական չթվալ: Մինչդեռ բեմադրիչի գլխավոր նպատակն էր այդ ամբողջ պայմանականության մեջ բացահայտել երկի իրական և միանգամայն առօրեական իմաստը: Բայց միաժամանակ ուժինությունը չէր կարող անուշադրության մատնել պայմանականության ոճը և ներկայացումը բեմադրել այնպես, իբր այնուեղ

¹ «Հոմմունիստ», 1958, 28 հունիսի:

² «Սովետական Հայաստան», 1962, 2 նոյեմբերի:

իրական պատմություն է կատարվում: Անհրաժեշտ էր գտնել դեռասանների ուսալ ու պայմանական խաղակերպի այն սահմանը, որ ամբողջ պատումը դարձնելու էր համոզիչ: Բայց ինչպես գտնել:

Օգտվելով պիեսի սյուժետային հյուսվածքից, Աճեմյանն ըստեղծեց ներկայացում-իմպրովիզացիա: Գործող անձննք հանդես էին գալիս որպես «հանպատրատից» պերսոնաժներ: Սյուժետային նման մղում ստանալով, ուժիսորը գործող անձանց հետագա գործողությունները, վարվելակերպը լուծեց իմպրովիզացիայի ոճով, այնպես, որ կարծես հենց ուղղակի բեմում էին հորինվում և՝ տեքստը, և՝ իրավիճակները, և՝ գործող անձանց վարք ու բարքը: Ելնելով այս սկզբունքից, ուժիսորը ազատություն էր տալիս երևակայությանը, կառուցում ամենաարտակարգ բեմավիճակներ, բեմ հանում հիպերբոլիկ բուտաֆորիա (հսկայական սրսկիչ և այլ): Եթե փորձենք առանձին վերլուծել որևէ բեմավիճակ, ապա վերջինս ամբողջ ներկայացման նեթատեքստից դուրս անհմատ, մի տեսակ անլուր կրօվա: Այսուհենդերձ, ուժիսորը կարողացավ այնպես անել, որ պայմանական ոճը ոչ թե խանգարեր, այլ հապատեր պիեսի խիստ իրական բովանդակության ընկալմանը: Եթե ուժիսորը համարձակորեն այլաձեւ ներկայացման կերպարների, բեմավիճակների արտաքին պատկերը, ապա դերասանական ներքին զգացումը հաստատեց բնական ու ճշմարտացի հիմքի վրա: Ահա թե ինչու, արտաքին ամբողջ պայմանականությամբ հանդերձ, գործող անձանց վարքն ու բարքը չեր թվում ոչ շինծու և ոչ էլ զուտ թատերային: Ինչպես ճիշտ նկատում է Լ. Հավավերդյանը, «գործող անձանց մեջտեղ գալով, պայմանականությունը դուրս է մղվում և մեր առջև երևում են կենդանի մարդիկ՝ մեկը մյուսից տգեղ ու անմաքուր հոգեբանությամբ, վարքագծով»¹:

Ներկայացման ոճի ընտրությունն Աճեմյանի համար երբեք էլ երկրորդական, միայն գեղարվեստական ճաշակով պայմանավորված խնդիր չի եղել: Եվ այս դեպքում էլ «Մեռնող Փլորա»

¹ «Գրական թերթ», 1962, 20 սեպտեմբերի:

Աերկալացման թատերական ոճը թելադրված էր շատ կարևոր, եթե կուզեք՝ գաղափարական նկատառումներով։ Ներկալացումը թերթն ու անկաշկանդ, որաիս ու թատերայնորեն վառվողուն պատմում էր հույժ կարևոր ու սուր երևույթների մասին։ Հաճախ են կշտամբել Աճեմյանին, որ նրա կատակերգական ներկալացումներում արատը ծաղրվում է բարեհոգի ծիծաղով, որ ուժիուրը խուսափում է սպանիչ ծիծաղից։ Այս դիրքերից նրան քննադատել են «Իմ բարեկամը», «Ժամագործն ու հավը», «Աղբյուրի մոտ», «Սրտի արատ» ներկալացումների համար։ «Մեռնող ֆլորայի» աղիթով նման կշտամբանք չեղավ, բայց ոչ այն պատճառով, որ նրա ծիծաղն իրոք չար ու սպանիչ դարձավ, այլ պատկերավոր ասած, հավանաբար նրա քննադատները դարձան բարի։

Աճեմյանը գերադասում է բարեհոգի ծիծաղն ամենից առաջ այն պատճառով, որ այդպես են նրա գեղարվեստական ըմբռնումները, այդպես է նրա մարդկային խառնվածքը։ Բայց սա հարցի մի կողմն է։ Ոչ պակաս կարևոր ու էական է այն, որ ուժիուրը մեր իրականության արատները ծաղրում են ուժեղ մարդու ծիծաղով։ Խոկ ուժեղ մարդու ծիծաղը չար չի կարող լինել։ Երբ իրենք՝ արատները ուժեղ են իրականությունից, արժե դրանք ծաղրուծանակի ենթարկել չար ու թունոտ։ Բայց եթե արատները իրականության առանձին ստվերու կողմերն են, կարելի է ծաղրել բարեհոգի ծիծաղով, ուժեղի դիրքերից։ Այս եզրահանգումը կարող է այնքան էլ համոզիչ չթվալ, բայց դա Աճեմյանի կատակերգական ներկալացումների վերլուծության պարզ հետևությունն է։ Նույնիսկ բովանդակությամբ այնքան սուր ներկալացման մեջ, ինչպիսին «Մեռնող ֆլորան» է, Աճեմյանը չի խոացնում դաժան ինտոնացիան, այլ թատերային վառ ձևով հասնում է ծիծաղի գեղագիտական հնչողության։

Աճեմյանը կարողանում է դաժան ծիծաղել, երբ նա գործ ունի որիշ տիպի, ոչ մեր իրականության գործող անձերի հետ։ Հիշենք «Արդյունավոր պաշտոն» ուսումնական բեմնդրության չինովաճերին՝ Թատերական ինստիտուտի բնակում։ Այս զարմանալի սուր ու խոր ներկալացման մեջ ուժիուրը հիանալի տեսարաններ էր ստեղծել Վիշնևսկու ընդունարանուն։ Դժվար է ավելի

չար ու անողոք ծաղրել քծնանքը բարձրաստիճան պաշտոնյան-ների առաջ:

Վարդան Աճեմյանի ժամանակակից կատակերգական ներկայացումներում բարեհոգի ծիծաղը կոնցեպցիոն ակունքներ ունի, որ ոմանք կարող են ըմբռնել և ընդունել, ոմանք էլ՝ վիճարկել:

Բարեհոգի ծիծաղն է թագավորում նաև «Աշխարհն, այս, շուր է եկել» ներկայացման մեջ: Այդպիսին է ծիծաղն այս վառ ու հնչեղ բեմական հանդիսանքում նույնիսկ այն ժամանակ, երբ ծաղրվում է քաղքենության նման արատը: «Քաղքենական հոգեբանության սուր, անհնան, թեև ոչ դաժան (դա հակառակ կլիներ ներկայացման ներողամիտ ոգուն) ծաղր,— սա բեմադրության գաղափարական ուժեղ շեշտերից է ու նրա արժանիքներից մյուսը»,— գրում է թատրոնի Լ. Համբերդյանը¹:

Բայց սա չէ Աճեմյանի բեմադրության գլխավոր առանձնահատկությունը: Մենք գիտենք, որ մինչ այդ էլ Աճեմյանը հետեւղականորեն բարեսիրու էր սովետական կատակերգության գործող անձանց նկատմամբ, իսկ այժմ, առավել ևս, նա այդպիս պետք է վերաբերվեր Ս. Պապյանի կատակերգության գործող անձանց, որովհետև վերջիններս երգիծվում են վոդիկի ժամրով:

Այս ներկայացման մեջ ծիծաղի ու զավեշտի աշխարհն իրոք այնքան վառ է ու հնչեղ, որ կարելի է արևային համարել: Եվ այս ամենը հյուսված է ուժիսորդի ձեռքով, նրա անսպաս երևակայությամբ: Ոչ ինքը՝ պիեսը, ոչ էլ դերակատարների կազմը ենթադրել չեն տալիս, թե կարող է ծնվել այսքան ուրախ ներկայացում: Այս համոզումն ունեին գրեթե ամենքը մինչև պրեմիերան: Եվ «Իրաշք» կատարվեց: Մ. Լինը գրում է. «Այնպիսի քրքիչ, ինչպիսին հանդիսարանից հանում է բեմ՝ «Աշխարհն, այս, շուր է եկել» կատակերգության գործող անձանց, վաղուց է, ինչ չէի լսել: Եվ հասկանալի է— թատրոնը ծիծաղեցնում է, օ՛, ոչ, թատրոնը ծիծաղում է՝ անկեղծ, հնչեղ, առողջ ծիծաղում է այն ամենի վրա, ինչ ծիծաղելի է թվում»²: Այս, այս ներկայացման ժամանակ ծի-

1 «Առվետական արվեստ», 1967, № 10, էջ 36—37:

2 «Советская культура», 1967, № 57:

ծաղում է ոչ միայն հանդիսատեսը, այլև թատրոնը, ամենքը, ծիծաղում են սրտանց, որպան ու անշար: Եվ պատահական չէ, որ Լ. Հախվերդյանը այդպես էլ վերնագրել է իր թատերախոսականը՝ «Որպան երեկո Սունդուկյանի անվան թատրոնում»:


Ուժիսոր Աճեմյանն այս համընդհանուր որպան երեկոն ըստեղծել է քափ ու քրտինքով, մանրակրկիտ մշակելով բեմավիճակները, վիթխարի աշխատանք տանելով դերակատարների հետ: Ինչպես և իր լավագույն աշխատանքներում, ուժիսորը կարողացել է ստեղծել բերկրառատ մի մթնոլորտ, որ խաղը դառնում է ազատ ստեղծագործություն: Դերասանի բերկրավի ստեղծագործության վախճանգովյան սկզբունքը Աճեմյանի այս աշխատանքում հաղթանակել է կատարելապես: Եվ սա առավել ևս զարմանալի է ու գնահատելի: պիեսի հեղինակի առաջադրած իրավիճակը կարող էր վոդկիլային ճանապարհով տանել, հանգեցնել մի ներկայացման, որին խորյօ կիմեին կենսականորեն ճշմարտացի ինստնացիաները: Աճեմյանն ամբողջ ներկայացումը կառուցել է խոր հոգեբանական ճշմարտության, մարդկային իրական փոխարարերությունների հավաստի գգացողության վրա: Սակայն դրանից ներկայացման ոճը կենցաղային չի դառնում, ընդհակառակն, ինչպես ճիշտ նկատել է թատերախոսը, «քեմադրող գուել է Ա. Պապայանի վոդկիլը հնչեցնելու կարծես միակ հնարավոր բեմական ձևը: Միայն ստացին հայացքից կարող է տարօրինակ լովալ, թե ինչու նա պիեսին տվել է դրա կենցաղային բնույթին տրամագծորեն հակառակ բարձրաշունչ-ռոմանտիկական լուծում: Հենց դրա շնորհիվ է, որ պիեսի գործողությունը կտրվել է գետնից, մտել մարդկային հարաբերությունների ավելի բարձր, վերկենցաղային ոլորտ»¹:

«Աշխարհն, այս, շոտ է եկել» ներկայացումը Աճեմյանի համար մի տեսակ հավաքական եղավ այն իմաստով, որ ուժիսորն այստեղ շաղ տվեց իր կատակերգական տաղամդի ցոլքերը, գրեթե սիմեատիկ գրական սցենարի հիման վրա ստեղծելով լիարժեք, վառ ու հյութեղ ներկայացում: Թատրոն-խաղի վախ-

1 «Սովորական արվեստ», 1967, № 10, էջ 37:

յանգովյան միտքը, որ Աճեմյանը հետևողականորեն իրացրել ու հաստատել է իր կատակերգական ներկայացումներում, միանգամայն ինքնուրուց աճեմյանական լուծում ունի, որին բնորոշ են ոիթմի ու երաժշտականության հասուկ զգացողությունը, արտաքին հղկված գծապատկերը, բանաստեղծականությունը և, որ ամենից ավելի հատկանշական է ուժիւրի կատակերգական աշխատանքներին, կյանքի ճշմարտության հաստատուն զգացողությունը, ապշեցուցիչ կենսասիրությունը, որի ակունքները, ինչպես Վահրամ Փափազյանն է պարզում իր գաղտնատես մեկնությամբ, ժողովրդի պատմական ճակատագրի խորքերում են. «Վարդանը մեկն է հին կոճդի հավիտենական կենսունակության երջանիկ ու դալար ապացուցներից»¹:

¹ «Սովետական արվեստ», 1962, № 4, էջ 26.



ՏԱՌԱՊԱՆՔՆԵՐԻ ԱՇԱԽՈՒԾՈՒՄ

Մարդկային տառապանքների աշխարհը կենտրոնական տեղ ունի Վարդան Աճեմյանի ստեղծագործության մեջ: Ժողովրդական զանգվածների մոլեգին կերպարի խանդավառ թատերական երգիչը, բեմում ծիծաղի ու խնդության աշխարհն արարողը, ամենից առաջ, մարդու ողբերգական ապրումների արտահայտիչն է մնում: Դեռ երիտասարդ տարիներին, երբ երազում էր դերասան դառնալ, նրան մոտ ու հասկանալի էր ողբերգու արտիստի հոգին: Ու թեև Աճեմյանի ներկայացումներում շողշողում է վառ թատերայնությունը, ապրում ու շնչում են կենդանի մարդկանց անկրկնելի կերպարներ, ծնունդ են առնում բեմավիճակների հոյակապ կոմպոզիցիաներ և ոչ պակաս փայլուն մասսայական տեսարաններ, թեև Աճեմյանի ուժիչորական արվեստում առանձնապես ակնառու է բեմադրիչի վարպետությունը, նրա գեղարվեստական բարձր ճաշակը, այսուհանդերձ, Աճեմյանի ստեղծագործության խորագույն շերտը մարդկային տառապանքների թատերայնորեն բացահայտված աշխարհն է: Քիչ է ասել, թե վերջինս մոտ ու թանկ է Աճեմյանին: Այդ աշխարհն ասես մի հայելի է, որի մեջ արտացոլվում է Վարդան Աճեմյանի գեղարվեստական ու մարդկային ճշմարիտ արժեքը, և վիհաժամանակ նրա մեջ զգացվում է գլխավոր նյարդն այն ժամանակների, որոնց սահմաններում ամփոփվում է ուժիչորի ստեղծագործական կենսագրությունը:

Աճեմյանի ուժիչորական հայացքը մարդկային տառապանք-

Աերի աշխարհն ընկալում է մի յորօրինակ պրիզմայի միջով, որի էությունը կարելի է արտահայտել Վահրամ Փափազյանի տվածքնութագրով. «Նա իր հետ բերել էր մի բան, որ իր եւսում թողածի լրիվ արժեքը ունենալուց բացի, բազմապատկված էր ու խորացված հարուստ մի դիտողականությամբ, որ իրենը լինելուց բացի անցյալի անհամար սերունդների, չարքաշ կյանքի ու տառապանքի ավանդն էր Վարդանին և դրանով էլ հարուստ էր բարեկամն, հարուստ հոգեկան այնպիսի հարստությամբ, որ ոչ սովորելով կարելի է ձեռք բերել, ոչ էլ ժրաշան աշխատանքով»¹:

Չատ կարևոր է հասկանալ հետևյալ պարագան. մարդկային տառապանքների էության անեմյանական ըմբռնումը միայն առանձին, թեկող և միանգամայն ինքնատիպ ու խոր, ստեղծագործական անհատականության ընկալում չէ: Նրա ընկալման մեջ, ինչպես ճիշտ նկատել է Վահրամ Փափազյանը, արտահայտված է մարդկային տառապանքները ցմրուր ճաշակած սերնդի հոգեբանությունը: Եվ Վարդան Անեմյանը, թափանցելով դասական դրամատորգիայի հերոսների տառապանաց աշխարհը, ըստ Էության թափանցում է հարազատ ժողովրդի հոգու մեջ, ժողովուրդ, որի պատմությունը անլուր ողբերգությունների մատյան է:

Եթե անցյալի հայ թատրոնում ժողովրդի ճակատագրի ողբերգական մոտիվը իր ընդհանրացված արտացոլումն էր գտնում առանձին ականավոր արտիատների ստեղծագործության մեջ, որ Յու. Յուզովսկուն հիմք տվեց ասելու, թե «Ադամյանի Համլետում կարելի էր տեսնել ոչ միայն մարդու, այլև ազգության կերպարը»², ապա ժամանակակից հայ թատրոնում այդ գեղարվեստական վիթխարի առաքելությունը կարող էր կրել նաև ոեժիսորք: Ի տարբերություն դերասանի ստեղծագործության, ոեժիսորի արվեստում մարդկային տառապանքների աշխարհը բացահայտվում է ոչ թե մեկ կերպարի, այլ ամբողջ ներկայացման ընդհանուր մեկնաբանության մեջ, այսինքն՝ սկզբունքորեն ընդլայնվում է գեղարվես-

1 «Սովետական արվեստ», 1962, № 4, էջ 25:

2 Ю. Юзовский, «Образ и эпоха», «Советский писатель». 1947, էջ 95

տական ընդհանրացման ոլորտը, ուստի և ավելի է բարդանում ներկայացման հեղինակի խնդիրը:

Աճեմյանի աշխատանքը դասական դրամատորգիայի վրա հետաքրքիր է տարբեր առումներով: Սակայն դասական պիեսների աճեմյանական բեմադրությունների ամենահատկանշական կողմը մարդկային տառապանքների աշխարհի ռեժիսուրական ինքնուրույն ու խոր ընկալումն է: Գործ ունենալով մարդկային ապրումներն ամբողջ խորությամբ բացահայտող ճշմարիտ դրամատիկական գրականության հետ, Աճեմյանը հնարավորություն է ստանում լիովին բացահայտելու ռեժիսուրական իր խառնվածքը, ոչ միայն հասնել իր բեմադրած երկրի բարձր մակարդակին, այլև շատ հաճախ հարատացնել դրանք կոնցեպցիոն և գեղարվեստական նոր կողմերով: Ավելին, Վարդան Աճեմյանը, ինքնուրույնաբար ու յուրովի մեկնաբաններով ամեն մի դասական երկ առանձին վերցրած, կարողանում է մշակել ընդհանուր կոնցեպցիոն մոտիվ, որը միավորում է սուր հակասություններով ու խոր տառապանքներով լեցուն անցյալը պատկերող հրա բոլոր բեմադրությունները: Ստորև կհամոզվենք, թե որքան նշանակալից է այդ կոնցեպցիոն առանցքը, որի վրա պահվում է կյանքի և արվեստի աճեմյանական ըմբռնումը:

Դասական պիեսների բեմադրության ռեժիսուրական ընդհանուր կոնցեպցիայի հիմնական գծերը առաջին անգամ նշմարվեցին Լենինականի թատրոնի «Հատակում» ներկայացման մեջ (1932): Գորկու այս բարդ երկին 27-ամյա ռեժիսորը դեմ-հանդիման ելավ հանգամանքների բերումով՝ առաջարկված էր բեմադրել հոբելյանական ներկայացում: Աճեմյանը կամ պետք է կրցներ Գեղարվեստական թատրոնի բեմական ընդունված մեկնակերպը, որ անում էին շատ, նույնիսկ նշանավոր ռեժիսորներ, կամ պետք է փորձեր ինքնուրույն ըմբռնել ու մեկնաբանել Գորկու թերևս ամենափիլիսոփայական պիեսը:

«Հատակում» պիեսի գրեթե անլուծելի բարդությունը, եթե կուգեք՝ հակասականությունն այն է, որ սփոփանքի վնասակար փիլիսոփայությունը պաշտպանելու մեջ մեղադրվող Լուկան դրամա-

տուրգիական և բեմական առումով ուղղակի չի մեղադրվում։ Գեղարվեստական թատրոնը նույնական ժամանակին չկարողացավ հաղթահարել այս բարդ խնդիրը։ Գորկին, ճիշտ է, բարձր գնահատեց Գեղարվեստական թատրոնի ներկայացումը, սակայն անբավարար մնաց Լուկայի կերպարի գաղափարական մեկնաբանությունից, կերպար, որ բեմում գրեթե սրբացված էր։

Կար մի ուրիշ բարդություն ևս։ Ինքը՝ Գորկին, 1932-ին «Հատակում» պիեսի մասին ասել է, թե դա «հնացած է» և որ «մեր օրերում ափոփիչը թատրոնի բեմում կարող է ներկայացվել միայն որպես բացասական հշանակություն ունեցող և կոմֆլեկական դեմք»¹։ Ուրեմն, ինչպես հասկանաք Գորկու այս հայտարարությունը, եթե նկատի ունենանք նաև այն, որ գրողը սովետական շրջանում վերամշակել կամ շտկել է իր գրեթե բոլոր պիեսները՝ «Թշնամիներ», «Վասսա Ժելեզնովա», «Վերջինները», «Զիկով-ներ», «Կենց դրամ», «Ծերուկը», մինչդեռ ամենին ձեռք չի տվել «Հատակում» պիեսին, չնայած բազմից արտահայտվել է այդ գործի մասին։

Այս ամենը «Հատակում» պիեսին դիմող սովետական շատ թատրոնների դրդել է. Լուկայի կերպարը մեկնաբանել փոքր-ինչ ուղղագիծ, մեղադրելով նրան ափոփանքի փիլիսոփալության քարոզի մեջ։ Եվ ամեն անգամ այդպիսի մոտեցման ժամանակ թատրոնն աղավաղել է պիեսի գեղարվեստական ճշմարտությունը, նեռանալով գորկիական գաղափարից։ Լուկայի դերակատարները, ոեժիստների հետ մեկտեղ, աշխատել են գտնել այդ բարի ուխտագնացի մեղքը, բայց ապարդյուն՝ այդպիսի բան չկա Գորկու պիեսում։ Լուկայի «մեղքը» չգտավ, գուցե և չկամեցավ գտնել, այնպիսի վարպետ, ինչպիսին ի. Մուսկվին էր։

Ով տեսել է «Հատակում» ներկայացումը Լենինականի թատրոնում, անշուշտ զարմացել ու հիացել է ոեժիստի իմաստնությամբ. նա երկի գաղափարը բացահայտել էր բոլորովին ուրիշ մոտեցումով, որն այնքան վիճաբանությունների տեղիք տվեց։

¹ М. Горький, «О литературе», №., 1935, № 156 (ընդգծումն իմն է—Ս. Բ.):

Դա հեղափոխական թատրոնի փորձը յուրացրած ժամանակակից սովետական արվեստագետի մոտեցում էր: Հայ ոեմիտը չաշխատեց որոնել առանձին գործող անձանց մեղքերը, որովհետև շարժե մեղավոր ու անմեղ որոնել այն մարդկանց մեջ, ովքեր դաժան կյանքի պայմաններում հազիվ են բարշ տալիս իրենց գոյությունը: Այդ մարդիկ կյանքի հատակն են իշել ոչ իրենց մեղքով: Դրա պատճառները շատ ավելի բարդ են ու ծանրակշիռ: Ուստի ամեն մի գործող անձ իրավացի է յուրովի և միաժամանակ մեղավոր ինչ-որ տեղ: Անեմյանն իր ներկայացումով ապացուցեց, որ Գորկու պիեսի գաղափարը բացահայտվում է ոչ այդ որոշակի բախումներով և ոչ էլ որոշակի գործող անձանց սուբյեկտիվ մեղավորությամբ: Բեմադրիչը համարձակորեն հաղթահարեց կոնցեպցիոն էմպիրիզմը և, արդարացնելով այս և ոչ այլ կերպ վարվող գործող անձանց մարդկայնորեն որոշակի, սուբյեկտիվ դիրքորոշումը, պարսպանքն ուղեց կյանքի օբյեկտիվ պայմաններին, որ հնարավոր են նաև արարքները և թույլատրելի է մարդու նման մեղավորությունը:

Այսպիսի մեկնաբանումը պահանջում էր ներկայացման պոլիֆոնիկ մշակում, յուրաքանչյուր առանձին գործող անձի վարվելակերպի հոգեկան խոր ու ստուգ փաստարկում: Այս դեպքում ներկայացումը անհնար էր լուծել պլակատային հնարանքներով կամ ոեմիտուրական լայն վրձնահարվածներով: Եվ «Հատակում» ներկայացման մեջ Անեմյանի նախորդ աշխատանքների ծավալուն կոմպոզիցիոն բեմավիճակների հետքն անգամ չմնաց: Այստեղ յուրաքանչյուր կերպար մշակված էր որպես ներկայացման ընդհանուր բարդ ընթացքի մեջ ներտառնված գեղարվեստական ամբողջական ինքնուրույն միավոր:

Պոլիֆոնիկ մշակման օրենքները Անեմյանին մղեցին գեղարվեստական այնպիսի նուրբ ու բարդ խնդիրների լուծման, որոնք կապված էին ոչ միայն գործող անձանց վարք ու բարքի հոգեբանական հիմնավորման, այլև այն հանգուցային պահերի հայտաբերման հետ, որ առանձին մոտիվներ միահյուսվում են մի ամբողջի մեջ, ստեղծելով բոլորովին նոր որակ և կոմպլեքսային զուգորդում:



Մարտիրոս Մարյանի հետ՝ Դիլիջանում



1969 p.

Աճեմյանը «Հատակում» ներկայացման մեջ գտավ այդպիսի մի քանի հանգուցային պահեր, որոնց մեջ սինթեզվեց առանձին մոտիվների ուժինորական մշակումը:

Ուժիսորը թանձը ու մոալլ գույներով պատկերեց «հատակի» բնակիչների ծանր առօրյան:

... Տամուկ գիշերօթևանի կիսախավարում հազիվ են նշմարվում ներքնահարկի բնակիչների կերպարանքները: Խնչ-որ անկյունից լսվում է մահամերձ Աննայի հազը: Կլեշը զնզգնգացնում է բանալիներն ու հին կրղպերը: Եվ կրկին մեռյալ լուրջուն: Համր պատկերը խախտվում է Բարոնի փոքր-ինչ- ծորուն ձայնով. «Հետո»: Սա ներկայացումն սկսող բառ չէր միայն: Ուժիսորը ձգտել էր, որ այս առաջին խոսքը հաղորդի «հատակի» մարդկանց կյանքի պատմության մուտքի տրամադրությունը և հնչի որպես մի ձայն, որ պահանջում է շարունակել պիեսի հերոսների ճակատագրի պատմությունը:

Հանդիսատեսի առջև ծավալվում էին մարդկանց կործանման, վերջին հույսների խորտակման պատկերները: Բեմում վհատության ու թախծի տրամադրություն էր տիրում: Ամենուր խավար էր: Եվ այդ խավարով էին պատված նաև բնակիչների հոգիները:

... Սկսվում է ահավոր, ամենօրյա «հետոն», ամենօրյա առավոտը, կեսօրը, երեկոն: Միավար ու ձանձրավի: Խավար, կեղտ, քաղ: Կորսված է ամեն մի մարդկային բան: Մարդիկ ընկդմվել են բորբունած ճահճի հատակը: Կենդանի դիակներ են հրամք— ահա առաջին տպավորությունը:

Բայց ահա Սատին— 8. Ամերիկյանը փիլիսոփայի խոհունությամբ ասում է. «... Երկու անգամ սպանել անհնար է»: Բոլորը սակալում են: Գիշերօթևանի բնակիչներն ասեն փորձում են ըմբռնել այդ խոսքի հմատը... Այո, կյանքն արդեն սպանել է նրանց, և այլև դժվար թե որևէ մեկին ահաբեկի ֆիզիկական մահը:

Կյանքի հատակի այս ամբողջ քատմնելի մթնոլորտը ներկայացման մեջ չափազանց հավաստի էր և ասես ոչ մի բան չէր կարող փոխել այն, նոյնիսկ Սատինի փիլիսոփայական մտորումները: Հանդիսատեսի աչքի առջև մարդիկ տառապում էին, իրենց

կործանում գիտեմոլությամբ, մեռնում հիվանդություններից ու քաղցից: Ոչ մի ելք, ոչ մի լուսի շող: Ռեժիսորը ներկայացման գործողությունն այսպէս էր վարում մինչև այն պահը, երբ հայտընվում էր Լուկան: Իսկ մինչ այդ գիշերօթևանի բնակիչները վիճում ու հայրեցում են իրար, չեն հավատում ոչ մի բանի, չարչրկում են անտանելի տառապանքներում: Գալիս է ուստավոր Լուկան (Լ. Զոհրաբյան), և «լուսավոր» կյանքի, մարմարե պալատների մասին նրա խորամանկ, գեղեցիկ խոսքերը հնչում են որպէս հուսալըված մարդկանց գիտակցությունն օրորոշ, թմրեցնող մեղեդի: Լուկա-Զոհրաբյանն իր քարոզով մի նոր, գեղեցիկ ու վեհացնող, նուրբ ու թմրեցնող շունչ է բերում մարդկային խարված հուսերի այդ աշխարհը: Մինչև Լուկայի մուտքը գիշերօթևանի բնակիչները դեմ էին առել այս հարցին՝ «Իսկ ի՞նչ անել, ո՞րն է ճշմարտությունը»: Եվ Լուկան այն ճամփորդն է, որը հանդիպել է նրանց ճամփարաժնում, ճանապարհ է ցուց տալիս, ամեն մեկին ուղարկում «իր արահետով, սակայն բոլորին՝ նույն ուղղությամբ— դեպի համբերության աշխարհը, «արդար երկիրը»: Շատերն իսկուն հավատում են Լուկային: Գիշերօթևանի բնակիչների մեջ միայն նա է պատրաստի «փիլիխուփան»:

Սակայն Լուկա—Զոհրաբյանը չէր փիլիխուփան, այլ պարզ ու մատչելի շարադրում էր մի այնպիսի ճշմարտություն, որին անհնար էր չհավատալ: Եվ փոխվում էր գործող անձանց բեմական վարվելակերպի ինտոնացիան, «կենդանի դիակները» հետզհետեւ սկսում էին շարժվել, հավատալ ինչ-որ լուսավոր բանի, ինչ-որ փրկության: Ռեժիսորն այս ինտոնացիան հասցնում էր մինչև վերջ, գիշերօթևանի բնակիչներին ստիպում քայլել ու խոսել որիշ կերպ, վերափոխվել: Բաց ամենակարևորն այն է, որ Ամենյանի ներկայացման մեջ Լուկան անկեղծ էր գործում, իրոք ոգում էր օգնել մարդկանց, իրոք բարի էր և չէր կարող վարվել որիշ ձևով, առավել ևս մարդկանց խարելու և ավելի մեծ տառապանքների հասցնելու շար դիտավորություն չէր կարող ունենալ: Սակայն Լուկայի հենց այդ անկեղծ համոզմունքն ու նրան լսողների պարզամիտ հավատն էր, որ ներկայացման մեջ ողբերգական ինտոնացիա էր բերում: Երբ անհետանում է Լուկան և պարզվում է, որ

փրկություն չկա, այդ ամբողջ ալեկոծ հուզար փլչում է մարդկանց վրա, և նրանք չեն կարողանում դիմանալ անկմանը, որ այս անգամ արդեն անասելի բարձունքներից է: Եվ այստեղ այնքան Լուկան չէ մեղավոր, որքան ինքը՝ կյանքը, որ ծնունդ է տվել և՛ Լուկային, և՛ Սատինին, և՛ Կլեշչին, և՛ Դերասանին, և՛ Պեպելին, և՛ Վասիլիսային, և՛ Կոստիլյովին, և՛ Բուրնովին: Լուկան մեղավոր է այնքան, որքան նրան հավատացող Դերասանը:

Այսպիսի պատկեր ունի «կյանքի մեղավորության և առանձին մարդկանց անմեղության» կոնցեպցիան, իսկ եթե ավելի ճիշտ արտահայտվենք՝ անմյանական կոնցեպցիայի էությունը կարելի է բնորոշել այսպես. «սոցիալական կյանքի մեծ չարիքից ծնվում է գործող անձանց փոքր չարիքը»: Սովորաբար շեշտը դնում են առանձին մարդու այս փոքր չարիքի վրա, բայց ճիշտ է դա արդյոք: Պետք է որոնել մարդկային տառապանքների ակունքները, որոնք միշտ ել պայմանավորված են շրջապատող կյանքով:

Հետագայում, դասական դրամատորգիայի վրա աշխատելիս, Անեմյանը ճշգրտեց ու խորացրեց «կյանքի մեղավորության և առանձին մարդկանց անմեղության» այս մեկնակերպը: Եղան նաև մասնակի շեղումներ, բայց դասական պիեսների բեմադրությունների նրա առաջատար փիլիսոփայական թեման եղավ «Հատակում» ներկայացման մեջ բացահայտված կոնցեպցիոն մոտիվը:

Նախքան Անեմյանի մոտ ներկայացումներին անցնելը, դեռ պետք է կանգ առնել դասական պիեսների բեմադրությունների ոճի հարցի վրա: Եթե կոնցեպցիոն տեսակետից դասական պիեսների ներկայացումները միավորվում են փիլիսոփայական ընդհանուր մոտիվով, ապա գեղարվեստական ոճով նրանք խիստ տարբերվում են իրարից: Ժամանակին գոյություն ուներ մի տեսություն, ըստ որի հոգեբանական թատրոնի ներկայացումները գեղարվեստորեն նույնանիշ են: Այս տեսության ներկայացուցիչներից է նաև Անեմյանը: Ռուս ռեժիսոր Ֆլորիդ Կոմիսարժնեավիճ՝ անզուգական Վերա Կոմիսարժնակայալի եղբայրը, այդ երևոյթը բնութագրում է այսպես. «Հոգեբանական թատրոնն իր կենսական մանրամասնումով տարբեր հեղինակների պիեսները զրկում են նրանցից լորաբանչյուրին հատուկ գեղարվեստական ուրույն ան-

հատականությունից և բոլոր պիեսները ենթարկում է կենսական ընդհանուր հոգեբանական շարլոնին»¹:

Աճեմյանի հետ կարծես հակառակը կատարվեց: Ամբողջ կենսական մանրամասնումով և նոյնիսկ գործող անձանց հոգեբանական վիճակի չափազանց հավատի հիմնավորումով հանդերձ, ներկայացումն ունի իր գեղարվեստական անհատականությունը, որի մեջ արտացոլված են, ավելի ճիշտ՝ ի մի են բերված պիեսի և բեմադրողի գեղարվեստական անհատականությունները: Այս հարցը կարևոր է առանձնապես, եթե խոսքը հայ թատրոնի այն պիեսի խոշոր երևույթի մասին է, ինչպիսին է Աճեմյանի ռեժիսուրան: Մեր ռեժիսորներից շատերն են կարողանում ստուգ հիմնավորել գործող անձանց վարքն ու բարքը, գտնել ճիշտ շեշտադրումներ և կենսական մանրամասեր, սակայն նրանց ներկայացումները քիչ են տարբերվում իրարից, որովհետև չկա ամբողջ ներկայացման գեղարվեստական միաձույլ կերպարը: Ինչպես սովետական ու համաշխարհային թատրոնի փորձն է ցուց տալիս, այս խնդիրն ի վիճակի են լուծելու ժամանակակից ռեժիսուրայի իրոք խոշոր տաղանդները:

Ոչ մի զուգահեռ չի կարելի անցկացնել «Հատակում» ներկայացման և սրանից ուղիղ մեկ տարի անց բեմադրված «Մեր և խարդավանք» ներկայացման գեղարվեստական կերպարների միջև:

Աճեմյանն առաջին անգամ էր դիմում նվիրապական կլասիկային՝ ձեռնարկելով «Մեր և խարդավանք» պիեսի բեմադրությանը: Սա մի շրջան էր, երբ սովետական, այդ թվում նաև հայ, թատրոնում իր գագաթնակետին էր հասել դասականներին «շտկելու» միտումը: Այս հոսանքի ակունքները հասնում էին ոչ միայն դասական ժառանգության վերաբերյալ ուսպանականների դրույթներին, այլև Պոկրովսկու պատմական դպրոցի ըմբռնումներին: Հեղափոխականացվում էին դասական երկի և՛ բովանդակությունը, և՛ ձևը, չտեսնված-չլաված փոփոխություններ էին կատարվում տեքստի մեջ, կցմցվում էին տեսարաններ տարբեր պիեսներից և

¹ Ф. Комиссаржевский. «Театральныя прелюдии», Ե., 1916, էջ 14

ալլն: Հայ թատրոնում այս հոսանքի ամենաբնորոշ դրսւորումը եղավ Ա. Գոլակյանի բեմադրած «Մակրեթը» (1933), որը «զետեղվել» էին տեսարաններ Ծեբապիրի շորս ողբերգությունից, իսկ պիեսի կոնցեպցիան շուր էր եկել ընդդեմ շեքսպիրյան կոնցեպցիայի: Ահա այսպիսի «ֆոնի» վրա Աճեմյանը ձեռնարկեց «Սեր և խարդավանքի» բեմադրությանը, ինչ խոսք, ենթարկվելով ժամանակի հովերին, Աճեմյանը ևս «շտկումներ» արեց Շիլերի դրամայում՝ կրծատելով ու տեղափոխելով առանձին հատվածներ: Բայց նա չէր ելնում գոեթիկ-սոցիոլոգիական դիրքերից, այլ հրբազգաց ու խնամքով «սրբագրում» էր դասական երկը, ներկայացնան մեջ ավելի ցայտուն դարձնելով պիեսի գեղարվեստական կոնցեպցիան՝ մարդկային մաքուր սիրո անմահության իդեան:

Լենինականի թատրոնի ներկայացումը սկավում է ուղղակի Ֆերդինանդի և Լուիզայի հանդիպումից, մինչդեռ Շիլերի դրամայում այդ հանդիպումը տեղի է ունենում առաջին արարի վերջում միայն: Հանդիպման վայրը այնքան էլ որոշակի չէ, թեև հանդիսաւեսը կուառում է, որ Միլերի պարտեզն է դա: Բայց վերջինս փոքրինչ պայմանական-խորհրդանշական տեսք ունի. թափուր բեմի խորքում միայնակ ծառ է՝ բարակ ճյուղերին ճերմակ ծաղիկներ: Հնչում է նորք մեղեդին: Հայտնվում է մեղեդուն ներդաշնակ ճերմակ հագած Լուիզան, ասես ի լրումն ամբողջ առաջին տեսարանի գունային լուծման: Բեթհովենի «Էգմոնտի» ակորդներն անակնեալ և ուժգին հորդում են դահլիճ. մտնում է ֆերդինանդը: Այս պայմանական-խորհրդանշական պարտեզում, հանդիսաւեսի աչքի առջև ծավալվում է մի տեսարան, որի իմաստն ու էռլոյումը սերն է: Ուժիսորը սկզբում ներուներին ներկայացնում է աշխարհից վերացած, մարդկային մաքուր զգացմունքին անձնատուր, որ արտահայտվում է հանդիսավոր ինսունացիալով: Եվ ուժիսորն այդ անում է կոնցեպցիոն նկատառումներից եկնելով: Աճեմյանը կարևոր է համարում հատուկ ընդգծել Լուիզայի և Ֆերդինանդի զգացմունքների մաքուր ու վեհ բնույթը, անջրպետել նրանց շրջապատից, բեմական պատումից, հենց սկզբից ցույց տալ «խոշոր պլանով», հերոսների սերը ներկայացնել որպես ամենագեղեցիկ ու

թամկ գգացումը: Փոխելով հերոսների հանդիպման վայրը, ոեժի-սորը սիրո մոտիվին ավելի սուր է հակադրում բեմում կատարվող դեպքերի ամբողջ ընթացքը, ներկայացումը դաշնակում է որեւ-գական տոնավանությամբ:

Ոեժիստրական նախերգի՝ այդ յուրօրինակ սիրո հիմնի, թե-ման իր պատկերավոր ավարտին էր հասնում ներկայացման ֆի-նալում: Հանդիսատեար վերստին տեսնում էր Լուիզային և Ֆերդի-նանդին միայնակ ծառի մոտ: Այժմ արդեն սիրո դեմ եղած ահա-վոր ոճի ամբողջ ուղին, որ ոեժիստրը ցուց էր տվել սուր ու թա-տերավանորեն ցայտոն, պայթուցիչ ուժ էր հաղորդում եզրափակիչ տեսարանին: Խարդավանքի, խաքեության և սոցիալական անհա-վասարության աշխարհը ճամել է սիրահարներին: Ֆերդինանդի ընկնում է մեռնող Լուիզայի կողքին: Նրա մի ձեռքին մարմրում է մումը, մյուսը սիրած աղջկա կողմն է պարզում: Նրանք կրկին սիրո խոսքեր են մրմնջում, որ վերջինն են նրանց համար: Մենք չենք լսում նրանց, բայց հասկանում ենք: Հետզհետեւ բեմը պատվում է խավարով, միայն Լուիզայի և Ֆերդինանդի միջև առկայծում է մո-մը՝ լուսավորելով իրար հակված նրանց գլուխներն ու գրկախառ-նության պահին քարացած ձեռքերը: Հանդիսավոր մեղեդին հըն-չում է ողբերգական ու խոլ: Թվում է, թե սրանով էլ կարելի էր ավարտել այս հետաքրքիր ու դրամատիզմով հագեցած ներկայա-ցումը: Սակայն նման ֆինալը չէր համապատասխանի ոեժիստրի կոնցեպցիոն հղացմանը, այլ կհաստատեր մահվան հաղթանակը սիրո հանդեա, մուռ ուժերի հաղթանակը իդեալի հանդեա: Ոեժի-սորը շարունակում է ներկայացումը սեփական ոեժիստրական մի-ջոցներով: Երածշտությունը հնչում է ավելի քարձ ու մաժորային, բեմը հետզհետեւ լցվում է լուսով, և որքան ուժգին է հնչում երա-ժըշտությունը, այնքան լուսն ավելանում է: Ամբողջ բեմը, ամբողջ հանդիսարանը ողողվում են պայծառ լուսով, և ճաճանչազարդ կամարների ներքո հզոր ու հանդիսավոր հնչում է «Էգմոնտի» մե-դեդին: Լուսի և հնչյունների այս ծովում արդեն չեն երևում սիրո զոհերը, նրանք ասես լուս են դարձել ու հնչյուն, սիրո անմահու-թյան հավատ ներշնչելով: Այսպես սիրող սրտերի կործանման ող-

բերգական պատմությունը Աճեմյանի ուժիսորական մեկնաբանությամբ սիրո հաղթական հիմն է դարձել:

Դասական երկի դիմելու առաջին խև փորձից Աճեմյանը խնամքու, ավելի ճիշտ՝ ինաստուն վերաբերմունք ցուցաբերեց անցյալի ժառանգությանը: Նա ոչ այդ տարիներին և ոչ էլ հետագայում չհրապուրվեց դասականներին «շոկելու», «քարեփինիելու» մոդայական հովերով: Կլասիկայի աճեմյանական կոնցեպցիոն ընկալումը հիմնված էր ճշմարիտ գեղարվեստական պրոբլեմների վրա, նա դասական պիեսից «կորզում» էր այնպիսի խնդիր, որը գեղարվեստորեն մնայուն էր և օժտված փիլիսոփայական խորքով: Աճեմյանի աշխատանքներում, որպես կանոն, կոնցեպցիան օրգանապես մարմնավորվում է թատրային ձևի մեջ, նրա համար երեք գոյություն չի ունեցել «մկրատի» հարց ներկայացման հղացումի և ձևի միջև: Դեռ Մեյերհոլդն է ասել. «Վարպետությունն այն է, եթե «ինչը» և «ինչպեսը» համաժամանակ են ծագում»¹: Աճեմյանը ուժիսորական վարպետության այս բարձր աստիճանին տիրապետում է կատարելապես, տիրապետում է, կարելի է ասել, ներշմբոնողաբար, ի ծնե, ուժիսորի բնածին տաղանդի շնորհիվ:

Դասական պիեսների բեմադրությունների մեջ հասուկ տեղ ունեն Աճեմյանի երկու աշխատանքները՝ «Մեծապատիվ մուրացկանները» և «Պաղտասար աղբարը»: Այս ավանդական կատակերգությունները Աճեմյանի ուժիսորական մեկնաբանությամբ ողբերգական հնչողություն ատացան:

«Մեծապատիվ մուրացկաններն» Աճեմյանը բեմադրեց 1934-ին, կենինականի թատրոնում, «Պաղտասար աղբարը»՝ 1954-ին, Գ. Սունդուկյանի անվան թատրոնում: Այս ներկայացումները, որ ասես ուժիսորի գործունեության երկու տասնամյակն են շրջանակում, կրկին ու կրկին ապացուցեցին, որ Աճեմյանը ներքուստ հակված է ողբերգականին, և առավել ևս համոզիչ էր այդ ապացուցը, քանի որ տասնամյակներ շարունակ երկու գործն էլ բոլոր կատարողներն ու ուժիսորները մեկնաբանել են որպես որպահ կատակերգություններ²:

¹ «Новый мир», 1961, № 8, էջ 213:

² Այդ մասին հանգամանորեն տե՛ս Լ. Հախվերդյան, «Կլասիկան և մեր օրերը», Երևան, 1962:

Աճեմյանը «Մեծապատիվ մուրացկանների» թատերական տարբերակին ծանոթ էր դեռ Մոսկվայի հայկական դրամատիկական ստուդիայից, որ Պարոնյանի երկը մեկնաբանվել էր որպես ժամանակակից սատիրա: Բեմադրող Ռուբեն Սիմոնովն այսպես է բացատրում Պարոնյանի պիեսի ընկալումը. «Մեծապատիվ մուրացկաններում» ինչն է, որ իդեոլոգիապես հետաքրքրում էր մեզ՝ ժամանակակից կյանքին համապատասխանելու իմաստով: Դիարկե, ոչ թե այդ պիեսի էպոխայինը ու կենցաղայինը. մենք դիտավորյալ կերպով աչքաթող արինք սրանք: Մեզ համար պիեսի գործողությունը կատարվում է ներկայում: Այսօրվա «Մեծապատիվ մուրացկանները» ամեն ազգության էմիգրանտներն են, ամեն տեսակի բախտախնդիրներ ու շինարար աշխատանքի անընդունակներ, որ հիմա էլ ժամերով նատում են Կ. Պոլիսի, Փարիզի, Բելյինի կաֆեներում՝ «թերև աշխատանք» որսալու կամ անվերադարձ փոխառումներ անելու հույսով: Մեռնող բուրժուազիայի ինտելիգենցիայի վերջին թափթափուկներն են դրանք, հեղափոխությունից փախած այդ ոչ այնքան էլ մեծապատիվ մուրացկանները, որ շատ բան կտային, եթե Պոլսի կաֆեներից մեկում հանդիպեին մի օր Արխոնդում աղայի նման հարուստ իդիոտների: Ահա այս է եղել մեր իդեոլոգիական հիմնական մոտեցումը»¹:

Այս ներկայացման մեջ ուսանող Աճեմյանը սկզբում կատարել է սրճարանի սպասավոր մանջուկի դերը: «Պիտի սրճարանում երաժշտության ուղեկցությամբ փողի ափոցները, դասավորեի աթոռները»,—հիշում է նա²: Հետո Սիմոնովն իր սանին հանձնարարում է քահանայի ավելի պատասխանառու դերը, որը, ինչպես նկարագրում է Աճեմյանը, այսպիս տեսք ուներ. «Եվ ի՞նչ քահանա՝ անմորու, սև ցիլինդրով...: Բեմ մտա փորս ցցած, երաժշտության ոիթմով խաչակնելով ու երգելով»³:

Դժվար չէ պատկերացնել, թե ինչպիսին է եղել Սիմոնովի ստուդիայի այդ ներկայացումը, որը, ի դեպ, 1929-ին ցուցադրվել է Լենինականում: Աճեմյանը, ստուդիական ներկայացման մեծ

¹ «Standart», Մոսկվա, 1924, № 1, էջ 16:

² «Սովետական արվեստ», 1969, № 2, էջ 30:

³ Նույն տեղում:

հաջողությունից հինգ տարի անց ձեռնարկելով «Մեծապատիվ մուրացկանների» բեմադրությանը, փաստորեն, ստեղծագործական բանավեճ էր բացում և Պարոնյանին արդիականացնող իր ուսուցի, և՛ նրանց հետ, ովքեր ամուր կառչած էին հայ մեծ երգիծաբանի դրամատորգիայի մասին հողած ավանդական հայացքներից: Այս համարձակ բանավեճում Աճեմյանը հաստատեց դասական ժառանգության իր ըմբռնումը, հեռու մնալով և՛ «նորարարական» չափազանցումներից, և՛ ավանդականությունից: Սակայն բանավիճելով և հեռու մնալով դրանցից, Աճեմյանը, որպես ճշմարիտ արվեստագետ, հենվում էր և՛ մեկի, և՛ մյուսի վրա:

Ազգային դասական երկի դիմելու առաջին խև քայլից Աճեմյանն, ըստ էլության, հաստատեց «Պարոնյանի թատրոնի», որպես սուր մտքերի, բացառիկ կերպարների, արդիական զուգորդումների, հասարակական մեծ բովանդակություն ունեցող և ողբերգական մոտիվներով հեգնող թատրոնի նոր ըմբռնումը:

«Կյանքի մեջավորության և մարդկանց անմեղության» կոնցեպցիան այս բեմադրության մեջ, ինչպես նաև, ի դեպ, ուժինորի մյուս աշխատանքներում, ուղղագծորեն չէր դրանորվում, այլ բըխում էր ազատ ծավալվող բեմական կյանքից, արտացոլվում էր ներկայացման բոլոր «բջիջներում»— կերպարներում, բեմավիճակներում, մանրամասերում:

Դրամի ամենակործան ուժը՝ ներկայացման այս որոշակի լեյտ-մոտիվը, որ ուժինորը պոլիֆոնիկ մշակման էր ենթարկել, կազմված էր կյանքի հավաստի պատկերների եղանակով լուծված բեմական բազմաթիվ ճգրիտ հատվածներից: Սակայն այս հավաստիությունը գեղարվեստորեն իմաստավորված էր և կառուցված թատերային ցայտուն ձևերով: Ներկայացման գրեթե յուրաքանչյուր տեսարանը ապշեցնում էր ուժինորական հնարանքներով, պատկերավոր մանրամասերով, ինչ-որ հատուկ թատերային շիկացմամբ: Այսպէս, ուկու քակից մեծապատիվ մուրացկանների լիակատար կախումը թատերային-պատկերավոր բացահայտելու համար ուժինորը ոչ միայն «մուրացկաններից» յուրաքանչյուրին առանձին հանդիպեցնում էր Աքիսողոմին և այդ «ինտիմ» հաղորդակցման պահին ծաղրում նրանց, այլև սրճարանի տեսարանում

բոլորին հավաքում էր իրար գլխի և ճիշտ գտնված բեմական մի մանրամասով փառավորապես ավարտում էր «մեծապատիվների» բնութագրումը: Ահա թե ինչպիսին էր ոեժիսորական այդ գլուխը:

Լիովի հյուրափրեղով ամենքին, համոզված, որ զուր չի ծախսել փողերը, Արիստոն աղան ելնում է սեղանի մոտից՝ նա այլս գործ չունի այստեղ: Դուրս գալուց առաջ հանկարծ հիշում է, որ մոռացել է հովանոցը: Եվ նա տիրաբար արտասանում է՝ «շեմշե՛ս»: Սեղանի շուրջը նստած «մեծապատիվները» իրար անցած փնտրում են հովանոցը, ամեն մեկն ուզում է ինքը գտնել ու անձամբ մատուցել տիրոջը: Վերջապես հովանոցը հայտնաբերվում է երկար սեղանի հակառակ ծայրին: Եվ սկսվում է հովանոցի «երթը» սեղանի մի ծայրից մյուսը: «Ազգի ծաղիկը» ձեռքից ձեռք է տալիս Արիստոնի հովանոցը, մեկը վերցնում է երկյուղածությամբ, մյուսը՝ ակնածանքով, երրորդը՝ խոնարհությամբ, չորրորդը՝ շողոմքոր ժպիտը դեմքին... Հովանոցի այդ «երթի», «մեծապատիվների» ստրաբարշ հայացքների ու շարժումների և իր՝ Արիստոնի, հանդուգն ու ամբարտավան կեցվածքի մեջ պատկերավոր արտահայտվում է ներկայացման գաղափար՝ ցայտուն ընդհանրացումով: Ոեժիսորը «մեծապատիվ մուրացկանների» սատիրական բնութագիրը հասցընում է կումինացիայի այնպիսի աստիճանի, որ արդեն բացահայտվում է երևույթի ընկալման մի որիշ աշխարհ՝ ողբերգական ընկալման աշխարհը:

Կոմիկական և տրագիկան գրուեակը՝ Վախթանգովի ուսունքի անկյունաբարը, այս տեսարանում ոեժիսորի կամքով վերածում է առաջատար կոնցեպցիայի՝ «կյանքի մեղավորության և մարդկանց անմեղության» շնորհիվ: Այս տեսարանը միանգամայն պարզորշ առաջադրում է այս հարցը՝ մեղավո՞ր են արդյոք այդ մեծապատիվները, որոնք ատիպված են այդքան ստրանալ, քննել ու մուրալ՝ թերթ կամ գիրք հրատարակելու, մարդկանց ուսուցանելու, ուսանավոր գրելու, նկարելու համար: Սուբյեկտիվ մեղադրանքը դատնում է օբյեկտիվ, որի պատճառով ավելի նշանակալից է հընչում, ծիծառելի ինտոնացիայի մեջ ներխուժում է ողբերգական ինտոնացիա: Այս նորուն առանձնապես պարզորշ և ուժգին է հընչում ներկայացման ֆինալի ոեժիսորական լուծման մեջ:

Արդեև փառքի ու հարստության գագաթին հասած, իր պատկադրության առիթով աղքատներին ողորմություն բաժանող Աքիստոն աղային է մոտենում վերջին «մեծապատիվ մոլոացկանը»՝ Դերասանը: Հարուստից մի ոսկեդրամ և բազմաթիվ վիրավորանքներ ստանալով, Դերասանը տեսնում է, թե ինչպես է Աքիստոնը աղքատներին դրամ բաժանում, ասես ողբալով՝ «ինչո՞ կմորաք»: Այսքան պարզ ու այսքան բարդ, այսքան հասարակ ու այսքան անհասկանալի հարցը մի տեսակ պահեցնում է Դերասանին: Մեն-մենակ կանգնած եկեղեցու աստիճաններին, Դերասանը ներքին ցավով կրկնում է՝ «ինչո՞ կմորաք»: Այս հարցը կախված է մնում ֆինալում, մնում է անպատասխան, ողբերգականորեն եզրափակելով մեծապատիվ մոլոացկանների «զավեշտական» պատմությունը: Եվ իրո՞ք մեղավոր են այդ «մոլոացկանները»: Մինչ այդ «Մեծապատիվ մոլոացկանների» ոչ մի ներկայացման մեջ նման հարց չէր ծագել: Անեմյանն առաջինն էր, որ հավատարին հեղինակի մտահղացմանն ու նպատակին, այդ ծիծաղելի մարդկանց աշխարհը դիտեց ողբերգական տեսանկյունից: Ընդ որում անպայման պետք է ընդգծել, որ ողբերգությունը հնչում էր ոչ թե առանձին մարդկանց անձնական ապրումներում, այլ զավեշտական պատմության բոլոր մասնակիցների սոցիալական ընդհանուր վիճակի մեջ:

Անեմյանը վարպետորեն ընդլայնում է դասական երկի աշխարհը: Այդպես եղավ նաև Ա. Շիրվանզադեի «Պատվի համար» դրաման բեմադրելիս:

Անեմյանի ուժիսորական տաղանդը, որ աճեց ու զորացավ Լենինականի թատրոնում տասնամյա զարմանալի արգասավոր աշխատանքի ընթացքում, այլև չէր պարփակվում երկրորդ պետրատրոնի շրջանակների մեջ: Անխոսափելի էր ուժիսոր Անեմյանի հանդիպումը հանրապետության առաջատար թատրոնի կողեկատիվի հետ, որը, իր հերթին, պահանջ ուներ այնպիսի չափ ու կշռի տեր ուժիսորի, ինչպիսին Անեմյանն էր: Առաջին նշանակալից հանդիպումը եղավ 1939-ին, երբ Անեմյանն իրականացրեց «Պատվի համար» պիեսի բեմադրությունը, որի նշանակությունը

դուրս է գալիս մի բեմադրության, ճույնիսկ մի խոշոր թատրոնի հաջողության սահմաններից:

Հայ դասական դրամատուրգիան, որ առանձին կերպարների բացառիկ մարմնավորողներ էր ունեցել, այժմ գտել էր խորաթափանց մեկնաբան-պոլիֆոնիստի, մեկնաբան-ռեժիսորի: «Պատվի համարի» աճեմյանական մեկնաբանության շնորհիվ «Շիրվանզադեի թատրոն» հասկացությունը փոխվեց ու նոր կերպարանք առավ¹:

Աճեմյանի բեմադրությունից առաջ Շիրվանզադեի այս պիեսը բազմաթիվ ռեժիսորներ բազմից բեմադրել էին հայ թուրքում: «Պատվի համարի» բեմական ըմբռնման գագաթ դարձավ Արելյանի դասական կատարումը, որ համակողմանի բացահայտեց Էլիզբարովի հավաստի ու ինքնատիպ աշխարհը: Բայց սա մի ամբողջ աշխարհ էր մեկ մարդու մեջ: Աճեմյանը խնդրին մոտեցավ ուրիշ կողմից, մարդուն բացահայտելով իր ապրած աշխարհում: Առա յեւ ինչու Աճեմյանի բեմադրության մեջ սկզբունքորեն փոխվեցին Շիրվանզադեի պիեսի գաղափարական սանհմանները: Ռեժիսորը ներկայացման գործող անձանց առանձին-առանձին աշխարհից կազմեց մի մեծ աշխարհ, որը ապրում էին այն գործող անձինք, որի հետ բախվում էին նրանք, հաղթում կամ կործանվում: Ոչ յեւ մարդն էր իր կամքը թելադրում այդ աշխարհին, այլ ինքը՝ իրականությունն էր աննկատ շարժման մեջ դնում մարդու կամքը: Շեշտերի տեղերը փոխելով, Շիրվանզադեի դրաման սոցիալական գլխավոր առանցքի շուրջը դարձնելով, Աճեմյանը հրաժարվեց առանձին մարդու «մեղավորության» ավանդական մեկնակերպից և հաստատեց իր ստեղծագործության գլխավոր կոնցեպցիան՝ մեղավոր է բուն սոցիալական միջավայրը: Վերջինս, ռեժիսորի պատկերացմամբ, բարդ է ու բազմազան, անզուծելի հակասություններով լի: Աճեմյանը ներկայացման միջավայրը պատկերեց հոգեբանորեն հավաստի, թատերայնորեն ցայտուն՝ առավել ընդգծելու համար իր առաջատար միտքը—այդ աշխարհում մարդկային երշանկություն չկա և չի կարող լինել, քանի որ բուն

1 Այս մասին տես՝ Լ. Հախվերդյան, «Կլասիկան և մեր օրերը», Երևան, 1962:

իրականությունը, նրա օրենքները մարդուն դարձնում են դաժան, անհոգի, կամազորիկ, թեթևաբարո, ճակատագրքն իլու և անզոր:

Ներկայացման ռեժիսորական յուրօրինակ մեկնաբանությամբ, միջավայրի «մեղավորության» թեման բեկվում էր երաժշտական ձևավորման մեջ. ներկայացման սկզբում լսվում էին դաշնամուրային վարիացիաներ՝ անկիրք ու ձանձրալի: Ռողալիայի նվազն էր դա: Ներկայացման ավարտին, երբ արդեն կատարվել էր աղետը, նոյն վարիացիաները հնչում էին նույնաքան անկիրք ու ձանձրալի, ասես ոչինչ չէր փոխվել: Երաժշտական այս «աքցանը» պետք էր ռեժիսորին՝ բեմուն ստեղծված կյանքի ընդհանուր տոնայնությունը որոշելու համար: Առանձին գործող անձանց անհատական մեղքը չվերացնելով, Աճեմյանը ձգտում էր ցուց տալ այն զապահակը, որ մարդկանց մեղավոր էր դարձնում: Այսպիսի համարձակ ընդհանրացումը պահանջում էր ռեժիսորական նոր հնարանքներ՝ խուսափելու համար կերպարների միակողմանի և ուղղագիծ մեկնաբանումից: Ռեժիսորը յուրաքանչյուր գործող անձի մեջ՝ առանձին վերցրած, և բոլորի փոխհարաբերություններում սկսեց որոնել նրանց արարքների համոզիչ արդարացումը, ամենքի արդարացումը, որպեսզի կարողանար դատապարտել այդ մարդկանց ծնող բուն իրականությունը:

Ռեժիսորական մեկնաբանությունը, բնականաբար, ամենից առաջ արտահայտվում էր ներկայացման գլխավոր հերոսի՝ Էլիզարովի կերպարում, որ մարմնավորում էր հանճարեղ Հրաշյա Ներսիսյանը: Հայտնի է, որ Էլիզբարով—Արելյանը, բախվելով շրջապատին, դաժանորեն հաշիվ էր տեսնում բոլոր նրանց հետ, ովքեր կանգնում էին նրա ճանապարհին, չվախենալով խոճի խայթից, զղաղու մասին գաղափար անգամ չունենալով: Դա տիպիկ ասիացի բոնակալ էր՝ ահավոր իր վրեժմնդրությամբ ու դաժանությամբ: Արելյանը լիովին մերկացնում էր Էլիզբարովին, բացահայտելով կերպարի էռթյունը: Աճեմյանի ներկայացման մեջ Էլիզբարով—Ներսիսյանը, չթուլացնելով բախումը շրջապատի հետ, հստուկ ընդգծում էր հոգեկան հակասությունները՝ ասես իր արարքների արդարացումը գտնելու համար: Ամենակարևորն այն է, որ Ներսիսյանի Էլիզբարովը դրա հետևանքով դատնում էր ոչ պակաս

ընչաքաղց կամ վտանգավոր: Բոլոր թատերախոսները գրել են, թե արտիստն ատեղծում է ահավոր գիշատիչ շահամոլի տիպ: Սակայն Էլիզբերովը Աճեմյանի ներկայացման մեջ միայն ասիացի չեր, այլև, ինչպես նրբորեն նկատել է Ստեփան Զորյանը, դասնում էր ընչաքաղցի համապարփակ կերպար: Այսպիսով, յորպանչություր առանձին կերպարում, գործող անձանց որոշակի արարքներն արդարացնող նորանոր գծերի ու մանրամասների կուտակմամբ, ոեժիսորը վրձնում էր շահամոլության սոցիալական խոր արմատները ցուցահանող բեմական վիթխարի մի կտավ:

«Պատվի համար» ներկայացման գեղարվեստական ոճը խիստ տարրերվում էր «Մեծապատիվ մուրացկանների» ոճից: Այն, ինչպես ճիշտ նկատել է «Կլասիկան և մեր օրերը» գրքի հեղինակ Լևոն Հայսվերդյանը, մոտենում է դրամայի վիպականացման սկզբունքին:

«Պատվի համարը» մի անգամ ևս ապացուցում է, որ ոեժիսոր Աճեմյանի համար գոյություն չունեն դասական պիեսի ներկայացում կառուցելու պատրաստի կանոնները: Ուեժիսորի յորպանչություր նոր բեմադրության ձևը ծնվում է նրա գաղափարական հղացումից, ենթարկվելով ուեժիսորական մեկնաբանությանը:

Թատերային թովիչ գունեղությունը, ընդգծված բեմական պայմանականությունը և գործող անձի արարքի հոգեբանական խիստ հավաստի հիմնավորումը սուկ ծայրահեղ արտահայտություններ են թատերական արվեստի նկատմամբ ուեժիսորական միասնական հայացքի, որի մի բևեռում ցայտում ու հորիրատում է վարպետությունը, իսկ մյուս բևեռում թանձրանում են մարդկային ապրումները: Ընդ որում, բեմում մարդկային տառապանքների ցուցադրությունը Աճեմյանի համար երբեք էլ ինչ-որ մեկուսի, գտնված ձևից ու թատերավնության օրենքներից դուրս բան չէ: Երբեմն ներկայացման ձևը լինում է ցայտուն, ընդգծված թատերային, նույնիսկ չափազանց պայմանական, բայց դա չի խանգարում, որ բեմական պատումը հոգեբանորեն պատճառաբանված ու հավաստի լինի, ինչպես նաև պատումի ամենաբնական եղանակը Աճեմյանի ներկայացումները չի գրկում թատերային վառ ձևերից:

«Ժայռը» ներկայացման բնական, գրեթե փաստագրական ոճը

ճշմարիտ թատերային, մանրանուրք հոլկված ձև ունի: «Ժայռի» թատերայնությունը ելնում է ուժիորական կոնցեպցիայից, որի պատճեն է բնորոշում Գր. Բոյաջիկը. «Այդ ներկայացման ատեղծագործական ոգեշնչող գաղափարը գյուղացիության ողբերգական ճակատագրի գաղափարն է: Հենց այդ թեման է դարձել գործողության կենտրոնը, և գյուղացիների կերպարների շուրջը ուժիորը հմտորեն կանգնեցրել է երկու հակառի կերպար՝ չարամիտ ու ագահ Գրիգոր աղան և առաջադիմական հայացքների տեր երիտասարդ իրավաբան Ալեքսանդրը: Բայց, պայքարի մեջ մտնելով, այդ երկու կերպարները չեն դարձել ներկայացման կենտրոնը: Կենտրոնական տեղը, իրավամբ, գրավել են երեք հայ գեղջուկներ, քանի որ պայքարը տեղի է ունենում հանուն կամ ընդդեմ ժողովրդի»¹:

Ուժիորական այս կոնցեպցիայում մարդու տառապանքների թեման վերաճում է ավելի լայն ու ծավալուն՝ սոցիալական դասի տառապանքների թեմայի: Սոցիալական առանցքի շուրջը պիեսի գաղափարի շրջադարձը կատարվել էր գեղարվեստորեն հուրը ու հմուտ, այնպես, որ մեծ ու հշանակալից միտքը բացահայտվել էր ճշմարիտ թատերային ձևով, այսինքն՝ գեղարվեստորեն համոզիչ:

«Ժայռի» ուժիորական դիրքորոշումը Վ. Կոմիսարժենակին անվանել է «ճշմարտության անվեհերություն»: Մուկվայում ներկայացումը քննարկելիս, բնուրագրելով գեղջուկների կերպարները, Վ. Կոմիսարժենակին ասել է. «Հայաստանի խոլ վայրերից այս ներկայացման մեջ են եկել հավաստի գեղջուկներ: Ինձ թվաց, թե նրանք լեռներից ու դաշտերից էին բեմ եկել: Նրանք բարի լավ ինաստով ոչ-թատերային էին, այն աստիճան ոչ-թատերային, որ ստիպում էին հիշել խոպական կիմեմատոգրաֆիայի նվաճումները: Նրանք բացարձակապես կենդանի մարդիկ էին, ստեղծված, ինչպես Վ. Ն. Պլուշեկը նկատեց, մեծ սիրով, մեծ հավասարությամբ: Սակայն այստեղ էլ էր առաջ գալիս այդ «ճշմարտության անվեհերությունը», քանի որ դաշտերից ուղղակի բեմ եկած այդ մարդիկ զերծ էին որևէ կեցվածքից, որևէ զարդարանքից: Թատրոնը

¹ «Գրիգոր Բոյաջիկը պատմում է թատրոնի մասին», ՀԹԸ, Երևան, 1969, էջ 50:

չէր վախեցել այդ հասարակ մարդկանց ցուցադրել նրանց սոցիալական ճակատագրի ամբողջ բարդությամբ»¹:

Վ. Կոմիսարժենսկին, ինչպես նաև Վ. Ն. Պլուշեկը, Գ. Ն. Բոյաջիկը, Ի. Վ. Վասիլկը, բարձր գնահատեռով «Ժայռի» ուժիսուրական մշակումը, շատ ճիշտ է նկատել, որ Աերկայացման ոճը դրդում է հիշել իտալական կինեմատոգրաֆիայի նվաճումները: Ինհարկե, խոսքը ձևերի արտաքին նմանության մասին չէ: Անենանը «Ժայռը» բեմադրել էր 1944-ին, երբ իտալական նեռուեալիզմը նոր-նոր էր ստեղծվում և մեզ մոտ ոչ մի պատկերացում չունեին ժամանակակից կինոարվեստի այդ հոսանքի մասին: Կարևոր է ուժիսորի արվեստի առնական պարզությունը: Վերջինս հնարավորություն էր ընձեռում Աերկայացման կոնցեպցիան կառուցել այնպես, որ հեռու լիներ և՛ նեղ միտումնավորությունից, և՛ գեղարվեստական օբյեկտիվիզմից:

Մարդու տառապանքների թեկուց և գեղարվեստական վառ պատկերացումն ինքնին շատ բան չի ասում: Ուժիսորը փորձում է հասնել մարդկային տառապանքներին, հայտնաբերել դրա խորունկ պատճառները: Ահա թե ինչո՞ւ ուժիսորն իրեն թույլ չի տալիս միտումնավոր լինել տառապանքների նախապատճառները վերլուծելիս, այլ ցանկանում է հասնել իսկական ակոնքներին: Հենց այդ պատճառով էլ «Ժայռ» Աերկայացման կերպարները լուծված են «ճշմարտության անվեհերության» եղանակով, հենց այդ սրածառով էլ իդեալականացված չեն գեղջուկների կերպարները, ինչպես և հախուն չի ժխտվում Գրիգոր աղայի մարդկային տիպը, որի մասին նույն Վ. Կոմիսարժենսկին ասել է: «Ե՛վ թատրոնը, և դերասանը չեն երկնշում այս կերպարը օժտել դատեր նկատմամբ վիթխարի սիրով, թենի նա ենթարկվում է թատրոնի գաղափարական դատաստանին, թատրոնի գաղափարական գնդակահարմանը: Եվ այնժամ առաջ է գալիս ոչ թե օբյեկտիվիզմ, ո՛չ, ստեղծվում է արվեստի ծավալայնություն, ճշմարտության անվեհերություն: Եվ սա կարևոր է սկզբունքորեն»²:

1 Գ. Սոնդուկյանի անվան թատրոնի Աերկայացմանը նվիրված ստեղծագործական հանդիպման ազագություն, 1956, 8 հունիսի, Համառուսական թատերական ընկերություն, Մոսկվա:

2 Նույն տեղում:



Վ. Անեմյան—թովմաս (աջից՝ առաջինը) «Ատամնաբույժն արևելյան»: 1928
Լենինականի դրամատիկական թատրոն



Վ. Անեմյան—Գուլաշին (աշխց առաջինը). «Մանդատ», 1929
Լենինականի դրամատիկական թատրոն

«Ժայռ» ներկայացման ժողովրդական գիծը բեմադրության գլուխարվեստական ամենաբնորոշ կողմն է: Եվ ոչ միայն այն պատճառով, որ իր բեմական երկար կյանքում «Ժայռը» երբեք այդպիս չէր մեկնաբանվել: Վարդան Աճեմյանն ստեղծեց սոցիալական լայն կտավ, որի վրա հայ գեղջուկները պատկերված են խոշոր վարպետի վրձնով, կյանք են առել ուժիսորի երևակայությամբ: «Ժայռ» պիեսի գրեթե միշտ աննշմար գեղջուկները Աճեմյանի մշակմանը դարձան ներկայացման կենտրոնական գործող անձինք, ամբողջ բեմադրության գաղափարական ու գեղարվեստական կենտրոնը: Սա էլ հենց հիմք տվեց Գ. Բոյաջիկին ասելու. «Այս ներկայացումը հետաքրքրական է հաև այն առումով, որ «Ժայռում» ժողովրդի ողբերգության թեման արձագանքում է տոլատոյական գեղջկական կերպարներին և այս ներկայացման երեք գեղջուկներն ինչ-որ բանով եղբայրակից են «Լուսավորության պտուղների» երեք հլուսակալոր գեղջուկներին»¹:

Եթե հանձինս Աճեմյանի «Երկիր հայրենի» ներկայացման հայ սովետական թատրոնը ձեռք բերեց ժողովրդա-ներոսական դրամա, ապա հանձինս «Ժայռի», կարելի է համարձակորեն ասել, մեր թատրոնը տեր դարձավ ժողովրդա-սոցիալական դրամայի, որ ուժիսորը մշակել էր գեղարվեստական անհերքելի հավաստիության ոճով:

Սակայն սրանով չի սահմանափակվում «Ժայռի» նշանակությունը. այստեղ բյուրեղացել է Աճեմյանի ուժիսորական մտածողությունը, նրա գաղափարական խոր ու ինքնուրույն ըմբռնումը մարմնավորվել է բեմական ամենապարզ, թափանցիկ լինելու չափ պարզ ձևերում: Պատահական չպետք է համարել այն փաստը, որ «Ժայռը» Աճեմյանի ամենաերկարակայաց ներկայացումը եղավ (1954-ին բեմադրությունը նորոգվեց և ահա արդեն քառորդ դար է, ինչ շարունակում է իր բեմական կյանքը):

«Ժայռում» եռահագին ի մի բերվեց ու խստացվեց Աճեմյանի ուժիսորական տաղանդի պարզ ու վճիռ էությունը, թեև բեմավիճակների ներքին սխեման, ներկայացման ամբողջ պարտիտուրը

¹ «Գրիգոր Բոյաջիկը պատմում է թատրոնի մասին», էջ 52:

չափազանց բարդ են: Ռեժիսորը պարզության է հասել մեծ աշխատանքի, յուրաքանչյուր գործող անձի վարվելակերպը մինչև վերջ հիմնավորելու շնորհիվ: Հատկանշական է, որ ներկայացման նկարչական ձևավորումը նույնպես (նկարիչ՝ Մ. Սվախչան) համապատասխանաբար պարզ է ու վճիռ: Մ. Սվախչանի ձևավորումներին հատուկ ցայտուն թատերավեճունը և համարձակ պայմանականությունը «Ժայռում» փոխում են իրենց բնույթը և, ինչպես նկատում է Լ. Խալաթյանը, «պատեղ թատերական պայմանականությունը տեղի է տալիս, կամ ավելի շուտ, փոխարինվում է մեծ ճշմարտությամբ, պրետական շնչով, որը ծառայում է երկի ներքին բովանդակության բացահայտմանը, նպաստում հեղինակային և ուժիսորական մտահղացման խորն ու գունեղ բեմականացման գործին»¹:

«Ժայռի» ինչպես ուժիսորական, այնպես էլ դեկորատիվ մշակման մեջ կենցաղային հավաստի լուծումը հասնում է ներկայացման սոցիալական կարևորությունը հաստատող խոր կոնցեպցիայի: Ահա ինչպես է Ե. Լուցկայան բացատրում «Ժայռի» նկարչի սկզբունքը. «Այն ամենը, ինչ նկարիչը բեմ է հանել, ներթափանցված է անցյալ դարի վերջի Հայաստանի սուր, ես կասեի՝ սոցիալապես ստուգգ գգացումով: Առաջին պատկերի լուսավոր, ասես օդով ողողված ինտերյեր՝ գորգի վառ բծերով ու պատշգամբի խայտարիետ ապակիներով, ծաղկափթիթ պարտեզի վրա լայն բացվող պատուհանով,— բնակիան ու օրգանապես գոնված միջավայր է, որ մերժ ներդաշնակում է լուսառատ ու բերկրապի տեսարաններին, մերժ սուր հակադրվում կատարվող դեպքերի մոայլ տրամադրությանը:

Նկարիչն առանց երկարաբանության գտնում է այդ ինտերյերի և Գրիգոր աղայի բնակարանի հակադրությունը: Այստեղ նույնպես դրսում շողում է վառ արևը, բայց չի կարողանում ներս թափանցել վարագուրված փեղկերից, երա շողերը կանում են կարմրաշագանակագույն անիազ պատերը, թույլ ու դողդոշուն ցոլքնը երկրաչափորեն գետեղվում են կանոնավոր դասավորված իրերի

1 Է. Խալաթյան, «Մելիքսեթ Սվախչան», էջ 21:

վրա, և զվարթ ու կենդանի լույսը խեղդվում ու մարմրում է քաղքենական գորշության և տաղտուկի մի ինչ-որ անտեսանելի պատյանում»¹: «Նկարիչը ելակետ էր ընդունել ուժիսորական մշակման ոճը, որը հավաստի կենցաղայինից տարանջառում, ավելի ճիշտ՝ կորզում էր հիմքում մարդկային տառապանքների թեման ունեցող խոր ու նշանակալից գեղարվեստական միտքը: Այստեղ տառապում են ամենքը՝ գեղջուկները, երիտասարդ փաստաբան Ալեքսանդրը, ճրան սիրող Թերեզը՝ Գրիգոր աղայի դուստը, տառապում է և ինքը՝ գյուղական բռնակալը: Ու թեև տարբեր են «Ժայռի» գործող անձանց տառապանքների պատճառները, այնուհանդերձ, ուժիսորն այդ տառապանքների բեմական արտահայտությունը ծայր աստիճան խորացնում է, ինչպես ընդհանրապես Անեմյանն է կարողանում իր լավագույն աշխատանքներում ծայր սատիճանի հասցնել և՝ գործող անձանց գործողությունների հոգերանական ազդակները, և՝ բեմական արտահայտչականությունը: Եթե Անեմյանի այս «ամենամույլ» բեմադրությունը համեմատենք նրան ամենալուսառատ՝ «Տաներկուերորդ գիշերը» ներկայացման հետ, ապա կարող ենք ասել, որ առաջինում ուերկինմ է հնչում, վերջինում՝ օրատորիա, առաջինը հիշեցնում է Թեմբրանդուի, վերջինը՝ Ռուբենսի գեղանկարչական ոճը: Նույն՝ 1944-ին բեմադրված «Տաներկուերորդ գիշերն» ու «Ժայռը» Անեմյանի ուժիսորական յուրօրինակ մանիֆեստներն էին՝ իրենց մեջ խոսցրած թատրոնի խոշոր վարպետի տաղանդի հակադիր կողմերը:

Վարդան Անեմյանի հաջորդ աշխատանքներում ավելի ու ավելի հերկատելի է այս երկու փայլուն, դարակազմիկ նշանակություն ունեցող աշխատանքների ինսունացիաների օրգանական փոխներափակման միտումը:

Այսպես, արդեն «Կրենչինսկու հարսանիքում» (Լենինականի թատրոն, 1946) այդ միտումն արտահայտվեց միանգամայն որոշակի: Հայ թատրոնում Ս. Սովոտվու—Կոբիլինի այս պիեսը բեմադրվել է մի քանի անգամ և բացառապես սատիրական մեկնարանություն ստացել: Այս միտումը լիակատար հնչողության հասցրեց և. Քաղանթարը Երևանի բանվորական թատրոնի իր բեմադրու-

¹ «Teatr», 1951, № 1, էջ 95:

թյան մեջ (1935 թ.): Այստեղ մեկնաբանության ուղղագիծ բնույթը թարցված չէր, ուժիսորն ու Ակարիչ Մ. Արուտչյանը թատերային վառ ձևերով ընդգծել էին իրենց վերաբերմունքը Աերկայացման գործող անձանց նկատմամբ: Խիստ պայմանական լուծված դեկորատիվ մեջ կային հսկայական խաղաթղթեր, որոնք խորհրդանշում էին Կրեչինսկու և Ռասպլուսի բարոյական հավատամքը:

«Կրեչինսկու հարսանիքի» բովանդակությունը մի որիշ դիտանկությունից էին բացահայտել Վ. Անեմյանն ու Մ. Սվախչյանը, որոնք կարողացել էին խուսափել ուղղագիծ մոտեցումից և թասերայնորեն ծայրահեղ ցցուն պայմանականությունից: Ուժիսորի գիսավոր խնդիրը դարձավ Աերկայացման ոչ միայն կրներես գործող անձանց, այլև նրանց ծնող սոցիալական միջավայրի մերկացումը: Ուժիսորն ինչ-որ շափով «պաշտպան» էր կանգնել հերոսներին՝ սոցիալական միջավայրը ավելի համարձակ ու լիակատար պատկազերծելու համար: Եվ հենց այդ պատճառով էլ կատարողներն իրենց դերերին մոտենում էին ոչ թե «դատախազական», այլ «փաստաբանական» դիրքերից: Նկարիչը, ուժիսորի հղացմանը հետամուտ, բեմում ստեղծեց ինսիմ միջավայր, բեմն «առանձնացրեց» հանդիսաբարձից «չորրորդ պատով», որպեսզի ոչ մի բան չխանգարեր դեպքերի բնական ընթացքին, գործող անձանց վարք ու բարքին: Պատումի նման ոճը թեկադրված էր Աերկայացման գաղափարական կոնցեպցիայով՝ դեպքերն ու դեմքերը Աերկայացման բնական զարգացման մեջ, առանց ավանդական միջամտության, որպեսզի մինչև վերջ հասկանալի լինեն բեմական անցույթարձը շարժման մեջ դնող գապանակները: Նկարիչը շատ սրամիտ հնարանքով էր հասել իր նպատակին: Առ ձախ կողիսների մոտ տեղադրված հայելու մեջ պատկերել էր իբր բեմը հանդիսաբարձից ծածկող «չորրորդ պատի» արտացոլումը: Ընդհանրապես ամբողջ կահավորանքն ու միջավայրը այնքան բնական էին, որ ասես ոչ մի թատերական դեկոր էլ չկար: Լ. Խալաթյանը ճիշտ է նկատում: «Զևավորման ամենամեծ արժանիքն այն էր, որ Սվախչյան նկարիչը Աերկայացման մեջ անհկատելի էր մնում: Հանդիսականը երբեք Սվախչյանի դեկորները չէր ընկալում ամեկանի բեմադրության ընդհանուր մտահոգումից: Սվախչյանի նույնիսկ ամե-

նախիզական էքսպերիմենտները աչքի չեն գարնում, որովհետև դրանք ևս օրգանապես ձուլված են ներկայացման ընդհանուր ոճի, ուժիստորի նույնամաս մտահղացումների հետ»¹:

Հենց այդպիսին էր նաև ուժիստորի դիրքավորումը: Ներկայացման թատերախոս Ս. Արաքամանյանը գրում է. «Դիտարկվող բեմադրության մեջ դերասանական անսամբլը, ուժիստորն ու նկարիչը հանդես են գալիս օրգանապես այնքան միաձոյլ, որ նրանց անհնար է բաժանել, դիտել մեկուսի, որպես ինքնական միավոր:

Վարդան Աճեմյանի ուժիստորական խորացափանց միտքը, ստեղծագործական հնարամտությունը դերասանական խաղի օրգանական էությունն են դարձել: Ուժիստորը կա և միաժամանակ առևս բոլորովին էլ գոյություն չունի: Նա անշուշտ կա, քանի որ մենք դիտում ենք ներդաշնակ, լրջմիտ ու վառ բեմականությամբ հագեցած ներկայացում, և չկա ուժիստորը, քանի որ ոչ մի տեղ աչքի չի գարնում, չի շեշտվում նրա ներկայությունը»²:

Ուժիստորն ամեն ինչ ենթարկել էր այն բանին, որ ներկայացման գործող անձանց կյանքին հետևի «բանապատճենք»: Միայն ամենադրամատիկական պահերին, խորտակելով «չորրորդ պատը», ուժիստորը գործող անձանց բերում էր նախարեմ՝ նրանց ամենածածոկ մորերը հաղորդելու համար: Հատկանշական է, որ դերասանների ելքը հախարեմ չէր խախուս պատուի ինսիմ բնույթը, ընդհակառակն, ասես ներուսների աշխարհը բացահայտում էր խոշոր պլանով: Օրինակ, Ռասալյոնիը հաճախ էր հայտնվում նախարեմում: Խոշոր պլանի այս պահերը անհրաժեշտ էին ուժիստորին՝ տրագիկումներին եղանակով մեկնաբանված գործող անձի ապրումները հաղորդելու, այսինքն՝ ընդգծելու համար ոչ միայն Ռասալյոնի «մեղավորությունը», այլև մարդկային ապրումները:

Ուժիստորը առիթը բաց չէր թողնում «արդարացնելու» գործող անձանց արարքները, բաց այս արդարացումները մեղադրանք էին դասնում՝ ուղղված նոցինական կարգերին: Այսպես, երբ Կրեչին-սկու արկածախնդրությունը ձախողվում էր, երբ, թվում է, պիտի կործանվեր ամեն ինչ և լիներ այնպես, որ մեղավոր համարվեին

1. Լ. Խալաթյան, «Մելիքոսի Ավախյան», էջ 31:

2. «Կոմմունիստ», 1946, 28 մարտի:

կոնկրետ մարդիկ և ոչ թե իրականությունը, ոեժխորը թատերական միջոցներով շարունակում էր զարգացնել ներկայացման կոնցեպցիան: Կրեչինսկին, ձեռքին վառվող մոմակալ, հոգված ու երկրութած ելնում էր նախարեւմ: Եթե այստեղ մերկացվէր Կրեչինսկին, փոխհատուցում լիներ, թերևս կարելի էր ընդունել, որ այդ սոցիալական միջավայրում հնարավոր է արդարության հաղթանակը: Սակայն ոեժխորը չէր կարող այդպիսի բան թույլ տալ, քանի որ նրա բեմադրության ամբողջ կոնցեպցիան հակառակն էր ապացուցում: Եվ ոեժխորը լորովի էր շարունակում պատումը: Կրեչինսկու ստվերը, մոմերի բոցից անհեթեթ օրորվելով, ասես զրուցում էր տիրոջ հետ: Կրեչինսկին մոտենում էր բեմեզրին, այնքան մոտ, որ հանդիսականը տեսնում էր մոմերով լուսավորված նրա դեմքի լուրաքանչյուր մկանի շարժումը: Հանցագործի դեմքին հուսահատությունը փոխվում էր ինչ-որ փրկարար մտքից լուսավորված վըճուականության, նա շտկում էր մեջքը, հպարտ բարձրացնում գլուխը, հաստատում քայլվածքով անցուդարձ անում նախարեւում և, արդեն բոլորովին ուրիշ մարդ դարձած, ընկնում էր թիկնաթռողին՝ բռնված սատանայական քրքիջով: Նրան ընդօրինակում են Ռապալյունն ու Ֆյոդորը: Եվ կասկած չի մնում, որ Կրեչինսկին այս անգամ էլ ելք կգտնի, խուս կտա պատժից, քանի որ ինքը՝ իրականությունը մարդկանց թույլ է տալիս անպատիծ հանցանք կատարել:

«Կրեչինսկու հարսանիքում» Աճեմյանը ստեղծագործական համարձակությամբ վերաիմաստավորել էր ոուս դասական դրամատորգիայի աշխարհը, ապացուցել այնպիսի երկերի ինքնատիպ մեկնաբան կոչվելու իր իրավունքը, որոնք ի դեմս ոուս հոչակավոր ոեժխորների խոր ու անկրկնելի մեկնաբաններ էին ունեցել: Աճեմյանն իր այս իրավունքն ապացուցեց «Հատակում» և «Կրեչինսկու հարսանիքը» պիեսների վրա աշխատելիս, վերջնականապես հաստատեց ոուս դասական այնպիսի պիեսների բեմադրության մեջ. ինչպիսիք են «Բալենու ալգին», «Արդյունավոր պաշտոնը», «Անտառը» և «Դաստական գործը»: Այս բեմադրություններից ամեն մեկի մեջ ոեժխորը, հենվելով ոուս թատրոնի հարուստ ավանդույթների վրա, ձգտել է հաստատել դասական երկի իր ըմ-

բրոնումը, որ, բնականաբար, շատ բարդ խնդիր է: Այսպես, Զեխու-
վի «Բալենու այգին», Գեղարվեստական թատրոնում բեմադրվելու
օրվանից, շատ ու շատ թատրոններում ներկայացվել է գրեթե այն
նույն մեկնաբանությամբ, որ առաջարկել էին Կ. Ստանիլավսկին
և Գեղարվեստական թատրոնի դերասանները: Հայ բեմում «Բալե-
նու այգին», ինչպես նաև ընդհանրապես Զեխուվի դրամատորգիան,
ավանդույթներ չուներ, հայ ուժիսորները անցյալում և այժմ էլ հազ-
վադեպ էին դիմում մեծ գրողի նրբանքու պիեսներին: Միանգա-
մայն հասկանալի է, թե որքան դժվարին էր Աճեմյանի խնդիրը,
եթե 1951-ին ձեռնարկեց «Բալենու այգու» բեմադրությանը Գ. Սուն-
դուկյանի անվան թատրոնում:

Աճեմյանն ինքը շատ բարձր է գնահատում Զեխուվի դրամա-
տորգիան, այն կարծիքին է, թե նենց նրա հիման վրա Էլ ծնունդ
առավ արդիականության հանճարեղ թատերական սիատեմը՝
Ստանիլավսկու ուսմունքը: Իսկ Գեղարվեստական թատրոնի հան-
դիպումը Զեխուվի հետ Աճեմյանը համարում է պատմական բախտ¹:

Աճեմյանի «Բալենու այգի» ներկայացումը նորարարական ճա-
նաչվեց այն հիման վրա, որ ուժիսորը, իտարբերություն Գեղար-
վեստական թատրոնի մեկնաբանության, Զեխուվի պիեսն ընթերցել
էր որպես կատակերգություն, որ ժամանակին հաստատել է նաև
հեղինակը՝ Ստանիլավսկուն կշտամբելով բեմում կատակերգու-
թյունը դրամայի վերածելու համար: Վերլուծելով ներկայացումը, Ս.
Հարությունյանը եզրակացնում է. «Այսպիսով, ուժիսորը բեմա-
դրության ընդհանուր ոճը գտել է իրու կոմեդիայի ոճ, կոմիկական
ուղղել տիրապետող սոցիալական խավերի միջավայրի դեմ, մի ո-
րոշ չափով գտել է և խաղարկության լիրիկական տոնակությու-
նը»²: Մինչեւ ներկայացման կոնկրետ վերլուծությունը ցույց է տա-
լիս (այդ մասին խոսվել է նաև բեմադրության քննարկման ժամա-
նակ)³, որ այս «կատակերգության» կերպարները չափից դուրս
դրամատիկական են դարձվել, իսկ որոշ դեպքերում նույնիսկ հաց-
վել են ողբերգական հնչողության: Ներկայացման մեջ բացառապես

¹ Տե՛ս «Սովետական արվեստ», 1963, № 1, էջ 24:

² ՀԹԸ ֆոնդ, գիրք 11, էջ 105:

³ Նույն տեղում, էջ 137—140:

կատակերգական են եղել Յաշայի, Դունյաշայի, Շաղոտայի կերպարները: Անեմյանն ընդգծել է, որ իրենց համար կատակերգականը ոչ թե նպատակ է եղել, այլ հետևանք¹:

Ուրեմն՝ ո՞րն է «Բաղենու այգի» պիեսի բեմադրության կոնցեպցիան: Անեմյանը պատասխանում է՝ «Բեմադրության ամբողջ գաղափարն արտահայտվում է Տրոֆիմովի բացականչության մեջ. «Ողջո՞ւն, նոր կյանք»²:

Սա ճիշտ է, բայց ամբողջ ճշմարտությունը չէ: Սունդուկյանի անվան թափրոնի «Բաղենու այգի» ներկայացումը հուզական առումով կառուցված էր, ուժիսորդի խոսքով ասած, երկո՛ «Մնաս բար՝ վ, իին կյանք» և «Ողջո՞ւն, նոր կյանք» բացականչությունների հակադրության վրա: «Հին կյանքը» ներկայացման մեջ բնութագըրվում էր ոչ միատոն, ֆարսային-կատակերգական ինտոնացիաների կողքին հնչում էին նաև դրամատիկական ինտոնացիաներ, որ թախճ էին բերում: Այս դեպքում ևս ուժիսորդ փորձել էր գտնել գործող անձանց տառապանքների ակունքները, ոչ թե ուղղակի մեղադրել, այլ հասկանալ հրանց, ոչ թե սեացնել առանձին մարդկանց, այլ հատուկ ուշադրություն նվիրել, այսպես կոչված, երկրորդական գործող անձանց և իրավիճակներին, ձգտելով բեմական միջոցներով և հանգամանորեն, և մանրամաս առ մանրամաս բացահայտել դրանք: «Բաղենու այգու» ուժիսորդական պարտիտուրը կառուցելիս հաշվի էր առնված ոչ միայն գիսավոր և երկրորդական հերոսների հանգամանալից բնութագրումը: Ուժիսորդական ընդհանուր մեկնաբանության մեջ դեռ ուներ յուրաքանչյուր բեմական մանրամասն, կերպարների բարդ փոխհարաբերություններ: Անեմյանը դիրիժորի նման մերթ խացնում էր պիեսի մի մոտիվը, մերթ ուժգին հնչեցնում մյուսը: Այս պոլիֆոնիկ մշակման մեջ մինորային ինտոնացիաները հետզհետեւ տեղի էին տալիս մաժորային ինտոնացիաների առաջ և ներկայացման ավարտին կոնտրապունկտն միահյուսվում էին, ստեղծում մի կոլմինացիա, որ Տրոֆիմովի և Անյայի գիծը ակորդով եզրափակում էր պատումը:

1 ՀԹԲ. ֆոնդ, գիրք 11, էջ 141.

2 Նույն տեղում, էջ 142:

«Բալենու այգու» ստեղծագործական կշիռը ոչ միայն բուն ներկայացման մեջ էր, այլև նրանից դուրս: «Չեխովի թատրոնը» պահանջում է ոչ միայն բարձր պրոֆեսիոնալ ուժիստուրա և դերասանական վարպետություն, այլև պատումի հատուկ թատերային լեզու՝ զերծ կեցվածքից ու պարուսից, հագեցած ներքին բովանդակությամբ և, վերջապես, առաջադրում է ինտելեկտուալ արվեստի պրոբլեմ: «Բալենու այգի» պիեսի վրա Աճեմյանի ուժիստորական աշխատանքը, սատցալեուան նման, ներկայացման մեջ երևում էր սույ մեկ-ութերրորդ մասով: Մնացածը տրված էր դերասաններին, ոյնոց անհրաժեշտ էր վարժեցնել չեխովյան ներկայացման ոճին: Այս մասին շատ հետաքրքիր է գրում Ս. Փոթեյանը, որ ներկա է եղել «Բալենու այգու» գրեթե բոլոր փորձերին¹: Աճեմյանի փորձերի ընթացքը ցուց է տպիս, թե որքան բարդ ու տարրություններ է եղել ուժիստորի աշխատանքը դերասանների հետ: Եվ չպետք է մոռանալ, որ ստեղծագործական այս «կուտակումը» հետագայում իր ազդեցությունն ունեցավ Աճեմյանի մյուս ներկայացումների վրա:

Ուստի դասական պիեսների բեմադրություններից պետք է առնձնացնել նաև Աճեմյանի ուսումնական աշխատանքը Երևանի թատերական ինստիտուտի բեմուն: Ա. Օստրովսկու «Արդյունավոր պաշտոն» պիեսի այս ներկայացումը, բնականաբար, դերակատարումների առումով այնքան էլ հետաքրքիր չէր, քանի որ այնտեղ հանդես էին գալիս դեռ անփորձ ուսանողներ, սակայն դա չինովների աշխարհի ուժիստորական շատ հետաքրքիր մըշակում էր: Ուսումնական այս ներկայացման ուժիստորական ոճի մասին պատկերացում կազմելու համար բավական է հիշել Վիշնևսկու ընդունարանի տեսարանը: Վերջինս իր գեղարվեստական դմբրուման ուժով համարնչուն էր Մեյերհոլդի «Արդյունավոր պաշտոն» պանդոկի հոչակավոր տեսարանին: Ինչպես Մեյերհոլդի ներկայացման մեջ «յատրոնի բեմից չինովնիկական մեռած ճահիճն էր նայում հանդիսատեսին»², այնպես էլ Աճեմյանի «Արդյունավոր պաշտոնուն» այդ «չինովնիկական ճահիճը» իր ուսալ մը-

1 Տե՛ս «Սովորական արվեստ», 1960, № 12:

2 Բ. Ալպերսի արտահայտությունը, տե՛ս «Թատր Պևոլյուցի», Մ., 1928, էջ 52:

ձավանջային պատկերն ուներ: Աճեմյանը Վիշնևակու ընդունարանի տեսարանը կառուցել էր այնպես, որ հանդիսականը տեսնում էր, թե ինչպես է յուրաքանչյուր չինովնիկ երկար ուղեգործի վրայով մոտենում առանձնասենյակի դռանը, ինչպես է ներս մըտնում ու դուրս գալիս: Վարագույրը բացվելիս չինովնիկներն արդեն շարված էին լինում ընդունարանում: Շատ էին նրանք, ավելի շատ, քան ցուցում կա պիեսում: Դա զարմանալի արտահայտիչ տեսարան էր, որ անխոս բացահայտում էր պաշտոնյաների ստորաքարշ ու ողորմելի աշխարհը: Պաշտոնյաներից ամեն մեկը ընդունելության էր ապաստում յուրովի: Բոլորի աչքերը հառված էին Վիշնևակու առանձնասենյակի դռանը: Այդ կատարյալ լուսթյան ու անշարժության մեջ ուժիքուրական մեծ միտք-կերպար կար: Եթք առանձնասենյակի դռանն էր մոտենում ամբողջովին կծկված ու երկուղած Յուսովը, մյուսները նույնական կծկվում էին, ասես ծալվում էին ծնկները, և նրանք դառնում էին ավելի խղճուկ ու ծիծաղելի: Ամենափոքրիկ շարժումն անգամ հավաքվածներն ընկալում էին որպես մի ինչ-որ աղետ: Այս տեսարանում ուժիքուրն առանց որևէ խոսքի, միայն բեմական ստատիկայի և շարժման միջոցով ծայր-աստիճան ստուգ ու լիակատար բնութագրում էր նրանց: Եթե Մեյերհոլդի բեմադրության մեջ նոյն տեսարանը նշանավորվում էր այն բանով, թե ինչպես էր Յուսովը մոտենում առանձնասենյակի դռանը, ապա այստեղ ինքնուրույն հնչողություն էր ստանում իրենց հերթին սպասող պաշտոնյաների վիճակը գերազանց պատկերելու շնորհիվ:

«Արդյունավոր պաշտոնում» ուսու չինովնիկության աշխարհը մերկացվում էր զուտ ուժիքուրական բեմավիճակով, որ պատշաճ էր խոշոր վարպետին:

Լենինականի թատրոնում բեմադրված «Անտառ»¹ ներկայացման մեջ (1967 թ.) ուժիքուրը Գորմիժմկայայի միջավայրը բնութագրեց նոյնքան հանգամանալից ու դիպուկ և, որ շատ կարևոր է, բարոյապես ամուլ մարդկանց աշխարհը այդ նոյն մարդկանց դիրքերից ներկայացնելու ցանկությամբ: «Անտառի» գործող ան-

¹ Բեմադրված է Ռ. Զրբացանի հետ համատեղ:

ձանց վարքագիծը ոչ միայն հոգեբանորեն ամուր հիմնավորված է, այլև որոշակիորեն արդարացված: Եվ ոեժսորը որքան համոզիչ է արդարացնում յորաքանչյուր կոնկրետ արարքը, նույնաբան նոյնկանի է դառնում միջավայրի ընդհանրացված պատկերը: Հետաքրքիր է, որ Օստրովսկու այս պիեսի մեջերհողյան նշանափոր բեմադրության մեջ միջավայրի բնութագրման ստեղծագործական մեխոդոգիան բոլորովին հակառակն էր: Մեյերհոլդը յորաքանչյուր գործող անձի պասկազերծում էր ուղղակի և բացահայտ, գրուեսկի հնարանքներով, մինչդեռ Ամերիկան ներկայացնան մեջ չկա արտաքին պսակազերծում, ուղղակի մերկացում, ինչպես և բացահայտ գրուեսկ: Բ. Ալպերսը գրում է, թե Մեյերհոլդը Գորմիժսկայային զրկում է մարկարային բոլոր հատկանիշներից, արտաքին գծերով դարձնում է նրան խկական դժոխքի ծնունդ: «Նա նոյնկանի է իր տեսքով,— շարունակում է քննադատը:— ... Նրա տուփանքը գարշեկի արտահայտություններ է ստանում: Հաստիկ ու այրանման այդ կինը թուլակազմ ու շահել Բոլանովին գրկում է ագահ ձեռքերով: Կրքից մարելով, նա-անտանելի կեղծ ձայնով զգալական ռումանաներ է երգում: Մեյերհոլդն անում է ամեն ինչ՝ նրան հանդիսատեսի աշքում վարկաբեկելու, ցուց տալու համար, որ նոյնկանք առաջացնող հիեշ է նա»¹:

Ամերիկան իր բեմադրության մեջ բոլորովին որիշ սկզբունքով է բացահայտել Գորմիժսկայայի կերպարը: Արտաքնապես Գորմիժսկայա-Թովմայանը այլանդակ ու վանող չէ, ընդհակառակն, ինչ-որ չափով կանացի է, տառապում է որպես կին՝ կյանքից վիրավորված լինելու իր անձնական պատճառներն ունենալով: Եվ Բոլանովն այստեղ բոլորովին էլ թուլակազմ տղա չէ, այլ առնական հմայք ունի, ուժեղ երիտասարդ է: Գորմիժսկայան նրան գրկում է ոչ թե ծաղրանկարային ձևով, ինչպես Ե. Տյապկինան էր անում. Մեյերհոլդի ներկայացման մեջ, այլ քնքորեն, անկեղծ տրիելով իր կանացի մղումներին: Եվ դերասանութին որքան անկեղծ, համոզված, բնական է անում այդ, այնքան անբնական, վա-

¹ «Teatr», 1937, № 1, էջ 38:

նող ու զագրելի է թվում նրա մարդկային բնավորությունը, բարոյական կերպարանքը:

Սուաշին հայացքից կարող է թվալ, թե ոեժիստը արդարացնում է գործող անձանց արարքները, սակայն նման «չեզոք» մոտեցման գեղարվեստական արդյունքը միանգամայն տպավորիչ է և խորապես միտումնավոր:

Մի ուրիշ աշխատանքում՝ «Դատական գործը» ներկայացման մեջ, որ բեմադրվեց 1967-ին, Գ. Սունդուկյանի անվան թատրոնում, ոեժիստը չինովաճիկության աշխարհը բացահայտեց մի այլ ոճով, պատկերակած կոչված, իսոր հոգեբանական վերլուծության եղանակով։ Այսուղի չկան այլաբանական բեմավիճակներ կամ շարժումների հասուկ մշակված պարտիտոր. ոեժիստը խորացել է գործող անձանց ներաշխարհը, փորձելով տեսնել «չինովաճիկական մեջյանահճի» հակառակ երեսը։ Եվ դա Աճեմյանին հաջողվել է փայլուն կերպով, նա կարողացել է «Դատական գործը» ներկայացման մեջ ստեղծել պաշտոնյաների դիմանեկարների մի ամբողջ պատկերասրահ։ Ոեժիստը ճշգրիտ ու նուրբ է մշակել լորաբանչյուր գործող անձի բնավորությունը և, առաջին հերթին, Վառավիճին բեմական կերպարը՝ Գ. Զանիբեկյանի վարպետ կատարմամբ։

Սուանձին մարդկանց կոնկրետ «անմեղության» և միջավայրի ընդհանուր «մեղավորության» կոնցեպցիան, որ մշակվեց դասական դրամատորգիայի վրա աշխատելիս, ողբերգական մեծ արվեստի լիցք ուներ իր մեջ։ Եվ, բնականաբար, կարելի էր սպասել, որ շեքսպիրյան ողբերգությունը ոեժիստի առջև ստեղծագործական լայն հորիզոններ պիտի բացեր։ 1953-ին Վարդան Աճեմյանը՝ Գ. Սունդուկյանի անվան թատրոնում բեմադրեց «Լիր արքան»։ Այս ողբերգությունը հիմնականում չհաջողվեց Աճեմյանին, թեև ներկայացման մեջ կային ոեժիստրական առանձին փայլուն գյուտեր, զուտ աճեմյանական այլաբանական ու պատկերավոր բեմավիճակներ և շեքսպիրյան որոշ կերպարներ ինքնատիս մեկնաբանում էին ատացել։ Սակայն ամբողջական չէր ներկայացման ընդհանուր կոնցեպցիան, Աճեմյանը չէր կարողացել մարդկանց «անմեղության» մեկնակերպը «վերաձևել» Շեքսպիրի ողբերգության վրա, չափից դուրս ակտիվ վերաբերմունք էր ցուցաբերել Գուների-

լի, Ռեգանի, Էդմունդի կերարների նկատմամբ, որոնց ոեժիսորը ոչ մի կերպ չէր ցանկացել «արդարացնել» և, ընդհակառակն, ամեն կերպ աշխատել էր արդարացնել հակառակորդ կողմի գործող անձանց: Ի՞նչը խանգարեց ոեժիսորին ինքնուրույն ըմբռնելու և վերարտադրելու «Լիր արքան»: Պատճառները շատ են՝ թատրոնի դեկավարությանը փոխելու նախօրյակին աշխատել տիրող մթնոլորտը, թատերախմբի ներսում եղած խմորումները, մի տեսակ ցրված վիճակը և այլն: Աճեմյանը թերևս առաջին անգամ էր դասական պիեսի հիման վրա ներկայացում ստեղծում՝ դուրս չգալով արդեն վշարկած ավանդություններից, հրաժարվելով երկի ինքնուրույն մեկնաբանությունից: Ահա ինչու նրա «Լիր արքան» հետաքրքիր է սույն ոեժիսորական կատարողական առումով և ոչ թե ողբերգությունը վերահիմնաստավորելու տեսակետից: Մինչդեռ, դատելով Աճեմյանի ոեժիսորական ստեղծագործության ամբողջ տրամարանությունից, հենց «Լիր արքայում» նա կարող էր խորապես բացահայտել սոցիալական միջնավայրի «գլոբալ» բնութագրման իր կոնցեպցիան: Նման կոնցեպցիոն պլանով է Պիտեր Բրուկը «Լիր արքան» բեմադրել Ստրատֆորդի թատրոնում (գլխավոր դերում հանդես է գալիս Պոլ Ալոփիլդը): Պիտեր Բրուկը, որին անգլիացի քննադատ Քենսենի Թայնենը հորջորջում է մեծ ոեժիսոր, «խիզախնեց «Լիր արքա» ողբերգությունը բեմադրել բարոյական չեղոքության դիրքերից: Արդյունքը հեղափոխական էր: Այն ենթադրության փոխարեն, թե արդարությունը Լիր արքայի կողմն է, ուստի և նա արժանի է կարեկցանքի, մեզ ստիպեցին խորհել պապիսի լուծման վրա՝ այնուհանդեռձ ո՞վ է իրավացի, նա՝, թե նրա արյունակիցները: Եվ կշեռքի նժարները գորեթե չերերացին հայացքի լայնությամբ բացադիկ նման մոտեցման դեպքում»¹: Մենք տեսանք և դեռ էլի կտեսնենք, թե ինչպես Աճեմյանը դասական պիեսների իր լավագույն բեմադրություններից շատերի մեջ մնում է «անկողմնակալ» առանձին գործող անձանց հանդեպ, որպեսզի առավել աշառու լինի ոեժիսորի դիրքավորումը ներկայացման աշխարհի նկատմամբ՝ ամբողջությամբ առած: Նման մի բան էլ տե-

¹ Կեննետ Տայնեն, «На сцене и в кино». «Искусство» հրատ., Մ., 1969, էջ 137:

դի է ունեցել Պիտեր Բրուկի աշխատանքում, ոեժիսոր, որն «այնքան անաշառ է, այնքան աներեսպաշտ իր բարոյական գնահատականներում, որ Լիրի տխմար մտագրությունը նույնիսկ կարող է մեր ծիծաղը շարժել՝ առանց վճարելու պիեսի գլխավոր ուղղությանը, որը մնում է ողբերգական բայց պիեսը ողբերգական է ամբողջությամբ, անկախ առանձին մարդկանցից»¹:

Այսպիսով, Անեմյանը Շեքսպիրի ողբերգությանը դիմելու առաջին իսկ օրից չիրագործեց այն, ինչ թելադրում էր կլասիկայի բեմադրության նրա աշխատանքի նախորդ ամբողջ փուլը: Բայց ահա երկրորդ անգամ շեքսպիրյան ողբերգությանը դիմելիս՝ «Մոմեն և Զովիկետում», ոեժիսորն ավելի հետևողական եղավ իր կոնցեպցիայի կիրառման մեջ: Այստեղ ոեժիսորը, Քեննետի Թայնենի արտահայտությամբ, «հավասարակշռեց կշեռքի նժարները, այնպես, որ հերոսները ոչ «վատը» դարձան, ոչ «լավը», այլ հավասարապես արժանի եղան մեր ուշադրությանն ու հետաքրքրությանը»², այսինքն՝ Անեմյանը հետևեց գործող անձանց կոնկրետ արարքներն «արդարացնելու» իր իսկ հաստատած մեկնակերպին: Մեժիսորը չսկսեց որոնել մոնտեգյուների և կապովետների մեջավորության կամ անմեղության հարցի բացատրությունը, այլ փորձեց անկողմնակալ ներկայացնել բոլորի փաստարկները: Մեժիսորի նման «բարոյական չեզոքության» շնորհիվ Մոմենի և Զովիկետի սիրո ողբերգական ընթացքն ու լուծումը ներկայացման մեջ ննշեցին առանձին ուժով, իրոք այրող-մոխարացնող ողբերգականությամբ:

Այս ներկայացման շուրջը, ինչպես և, ի դեպ, Անեմյանի 1950—1960-ական թվականների բեմադրություններից շատերի շուրջ, բուռն բանավեճեր ծավալվեցին: Այս և մյուս դեպքերում, ինչպես կհամոզվենք ստորև, քննադատներից ոմանք չէին կարողանում հաշտվել այն մտքի հետ, որ Անեմյանը դասական պիեսների բեմադրություններում հավատարիմ չի մնում ավանդությով հաստաված ըմբռնումներին, այլ անսպասելի հայտնագործում է նոր շերտեր, որպես կանոն, խիստ արդիական ու սուր մոտիվներ: Հետա-

¹ Կենհետի Տայնեն. «На сцене и в кино», «Искусство», № 138.

² Նույն տեղում, № 141:

գայում արդեն, երբ բեմադրության շուրջ ճակատամարտը հանդարտվեց, Աճեմյանը հանդես եկավ այսպիսի խորհրդածություններով. «Դասական երկը նաև ժամանակակից է, երբեմն նույնիսկ ավելի ժամանակակից իր արվեստով ու գաղափարով, քան այսօր ստեղծված շատ ու շատ գործեր:

... Ինչ խոսք, թատրոնում ուժիուրը դասական երկին մոտենալու դիտանկյունը պետք է ընտրի այնպես, որ ժամանակակից հնչողություն հաղորդելու միանգամայն արդարացի ձգուումը նըրան ոչ թե հեռացնի դասական հեղինակից, այլ ավելի մոտեցնի, թեև երբեմն հանդիսատեսին, անգամ արվեստաբաններին, կարող է թվալ, թե արդյունքը հեռու է սկզբնաղբյուրից:

... Ի դեպ, թատերական քննադատները հաճախ են այդ սխալ տեսանկյունից մոտեցել իմ բեմադրություններին»¹:

Իրոք, սա վիրավորական է մի ուժիուրի համար, որը դասական պիեսների դասական բեմադրություններ է ստեղծել:

«Մոմեռ և Զուլիետին» նույնը պատահեց: Ցավոք, այս ներկայացման ոչ կողմնակիցները և ոչ էլ հակառակորդները շանդրադան Աճեմյանի ուժիուրական աշխատանքի ամենակարևոր կողմին՝ ներկայացման կոնցեպցիային: Քննադատների շատ դիտողություններ, ինչպես և դրվագական կարծիքներ, իրավացի լինելով, այդպես էլ ի վիճակի չեղան բնութագրելու ներկայացման ուժիուրան, քանի որ չվերլուծվեց ուժիուրական կոնցեպցիան, որը շատ համարձակ ու ինքնատիպ էր, տեղ-տեղ էլ՝ ոչ այնքան ճիշտ իրականացված: Շեքսպիրի այս ողբերգության նշանավոր շատ բեմադրություններ նշանավոր են այն բանի շնորհիվ, որ դրանց մեջ հաստատվում է պատմության, Վերածնության ոգու հայլանակը: Ընդ որում ողբերգության գործող անձինք պատմական մեծ բեռ են կրում, դառնում անցնող հին դարաշրջանի և եկող նորի միտումների արտահայտիչը: «Մոմեռ և Զուլիետի» որոշ բեմադրություններ աչքի էին ընկնում ողբերգական մեծ շնչով: Աճեմյանի ներկայացման մեջ, ինչպես արդեն ասվեց, «կշեռքի նժարները հավասարակշռվեցին», յուրաքանչյուր գործող անձ, առանց բացա-

1 «Առվեստական արվեստ», 1968, № 5, էջ 8:

ոռության, հանդես եկավ իր «ճշմարտությամբ», որը նրա համար միակն էր, ուստի և հաստատուն ու վերջնականը: Ուժինորը չէր «միջամտում» այդ ճշմարտությանը և չէր սրբագրում, ընդհակառակն, աշխատում էր թատրոնի լեզվով այն ավելի հիմնավորել, ամրապնդել ու դարձնել իրոք համոզիչ և ընդունելի: Ահա թե ինչու Ամենյանի ներկայացման մեջ հավասարապես իրավացի էին և՛ Մոնտեկին, և՛ Կապոլետը, և՛ Նրանց սպասավորները, և՛ Մերկուրիոն, և՛ Թիբալտը, և՛, առավել ևս՝ Ռումենն ու Զովիետը, ահա թե ինչու ուժինորը Թիբալտի և Մերկուրիոյի մենամարտի տեսարանը մեկնաբանել էր որպես հավասարների մենամարտ: Ուժինորի հաստատած այս «բարոյական չեզոքության» մեջ հետզհետե ծնկում էր ոչ միայն բարոյական, այլև սոցիալական, պատմական բողոքի հզոր ոգին: Ներկայացման աշխարհը ներգրավված հանդիսատեսը սկսում էր հասկանալ յորաքանչյուրին և, հասկանալով, սկսում էր արդարացնել նրանց, մի գործող անձի «ճշմարտությունից» նետվում էր մյուսի «ճշմարտության» կողմը, մերվում խըռովված այդ աշխարհին, որ կործանում էր Ռումենի և Զովիետի սերը, կործանում ոչ թե չարագործների կանխամտածված դիտավորությամբ, այլ մի ամբողջ կոմպլեքտվ, որի անունը դարաշշան է:

Պետք է ավելացնել նաև, որ սերն այս ներկայացման միակ թեման չէր, այլ սիմթեզում էր մնացած բոլոր թեմաները՝ անդրադարձնելով դրանք: Ամենյանի ներկայացման գլխավոր ներուսները դեռահասներ չեին: Նրանք հաստնացած էին ոչ միայն տարիքով, այլև մտավորապես, մանավանդ Խորեն Աբրահամյանի Ռումենն: Այդ էր պատճառը, որ ուժինորը հրաժարվեց այն մեկնակերպից, ըստ որի Ռումենն և Զովիետը հանդես էին գալիս միայն սիրո ճաճանչների մեջ: Նրանց մեջ սիրուց բացի, զարգանում է նաև մտավոր աշխարհը, որը պակաս կարևոր և պակաս հրապուրիչ չէ, քան սիրո զգացմունքների աշխարհը:

«Բարոյական չեզոքության» դիրքավորումը, մարդկանց «անմեղության» և միջավայրի «մեղավորության» կոնցեպցիան ներ-

հասուլ են Վիլյամ Սարոյանի ստեղծագործությանը: Աճեմյանը նրա «Իմ սիրտը լեռներում է» պիեսը բեմադրեց Գ. Սունդովյանի անվան թատրոնում, 1961-ին: Սարոյանը ցանկություն էր հայտնել, որ իր այդ պիեսը՝ մեկը նրա անդրանիկ դրամատիկական երկերից, բեմադրի Աճեմյանը և բեմադրի «առանց ընդմիջման, երգի, բանաստեղծության նման մի շնչով»: Աճեմյանը հենց այդպես էլ բեմադրեց «Իմ սիրտը լեռներում է» պիեսը, ստեղծելով խկական բեմական բալլարդ, որ լիովին համընկնում էին հեղինակի ու ռեժիսորի կոնցեպցիոն դիրքավորումները: Ռեժիսորը ոչ խկոյն և ոչ էլ դյուրությամբ հաղթահարեց Սարոյանի ինքնատիպ պիեսը, թեև դեպի նրա կոնցեպցիան էին տանում իր լավագույն ներկայացումները: Աճեմյանը խոստվաճեց, որ դժվար է աշխատել այդ պիեսի բեմադրության վրա, դժվար է բեմադրել այնպես, որ Սարոյանը Սարոյան մնան ներկայացման մեջ: Ամենաբարդը՝ Սարոյանի պիեսի ոճը գտնելն էր, մի պիես, որ չունի պարզորոշ գծագրված կոնֆլիկտ, թուլացված է այումեն, խախտված են դրամայի կանոնական ձևերը: Ինչպես իրավացիորեն նկատել է Պարույր Սևակը, «... Սարոյանի թատերական երկը «որիշ բան» էր: Չափազանցություն կլինի արդյոք, եթե ասվի, որ այս կարգի երկեր համարյա թե չեն եղել սունդուկյանցիների խաղացանկում, ուստի և նրանք չեն կարող ունենալ համապատասխան «իմունիտես»:

«Իմ սիրտը լեռներում է» դրամայի բեմադրությունը ամենից առաջ ցույց է տալիս ինչ մեծ կարելություններ ունի Վ. Աճեմյանի տաղանդը: Մի բոլորովին որիշ առիթով էլ երևաց ու հաստատվեց, որ նրա միտքը որոնող է, որ նրա մեջ ձիրքը չի սիրում հանգստանալ, որ նա մեկն է այն հազվագյուտ արվեստագետներից, որոնց կոչում են «մշտապես երիտասարդ»¹:

Ելեկով Սարոյանի պիեսի առանձնահատկություններից, Աճեմյանը ներկայացումը կառուցեց գործողության «ստորջրյա հոսանքի» վրա, որի դեպքում որոշիչ նշանակություն է տրվում դերասանական կերպարին: Եվ ոչ թե պարզապես վերշինիս, այլ այնպիսի դերասանական կերպարին, որ իր ուսերին է պահում ներկայացման

¹ «Սովետական արվեստ», 1961, № 5, էջ 35:

դրամատուրգիան, և հենց ներկայացման և ոչ թե պիեսի: Ներկայացման այդ դրամատուրգիան, որ ուժիորն ատեղծեց դերասանական կերպարների միջոցով, ժամանակին Մելքոնյանը դիպուկ անվանել է «պիեսի երկրորդ հարկ», այսինքն այն, ինչ թատրոնն է ներդրել ներկայացման մեջ¹: Տվյալ դեպքում «երկրորդ հարկը» վերաբերում էր գործողությամբ, հենց այն բեմական գործողությամբ, որի բնածին վարպետն էր Աճեմյանը: Միաժամանակ Սարոյանի պիեսի դերերում հանդես էին գալիս հիանալի արտիստներ՝ Հրաչյա Ներսիսյանի գլխավորությամբ:

«Իմ սիրու լեռներում է» ներկայացման վերլուծությունը ցուց է տալիս², որ նրա ուժիորական մշակումը, ինչպես և աճեմյանական բոլոր լավագույն ներկայացումներում՝ «Հատակում», «Կրեշինսկու հարսանիքը», «Պատվի համար», «Ժայռ» և այլն, օրգանապես միահյուսված է դերասանի արվեստին: Այս ներկայացման մեջ նման միահյուսումը թերևս հասել էր ասենարարձի աստիճանին: «Իմ սիրու լեռներում է» ներկայացումը Աճեմյանի ուժիորական հշանակալից աշխատանքներից է՝ արված ակվարելային գումներով:

Ինչպես արդեն ասվեց ներկա գլխի սկզբում, դասական պիեսների աճեմյանական բեմադրությունների մեջ առանձին տեղ ունեն «Մեծապատիվ մուրացկաններն» ու «Պաղտասար աղբարը», — առաջինում ուժիորը փայլուն սկսեց դասականներին ըմբռնելու իր կոնցեպցիայի հաստատումը, երկրորդում այդ ըմբռնումը հասցուց կուլմինացիոն արտահայտության: Մինչև «Մեծապատիվ մուրացկանները» Աճեմյանը պատրաստվում էր իր «հայտնագործությանը», իսկ «Պաղտասար աղբարից» հետո ստեղծագործաբար զարգացրեց իր իսկ ավանդույթները:

«Պաղտասարում» արտացոլված են Աճեմյանի ուժիորական արվեստի սկզբունքային նվաճումները՝ երկու գլխավոր տեսանկյուններից՝ կոնցեպցիոն և գեղարվեստական: Աճեմյանի այս աշխատանքը իր վրա գրավեց մշակույթի բազմաթիվ խոշոր գործիշ-

1 Տե՛ս «Новый мир», 1961, № 8, էջ 229—230:

2 Այս ներկայացման մասին մանրամասն տե՛ս «Սովետական արվեստ», 1961, № 5, «Սովետական գրականություն», 1961, № 12:

Աերի՝ ինչպես Սովետական Միության, այնպես էլ արտասահմանյան առաջադեմ գործիչների ուշադրությունը: Վիլյամ Սարոյանը՝ խատավահմանց ու շատ բան տեսած արվեստագետը, բարձր գնահատեց «Պաղտասար աղքար» Աերկայացումը՝ անկեղծորեն հայտարարելով. «Դիտի ասեմ, որ այս Աերկայացումը աշխարհի լավագույն Աերկայացումներից մեկն է»¹: Խոկ Շորվեգ նշանավոր թատերական քննադատ, Նորվեգիայի պետական թատերական խորհրդի նախագահ Պաուլ Հյետալը ասաց, թե «Աերկայացումը հոյակապ է բեմադրված և խաղացվեց հիմնավի հումորով»²: Սովետական ականավոր ռեժիսոր Յու. Զավադսկին նկատեց. «Հայ ժողովորդին այսօր իրավամբ հպարտանում է իր գրականությամբ, որ երկրին Ավետիք Խահիսկյան է տվել, իր երաժշտությամբ, իր գեղանկարչությամբ: Նա իրավամբ հպարտանում է նաև իր թատրոնով, որ ունակ է ստեղծելու «Պաղտասար աղքարի» նման Աերկայացումներ»³: Դրամատորգ Ա. Արրողովը հաստատեց, որ «Պաղտասար աղքարը» իր խորին համոզմամբ, ոչ սովորական երևոյթ է մեր երկրի թատերական կյանքում:

Հայ թատերական քննադատությունը նույնպես բարձր գնահատեց Աերկայացումը, իրավացիորեն ռեժիսորի այդ աշխատանքը համարելով ուղենչային և թատրոնի, և Աճեմյանի ստեղծագործության մեջ⁴:

Սակայն, ինչպես հաճախ է լինում, առանձին քննադատներ այդպես էլ չկարողացան հասկանալ Աճեմյանի ռեժիսորական աշխատանքի կարևորությունն ու արժեքը: Եվ թերևս չարժեր հիշել քննադատական նման խեղումները, եթե Աճեմյանը չմեղադրվեր... սուրյեկտիվ իդեալիզմի և սոցիալիստական ուսալիզմի սկզբունքները խախտելու մեջ: Ոչ մի բան հաշվի չառնելով, Լ. Սամվելյանը «Պաղտասար աղքար» Աերկայացումը վերլուծելիս մի կողմից՝ ընդունում է, որ «Սունդուկյանի թատրոնում Պաղտասարը Աերկայաց-

1 «Գրական թերթ», 1960, 23 նոյեմբերի:

2 «Театр», 1956, № 4, էջ 175:

3 «Советская культура», 1956, 8 հունիսի:

4 Ներկայացման ռեժիսորայի հանգամանալից ու հետաքրքիր վերլուծությունը տե՛ս լ. Հախվերդյան, «Կլասիկան և մեր օրերը»:

ված է իբրև կենդանի մարդ, որը քեմում ապրում է հոգեբանորեն սարդարացլած հարուստ կյանքով։ Վ. Աճեմյանի այս մեկնաբանությունը իր փայլուն իրականացումն է գտել Հրաչյան Ներսիսյանի դերակատարման մեջ», մյուս կողմից՝ տեղնուտեղը ավելացնում է. «Սակայն Պաղտասարի կերպարի մեկնաբանության մեջ Վ. Աճեմյանը գնացել է քնավորության աբստրակտ-հոգեբանական մեկնաբանության ուղիով, նրան դիտել է իբրև մարդ «ընդհանրապես», անկախ նրան ծնող և ձևավորող կոնկրետ պատմական միջավայրից¹:

Այսպիսով, Ներսիսյանի Պաղտասարը, քննադատի պատկերացմամբ, մեկ «կենդանի մարդ» է, մեկ՝ «աբստրակտ», մեկ կոնկրետ, մեկ՝ ընդհանրապես մարդ։ Եվ սա կարելի էր քննադատական կորյուն համարել, եթե Լ. Սամվելյանը ուղղակի չփիմեր գաղափարական մեղադրանքի. «Պաղտասարի ապրումները չեն համապատասխանում սոցիալական այն շերտի կոնկրետ ներկայացուցին, որպիսին է Պաղտասարը։ Նման սուբյեկտիվ-իդեալիստական մոտեցումը չի համապատասխանում սոցիալիստական ռեալիզմի դեկապար սկզբունքներից մեկին, այն է՝ գեղարվեստական կերպարը դիտել կոնկրետ պատմական միջավայրում»²:

Այս ներկայացման քեմական ամբողջ փայլուն կյանքը, ինչպես նաև ամենախստապահանջ գնահատողների վերը բերված կարծիքները վկայում են, որ սխալ է ոչ թե ռեժիսոր Վարդան Աճեմյանի, այլ քննադատի այս դիրքավորումը։

«Պաղտասարում» սինթեզվում են Աճեմյանի ռեժիսորական արվեստի երկու եզրերը, այստեղ կոմիկականը հասցված է «Տանը ներկուերորդ գիշերում» արտահայտված հրավառության աստիճանի, իսկ ողբերգականը՝ գույների մոայլ թանձրացման, որ կար «Ժայռում»։

Այս ներկայացման մեջ ռեժիսորը կոմիկականն ու ողբերգականը խիստ չի ահմանագծել, կոմիկական իրավիճակները հագեցրել է հերոսի ողբերգական ապրումներով, հասնելով տրագի-

¹ ՀԹԸ-ի ֆոնդ, Սամվելյանի գեկուցման համառոտ թեզեր (ընդգծումներն իմն են—Մ. Բ.):

² Նույն տեղում։

կոմետիայի ժանրի առանձնահատկությունների լիակատար դրսեվորման:Գ. Բոյաջիկը հասուկ ընդգծել է, որ Աճեմյանը «Պաղտասարում» նրբորեն է լուծել ներկայացման ժանրի խնդիրը, դիմելով ողբերգական ու կոմիկական անընդմեջ հերթագյուղան սկզբունքին¹: Սակայն տրագիկոմեդիայի բարդ ժանրի առանձնահատկությունները ուժինորը չի փաթաթել ներկայացման վգին, բայց որ դրանք Պարոնյանի պիեսի կոնցեպցիոն լուծման բնականու հետևանքն են: «Պաղտասարի» ավանդական մեկնաբանությունն այն էր, որ գլխավոր հերոալ ծաղրուծանակի էր ենթարկվում ամբողջությամբ: Աճեմյանը վերանայեց այն մեկնաբանությունը, բացահայտեց միջավայրի մեղավորությունը, միջավայր, որը եթե կա մեկը, որ արժանի է կարեկցության, հենց ինքը Պաղտասար աղբարն է: Ահա թե ինչու ուժինորը, ամբողջ ներկայացումը լուծելով կատակերգական եղանակով, շատ ուշադիր է դառնում Պաղտասարի կերպարի նկատմամբ, նրա ապրումները հագեցնում է ողբերգական ինտոնացիաներով: Եվ չի կարելի ասել, թե ներկայացման հանգուցային տեսարանները լուծված են կամ ողբերգական, կամ կոմիկական եղանակով: Ուժինորը նորք ու բնական միավորում է այդ երկու հիմքերը: Ողբերգականը բեմական պատում է ներխուժում անակնեալ, բայց այնքան ուժեղ ու համոզիչ, որ դառնում է արդեւ անկապտելի մոտիվ: Մինչև այն պահը, երբ պարզվում է, որ Պաղտասարի կնոջ սիրեկանը նրանց ընտանիքի բարեկամ կիպարն է, ուժինորը ներկայացումը վարում է կատակերգության դասական օրենքով: Բայց ահա փաստաբանը հայտնում է Պաղտասարին, թե ով է նրա կնոջ սիրեկանը: Այս տեսարանը ուժինորը մշակել է հասուկ խնամքով, քանի որ դա էլ ներկայացման հետագա բոլոր իրադարձությունների տրագիկոմիկական պատումի կամերտունն է դառնում: Պաղտասարն սկզբում պարզապես գլխի չի ընկնում, թե ինչի մասին է խոսքը, փաստաբանը կրկնում է սիրեկանի անունը: Պաղտասարը ժամանակ չունի ինչ-որ ապուշ պատմությունը լսելու, առ համոզված է, որ փաստաբանը շաղակրատում է մի ուրիշ Պաղտասարի և մի ուրիշ Կիպարի մասին:

1 ՀԹՀ-ի գոնդ, ձեռագիր № 58, էջ 60:

Նա քրքում է սրտանց, ծիծաղելով և՝ փատաբանի, և՝ այդ ապուշ Պաղտասարի վրա: Սակայն Օգսենը համառորեն աշխատում է նրա գլուխը խոթել ճշմարտությունը, այնուամ Պաղտասարն սկսում է բարկանալ, չի ուզում գլուխն զբաղեցնել պարապ բաներով: Ռեժիսորը հնարավորին չափ ձգձգում էր հասկանալու պահը, որ պեսզի դա մատուցեր հարվածի պես, մաքոր երկնքից ընկնող շանթի նման: Եթե սկսում էր դադարը, ու ռեժիսորն առաջին անգամ Պաղտասարի ապրումները վերափառատավորում էր նորովի, ողբերգական եղանակով, իր իրավունքների մեջ էր մտնում գլխավոր դերակատար Հրաչյա Ներսիսյանի արտիստական հանճարը: Դերասանի դեմքին արտահայտվում էր նրա հոգին ալեկոծող փոթորիկը, որ մինչ այդ հայտնի չէր հայ բեմի և ոչ մի Պաղտասարի: Հնաձված խոտի նման Ներսիսյանի Պաղտասարը ընկնում էր գորգին, ապա ծածկում դեմքը ձեռքերով ու նայում այնպես, ինչպես մեծ վշտի հանդիպած մարդը կնացեր: Իսկ եթե դանդաղ հեռացնում էր ձեռքերը, տեսնում էինք նրա խոնավ աչքերը, տաճաշալի դեմքը: Դա արդեն մարդու նկատմամբ հավատը կորցրած մի հսկական տառապյալ էր:

Ահա այս շրջադարձային պահն էլ ներկայացմանը թելադրում էր նոր՝ տրագիկումիկական ոճ: Ռեժիսորը ամեն մի նոր տեսարանի հետ ավելի ու ավելի օրգանական էր միահյուսում կոմմիկականըն ու ողբերգականը: Եվ դրա համար նա արդեն կոնցեպցիոն հիմք ուներ. շրջապատող մարդկանց կեղծիքն ապացուցել ձգտող Պաղտասարն ասես դիվահար էր, ճշմարտությունը հաստատելու նրա մոլեռանդ ցանկությունը վերաճում էր խաքեության դեմ ընդվզգած միայնակ մարդու միտրանքի: Հենց այդ պատճառով էլ ռեժիսորին հաջողվում էր պատումը հասցնել ողբերգականի կուլմինացիոն աստիճանի, եթե զավեշտականը ողբերգականի կողքին դառնում է ավելի զավեշտական, իսկ ողբերգականը զավեշտականի կողքին՝ ավելի ողբերգական: Սակայն այս ծայրահեղ կողմերը ոչ թե պարզապես գոյակցում են, այլ, միահյուսվելով, ստեղծում են մի նոր ոճ, որի հիմքում ընկած է Մելերիոլի ստուգ սահմանումը. «Բեմում արտասվելու համար անհրաժեշտ է ստեղծագործա-

կան բերկրանք, ներքին վերելք ապրել, այսինքն՝ նույն բանը, ինչ անհրաժեշտ է անկեղծ ծիծաղելու համար»¹:

«Պաղտասարից» հետո ոեժիսորն իր կոնցեպցիոն մեկնակերպը հետևողականորեն զարգացրեց հայ կասիկների պիեսների բեմադրություններում «Նամու», «Քառո», «Պեպո», ուսումնական բեմադրություններում «Սպանված աղավնի», «Չար ոգի», ինչպես նաև օպերային «Անուշ» ներկայացման մեջ:

«Նամուը» հայ թատրոնում տասնամյակների բեմական կյանք ուներ՝ կենցաղային դրամայի շտամպով: Աճեմյանը նեռացավ այդ «ավանդությից» սկզբունքորեն ու վճռական, գրեթե պատանեկան ոռմանատիկ ոգևորությամբ: «Նամուտում» ոեժիսորը տեսավ ճշմարիտ ու վեճ, շեքսափիրյան չափերի հասած ողբերգություն: Եվ նա այդ կենցաղային դրաման բեմադրեց ուղբերգության սկզբունքով: Ոեժիսորի համար ժանրի փոփոխությունը ձևական խնդիր չէր, այլ, ինչպես մյուս դեպքերում, պայմանավորված էր կոնցեպցիոն չափանիշներով: Միշավայրի «մեղավորության» և գործող անձանց «անմեղության» մեկնակերպն այստեղ մարմնավորվեց առավել համոզիչ, գեղարվեստորեն կատարյալ: Այս ներկայացման որաքանչյուր գործող անձի արարքները, ոեժիսորի մեկնաբանությամբ, արդարացված են լիովին, բայց ընդհանուր եզրահանգումը խիստ է ու նշանակալի. կյանքի պայմանները, միշավայրը այնպես ահաւոր են ու դաժան, որ նույնիսկ անմեղ մարդը նման պայմաններում դառնում է ակամա մեղավոր: Գործող անձանց անձնական «անմեղության» և պատմական «մեղավորության» հենց այդ կոնցեպցիոն մոտիվն էլ բեմական պատումին ողբերգական երանգավորում է տալիս, փոխում է բոլոր ներուսների ապրումների «ընդունված» տոնայնությունը, ողբերգական նեղրվածք է առաջ բերում նրանց հոգում:

Ներկայացման որիշ ոճ ընտրելով, ոեժիսորն ավելացրեց միշարք տեսարաններ, որոնք չկան Շիրվանզադեի պիեսում, բայց կան «Նամու» վիպակում:

Ներկայացման էքսպոզիցիան, որ պատմում է Սուսանի և Սեյ-

1 «Ноэль мираж», 1961, № 8, էջ 214:

բանի մանկության, երկրաշարժի մասին, ուժությունը պետք էր ոչ այն բանի համար, որ պիեսում կատարվող դեպքերի նախապատմությունը հիշեցվեր, ինչպես կարծել են որոշ քննադատներ: Տարերային աղետով ավարտվող այս խաղաղ տեսարանները անհրաժեշտ էին ներկայացման գործող անձանց փոխհարաբերությունները բնական, պարզ ու մարդկայնորեն մաքոր վիճակում բացահայտելու համար: Էքսպոզիցիան հերոսներին ներկայացնում է առևս նրանց նախատեղ կացությամբ, բնական կապերի մեջ, որոնք դեռևս չեն ենթարկվել բարոյական և սոցիալական հասկացությունների կործանարար ազդեցությանը: Հենց այդ պատճառով էլ ուժիսորեն այս տեսարանները մշակել էր չափազանց մանրամասն, ձգտելով ամենից առաջ ցցուն դարձնել մարդկային ամենասովորական և ամենահասկանալի փոխհարաբերությունները: Միաժամանակ ուժիսորեն էքսպոզիցիայում հերոսների սիրո գլխավոր մոտիվը հնչեցրել էր այնպիսի մաքոր քնարական տոնայնությամբ, որ նրա խախտումը անհուափելիորեն պիտի որ ողբերգության հանգեցներ: Էքսպոզիցիայում «տեսողաբար» ապացուցելով գործող անձանց անմեղությունը, ուժիսորեն աստիճանաբար ծավալում էր պատումը, ցուց տալով, թե ինչպես այդ մարդիկ ականա, հակառակ իրենց մարդկային նախատեղ հատկանիշների, մեղք առնում իրենց վրա, անում են այնպիսի բաներ, որոնք հասցնում են աղետի: Այսպիսով, էքսպոզիցիան ամրապնդում է մարդկանց «անմեղության» ուժիսորական լմբոնումը, խօսում է առաջ բերում մարդկանց արարքների և նրանց գեղարվեատորեն ապացուցված բարոյական նկարագրի միջև:

Ուժիսորի կոնցեպցիան գեղարվեատորեն մարմնավորող բեմավիճակների այս շղթան ծայր է առնում այն տեսարանից, որը Բարխուդարը ծեծում է աղջկան: Նա կատարել ու փրփրել է, որ դուստրը խախտել է աղաթը: Եվ ծեծում է նրան ցանման մոլուցի մեջ: Բայց ուժիսորը սրանով չի ավարտում տեսարանը, Բարխուդարին հարկադրում է զղջալ իր արարքի համար, հասնում է այն բանին, որ հանդիսատեսը շատ պարզ հասկանում է գործող անձի հոգեկան երկվորչությունը: Ուժիսորն ավելի ու ավելի բացահայտ է ընդգծում այդ պարագան: Եթի Բարխուդարը եւ է կանգնում աղ-

շկան Սելյանի հետ ասուսնացնելու իր երդումից, կապերը խզում է հարևան Հայրապետի հետ, երա ձեռքը ոչ մի կերպ չի կարողանում բաց թողնել իին ու ազնիվ բարեկամի ձեռքը: Ռեժիսորն այս մանրամասնը առանձնապես ցայտում է դարձնում մի անգամ և ընդգծելու համար երկվությունը, խզումը մարդկանց արարքների ու երանց բարոյական բնական նկարագրի միջև:

Եթե Սմենյանի ուրիշ ներկայացումներում մեկ էլ տեսար ի հայտ էին գտվիս ներկայացման կոնցեպցիայի հետ կապ չունեցող զուտ ռեժիսորական մանրամասներ, ապա «Նամուսում» ռեժիսորը ծայրատիճան «քչախոս» է և նոյնքան զուար: Այստեղ յուրաքանչյուր մանրամասն ու բեմավիճակ ծառայում է ներկայացման ռեժիսորական մոտահացմանը, գեղարվեստորեն բացահայտում է բեմադրության գլխավոր մոտիվները: Պատահական չէ, որ Գ. Բոյաչիլը «Նամուս» ներկայացումը քննարկան ողբերգություն է համարել: «Նամուս» սիրո մոտիվը ռեժիսորական առումով մշակված է առանձնապես խոր ու գեղարվեստորեն ինքնատիպ: Սուսանի և Սելյանի սիրո թեման պատկերավոր բացահայտող բեմավիճակների ամբողջ շղթայի կողքին կա մի համը տեսարան, որ ռեժիսորն ստեղծել է վիպակում եղած մի ակնարկի հիման վրա՝ աղաքի խախտումը խզում է առաջ բերում սիրահար զուգերի ընտանիքների միջև: Սուսաննենց և Սելյաննենց բակերը բաժանող պատը ժամանակին փլվել է երկրաշարժից, և հարկ չի եղել նորը կառուցելու: Այժմ փլատակների տեղը բարե պատ է բարձրացել, որ հիմնովին բաժանել է հարևան բակերը՝ բաժանելով նաև սիրահարներին: Եվ ռեժիսորը շարունակում է պատումը իր լեզվով՝ թատերային պատկերավոր լեզվով: Սիրահարները, առանց պայմանավորվածության, զգացմունքների թելադրանքով, երկու կողմից մոտենում են բարե բարձր պատին: Չեն տեսնում իրար, չեն լսում, երանց շորթերը սիրո խոսքեր են մրմնաշում անլսելի և իրենց, և մեզ: Պատին փարված Սուսանն ու Սելյանը իրոք նման են ճակատագրով դատապարտվածների, որոնց զգացմունքները ոչ ոք ոչ ոչինչ չի կարող սպանել, սակայն մարդկային զգացմունքների նույն ալիքը, բախվելով իրականության կոպիտ ուժը խորհրդանշող պատին, ներկայացմանը ողբերգական ինտոնացիա է հաղորդում: Այս,

ինչպես նաև մի շարք ուրիշ, բեմավիճակում Աճեմյանը ճշգրիտ ու պատկերավոր իրականացնում է ներկայացման կոնցեպցիան գրլ-խավոր մոտիվը, միաժամանակ հասնելով սինթեզող պայմանական-կերպարային և հավատի-հոգեբանական պահի: Բեմավիճակն ինքը ստատիկ է, բայց ուժիսորն այնպես է լուծել, այնպես է հագեցրել մարդկային կենդանի պողոթկումով, որ ակամա հիշեցնում է Մեյերհոլդի խոսքերը. «Երբ նայում եք կամորթին, տեսնում եք ասես մետաղի մեջ արտահայտված թոփշը, այսինքն՝ ընթացքը և ոչ թե ստատիկան: Կամորթի մեջ արտահայտված լարվածությունըն է նրա գլխավոր հատկանիշը և ոչ թե նրա ճաղերի գարդարանքը: Այդպես էլ՝ բեմավիճակը»¹:

Միաժամանակ «Նամուսում», ինչպես և Աճեմյանի մյուս լավագույն աշխատանքներում, իշխում է հավաստի կենսականության սկզբունքը, բեմու կյանքի տվյալ պահի ընթացքի էությունը: Հիշենք թեկուզ հարսանիքի տեսարանը, որը ուժիսորն ընդմիջարկել է հարեւան սենյակում երեխաներին կերպարելու ժամանակին դրվագով, կամ վերջին տեսարանը, որը Սուսանը ծածկոց է կարում իր դեռ չծնված մանկան համար: Այս բոլոր հավաստի կենցաղային մանրանաների շնորհիվ Աճեմյանի ներկայացումներում բեմական պատումը դատնում է լեցուն, համոզիչ ու կենդանի:

Վարդան Աճեմյանը գիտե բեմական կենցաղային մանրանայի արժեքը: «Կենցաղը,— ասում է ուժիսորը,— պետք է ընկալի արվեստագետի աչքով, պետք է ճանաչել, սիրել, վերցնել նրանից այն ընդհանրացումները, որոնց շնորհիվ ավելի ուսալ, համոզիչ, օրգանական է դատնում գաղափարը: Կենցաղն օգնում է մարդկային բնավորություններն ամբողջացնելուն: Եթեմն նման բնույթի մի դետալը, մի մանրուքը բեմում այնքան մեծ բան է տալիս, որքան չեր կարող տալ նույնիսկ լավագույն մենախոտությունը»²:

Աճեմյանի ուժիսուրայի այս հատկանիշը և Հախվերդյանը բնորոշել է այսպես. «Անմտադիր է Աճեմյանի ուժիսուրան: Որքան էլ մտածված, նախապես չափված-ձևած, ներքին իմաստն ու տպավորությունը ստուգված՝ Աճեմյանի ստեղծած բեմավիճակը

1 «Новейший мир», 1961, № 8. № 232.

2 «Առվեստական արվեստ», 1968, № 5, № 10:

յողնում է բեմի վրա նոր միայն ծնված գորեղ անձի բեմական կյանքից անմիջաբար բխող երևույթի տպավորություն»¹:

Ուժիսոր Աճեմյանի համար պատկերավորություն գոյություն չունի ունալ կենցաղային իրավիճակներից դուրս, որոնք և թատերային պայմանականության հիմքն են: Այս առումով, ինչպես նըկասում է Ս. Օքրազգովան, «Վ. Աճեմյանի ուժիսորական որոնումները որոշակիորեն հակադրվում, մրցում են այն ուժիսորների որոնումների հետ, ովքեր պաշտպանում են վառ պատկերավորության, ոգեշունչ մղումների, ոոմանտիկայի իրավունքը՝ կենցաղը մերժող արվեստում: Վ. Աճեմյանի ներկայացումները բանավիճում են «պայմանական» ուժիսորակի հետ, վիճարկելով խորհրդանշիչ իրավունքը՝ իբրև բացառապես բեմադրական պայմանական լուծման իրավունք... Վ. Աճեմյանի ներկայացումներում կերպարխորհրդանշանները այս իմաստով սկզբունքորեն տարբերվում են, օրինակ, Վ. Օխովսկովի գեղարվեստական խորհրդանշաններից,— ալ կտավ «Երիտասարդ գվարդիայում», մի հատիկ խևանոր բաց հարթակի վրա «Այգեպանն ու ստվերը» ներկայացման մեջ,— խորհրդանշաններ, որ ծնունդ են առել կենցաղի դեմ պայքարելով, որպես կենցաղի ժխտման արգասիք: Վ. Աճեմյանի էպիկական, խորհրդանշական ընդհանրացումները հիմնվում են դարաշրջանի շանադիր ուսումնամիաբության, մանրամասերի նկատմամբ սևոուն ուշադրության վրա: Մանք երկու տարբեր, յորովի արգասավոր ուղղություններ են արդի բեմարվեստում ծավալվող գեղարվեստական լայն ընդհանրացումների որոնումներում»²:

Ս. Օքրազգովան այս ճիշտ դիտողությունն արել է «Քատսի» բեմադրության հիման վրա, որ Աճեմյանը պահպանել է իր ուժիսորական ստեղծագործության գլխավոր սկզբունքը՝ իրականի և թատերային—պայմանականի, կենցաղային հավաստիության և գեղարվեստական վառ պատկերավորության սինթեզը: Այս աշխատանքում ևս Աճեմյանը ձգտել է դասական երկի բովանդակությունը բացահայտել ինքնուրույն, մեծ նշանակություն տալով մի-

¹ Լ. Հախվերդիան, «Կլասիկան և մեր օպերը», էջ 153:

² «Տeatr», 1960, № 10, էջ 62—63:

ջավալրին, որը մարդկանց այսպես կամ այնպես է դարձրել: 1. Հախվերդյանն այդ միջավայրը որակում է «դրամի իշխանություն» և ոեժիսորի դիրքորոշումը բնութագրում է այսպես. «Գործող անձը իր հական հատկանիշներով պետք է երևա դրամի իշխանության հանդեպ ունեցած հարաբերության մեջ»¹:

Եթե փորձենք համառոտ բնութագրել Գ. Սունդուկյանի անվան թատրոնի «Քառս» ներկայացման (1959 թ.) ոեժիսորական արժանիքները, ապա պետք է խոսենք նրա հավաք կոմպոզիցիայի մասին: Աճեմյանը կարողացավ հաղթահարել վեսի բեմավորման ընթացքում առաջ եկած ամենաբարդ խնդիրը: Նա ճշտորեն «բեմ հանեց» գրական դասական երկի ամենաէական մոտիվները, դրամատիկորեն սուր ու համոզիչ հիմնավորեց ներկայացման առաջատար կոնֆլիկտը: Շատ կարևոր է այն, որ ներկայացման հիմնական կոնֆլիկտը բոլորովին էլ չահմանափակվեց Ալիմյան եղբայրների բախումով, այլ Աճեմյանի ոեժիսորական մշակմամբ վերանց մարդու և միջավայրի առավել լայն ու ընդհանրացված կոնֆլիկտի: Միքայելի և Սմբատի գծերի հակադրությունը բեմում պատկերվում է որպես մարդու վրա միջավայրի ազդեցության բընական ու օրինաչափ հետևանք, որպես հասարակության օրենքների կործանարար արդյունք: Ներկայացման հոգեբանական շարժումը կառուցվեց երկու եղբայրների ճակատագրերի խաչաձևիով գծերի վրա, իսկ այդ գծերն են՝ Սմբատի մարդկային անկումը, հերոս, որ ներկայացման մեջ հանդես է գալիս որպես անբահր, ազնիվ մարդ, և Միքայելի բարոյական վերածնունդը, հերոս, որ ներկայացման մեջ իր ուղին սկսում է որպես փուչ, անառակ մարդ: Այս վարընթաց ու վերընթաց գծերն ել հենց ներկայացման հոգեբանական հենքը էին, միաժամանակ լինելով դրամատիկական գործողության զապանակները: Բանն այն չէ, որ «Քառսում», ինչպես իրավացիորեն նկատել են շատ քննադատներ, կան վրիպումներ, թերություններ, ոչ այնքան հիմնավորված կամ գեղարվեստորեն թույլ տեսարաններ ու կերպարներ: Իրոք դա այդպես է: Կարևոր է այն, որ ներկայացում կառուցելու սկզբունքներն

¹ Լ. Հախվերդյան, «Կլասիկան և մեր օրերը», էջ 161:

այստեղ էլ մնացին զուտ աճեմյանական, ինքնուրույն, ինչպես նույնիսկ Աճեմյանի աշխատանքներն էին ուսումնական բեմում, օրինակ, Ծիրվանգաղեի «Զար ոգին» և Նար-Դոսի «Սպանված աղավնին»:

Աճեմյանն այս երկու պիեսն էլ մեկնաբանեց նոր եղանակով, դրանք վերստին ազատելով ավանդական շտամպներից, ընթերցելով նորովի: Եվ ինչպես Լ. Հախվերդյանն է ճիշտ նկատում. «... սենտիմենտալ, հիվանդագին գգացումը փոխարինվեց ավելի առնական գգացումով, մեծացավ հերոսուհու արժանապատվությունը, բարոյական կշիռը: Շեշտերի այս փոփոխության հետևանքով էլ մելոդրաման մղվեց դեպի դրամա, ճիշտ այնպես, ինչպես «Նամուսում» շեշտային որիշ փոփոխությունների շնորհիվ դրաման առացավ ողբերգական հնչողություն»¹:

Ոեժիսորի աշխատանքը Նար-Դոսի «Սպանված աղավնի» պիեսի վրա նույնքան սկզբունքային եղավ: Ուսումնական բեմուն երևաց կենցաղայնությունից ազատագրված մի ներկայացումբանատեղծություն: Արդեն ձևավորման մեջ, որի հեղինակն է ինքը՝ ոեժիսորը, երևում է նոր շեշտավորման միտումը: Պայմանական, զուսապ և ճաշակով ձևավորում, առանց ծանր ու մեծ դեկորատիվի, առանց նախշած պատերի, ընդամենը երկու-երեք շտրիխ, բազկաթոռ, սեղան, մոմակալ, հատարան պարտեզում: Իսկ բեմի խորքի կլոր լուսարձակը կարծես փայփայում է թևերը տարածած սպանված աղավնուն: Սկզբում թվում է, որ դա միայն դեկորատիվ մի սիմվոլ է: Գործողությունը ծավալվում է, դրանք չես ընկալում որպես անցած-գնացած դեպքեր: Հերոսները քիչ են խոսում, ավելի շատ արտահայտվում են գործողությամբ: Թույլանին վերջում ուժիսորը ստիպում է գալարվել մթության մեջ, վախենալ լույսից: Իսկ այդ խավարի մեջ, բեմի խորքում, նույն այն տեղը, որտեղ իր թևերն էր տարածել աղավնին, հիմա կլոր լուսարձակը կարծես փայփայում է անկենդան Սառային....:

Սկանդների ստեղծագործական համարձակ վերանայումը, դասականների երկերի նոր ընկալման հաստատումը, բնականաբար, չեն կարող վիճաբանությունների առիթ չտալ: Բայց թերևս

1. Հախվերդյան, «Կասթկան և մեր օւերը», էջ 155—156:

ամենասուր խոսքն ու գրուցը բաց արեց Աճեմյանի «Պեպոն» Գ. Սունդուկյանի անվան թատրոնում (1966 թ.): «Մեծապատիվ մուռացկաններ», «Պատվի համար», «Ժայռ», «Պաղտասար աղբար», «Նամուս» պիեսների, այսինքն՝ հայ դասական խաղացանկի ուկե ֆոնդի բեմադրությունների հեղինակին մեղադրեցին այն բանում, որ նա չի ըմբռնել Սունդուկյանի լավագույն պիեսը, աղավաղել է նրա գաղափարը, թուլացրել է նրա սոցիալական պաթոսը:

Ինչպես «Պաղտասար աղբարի» դեպքում, այնպես էլ այժմ, Աճեմյանի «Պեպոնի» բեմական կյանքը համոզիչ կերպով ժամանեց որոշ քննադատների հման կարծիքները:

«Պեպոնի» հարյուրամյա թատերական կենսագրությունը շատ է հարուստ, պիեսը շատ է բեմադրվել, հիանալի դերակատարներ է ունեցել: Եվ ոչ միայն հայ թատրոնում: Սունդուկյանի պիեսը բեմադրվել է ոռոս, վրաց, ադրբեջանական, իրանական, թուրքական բեմերում: Սովետական շրջանում միայն Գ. Սունդուկյանի անվան թատրոնում «Պեպոն» երեք անգամ բեմադրել է ուժիսոր Ա. Գուլակյանը: Վերջապես, ստեղծվել է հայկական լավագույն կինոներկարը՝ «Պեպոն»: Ստեղծագործական այսպիսի կենսագրությունը շատ էր պարտավորեցնում ուժիսորին, բայց և ենթադրել էր տախիս, որ պիեսը ենթարկվել է բեմական շոտամային:

«Պեպոնի» ոճական լուծումները նույնապես շատ են, փոփոխվել են այն խնդիրների համեմատ, որ լուծել է թատրոնը այս կամ այն շրջանում: Բայց ոճական ողջ բազմազանությամբ հանդերձ, հեղինակային հիմնական կոնցեպցիան, ըստ որի Պեպոն աշխարհի հզորների արատները մերկացնող հերոս է, մնացել է անփոփոխիս: Այդ կոնցեպցիան մնացել է նաև Աճեմյանի բեմադրության մեջ: Սակայն, Պեպոնին չզոկելով մերկացնողի նրա սուրբ պարտականությունից, ուժիսորը փոխեց պատումի գեղարվեստական ոճը, արտաքուստ ապահերոսականացրեց կերպարը, դարձրեց սովորական մարդ, ազատեց նրան բացառիկ անձնավորության լուսապակից: Եթե պիեսի նախորդ բոլոր ընթերցումներում Պեպոն ընդգծուն տարբերվում էր շրջապատի մարդկանցից, տարբերվում է և արարթներով, և խոսելակերպով, և հերոսական կեց-

վածքով, և՝ բացադիկ տեսմակերամենսով, ապա Աճեմյանի ներկայացման մեջ ոչինչ չմնաց այս ամենից:

Ինչի՞ էր զգուում ոեժիստը: Հետևենք ներկայացման առանձին տեսարաններին, և հասկանալի կդառնա ոեժիստրական մտահղացումը:

Պեպոյի առաջին մուտքը նախորդ գրեթե բոլոր բեմադրություններում եղել է թատերայնորեն հանդիսավոր, ընդգծված: Իր առաջին իսկ մենախոսությունը՝ Պեպոն, այդ հասարակ ձկնորսը, արտասանել է պարթետիկ, ավելի ճիշտ՝ դերակատարները «մատուցել» են այդ մենախոսությունը՝ ընդգծելով նրա պուտական հըմայքն ու ամբողջ կարևորությունը (այդ մենախոսությունը ազնիվ աշխատանքի փառաբանությունն է):

Աճեմյանի ներկայացման մեջ՝ Պեպոն հայտնվում է գրեթե աննըլկատ, համենապնդ դեպս՝ ոչ հանդիսավոր. Նա ելնում է ինչ-որ տեղից՝ կամուրջի տակից, ուր նա հավանաբար ափ է հանում ձկնորսական նավակը, մտնում է բակ, ուղկանը տնտղում և, առավոտ ծեզից մինչև ուշ երեկո աշխատելուց դադրած, հենց բակում և պատկում է հանգատանալու: Այս իրոք աշխատավոր մարդը իր նշանավոր մենախոսությունը արտասանում է պառկած, հոգնությունից ննջելով: Կարելի է պատկերացնել, թե հերոսի նման վարքը ինչպիսի սրբավորություն կհամարեն նրանք, ովքեր Պեպոյին սովոր են տեսնել հպարտ կեցվածքով ու բարձրաշունչ խոսվածքով: Մեժիստը քայլ առ քայլ, ասես, հողին է կանգնեցնում հերոսին, խոսելու և քայլելու կերպն ուղղում է բնականության, եթե կուգեք՝ վավերականության հունը: Ոճի նման փոփոխությունը թելադրված է նախ արդի թատերական արվեստի պահանջներով, որ սկզբունքորեն մերժում է փքուն կեցվածքի, լայն շարժումների, արտաքին թատերայնության ոճը: Արտահայտչական միջոցների ծայրահետ խնայողություն, զապվածություն, լակոնիզմ, հատակ ձև—ահա ինչի է զգուում ու հասնում Աճեմյանը, և ոչ միայն «Պեպոյի» բեմադրության մեջ: Այս հարցը չափազանց կարևոր է հայ թատրոնի ներկայի ու ապագայի համար, ուստի և արժե հետադարձ հայացք նետել 1950-ական թվականներին, եթե Գ. Սունդուկյանի անվան թատրոնը՝ Մուսկայում կանգնած էր ամենախստ քննա-

դատների դատի առաջ: Այն ժամանակ Ա. Օքրազգովան հայ առաջատար թատրոնը անվանեց «ոռմանսիկական թատրոն», իսկ Վալենտին Պլուշեկը ակատեգ: «Այս թատրոնում գիտեն բեմական հակադրությունների արժեքը, կարողանում են նույնիսկ մեկ ներկայացման սահմաններում զուգորդել վեհը ստորի հետ, ողբերգությունը՝ աստիրայի և գրոտեսկի հետ, սիրում են քանդակայնությունը, լայն շարժումը, խոշորացված մանրամասը, ցայտուն, ընդգծված բեմավիճակը: Այդպիսին է թատրոնի ձեռագիրը: Այդպիսին է նաև, իմ կարծիքով, նրա գլխավոր ռեժիսոր Վ. Աճեմյանի ձեռագիրը»¹:

Աճեմյանի ռեժիսորական արվեստի բնութագիրը, ինչ խոսք, ճիշտ է, բայց այնտեղ չկան հայ ռեժիսորի ստեղծագործության այն միտումների բնորոշումները, որոնք, սկսած 1930-ական թվականներից, զարգացան և 1950-ական թվականների կեսերին ամրապնդվեցին որպես առաջատար սկզբունքներ: Միայն «լայն շարժումը», «ցայտուն, ընդգծված բեմավիճակը» կամ «բեմական հակադրությունը» արդեն չեն կարող արտահայտել և բնորոշել ճշմարիտ արդիական թատրոնի դեմքը, դրանք սրբագրման, ստեղծագործական զոտման, ժամանակակից արվեստի գեղագիտությամբ հարստանալու կարիք ունենան, արվեստ, որ մոտ էր վավերագրական հավաստիության և ոչնչով չգունազարդված հակիրճ ոճին:

«Պեպոյում» Աճեմյանը հետևողականորեն սրբագրեց իր նախկին նվաճումները՝ արդի թատրոնի գեղագիտության տեսանկյունից: Եվ սա է նրա «Պեպոյի» սկզբունքային նշանակությունը:

Բայց, ինչպես միշտ, Աճեմյանը գեղարվեստական ոճը չպարտադրեց ներկայացմանը, այլ այդ ոճը որոշակի դարձավ, ձևավորվեց ռեժիսորի գաղափարական կոնցեպցիայի թելադրանքով:

Աճեմյանի կոնցեպցիոն ընկալմամբ Պեպոն քացառիկ անձնավորություն չէ: Ինչ խոսք, քացառիկ անձնավորությունը պետք է անի այնպիսի բաներ, որոնք բնավ էլ սովորական չեն: Բայց եթք նույնն անում է սովորական մարդը, ապա արդեն պատումի շատ շեշտադրումներ փոխվում են, այնժամ հերոսականությունը միայն

¹ «Литературная газета», 1956, 9 հունիսի:

ԼԵՆԻՆԱԿԱՆԻ Ա. ՄՈՒՎՅՈՒՆԻ ԱՆՎԱՆ ԴՐԱՄԱՏԻԿԱՆ ԹԱՏՐՈՆ



«Մարոկկո», տեսարան. 1929



«Մարոկը», մեսարշան. 1929




«Թիկոսատուրա», տեսարան. 1930




«Շատակում», տեսարան. 1932



Յեղինանդ՝ Ս. Սուրենյան, Լոփոս՝ Ա. Ասրյան. «Խարդալանք և սեր». 1934



«Մեծապատիլ մուրացկաններ», տեսարան. 1934



«Մեծապատիկ մուրացկաններ», տեսարան. 1934




«Մեծապատիվ մուրացկաններ», տեսարան. 1934



«Ժամապործն ու հալլ», տեսարան. 1934



Թորի թել՝ Ա. Զոհերաբյան, էնդրու էզյուշիկ՝ Կ. Արծումյան.
«Տառենեկութեղ» գիշեր». 1944



«Տասներկուերրդ պիշեր» 1944



గుప్పుడు, ద. బుద్ధుమాలు, లుగును, గుప్పులు, «క్రుం పుహ్పలు», 1946



Շամիրամ՝ Ժ. Թովմասյան, Արա՝ Գ. Հարուրյանյան. «Արա գեղեցիկ». 1946


Գ. ՍՈՒՆԴՈՒԿՅԱՆԻ ԱՆՎԱՆ ԴՐԱՄԱՏԻԿԱԿԱՆ ԹԱՏՐՈՆ



Մարգարիտ Ա. Ռոկանյան, Թուալիս և Ա. Սեբաց
«Պատվի համար». 1939



Գաղիկ՝ Վ. Վաղարշյան, Վազգանով՝ Ս. Արագյան. «Երկիր հայրենի». 1940



Հայդար Հ. Ներսիսյան, Միրոն Վ. Վաղարշյան. «Թագմանակատ». 1942

Հայդար Հ. Ներսիսյան
Միրոն Վ. Վաղարշյան



(Չախից) Բաղդասար ամի՞՝ Վ. Մարզունի, Մարտիրոս՝ Թ. Սարյան, Գրիգոր աղա՝ Կ. Զանիքելյան, Մարզար՝ Վ. Բագրատունի, Զամար՝ Գ. Ասլանյան. «Ժայռ». 1944



«Բալենու այգին», տեսարան. 1951

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՎԱՐԴԱՐԱԿԱՆ ԱՐԵԱ



(Չախից) Փայլակ՝ Մ. Կոստանյան, Պաղտասար՝ Հ. Ներսիսյան, Սուր՝ Ա. Կորիկյան,
Երկար՝ Վ. Մարգոնի, Անոն՝ Ա. Ասրյան. «Պաղտասար աղբար». 1954



«Պաղտասար աղբար», տեսարան. 1954





Սալոմե՝ Օ. Գուլազյան, Սուրաբով՝ Թ. Սարյան. «Էլի մեկ գոհ». 1955



«Նամուս», տեսարան. 1955


ՏԵՍԱՐԱՆ 1
ՏԻՄՈՒԹՅՈՒՆ ՀԱՅԱՍՏԱՆԻ ՊԵՏԱԿԱՆ ԹԱ苍ԱՐԱՆ




Սեյրան՝ պ. Աբաշյան, Սուսան՝ Մ. Մուրադյան. «Նամու» . 1955




Արտաշես՝ Գ. Մալյան, Գևորգ՝ Բ. Ներսիսյան. «Եղիյն հարկի տակ». 1957





«Քառո», տեսարան. 1959



(Ձախից) Միքայել՝ Բ. Ներսիսյան, Սմբատ՝ Գ. Մալյան Առան՝ Գ. Աֆրիկյան,
Մարութիսանյան՝ Ա. Ավետիսյան. «Քառ» 1959



«Ինպի ապա յան», տեսարան. 1969



«ԵՐԵՎԱՆԻ պարետիկականը», տեսարան. 1960

ՀԱՅԱՍՏԱՆԻ ՊԱՐԵՏԻԿԱԿԱՆ
ԹԱ苍արան



Զոնի՝ Վ. Վարդեբեսյան, Մել Գրեգոր՝ Հ. Ներսիսյան.
«Իմ սիրտը լեռներում է». 1961



«Եմ սիրոք լեռներում է», տհարան. 1961

ՀԱՅԱՍՏԱՆԻ ՊԵՏԱԿԱՆ
ԹԱ苍արԱՆԻ ԱՐՏՈՒՐ ԽՈՎԱՅԻՆ

ԽՈՎԱՅԻՆ



«Մեռնող Ֆլորա», տեսարան, 1962



«Թոմին և Զուլիկետ» տեսարան, 1964

ՀԱՅՈՒՆ ԳԻՏՈՒԹՅՈՒՆՆԵՐ
ԲՈՒԺ ԵՎ ԽԱՐԱԿԱՆ ԱՐԴՅՈՒՆԱԴՐՈՒԹՅՈՒՆ



Արմեն Խ. Արքանամյան, Զուլիսա՝ Ս. Սիմոնյան, «Թամբ և Զուլիս»։ 1964



Արա Խ. Աբրահամյան, Շամիրամ Լ. Հովհաննեսյան. «Արա գեղեցիկ». 1955

ՀԱՅԱՍՏԱՆԻ ԿՐՈՆԱԿԱՐԱՔ



Կեկել՝ Կ. Գարազյանցան, Պեպո՝ Խ. Աբրահամյան. «Պեպո». 1966




Զիմզիմով՝ Ս. Սարգսյան, Պետրոսյան, Արքանամյան. «Պեպո». 1966

ՀԱՅԱ ԱՐԴ ԳԻՏՈՒԹՅՈՒՆՆԵՐԻ
ՀԱՅԱ ԱՐԴ ԳԻՏՈՒԹՅՈՒՆՆԵՐԻ



«Դատական գործ», տեսարան, 1966



Տարեկին՝ է. էլքակյան, Վաղավին՝ Գ. Զանիբեկյան. «Դատական զործ». 1966



«Աշխարհն, այս, շուր է եկել», տեսարան. 1967



«Հանրապետուրյան նախագահը», տեսարան. 1970



բացառիկ մարդկանց արտոնությունը չի դառնում, այնժամ ապացուցվում ու ներշնչվում է ավելի ընդգրկուն և ավելի արդիական յուրաքանչյուր սովորական մարդ, յուրաքանչյուր ազնիվ մարդ իրոք կարող է և պետք է վարվի այնպես, ինչպես Պեպոն, կարող է, որովհետև Պեպոն էլ սովորական մարդ էր, և նրա նմանները շատ-շատ են կյանքում: Ռեժիսորական այս կոնցեպցիայի դեպքում ազնվությունը սիրանքի աստիճանի չի բարձրացվում, այլ բացահայտվում է որպես վարք ու բարքի նորմա, որպես մարդու հասարակական կեցության նորմա: Աճեմյանը բնավ էլ չի հրաժարվում Պեպոյի արարքների հերոսական բովանդակություննեց, ևս հրաժարվում է այդ արարքներն արտահայտելու փրուն ձևերից:

Իհարկե, կարելի է այսօր էլ «Պեպոն» մեկնաբանել գեղարվեստական ուրիշ ոճով, կարելի է հերոսի ընդվզումը ներկայացնել թատերապին-հանդիսավոր, բայց դա ամենին չի նշանակում, թե «Պեպոյի» աճեմյանական ընկալումը, որ մեր խորին համոզնամբ միանգամայն արդիական է, սիսավ է և անընդունելի: Այս կապակցությամբ չի կարելի չհիշել Գուրգեն Մահմարու հակիրճ նորերը՝ գրված հաստուկ Աճեմյանի այդ աշխատանքի առիթով. «Հատկապես ինքնուրույն, դասական պիեսների նոր բեմադրությունները տոգորված են մի ճգոտումով, ազատել այդ պիեսներն ու նրանց գործող անձանց՝ մինչ այդ իրականացված բեմադրությունների «բեմական փոշուց» և բեմ հանել տվյալ պիեսը նոր մոտեցումով ու փայլով:

... Ինչպես միշտ, այս անգամ էլ Աճեմյանը շդպահանեց իրեն, գնաց ճշմարիտ արվեստի չկոխութված ճանապարհով և տվեց մի գունեղ բեմադրություն: Զկա ավանդական հաստափոր Զիմզիմովը, չկա մելոդրամատիկ, խոսելու պես լացող կամ լալու պես խոսող Պեպոն: Պիեսը հարատացել է ռեժիսորական նոր հնարանքներով, նոր մեկնաբանություններով և բեմական նոր երանգներով:

Այս տեսանկյունով պետք է դիմել «Պեպոն»:¹

Կլասիկայի նկատմամբ Աճեմյանի սկզբունքային դիրքորոշումը հաստատվել է ամեն անգամ, երբ դիմել է նրան, լինի դրա-

¹ Գուրգեն Մահմարի, «Ներածական խոսք կամ հանդգնությունը ճշմարիտ արվեստի ճանապարհն է», «Երեկոյան երկան», 1966, 8 ապրիլի:

մատիկական կամ օպերային, նույնիսկ երաժշտական կոմեդյայի թատրոնում: Առանձնապես հետաքրքիր է ռեժիսորի աշխատանքը Ա. Տիգրանյանի «Անուշ» օպերայի վրա, որ հայ օպերային բեմում հաստատվել էր Սրմեն Գովակյանի բեմադրությամբ:

«Անուշ» Սունդուկյանի «Պեպոյց» ոչ պակաս էր պատվել բեմական ավանդների «փառով», թերևս նույնիսկ ավելի, քանի որ օպերային ներկայացումը ենթակա է ավանդների պահպանան, և այդ ամենը վերանայելը շատ բարդ գործ է: Ռեժիսորն ինքը լավ էր հասկանում այդ, եթե արտահայտվում էր Գովակյանի բեմադրության մասին. «Անուշ» օպերա ասելիս մարդիկ աչքի առաջ են ունենում այդ բեմադրությունը, որ մտերիմ է դարձել ճրանց, ավելի ճիշտ ընդունվել է իր բոլոր առավելություններով ու թերություններով»¹: Սակայն այդ շատ հետաքրքիր ներկայացումն, ինչպես ճիշտ է նկատել Վ. Անեմյանը, «չէր կարող չունենալ նաև մեր օրերի համար ոչ ընդունելի կողմեր՝ ավելորդ կենցաղագրություն, գընեհիկ սոցիոլոգիզմի շորջովներ, պարզունակ գործողություններ ու դրություններ և, վերջապես, նկարչական ձևավորման հատուրալիստական լուծումներ»: Այս բոլորից, որ ժամանակի ամեստասիելի կնիքը էր Սրմեն Գովակյանի բեմադրության վրա, Անեմյանը ազատվեց նոր բեմադրությունում: Ավելի բարդ էր մի այլ խընդիր, որ լուծել էր Գովակյանը չափազանց ամուր ու համոզիչ և որի վերանայումը կպահանջեր արմատական փոփոխություններ օպերային ներկայացման կոնցեպցիայում: Դա օպերայի հերոսների ողբերգության ճակատագրական ընկալումն է:

Ժամանակին Գովակյանին կշտամբել են, թե նա «Անուշ» օպերան մեկնաբանել է միատիկական տեսանկյունից, մի շարք տեսարանների ճակատագրապաշտություն է հաղորդել՝ ողբերգականության կանխակալ պարտադրանքով: Ի դեպ, նման կոնցեպցիա էր պաշտպանում նաև օպերայի դիրիժոր Մ. Թավրիզյանը: Վարդան Անեմյանը, ներկայացման դիրիժոր Օհան Դուրյանի հետ մեկտեղ, բեմական պատումն ազատեց կանխակալ ողբերգականության ինտոնացիաներից, ներկայացման դրամատորգիան ծավա-

¹ «Սովորական արվեստ» 1969, № 9, էջ 32:

լեց այնպէս, որ ողբերգականը ծնվեր քնական ու օրինաչափ: Ուրեմն և բեմական գործողության ոճը, մանավանդ սկզբնական դրվագներում, հարկավոր էր դարձնել դեպի մաժորային, լավատեսական, ժողովրդա-էպիկական ասքի ոճին հարազատ ինտոնացիաների հունը:

Նման մեկնաբանության դեպքում ուժիսորը պետք է վերանայեր նաև ներկայացման կենցաղային լուծման պրոբլեմը, պետք է ներկայացումն ազատեր նեղ կենցաղայնությունից՝ օպերայի էպիկական շոնչն ընդգծելու համար: Ահա յու ինչու ներկայացման մեջ երևան եկան ճշմարիտ ժողովրդական տեսարաններ, որոնք գունագեղ էին, աչքի էին ընկնում բեմական լայն ու խորունկ գործողությամբ և բուն ժողովրդական ոգով էին ներթափանցված:

Օպերային, ինչպէս և դրամատիկական, ներկայացման մեջ Վարդան Անեմյանը մարդկային տառապանքների էությունը ընկալում ու բացահայտում է ամենախորունկ շերտերով, հասնելով գեղարվեստական լայն ընդհանրացումների: Եվ այստեղ ուժիսորը հետևողականորեն հաստատում է «սոցիալական միջավայրի մեջավորության» կոնցեպցիան, բազմակողմանիորեն հիմնավորելով օպերայի գործող անձանց վարվելակերպը: «Անուշում» այդ կոնցեպցիան արդեն Թումանյանի պոեմի հիմքում է ընկած. այստեղ չկան արդարներ ու մեջավորներ, բոլոր տառապողները դաժան բարքերի գոհներ են, իսկ բոլոր գոհները տառապում են անսահման:

Շատ ավելի բարդ էր ուժիսորի աշխատանքը Սպենդիարյանի «Ալմատ» օպերայի բեմադրության վրա, մեծ կոմպոզիտորի ծննդյան 100-ամյակի առիթով, որ լայնորեն նշվեց 1971-ին:

«Ալմատը» բազմիցս բեմադրվել է Երկրի խոշորագույն օպերային թատրոններում Մոսկվայում, Օդեսայում, Թրիխիսիում, Երեք անգամ նրան է դիմել Երևանի Սպենդիարյանի անվան օպերայի և բալետի թատրոնը: Բայց մինչ Անեմյանի բեմադրությունը, որը չորրորդն էր այս թատրոնում, օպերան ներկայացվում էր ոչ այն ժամանով, ինչ հղացել էր ինքը՝ կոմպոզիտորը:

Բանն այն է, որ Սպենդիարյանը, «Ալմատի» վրա Երկար տարիներ աշխատելով հանդերձ, չհասցրեց ավարտել պարտիտորը,

թեև կլավիրային տեսքով օպերան ավարտված էր դեռ 1922-ին, այսինքն կոմպոզիտորի մահվանից վեց տարի առաջ: Այս տարիների ընթացքում Սպենդիարյանը, նշակելով «Ալմաստի» պարտիտորը, ոչ մի փոփոխություն չմտցրեց օպերայի կլավիրի մեջ: Երաժշտագետ Գ. Գյոդակյանը, առաջ քաշելով «Ալմաստ» օպերայի ճշմարիտ բովանդակությունը բացահայտող հետաքրքիր կոնցեպցիա, իրավացիորեն նկատում է. «Հենց այն միտքը, թե օպերան ինչ-որ չափով անավարտ է մնացել, կործանարար դեր խաղաց կոմպոզիտորի սիրած ու փայփայած գործի բեմական կյանքում: Այս պատճառաբանությամբ սկսեցին առաջադրել տարբեր մեկնակերպեր, սկսեցին ավելացնել նոր արիաներ ու տեսարաններ, առաջնորդվելով ամենաազնիվ նկատառումներով՝ «ավելի վառ ու լիսկատար բացահայտելու համար հենց իր՝ կոմպոզիտորի հոդացումը», ենթադրելով, թե նա իր անժամանակ մահվան պատճառով հնարավորություն չի ունեցել մարմնավորելու այդ «հղացումը»¹:

Մինչ Աճեմյանի բեմադրությունը «Ալմաստը» մեկնաբանում էին որպես հերոսական-հայրենասիրական օպերա, մի հանգամանք, որ խանգարում էր Սպենդիարյանի այդ ամենանշանակալի երկի փիլիսոփայական բարդ բովանդակության բացահայտմանը: Օպերայի պումեն (լիբրետոն գրել է ոռու բանաստեղծութի Սոֆյա Պառնոկը) վերցված է Հ. Թումանյանի «Թմմկաբերդի առումը» պոեմից, որի համար, ինչպես հայտնի է, հիմք է եղել ժողովրդական ավանդությունը Թմմոկ անառիկ բերդի, հայ իշխան Թաթուլի, նրա բաց զինվորների և սևաչյա գեղեցկուհու՝ Թմմկա տիրուհու մասին, որի դավաճանությունն էլ կանխորոշում է Թմմկաբերդի և նրա պաշտպանների ողբերգական նակատագիրը: Զավախքում պահպանված այս ավանդությունը Թումանյանը փոքր-ինչ կոնկրետացրել է, պոեմում տեղ տալով պատմական անձի՝ պարսից տիրակալ

1 Գ. Գյոդակյան «Ալմաստ» օպերայի ժանրային առանձնահատկությունները՝ զեկուցում, կարդացված Ա. Սպենդիարյանի ծննդյան 100 ամյակին նվիրված սեսսիայում, 1971-ի դեկտեմբերի 13-ին (զեկուցումը պահպանվում է Հայկական ՍՍՀ Արվեստի հնատիտուտում):

Նադիր Շահին: Սակայն նման կոնկրետացումից պոեմը չի դարձել հայ ժողովրդի և օստար նվաճողների պայքարի հավաստի պատմություն: Պատումը ավելի շուտ վիճերգական է.

Նադիր Շահը զորք հավաքեց,
Զորք հավաքեց անհամար,
Եկավ թրմկա բերդը պատեց,
Ինչպես գիշերն էն խավար:

Կամ՝

Ասավ, կանչեց իր քաջերին,
Թուրը կապեց հավլունի,
Թըռավ, հեծավ նժուդ իր ձին,
Դաշտը իշավ արյունի:

Ու քառսուն օր, քառսուն գիշեր
Կըսիվ տըլին անդադար,
Ընկան քաջեր, անթիվ քաջեր,
Բերդի գըլխին հավասար:

Իրան, թուրան ողջ եկել են,
Թաթուկն անհաղթ, աննըկոն,
Զորք ու քարան խորտակվել են,
Նըրա բերդը միշտ կանգուն:

Ու միշտ ուրախ, հաղթանակով
Իր ամրոցն է դառնում նա.
Սպասում է էնտեղ կինը,
Ջահել կինը սկաշյա:

Միանգամայն ակնառու է՝ պատկերվող իրադարձությունների պատմական հավաստիությունը չէ, որ հետաքրքրել է Թումանյանին առաջին հերթին: Կարևոր ենք համարում ընդգծել այս պարագան, քանի որ «Ալմատի» նախորդ բոլոր բեմադրություններում գլխավոր շեշտը դրված է եղել հերոսական-հայրենասիրական մոտիվի վրա, որն իբր արտացոլում է պատմական իրողությունը: Մինչդեռ Սպենդիարյանը բոլորովին էլ պատահաբար չի ընտրել «Թմւկաբերդի առումը»: Այս պոեմում Թումանյանը, օգտվելով

Թմուկ բերդի պատմության բանաստեղծական մեկնակերպից, բացահայտել է մի որիշ՝ խոր փիլիստիվայական մոտիվ, որի իմաստը կարելի է արտահայտել պոեմի վերջին տողերով.

Ամենքս էսպես Հյուր ենք կյանքում
Մեր ծնընդյան փուլ օրից,
Հերթով գալիս անց ենք կենում
Էս անցավոր աշխարհից:

Անց ենք կենում... միայն անմա՞
Գործն է խոսվում լավ ու վատ.
Աշխ, երանի՝ ով մարդ կըգա
Ու մարդ կերթա անարատ:

Մարդկային անարատ կյանքի, շահադիտական ձգտումների և մութ կրթերի ունայնության, սիրո և հավատարմության անմահության մասին է պոեմը: Եվ Թումանյանի երկի հենց այս փիլիստիվայական խորքն է ամենից ավելի հետաքրքրել կոմպոզիտորին, և հենց այդ պատճառով էլ նաև Սոֆյա Պատնոլի հետ այդքան երկար աշխատել է օպերայի լիբրետոյի վրա, որի մեջ առաջին պլան են միվել բոնակալ Նադիր Շահի, փառաւեր իշխանուհու և քաջ Թաթուկի կերպարները: Իրավացի է Թումանյանի ստեղծագործության հետազոտող Լ. Հախվերդյանը, երբ պնդում է, թե Թումանյանը առաջինն էր հայ գրականության մեջ, որ գեղագիտական բոլորովին նոր դիրքերից դիմեց հայրենի պատմությանը: Բանաստեղծի դիրքորոշումն այսպես է սահմանում հետազոտողը. «Ժողովուրդների պատմական անցյալը միայն հայրենասիրական դասեր չէ, որ տալիս է և գեղարվեստն էլ միայն այդ դասերը չէ, որ առնում է նրանից: Հայկական պատմությունն էլ հարյուրամյակների ընթացքում գոյացրել է ոչ միայն հայրենասիրական բովանդակության պյուժեներ, այլև պյուժեներ, որ առնչվում են ոչ թե հայրենասիրությանը, այլ մարդկային կրթերի մեծ աշխարհին»¹:

«Ալմաստի» մինչաճեմյանական բոլոր բեմադրություններում օպերայի փիլիստիվայական մոտիվը մնվում էր երկրորդ պլան, ստվերվում, նույնիսկ աղավաղվում: Առաջատար էր դառնում հե-

¹ Լ. Հախվերդյան, «Թումանյանի աշխարհը», Երևան, 1966, էջ 338:

բոսական—հայրենասիրական թեման, ժողովրդի պացարը: Ելեկով հման մեկնաբանությունից, Սպենդիարյանի երաժշտությանը ավելիում էին նոր արխաներ ու նույնիսկ ամբողջ տեսարաններ: Այսպահումն առանձնապես նկատելի էր օպերայի ֆինալում: Հատ Սպենդիարյանի և Սոֆյա Պատոնկի, օպերան ավարտվում էր այն բանով, որ Նադիր Շահը, խորամանկությամբ ու խարեւությամբ Թմուկ բերդը գրավելուց հետո, խորհում է կյանքի անցավորության, ունայնության մասին: Ապա Նադիր Շահը կանչում է Ալմաստին, որն ի տրիտուր իր դավաճանության սպասում է թագի ու գահի, կանչում է և հարցնում ունեիր դու փառք, և փայլ, և պատիվ, մի թե այդ ամենը բավական չէր քեզ, որ դավաճան դարձար: Ալմաստը հասկանում է, որ շահը խարել է իրեն, «խում է դաշույնը և ցասկու ճիշով՝ «Մի սփոփանք մնաց ինձ այլևս՝ վրեժ...», նետվում է դեպի շահը: Թիկնապահները խում են դաշույնը հրա ձեռքից: Եթք Նադիր Շահը մահապատժի հրաման է արձակում, Ալմաստը փորձում է թիկնապահներից մենի պատյանից սուրը դուրս քաշել ու ի հնքնասպան լինել, բայց բոնում են հրան և հանձնում դահճին»¹:

Նախորդ բեմադրություններում օպերան ավարտվում էր հավելված տեսարանով, որը ընդվզած ժողովորդը Նադիր Շահին քշում է Թմուկ բերդից, իր հաղթանակը սոնում և պատժում դավաճան Ալմաստին:

Աճեմյանը դիրիժոր Օհան Դուրյանի հետ մեկտեղ (որը համահեղինակ էր նաև «Անուշ» օպերայի բեմադրության), առաջին անգամ վերանայեց Սպենդիարյանի օպերայի ավանդական դարձած կոնցեպցիան, փորձեց վերադառնալ կոմպոզիտորի նախնական հղացմանը և հասալ օպերայի փիլխոփայական մոտիվի խոր մեկնաբանության: Ահա թե ինչու ուժիսորը, մեծ հշանակություն տալով օպերայի հերոսական թեման արտահայտող ժողովրդական տեսարաններին, միաժամանակ ցայտուն ու արտահայտիչ պատիկում է Նադիր Շահի, Ալմաստի և Թաթուկի կերպարները: Փոփոխվում են շեշտադրումները— Նադիր Շահը Աճեմյանի ներկայացման մեջ հոգեկան ոգորումներից զուրկ բոնակալ չէ միայն, Ալմաս-

¹ Г. Тигранов, «Армянский музыкальный театр», հ. 1, էջ 381

տղ սուկ դավաճան չէ, որին խորլո են Աերքին ողբերգությունն ու զղման մեծ զգացումը: Աճեմյանի մեկնաբանությամբ օպերայի գործող անձինք հաղորդակցվում են մարդկային տառապանքներին, ոեժիսորը փորձում է հասնել այդ տառապանքների ակունքներին, բացահայտել Թումանյանի պոեմի և Սպենդիարյանի օպերայի փիլխոփայական մոտիվը: Հենց այդ պատճառով էլ Աճեմյանը փորձերի ժամանակ համառորեն պահանջում էր իրեն հնարավորություն ընձեռել հատուկ տեղ տալու Սլմաստի պարի տեսարանին երրորդ արարում: Այստեղ Սլմաստը, որն արդեն վճռել է դավաճանել Թաթովին, հարքեցնել զինվորներին և հրանց մրափելոց հետո բաց անել ամրոցի դարպասները թշնամու առաջ, ըստ լիբրետոյի ունարկի սկսում է պարել՝ խնջուքի մասնակիցներին զվարճացնելու, հրանց զգունությունը թուլացնելու համար: Ոեժիսորի հղացմամբ, այդ պարը դրամատիկական խոր իմաստ է ստացել, նրա մեջ արտահայտվել են իշխանություն հակասական բնավորությունը, կասկածները, այսինքն այն ամենը, ինչ արտահայտված է երաժշտության մեջ, բայց տեղ չի գտել լիբրետոյի տեքստում: Եվ Աճեմյանը հերոսություն պարի տեսարանը «բացել», դարձրել է յուրատեսակ պլաստիկ մենափոստթյուն, հոգու ճիշ-մենախոսություն, տառապանք-մենափոստթյուն: Ցալորք, այս տեսարանը Աերկայացման մեջ հարկն եղածի պես չհնչեց տեխնիկական թուլլ կատարման պատճառով: Նույն պատճառով այդ բախտին արժանացան նաև ոեժիսորի մի շարք ուրիշ հղացումներ: Այսպես, նույն երրորդ արարում ոեժիսորը մտադիր էր ստեղծել խնջուքի այնպիսի մի տեսարան, որ յուրաքանչյուր գործող անձի, յուրաքանչյուր արտիստի վարկելակերպը մշակված լիներ բեմականորեն ցալսուն և հոգեբանորեն ճշմարտացի: Սակայն շոտափուլյթ փորձերի ընթացքում ոեժիսորի մշակած մանրամասները Աերկայացման մեջ կամ չէին կատարվում, կամ կատարվում էին ոչ ճիշտ, որի հետեւ վանքով ամրող տեսարանը դժգույն ու սամայ արտահայտիչ էր ստացվել:

Գեղարվեստորեն ինքնատիպ լուծում ունի օպերայի ֆինալը: Դաժան նադիր Շահը «Ամեն ինչ ունայն է» արխայից հետո, կանչելով Սլմաստին, ուզում է հրանց հնազանդություն ներշնչել: Ոեժի-

սորը ազատություն է տալիս արտիստին՝ Նադիր Շահի «Հիշում եմ, թխադեմ պարմանի էի» արիայի կատարման ժամանակ, արիա, որի մեջ ազգաբանորեն խոսվում է հրեղեն զամբիկին սանձելու մասին։ Այստեղից էլ սկսվում է Ալմաստի և Նադիր Շահի բախումը, որ ոեմիտը պատկերել է ճշմարիտ ողբերգական ինտոնացիաներով։ Նրանց միջև հաշտությունն անհնար է։ Եվ ամեն մեկը յուրովի է զղում, սակայն երկուսն էլ ներքաշված են աղետավի իրադարձությունների շրջապատույտի մեջ։ Նադիր Շահը, ետ տանելով վարագույրը, ցույց է տալիս գամը, որի վրա անշոնչ Թաթուլն է։ Ահա Ալմաստի դավաճանության վարձն։ Եվ արդյո՞ք, նա, այդքանից հետո, կարող է հավատարիմ լինել Նադիրին։ Ոեմիտը ական մունց տեսարանում որոշակիորեն սահմանազատված են շահի և իշխանությունը դիրքերը։ Առաջինի համար ամեն ինչ փուչ է և ունաշն, երկրորդի համար որիշ ափոփանք չի մնացել վրեմիսնդիր լինելուց բացի։ Եվ այս ամենից հետո Ալմաստը՝ կամային ու փառասեր այդ կինը, չի կարող շահին դաշտնահարելու փորձ չանել։ Աճեմբանի ոեմիտը ական մեկնաբանությամբ Ալմաստի այդ վարմունքը համոզից պատճառաբանություն և արդարացում ունի։ Թիկնապահները կանոնում են սպանությունը։ Բայց ոեմիտը ավելի հեռուն է գնում։ Նա ձգտում է արտահայտել հերոսություն մարդկային տառապանքները, խորին զոշումը՝ ելնելով երաժշտությունից։ դեռաստի հասակում, ջանգույնություն ժամանակ, Ալմաստին սև վիճակ է ընկել, և այժմ այդ թեման հնչում է նվագախմբի թաղման քայլերգի հանգուվ։ Ոեմիտը սգո երաժշտության ներքո ստեղծում է մի այնապիսի բեմավիճակ։ Ալմաստը, իր չարագործությունից ծայր աստիճան հուսահատ, հոգելիան անլուր տառապանքների մեջ, սիրած Թաթուլի անկենդիան հայացքի առաջ դաշյունն իր կուրծքն է մեխում և ընկնում անշոնչ։ Երաժշտությունը ավելի ու ավելի ողբագին է հնչում նվագախմբում։

Վիճարանությունների առիթ տվեց այս ֆինալը ևս։ Պահանջում էին, որ Ալմաստը մահապատժի ենթարկվի, ինչպես Սոֆյա Պառնուկի լիբրետոյում է։ Աճեմյանն իր կոնցեպցիայի իրավացիությունը պատճառաբանում է այն բանով, որ Ալմաստի ինքնասպանությունը հետևանք է տառապանքների ամենամեծ շիկացման։

Համենայն դեպս, Աճեմյանը փորձել է օպերայի ֆինավոր ներկայացնել որպես խորհրդագություն կեցության իմաստի շորք, ցուց տալ և ապացուցել այն, ինչի մասին խոսում է Թումանյանը պոեմի վերջին տողերում.

*Ա՛խ, երանի՝ ով մարդ կը զա
Ու մարդ կերթա անարատ:*

Նույն գաղափարը Սպենդիարյանն արտահայտել է երաժշտության լեզվով, օպերայի երաժշտական դրամատորգիայով: «Ալմաստ» օպերայի նորք ու խոր վերլուծությունը, որ արել է երաժշտագետ Գ. Գյոդակյանը իր արդեն հիշատակված գեկուցման մեջ, Սպենդիարյանի խոշորագույն երկը նորուի ընթերցելու հնարավորություն է ընձեռում: Եվ Աճեմյանի այս բեմադրությունը յերևս առաջին քայլն է այդ ճանապարհին:



ՎԵՐԶԱԲԱՆԻ ՓՈԽԱՐԵՆ

Յարունակվում է ոեժիսորի ատեղծագործական ուղին: Սովետական Միության ժողովրդական արտիստ Վարդան Աճեմյանի գործունեության ծավալի ու թափի մասին գոնե մոտավոր պատկերացում կարելի է կազմել հետևյալ ծանոթությունից:

Լինելով Գ. Սունդուկյանի անվան ակադեմիական թատրոնի դիրեկտորն ու գլխավոր ոեժիսորը, Աճեմյանը միաժամանակ կազմակերպել ու ղեկավարում է թատրոնի դերասանական ստուդիան: Ստուդիայի սաների ուժերով ուժիսորը վերջերս բեմադրեց Մ. Գորկու «Հատակում» պիեսը: Ներկայացումը քննություն բռնեց և անցավ թատրոնի մեջ բեմը: 1944-ից Աճեմյանը մանկավարժական աշխատանք. է տանում Երևանի գեղարվեստա-թատերական ինստիտուտում, պրոֆեսոր է (1964-ից), այժմ ղեկավարում է դերասանական կուրսը: Աճեմյանը ստեղծագործական կապերը չի խզել լենինականի Ա. Մուպյանի անվան դրամատիկական թատրոնի հետ, ուր սկիզբ առավ նրա ոեժիսորական գործունեության փառավոր ուղին, և այժմ Աճեմյանը այդ թատրոնի գեղարվեստական խորհրդատուն է, հաճախ է մեկնում իր սիրած քաղաքը և օգնում թատրոնի երիտասարդ ոեժիսորներին: Ա. Սպենդիարյանի անվան օվերայի և բալետի թատրոնում Աճեմյանը միշտ էլ ցանկալի հյուր է, նրան են հանձնարարում հայ ազգային օպերաների բարդ ու պատահանատու բեմադրությունները: Աճեմյանը ուսանողական ինքնագործ թատերախմբի ղեկավար է, մի շարք ժողովրդական թատրոնների գեղարվեստական խորհրդատու... Կարճ ասած, Վարդան

Անեմյանի ստեղծագործական կյանքը լեցուն է պոնկեպունկ, յուրաքանչյուր նոր թատերաշրջանում ոեժիսորը բեմադրում է ավելի քան երկու-երեք պիես կամ օպերա, ստեղծում է ուսումնական հերկայացումներ թատրոնի ստուդիայում և գեղարվեստա-թատերական ինստիտուտում:

Դեռ վաղ է Վարդան Անեմյանի ստեղծագործական ուղու հանրագումարն անել, և նրա ոեժիսորական արվեստի ապագա հետազոտողը անպայման կշարունակի Անեմյանի հետագա աշխատանքների վերլուծությունը: Հիանալի է ասել Վահրամ Փափազյանը Անեմյանի մասին. «Դեռ չեն հանդարտվել նրա մեջ ստեղծագործական փոթորիկները և, հավատացած եմ, դեռ տարիներ ու տարիներ չեն հանդարտվի»¹:

Կյանքի յոթերորդ տասնամյակում ոեժիսոր Անեմյանը չի կորցրել ստեղծագործական շահելությունը, բանավիճողի ավյունը, ժամանակակից արվեստագետի համարձակությունը: Նրա մեջ է նրա ոեժիսորական արվեստի ուժը, նրա ստեղծագործական խառնվածքի անկրկնելի յուրահատկությունը՝ միշտ անհանգիստ, որոնոյ և միշտ զարմացնող ինքնատիպ հղացումներով, վառ ու ինքնուրովն մոտածողությամբ: Վարդան Անեմյանին մոտիկից ճանաչողները չեն կարող չհիմանալ նրա անսպաս եռանդով, արտակարգ աշխատահրությամբ, ստեղծագործական ակտիվությամբ: Բայց և ոչ երբեք չի կարող նկատել, թե երբ և ինչպես է Անեմյանը հասցնում այդքան շատ բան անել: Նրան չես տեսնի ժամերով գրասեղանի մոտ հստած, նա շարունակ, ինչպես ասում են, ոտքի վրա է, հասնում է անեն տեղ և ասես չի աշխատում, այլ զրուցում է, կատակում, ճեպանկարում թղթի մի կտորի վրա... Բայց լսենք Վահրամ Փափազյանին. «Ծանր ու դժվարին աշխատանքով զորացավ Անեմյանը: Նա... դարձավ մեծ վարպետ՝ ճանաչված Հայաստանի սահմանադրից դուրս: Նոր խորհուրդ ու փայլ ստացան նրա աշքերը՝ նոր գաղափարներ են փոթորկվում նրա խոշոր գլխում: Զրոյցի պահին հանկարծ նկատում եք, որ Վարդանը «քացակայում է», որ նրա մոքերն արդեն հեռու են ձեզանից, ինչ-որ մի ուրիշ, ավելի կարևոր

1. В. Папазян, «Жизнь артиста», 1965, № 419

տեղ, թերևս նա ականց է դնում իր ներքին ձայնին, որը հետաքրքիր հղացումների մասին է շշնչում, թարմ մտքեր հուզում: Սիրավիր, հարգալից գրուցակցի տեղ հանկարծ հայտնվում է ցրված, անուշադիր մի մարդ... Բայց դա յոդ ձեզ վրդովմունքի առիթ չտա՝ նա ձեզ համար, ամենքի համար է պացել իր մտապատրանքների ետևից, և եթե ոչ այժմ, ոչ իւլուն, ապա ինչ-որ ժամանակ նա այդ ամենը կտեսցնի մեզ բեմից»¹:

Իսկ այն, ինչ Վարդան Աճեմյանը ցուց է տալիս բեմից, ինչպես արդեն տեսանք ու համոզվեցինք, արժանի է ժամանակակից մեծ արվեստագետի վրձնին, արվեստագետ, որի համար ներկայացում բեմադրելը չի նշանակում պարզապես ստեղծել ճշմարտացի կերպարներ, վառ բեմավիճակներ, այլ ամենից առաջ նշանակում է հայտնագործել կյանքի գեղարվեստական կերպարը՝ ուժիւրի ստեղծագործական խոր հղացումին ենթակա: Աճեմյանը երթեք, այսպես կոչված, ակադեմիական վերաբերմունք չի ունեցել ներկայացման մասնակիցների նկատմամբ, լինի թատերագիրը, նկարիչը, կոպոզիտորը յեւ դերասանը: Այս բոլորի հետ նա հանդես է գալիս որպես գործուն համահեղինակ՝ միշտ էլ առաջարկելով ծագած հարցերի ստեղծագործական լուծումներ:

Աճեմյան-թատերագրի միտքը, անկախ այն բանից՝ պաշտոնապես հեղինակ է ևա թե ոչ, աշխատում է ճշգրիտ և միշտ՝ ստեղծագործաբար: Ուժիւրի բեմադրած բոլոր պիեսներում կարելի է նկատել նրա դրամատորգիական սրբագրումները: Մի դեպքում դա գրական երկի բեմավորում է, որ կատարել է ուժիւրը, մյուս դեպքում՝ աշխատանք դասական ստեղծագործությունների վրա, իսկ ամենից հաճախ՝ ժամանակակից թատերագրի գործի վերափոխում ու վերամշակում,— մի խոսքով, Աճեմյան-ուժիւրի աշխատանքը միշտ էլ ուղեկցվում է Աճեմյան-թատերագրի բարդ ու դժվարին աշխատանքով: Մի անգամ էլ լսենք, թե ինչ է ասում Վահրամ Փափազյանը Աճեմյանի մասին. «... Նրան ավելի պարտական են հայ երիտասարդ թատերագիրները: Եթե երիտասարդ դերասանը չի կարողանում խաղալ ինքնապավեն, դժվար չի նրանից ազատվե-

¹ В. Папазян, «Жизнь артиста», էջ 418—419:

լը, սակայն սկսնակ գրողի հետ, որը դեռ չի կարողանում գրել ինքնապավեն, հարկ է լինում աշխատանք թափել, պապես ասած, գրել նրա փոխարեն, ապա թէ ոչ ուրիշ կերպ ինչպէ՞ս պիտի աճեցնես երիտասարդ թատերագրությունը։ Եվ Աճեմյանը քիչ չխաղաց թատերագիրների փոխարեն, հաճախ են կանգնելով դասսնան թատերագրության և ուրիշ ժողովուրդների գրողների խոշոր երկերից, զոհաբերելով շատ ու շատ հետաքրքիր հղացումներ։ Ծարն ինչ...»¹։

Այս, թերևս չկա հայ ժամանակակից թատերագրի որևէ պիես, որը բեմադրելիս Աճեմյանը շդառնա նրա ստեղծագործական համահեղինակը։

Բեմադրողի մտքին գուգքնթաց, անվերջ գործում է նաև Աճեմյան-նկարչի միտքը։ Լինելով հիանալի նկարիչ, Աճեմյանը իր ներկայացումների նկարչական ձևավորմանը վիթխարի նշանակություն է տալիս։ Երբեմն ինքը՝ Աճեմյանն է ձևավորել իր բեմադրությունները, հանդես եկել որպես նկարիչ մի շարք թատրոններում։ Աճեմյանը ներկայացման նկարչական ձևավորման միջոցով ձգտում է բեմական այնպիսի մթնոլորտի ստեղծման, որը առավելագույնս ճշգրիտ արտահայտի ներկայացման արտաքին-պատկերային կերպարը։ Աճեմյանական լավագույն ներկայացումների նկարչական ձևավորումը ներդաշնակում է ուժինությունից գաղափարական խնդիրներին, հղացմանը համապատասխան, ունի, պապես ասած, իր դրամատուրգիան, պատկերային ուժինությունից դեր ու նշանակություն։ Դրա համոզիչ օրինակներն են այնպիսի ներկայացումների ձևավորումներ, ինչպես «Արա Գեղեցիկը»՝ աստրական կուտքերի և հայոց աստվածութու արձաններով, «Տասներկուերորդ գիշերը»՝ օթյակների տիկնիկ-հանդիսատեսներով ու «Սիլենի երթը» պանոյով, «Կրեչինսկու հարսանիքը»՝ «չորրորդ պատի» պատրանքով, «Ժայռը»՝ գլուղական ցեցի տան ելումուտերով, «Մեռնող ֆլորան»՝ հիակերողացված բուտաֆորով և այլն։ Նկարչական ձևավորման վրա աշխատելով, Աճեմյանը որոշում է ներկայացման կոնցեպցիայի պատկերային մարմնավորման որվանկարը։ Եվ այստեղ

¹ В. Папазян, «Жизнь артиста», էջ 418։

Աերկայացման կոնցեպցիայի ինտելեկտուալ ըմբռնման ընթացքը անխզելիորեն կապում է գաղափարի պատկերային մարմնավորման ընթացքի հետ, այսինքն բովանդակության ու ձևի, մտքի ու հրա կերպարի օրգանական միավորման պրոցես է տեղի ունենում: Աճեմյանը երբեք մի կողմ չի կանգնում այդ պրոցեսից, այլ ակտիվորեն ստեղծագործում է նկարչի հետ միասին, կերպավորում է ներկայացման պատկերային ռեժիսորան:

Նույնպիսի գործուն համահեղինակ է ռեժիսորը նաև դերասահի հետ աշխատելիս:

Այսպիսով, կարելի է վստահորեն պնդել, որ Աճեմյանի ստեղծագործական միտքը թափանցում է ներկայացման բոլոր բաղադրիչների, բոլոր բջիջների մեջ և տիրում, ընթացք տալիս այդ ամենին: Եվ հենց դա է պատճառը, որ Աճեմյանի ներկայացումները առավելագույն չափով ինքնուրույն են, լիովին տարբեր որիշ ռեժիսորի աշխատանքից, հոգական անկեղծ նկարագիր ունեն, որովհետև հրանց հիմքում ընկած է վառ ու անկեղծ արտահայտված ռեժիսորական միտքը: Եվ միաժամանակ Աճեմյանի արվեստի բնորոշ հատկանիշն է դարձել արտիստականությունը:

Հայ թատրոնում եղել են ու կան ռեժիսորայի իսկական վարպետներ՝ հիանալի մասնագետներ, խոր մտածողությամբ օժտված բեմադրիչներ: Սակայն Աճեմյանը այս բոլորից տարբերվում է հասողությունունակությամբ: Խառնվածքով լինելով արտիստ, նա իրապես արտիստական է ռեժիսորական աշխատանքում: Աճեմյանը գիտի հրապուրվել պատասխության և հրապուրել ներկայացման բոլոր ստեղծողներին, բոլոր իր հետ աշխատողներին: Ինքն էլ ստեղծագործում է փորձի ժամանակ այնպես, ինչպես դերասանն է ստեղծագործում բեմում: Նրա մեջ շարունակ լարված է ստեղծագործական ներլմբունությունը, որ ռեժիսորին թույլ է տալիս ոչ միայն ճիշտ ու խելանտորեն կառուցել ներկայացումը, այլև, որ ամենաբռնորդշն է Աճեմյանի համար, հորինել երևակայությամբ, արարել: Ասում են, թե ներասան ծնվում են, ռեժիսոր՝ դառնում: Աճեմյանը, հավանաբար, բացառություն է, քանի որ նա արտիստ է ռեժիսորայում, իսկ հրա լավագույն բեմադրությունները

արտիստականությամբ լի ոգեշունչ ստեղծագործություններ են: Այս ամենով հանդերձ, բարձր արտիստականությունից Աննյանի արվեստը չի դառնում թորած-զտած կամ ոճավորված մի բան: Վարդան Աննյանը ճշմարիտ ժողովրդական արվեստագետ է, որ ստեղծագործում է ժողովրդի համար, հասկանալի է ժողովրդին և օժտված է ժողովրդական մտածողությամբ: «Արվեստի ժողովրդայնությունը թատրոնի հիմքն է,— ասում է Աննյանը:— Ներկայացումը ապագա շունի այն իմաստով, ինչ իմաստով ունեն, ասենք, նկարը, ֆիլմը կամ գիրքը: Ներկայացումը միայն ներկա ունի: Ներկայացումը չի կարող հույսը դնել այն բանի վրա, թե իրեն կհասկանան մի հիսուն տարի հետո: Հիսուն տարի հետո նրա մասին կարող են գրել ավել կամ պակաս ստուգ պատմական հետազոտություններ: Ներկայացումը պետք է այսօր հասկանան հենց այն մարդիկ, ովքեր ստեղծում են այն ամենը, ինչով ապրում է մեր երկիրը՝ նրա նյութական արժեքները, նրա հոգևոր արժեքները: Եվ մենք պարտավոր ենք մեր արվեստով թափանցել յուրաքանչյուր հանդիսատեսի սիրտը»¹:

Իր ներկայացումների ոճը որոշելիս ժողովրդական: ակունքներին դիմելու պահանջը հատկանշական ու օրինաչափ է Աննյանի համար: Պատումը լինի հերոսական, ողբերգական թե կոմիկական, միևնույն է, Աննյանը բոլոր դեպքերում ուշադիր ու զգայուն է ժողովրդական սկզբանդրյութների նկատմամբ, վերցնում է այստեղից ոչ թե արտահայտման պատրաստի ձևեր, թեև այդ էլ է արել ոեժիւրը, այլ պատկերավոր մտածելակերպը, ամենաբարդ երևույթներն անգամ գեղարվեստորեն պարզ, կարճառոտ ու գունեղ արտահայտելու առանձնահատկությունը: Աննյանի արվեստի այս հատկանշական կողմը, որ մշակվել ու հաստատվել է ոեժիւրի ամբողջ ստեղծագործական կյանքի ընթացքում, ճիշտ է նկատել Վիկտոր Կոմիսարժենակին: Վկալակոչելով Վ. Նեմիրովիչ-Դանչենկոյի այն բնորոշումը, ըստ որի թատերական երկի գեղարվեստական արժեքը կախված է երեք՝ սոցիալական, կենական և թատերական մոտիվների ներդաշնակ գուգորդումից, Վ. Կոմիսար-


¹ Вардан Аджемян, Мне нравится эта традиция, «Театр», 1963, № 4.

ժևսկին նկատում է, որ Աճեմյանի աշխատանքներում պարզորոշ ի հայտ է գալիս նաև մի որիշ մոտիվ՝ ժողովրդակնությունը¹:

Այո, իր լավագույն աշխատանքներում, մասնավորապես հայ դասական երկերի բեմադրություններում, Վարդան Աճեմյանը անխօղելիորեն կապված է հարազատ ժողովրդի մշակույթի հետ, արտահայտում է ժողովրդի մտածելակերպը, հասնում է ակնապարար, նուրբ, հստակ ձևերի, որոնք բնորոշ են հայ ազգային արվեստին: Այս ամենով Վարդան Աճեմյանը կանգնում է այն ականավոր արվեստագետների շարքում, որոնք տցիալական նոր պայմաններում, ժամանակակից արվեստի նվաճումները ստեղծագործաքար սինթեզելով ազգային պատկերավոր մտածողության մոտիվների հետ, մշակել են հայ սովորական արվեստի ոճական առանձնահատկությունները:

Եթե ճարտարապետության ասպարեզում այդ խնդիրն իրագործեց Ալեքսանդր Թամանյանը, Ակարչության մեջ՝ Մարտիրոս Սարյանը, պոեզիայում՝ Եղիշե Չարենցը, կինոարվեստում՝ Համո Բեկնազարյանը, երաժշտության մեջ՝ Արամ Խաչատրյանը, դերասանական արվեստում՝ Հրաչյա Ներսիսյանը, ապա բեմադրական արվեստում այդ նույն արեց Վարդան Աճեմյանը:

1 Տե՛ս «Սովորական արվեստ», 1965, № 7—8,էջ 15:



Թ Ա Վ Ա Ն Դ Ա Կ Ո Ւ Թ Յ Ո Ւ Խ

Վանից Մուկով	3
Սեփական նկարագրի որոնումները	11
Դարաշրջանի նկարագրի որոնումները	25
Դարաշրջանը մարդու մեջ	51
Պատմությունը պատվանդանի վրա	85
Հեճանքի աշխարհում	124
Տառապանքների աշխարհում	156
Վերշարանի փոխարեն	219



ՍԱՐԻՐ ԱԼԵՔՊԵՐԻ ՌԻԶԱԵՎ

ՎԱՐԴԱՆ ԱԺԵՄՅԱՆ

Թարգմանությունը՝ ՍՈՒՐԵՆ ԽԱՉԱՏՐՅԱՆԻ
Խմբագիր՝ Լ. Հ. ՀԱԽՎԵՐԴՅԱՆ
Նկարիչ՝ Ս. Շ. ՍՏԵՓԱՆՅԱՆ
Գեղ. և տեխ. խմբագիր՝ Մ. Կ. ԳՈՐՈՅԱՆ
Վերստուգող սրբագրիչ՝ Ս. Ս. ԹԱՐԱՅԱՆ

ՎՖ 01694

Պատվեր 789

Տիրած 1.500

Հանձնված է արտադրության 7/II 1972 թ.:

ստորագրված է տպագրության 21.VIII. 1972 թ.:

բուղբ տպագրական № 1, $60 \times 84^{1/16}$, տպագրա-
կան 14,25 մամ. = 13,25 պայմ. մ ամ., հրատ. 10.2 մամ.
+ 32 ներդիր զինք՝ 1 ռ. 16 կուպ:

ԳԱԱ ՀԻՒՆԱՐԱՐ ԳԻՒՆ. ԳՐԱԴ.



220049926

